



M

2.20

63

5. L

12 30 B
18 I
L E

TABLEAU

D E L A


FORTVNE.

PAR M^R CHEVREAU.

NOUVELLE EDITION,

REVUE ET AUGMENTÉE

*de plusieurs Remarques Morales,
Politiques & Naturelles.*



A LYON,

Chez JEAN GIRIN & FRANÇOIS COMBA,
en rue Mercière à la Prudence.

M. DC. LXV.
AVEC PERMISSION.





A MONSEIGNEUR
D E

SCHOMBERG
DVC D'ALVIN,
PAIR ET MARESCHAL
DE FRANCE, COLONEL
GENERAL DES SVISSES,
& Grizons, &c.



ONSEIGNEUR,

*Dans ce Tableau, j'of-
fre à vostre GRANDEUR toute
la Nature en son désordre; des Ro-
yaumes qui bruslent d'un bout à
l'autre; des Prouinces abismées en
elles mesmes; des Villes cachées*

EPISTRE.

*sous des joncs, & sous des roseaux;
des vices recompensez, & des ver-
tus mal-heureuses; des Philoso-
phes au desespoir; des Princeſſes
sur des eschaffauts, des Roys dans
les chaisnes, & des Esclaves sur
le Throsne. Je ſçay bien qu'on me
blasmera de presenter à vostre
GRANDEVIR, vne lecture indi-
gne de sa patience & de son estime;
& qu'il me ſeroit beaucoup mieux
de luy donner le Tableau de vo-
stre vie, que celuy de la Fortune.
Mais vostre espée, MONSIE-
GNEVR, n'a pas besoin de ma
plume; & comme vous faites de
plus belles choses, qu'on n'en peut
escrire, il est de vos actions com-
me de ces beautez naturelles à qui
les*

EPISTRE.

les ornemens estrangers déroben
tousiours quelque esclat, & qui
ne peuuent rien emprunter de l'art,
sans perdre quelques vnes de leurs
graces. Il y a long-temps que la
France aduouë qu'elle vous est
obligée de la moitié de son salut;
que vostre bras a soustenu ses in-
terests, & ses esperances; que pour
se ressouuenir de son bon-heur il
faut de necessité qu'elle se ressou-
uienne de vos victoires, & qu'elle
vous doit la conqueste de la plus
importante de ses Prouinces, puis
qu'en effect, c'est l'auoir gagnée,
que de ne l'auoir pas perdue. De
quelque force, & de quelque ad-
dresse d'esprit qu'on se serue; il est
certain, MONSEIGNEUR, que

EPISTRE.

vostre courage & vostre conduite,
 seront tousiours au dessus de nos
 Eloges; que l'Histoire vous est rede-
 uable de ses matieres les plus es-
 clatantes & les plus illustres; &
 que vostre gloire tellement confon-
 duë avec la perte de nos ennemis,
 que la posterité ne manquera pas
 de trouuer vostre Panegyrique däs
 leur Epitaphe. Je ne voy pas tou-
 tesfois, MONSEIGNEVR, que
 d'un Orateur importun vous en
 faites vn temeraire, & dans l'ai-
 mable tentation où ie me trouue,
 ie ne songe pas, que c'est deshonno-
 rer en quelque sorte vostre vertu
 que de manier vn sujet qui deman-
 de plutôt mon admiration, que
 mon eloquence. Pardonnez moy,
s'il

125

EPISTRE.

*Si vous plaist, vne hardiesse qui
ne vient pas tant de mon impru-
dence que de mon zele: Le present
que ie vous fais, est vne debte, &
vous auez si hautement loüé mes
Vers, & ma prose, que ie serois in-
grat & lasche, si ie ne témoignoïs
au moins en cette rencontre, que
ie suis par toutes sortes de consi-
derations,*

MONSEIENEVR,

DE VOSTRE GRANDEVR,

Le tres-humble, & tres-obeïssant
seruiteur CHEVREAU.



AV LECTEUR.



ROSE , Eusebe , Carion,
Bocace, & Gueuare , ont
mis la main à ce Tableau:
Droüin y a touché depuis,
& ce dernier m'en a fourny l'ordonnâce,
& les premiers , vne partie des figures,
Peut-estre qu'une piece relaué ne te sera
si agreable qu'une autre, & qu'une copie
te plaira moins qu'un original: Mais,
que pouuois- ie inuéter pour toy, s'il n'y
a rié qui soit nouveau sur la terre, seló Sa-
lomó. Et si toutes sortes de cónoissances
ne sont qu'un ressouuenir, seló le maistre
de l'Academie, l'ay autant de passiõ pour
la pluspart des Anciens, qu'Alexandre
en pouuoit auoir pour Homere en parti-
culier; & quand tu ne serois pas du senti-
ment d'Alonso d'Arragon, qui disoit en
faueur de la Vieillesse, qu'il falloit tenir
ces quatre choses pour bonnes , le vin
vieux, le vieux bois, les vieux amis, &
les vieux Autheurs; ie m'asseure qu'il te
seroit difficile de preuuer au desaduan-
tage de ceux-cy, que nous pouuons mar-
cher

cher ſeulement ſans leur conduite, & faire de beaux paſſans eux, & ne pas faire de grandes traites, Dans cette opinion ie leur ay pris ce que ie te donne. Ie n'ay vole que pour t'enrichir, & ie n'ay pas conſideré ſi trauaillant à ton intereſt, ie trauaillois en meſme temps à ma gloire. I'eſpere toutefois, quelque approbation de toy, pource que i'en eſpere quelque juſtice; & ma peine au moins merite bien vn remerciement, ſi elle ne merite pas vne loüange. Quoy qu'il en ſoit, traite moy ſelon ton caprice, ou ſelon ta reconnoiſſance: Ie ſçay qu'il y a des malades, qui ne ſçauroient gouſter les meilleures viandes; qu'on trouue par tout des ignorans, ou des enuieux; & qu'il n'eſt pas ſi aisé de faire les belles choſes, que de les reprendre.

TABLE



T A B L E
DES CHAPITRES
CONTENVS EN CE LIVRE.

LIVRE PREMIER.

De la Decadence des Empires, & des
Royaumes. De la ruine des Villes, &
des Mal - heurs qui sont arriuez au
Monde par les Elemens.

Ch. 1.	D ela Fortune.	fol. 1.
	2. De la ruine du premier Empire du Monde, & de l'Empire des Assyriens,	11
3.	De l'Empire des Perses,	20
4.	De l'Empire des Grecs,	28
5.	De l'Empire des Romains,	39
6.	De l'Empire, ou du Royaume de Mexique,	48
7.	De la ruine de Carthage,	71
8.	De la ruine de Corinthe,	82
9.	De la ruine de Numance,	89
10.	De la ruine de Hierusalem,	97
11.	De la ruine de Rome,	110
12.	De la ruine de Constantinoble,	116
13.	De la ruine de plusieurs Villes.	123
Des malheurs du Mõde causẽs par les Elemens.		
14.	Des Tremblemens de Terres,	131
15.	Des Inondations & des Deluges,	141
16.	De l'Air.	152
17.	Du Feu.	159

L. I V R E.

TABLE.

LIVRE SECOND.

Des malheurs qui sont arriuez aux Roys
& aux grands par guerres.

- CH. I. **D**E Minos Roy de Candie, & de Thesee
Roy d'Athenes, 172
2. De Cræsus Roy de Lydie, & d'Oëta Roy de
Colcos, 184
3. De quelques autres Roys qui ont esté dépoüillez
de leurs Royaumes. 193
4. De Charles I. Roy d'Angleterre. 207
5. Des Roys & des Princes, qui ont esté tuez dans
les batailles; & de ceux qui ont esté traitez de
leurs ennemis avec beaucoup d'insolence & de
cruauté. 214.
6. Des Princes qui ont esté employez par leurs
ennemis à des offices honteux, & d'autres qui
en ont esté traitez indignement. 230
7. Des grands Hommes qui ont mieux aymé s'ad-
vançer la mort, que souffrir la cruauté de leurs
ennemis, ou le regret de leur infortune. 241
8. Des grandes Armées qui ont esté defaites par
les petites. 249
9. De ceux qui ont esté vaincus & tuez de leurs
ennemis. apres en auoir eu la victoire. 256
10. De ceux qui ont esté tuez par leurs Alliez,
par leurs Subiets, par leurs Gardes, & par
leurs Parens, 271

LIVRE

DES CHAPITRES.

LIVRE TROISIEME,

Des mal - heurs qui sont arrivez aux Princes, aux Courtisans, aux Auanturiers dans les Tournois, & dans les Dueils; aux Sçauans; aux Dames, & à toutes sortes de Personnes par diuerfes aduantures.

- Ch. I. **D**Es Princes qui ont esté reduits à vne pauvrete honteuse. 291
2. De ceux qui ont esté heureux. 309
3. De plusieurs Princes qui ont esté massacrez ou leur vie deuoit estre le moins en danger. 311
4. De ceux qui ont esté traitez avec beaucoup d'injustice, des Republiques qu'ils auoient nies avec beaucoup de fidelité. 320
5. De ceux qui sont morts par des aduantures estranges. 328
6. De ceux qui sont morts de ioye, ou de mort subite. 335
7. De ceux qui ont peu regné. 340
8. Des malheurs des Flateurs ou des Fautours. 344.
9. Des malheurs des Auanturiers dans les Tournois, 356
10. Des mal-heurs des Duelistes. 374
11. Des malheurs qui sont arrivez aux Sçauans. 397.
12. Des malheurs qui sont arrivez aux Dames, qui estoient considerables par leur Vertu, par leur dignitez, ou leur Naissance, 408

FIN.

LE



L E

TABLEAU

D E L A

FORTVNE.

LIVRE PREMIER.

De la Decadence des Empires &
des Royaumes, de la ruine des
Villes , & des malheurs qui
sont arriuez au monde par les
Elemens.

D E L A F O R T V N E .

C H A P I T R E I .

Es Anciens qui donnerent à la
Fortune le même pouuoir que les
Athées ont accoustumé de donner à la

A

Nature, ne pûrent se defendre de l'auoir en veneration, ils luy dédièrent des Temples, & l'adorerent comme le premier Principe de toutes les choses, & comme la cause vniuerselle du mal & du bien. C'est ainsi que leur ignorance commença leur culte; ils employèrent toute leur Morale à trouuer vne fausse Religion; de leurs plus grandes erreurs ils s'en firent de hauts mysteres, & ne pûrent enfin comprendre qu'une autre Deité que celle qu'ils croyoient aueugle, pût estre digne de leurs Sacrifices. Entre les Grecs, Vulpa fut le premier qui luy fit éleuer vne Statuë à Smyrne. Elle auoit sur la teste vn pole, & vne corne d'abondance dans la main, pour montrer qu'elle pouuoit tout au Ciel, & qu'elle faisoit tout sur la terre, qu'elle donnoit au corps celestes le bransle & le mouuement, qu'Aristote à donné depuis aux Intelligences, & que c'estoit de ses liberalitez que les hommes auoient accoustumé de s'enrichir. Ancus Martius petit fils de Numa Pompilius fut le premier des Romains qui luy fit bastir vn Temple; plusieurs imiterent depuis sa folie, pensant imiter son adoration, & chercherent
dans

dans les mines d'or, & dans les carrieres de marbre, tout ce qui pouuoit seruir à faire éclater en sa faueur leur mangnificence & leur zele. Ils firent de cette Fortune vne femme; & tantost vn homme; ils l'appellerent tantost liberalle, & tantost auare; elle eut presque autant d'habillemés qu'il y eut parmy eux d'opinions differentes: & nous lisons qu'ils ne l'eurent pas plustost représentée sous le visage d'une des Graces, qu'ils la représenterent sous le visage d'une Furie. Lors que Coriolan pour se vanger de son exil & de l'ingratitude de son pais eut amené avec les Volsques le malheur de Rome, ses ennemis qui auoient apprehendé sa colere commencerent à la ressentir; ceux d'ôt il auoit imploré la iustice inutilement, implorerent sa misericorde, & de tous ses Iuges il n'y en eut point qui ne fut bien aise de receuoir le pardõ de celuy-là mesme qu'ils auoient auparauant condamné. Les ruines de Rome, la mort de ses parens & de ses amis, & les cris de ses enfans & de sa femme, furent des objets trop foibles pour l'emouuer: il fallut employer les pleurs & l'eloquence de sa mere pour

moderer son ressentiment : & comme Coriolan , qui n'auoit pû se rendre à la raison , ne peut résister à la Nature , il leua le siège qu'il auoit mis deuant sa Ville , & fit voir sa bonté où l'on n'attendoit que sa vengeance. La ioye en fut si grande à Rome, qu'on crût en deuoir laisser des marques à ceux qui apprendroient cette auenture, & pource que les Romains s'imaginèrent qu'il estoit iuste de faire voir leur reconnoissance aussitost que leur bon-heur, ils dédièrent vn Temple à la Fortune. Elle en receut vn autre dans les mesmes iardins dont Cesar fit heritier le Peuple Romain , comme si c'eust esté par son moyen que ce grand homme se fut rendu maistre de tant de cœurs & de tant de Villes , & qu'elle eût la meilleure part à ses felicités & à ses victoires. Sylla pour bien représenter s^{on} bon-heur, disoit qu'il estoit son fils , & Seruius Tullius la reuera de telle sorte qu'il fit croire qu'elle venoit coucher toutes les nuits avec luy, & luy dédia vn Temple dans le Capitole sous le nom de Fortune l'aisnée , & vn autre sous celuy de fauorable ou d'obeissance. Icy elle estoit Fortune d'aduersité, là d'e

de la Fortune, Liure I.

d'esperance; au Mont Palatin elle estoit Fortune priuée, ailleurs est estoit vierge, & la superstition des Payens a esté si ridicule, qu'ils en firent vne Barbuë, & creurent que les jeunes gens qui la reuereroient auroient vne belle barbe, & que ceux qui en feroient quelque scrupule en auroient aussi peu que les Eunuques. Quelques vn voulant en faire le portraict moral, l'ôt peinte sans pieds & non pas sans mains & sans aïsses, & d'autres l'ont représentée de verre, pour nous montrer qu'il n'y auoit rien de plus beau, mais qu'il n'y auoit aussi rien de plus fragile.

Ce qu'on voit qu'elle élène, elle l'abat par terre,

Vne extrême rigueur suit touiours sa bonté

Elle fait la paix & la guerre,

Et montre assez estant de verre,

Qu'elle en a le defaut avecque la beauté.

Archilochus ne luy mit de flâme dans la main droite, & de l'eau dans la gauche, que pour nous faire croire par ces deux Elemens qui font presque tout le soustien de la vie, qu'elle dispoit absolument de tout ce qui nous estoit neccs-

faire, & qu'elle seule estoit digne de nos remercimens, & de nos loüanges. Pour descendre des Statuaires & des Peintres à nos Poëtes, Bocace l'a feinte avec des yeux ardans, avec vne face horrible, des cheueux pendëts sur la bouche, avec cët bras & cent mains pour faire des presens & pour les raur, pour abatre & pour élever les hommes. Les autres la font avec vn visagë riant, semblable à celuy d'une Screine, pour nous attirer & pour nous surprendre, & ne luy ont donné des cheueux que sur le deuant de la teste, pour nous apprendre à la menager. Quelques-uns luy ont donné pour soubassement vne boule, & luy ont fait tenir vne corne d'abondance d'une main, & de l'autre vn fôüet ou vne griffe, pour nous aduertir qu'elle sçauoit recompenser & punir, qu'elle donnoit & qu'elle estoit tout, & que c'estoit d'elle qu'il falloit tout esperer & tout craindre. Pausanias trouua mauuais qu'elle fût seule, il voulut l'associer avec l'Amour, & comme il auoit peut-estre leu que c'estoit par luy que le Monde auoit commencé, il crût qu'il deuoit estre gouuerné par la Fortune. Au reste l'opinion qu'il à eüe de sa puissance

puissance n'a pas esté vn sentiment particulier; Saluste & Virgile en ont fait vne Souueraine qui penetre dans tous les ordres de la Nature; & les Romains sur toutes les autres Nations, pousserent si auant leur idolatrie, qu'ils luy firent bastir iusque au nôbre de six cens Temples. On auoit coustume de mettre sa Statuë dans la Chambre de l'Empereur, & si tost qu'il estoit mort, on la portoit au Conclaue de son successeur, pour luy faire voir qu'elle estoit encore au dessus de luy, qu'elle donnoit les Sceptres & les Couronnes, qu'elle distribuoit les richesses & les dignitez, qu'elle estoit l'arbitre & la maistresse de la vie, & qu'elle iugeoit en dernier ressort de toutes les choses. Il s'en est trouué qui pour la rédre plus puissante, se sont imaginez qu'il estoit necessaire de l'enchaîner avecque la Destinée, & qu'il reüssiroient mieux dans le dessein qu'ils auoit de persuader qu'elle estoit au dessus de tous les Dieux. C'est de là que Iupiter se plaint dans Homere du meurtre commis en la personne de son fils Sarpedon dont in n'auoit sceu empescher la mort, & qu'il demande à sa fille dans Ouide,

si elle croit seule éviter le destin inévitable; & c'est sans doute sur ce fondement qu'elle estoit peinte à cheual accompagnée du Destin qui la suiivoit avec l'arc & la fleche, pour nous montrer que c'est de luy qu'elle est poursuivie. Mais puisque nous n'alleguons ces exemples que comme autant d'erreur que nous rejettons, & que nous ne les découvrons que par la mesme raison qu'on découvre les écueils pour les faire éviter aux Matelots, il est temps de passer des tenebres à la lumiere, & de l'erreur à la verité. Les Stoïques donnoient au Destin qui ramenoit tout à vn certain point, la reuolution des choses, & Democrite qui estoit vn des fameux Sectateurs d'Epicure, l'attribuoit à ce que nous appellons quelquefois cas d'auenture. Platon dit que ce remuement general est vne cause par accident dans ce qui arriue du conseil de l'homme; & son disciple Aristote nous assure que c'est vne mesme cause dans ce qui arriue pour quelque fin qui n'est point apparente, mais cachée. Afin de parler plus clairement sans m'eloigner de son opinion, ie n'entēs par ce nom de Fortune, qu'une chose

chose dont la fin n'a point esté telle dans l'intétion de celuy qui l'a fait: C'est ainsi que chaque accident est vne Fortune, tant à celuy qui trouue vn trésor caché dans sa terre quand il ne pense qu'à la cultiuer, qu'à celuy qui s'y verroit mordu d'un serpent, quoy que l'un & l'autre y rencontrent diuersement de quoy se reioiir & de quoy se plaindre. Ce n'est pas qu'il faille tirer vne consequence que tout se fasse icy bas à l'auanture: Comme vn Ancien disoit, que les roües de la Fortune auoient des yeux, il faut croire que tout ce qui arriue est vn incident contre l'attente des hommes: mais qui n'oste rien pourtant de la presciance ny de la sagesse de Dieu. Après tout, la Fortune n'est qu'une chimere c'est à nostre fantaisie qu'elle est redevable de sa puissance: Nous la faisons entrer dans les embrasemens & dans les naufrages, quoy qu'elle ne connoisse ny le feu, ny l'eau; Nous l'appellons dans le combat, & nous la bénissons apres la victoire, quoy qu'elle soit sans armes. & sans sentiment; & pour en dire ce qu'on en doit croire, c'est vne ombre dont on épouuante les esprits foibles, vn estre

sans substance, vn ouvrage de nostre idée, & vn phantome de qui nous prenons les faueurs & les disgraces. Mais puisque ie traite plus cette matiere en Historië qu'en Philosophe, & que ie me fais moins connoistre par les raisonnemens que par les exemples : il faut que i'en fasse voir les effets sans en faire voir la nature ; que ie montre que la raison n'est pas plus essentielle à l'homme que la misere, & qu'il a presque aussi-tost commencé à se plaindre qu'à parler. Pour en rendre la preuue forte, il est besoin de conduire ton esprit par certains degrez, de te faire considerer des Empires desolés, & de te faire voir des abysses où furent autrefois des Villes. Nous passerons apres des choses mortes aux choses viuantcs : Nous montrerons que les lieux esleuez ne sont que des précipices, que les plus beaux iours ont souuent de facheuses nuits, & que la vie la plus éclatante n'est pas d'ordinaire la plus heureuse. C'est par là que tu confesseras que la plus belle gloire n'est qu'un beau songe, que les chesnes sont plus sujets à la foudre que les buissons, que les malheurs sont dessus les diademes comme les

de la Fortune, Livre I. II

les espines sont parmy les roses, & que tout le bon-heur du monde n'est point vn bon-heur solide.

*Tout ce qu'on voit de plus leger,
Vn Vaisseau dedans le danger,
Vn trait alors qu'on le desserre,
Vn arbre sans cesse agité,
Vne plume dans l'air, un roseau sur la
terre,
Ont bien plus de stabilité.*

*De la ruine du premier Monde, &
de l'Empire des Assyriens.*

CHAPITRE II.

LEs premiers hommes s'abandonnerent tellement au mal, que chacune de leurs actions estoit vn meurtre, & chaque parole vn blaspheme. Ils ne se contenterent pas d'ajouter l'orgueil à l'ingratitude, ils y voulurent encore joindre l'insolence, & se servir de leur liberté comme d'un instrument propre à executer leurs passions, & à faire éclater leur puissance par leur crimes. Comme si toutes les eaux du nouveau monde

n'eussent pas esté capables d'en effacer l'horreur, & d'en oster la memoire. Dieu apres auoir conserué tout le genre humain en huit personnes, fit pleuvoir d'autres eaux l'espace de quarante iours, & ce deluge fut si grád, que les oyseaux, les animaux & les hommes perirent d'une mort commune, & toute la Terre ne fut qu'une Mer épouuantable. Ceux que Dieu auoit sauuez de ce naufrage vniuersel commencerent à seruir leur Autheur & à le craindre, sçachant bien que cette confusion generale estoit vn ouurage de sa iustice, leur vie fut belle autant qu'elle fut heureuse, & pour condamner leur diuertissemens, il eût fallu condamner la mesme innocence. Mais leur siecle, qui fut appellé le Siecle d'or, & qui auoit eu la beauté d'un Printemps, n'en eut s'il faut ainsi dire, que la durée. A mesure que ces gens crurent en nombres ils crurent aussi en malice, le repos dont ils iouïssent leur fut importun, & l'ambition fut la principale cause de leur changement & de leur perte, Nembrot, à qui l'orgueil & la dé fiance estoient deux choses naturelles, diminua d'abord la felicité de ce regne; il employa

employa des hommes à vn ouurage aussi ridicule qu'il sembloit beau, il commença la Tour de Babel pour commencer leur malheur, & la voulut éleuer iusque au Ciel pensant y porter la gloire; L'ambition suiuit de près la temerité: Belus fils de Nembrot poussé d'un desir insatiable de posséder tout, & de regner seul, enuia la Fortune de Sabatius Saga, surnommé Saturne, que Noë auoit fait Roy d'Armenie; il engagea Ninus dans son entreprise; & mit en vſage l'industrie, la force & les armes; pour l'attaquer & pour le surprendre. Le succès ne respondit pas mal à leurs esperances, Sabatius fut moins fort ou moins heureux que ses ennemis; il fut contraint de se refugier chez son grand pere Noë pour se defendre de leur tyrannie, & ce fut à sa fuite qu'il fut redevable de son salut. Quelques-vns ne tombent pas d'accord que les premieres guerres ayent commencé par ce premier Roy des Assyriens Belus, ils veulent que ce soit par Ninus son fils; & disent que celuy-cy se rendit tellement insupportable apres auoir fait bastir Ninie, qu'il entreprit la guerre cōtre ceux
de

de Babylone, & ne pût souffrir que ceux qui deuoient publier sa magnificence, ne publiassent pas aussi son courage. Il marcha donc contr'eux avec resolution de les combattre; il trouue autant de soldats qu'il y a d'habitans en Babylone, & s'estonne de leur resistance & de leur adresse, cōme si cette opiniastrété n'eut seruy qu'a réueiller son ambition & sa vaillance : il tasche d'en profiter, il se jette sur les premiers qu'il rencontre, il porte l'épouuante de tous costez, & laisse par tout des marques sanglantes de sa force & de sa colere. Les Babylonienstroublez de cette aduanture, voyans biens que leur defense estoit inutile, deuinrent lasches à mesure qu'ils deuinrent foibles; ils sortirent la nuit de leur ville, & l'abandonnerent à la marcy du vainqueur, de peur d'en éprouuer l'insolence ou la cruauté. Ninus y entra le lendemain tout glorieux de cette victoire : ses gens ny trouverent personne qui pût s'opposer à leur pillage, & tous pūrent contenter leur ambition & leur auarice : Les Assyriens par vne longue suite d'années se rendirent redoutables, & sur tout par la malice des Médes dont
ils

ils auoient faits leurs subjets: Mais comme enfin ceux-cy trouuerent leur obeissance honteuse, & qu'ils creurent estre assez puissans pour disputer de l'autorité avecque leurs Maistres; ils se mirent en estat d'vsurper ce qu'ils auoient conquis à leurs Princes, & leur osterent tout ce qu'ils leur auoient laissé prendre. Arbaces ayant sçeu que la Table de Sardanapale épuisoit toutes les finâces de l'Estat, & que sa luxure estoit encore plus grâde que son reuenue, ne pût viure sous vn Souuerain qui ne signaloit son regne que de ses débauches, & ne crût pas deuoir obeyr à celuy qui n'auoit iamais eu le pouuoir de se commander. Cét hardy Capitaine pour estre plustôt éclaircy de toutes ses doutes, le demande, le cherche, & le trouue enfin dans vne troupe de femmes; il vit qu'il en auoit pris l'habit côme il en auoit la molesse, que pour ses Conseillers il n'auoit que des concubines, & qu'il ne portoit pour toute armé qu'vne quenouïlle. Il court aussi-tost à ses cōpanons, il leur recite ce qu'il auoit veu, il leur remontre qu'ils ne doiuent point d'obeissance à celuy qui ne croyoit rien deuoir à leurs seruices; qu'ils pou-
uoient

uoient changer de condition puisqu'il auoit changé de sexe , & qu'en tout cas leur rebellion seroit toujours plus à loüer que son infamiè. Il se fait chef de party, il attire à soy tout autāt d'hommes qu'il en connoissoit de genereux, & medite avec eux la perte d'un Roy dont il ne pouuoit souffrir les vices, & dont il estimoit infinement la Couronne. Tous le suiuent, & tous promettent de l'imiter, il les presse, il les conduit, & pousse si auant ses armes & ses victoires, que Sardanapale fut contraint de se brüler avec toutes ses richesses, pour tesmoigner moins de lâcheté dans sa fin dernière, qu'il n'en auoit fait paroistre dans tout le cours de sa vie. Durant ce regne plusieurs Royaumes furent ruinez par les guerres ; celuy des Caldeens, entre les plus remarquables, par les Israëlites; celuy des Æthiopiens par les anciens Roys d'Egypte ; celuy des Troyens par les Grecs; celuy des Amazones par Hercule & par Thesée ; celuy de Colchos par Iason; celuy d'Israël & de Iuda par Nabuchodonosor; & quelques autres dont les Historiens & les Poëtes nous peuvent donner vne parfaite connoissance.

Mais

Mais puisque les plus sçauans ne comptent pas tant le regnè des Babylonniens, ny des Medes pour vne Monarchie que pour vne puissance particuliere, il est seulement necessaire de sçauoir qu'Astia-gès fut le dernier Roy de ceux-cy, & qu'il ne pût euitier iamais sa ruine de quelque industrie qu'il se pust seruir pour s'en deffendre. Celuy-cy ayant songé la nuit qu'il sortoit du ventre de sa fille, vne vigne qui faisoit ombre à toute l'Asie, manda tous ceux qui estoient en reputation de predire l'auenir, s'enquiere de la cause de ce songe; en demande explication, & ne sçait s'il le doit prendre pour vn presage de sa honte ou de sa gloire. Les Deuins luy respondent qu'infaliblement elle auroit vn fils qui le depouilleroit de son Royaume, & de qui les actions seroient beaucoup plus illustres que sa naissance. Astia-gès pour destourner la tempeste qui le menaçoit, marie sa fille à Cambyses, qui pour lors n'estoit considerable, ny par sa vertu, ny par celle de ses peres, pensant estouffer la grandeur de son courage dans la bassesse de son rang, & luy rendre son ambition impuissante par sa

sa mauuaise fortune. Pour passer de la défiance à la cruauté, il croit que cet enfant ne doit pas plustost venir au monde qu'on l'en doit oster, & qu'il doit rencontrer son cercueil aussi - tost que son berceau. Pour cet effet incontinent apres l'accouchement de sa fille, il le fait liurer à Harpagus, qui manioit la plus grande partie de ses affaires: & qui estoit le plus iudicieux de ses Conseillers, mais qui pour lors n'en fut pas le plus fidele. Celuy-cy, qui apprehendoit que la mere estant vn iour Souueraine, ne vengeast sur le subiet, le meurtre qu'elle n'eût pas osé vanger sur le Roy, ayma mieux estre rebelle que meurtrier, & se conseruer par vne ruse, que se hazarder par vn crime. Il fit donc eleuer secrettement ce jeune enfant nommé Cyrus chez vn Berger qui le nourrit avec vn soin extraordinaire, & qui pour n'estre pas moins pitoyable qu'une chiéne qui l'alaitta lors qu'il fut abandonné de tout le monde, fit par charité ce qu'un autre eût fait peut-estre par interest, & luy seruit pour vn temps de pere & de gouuerneur. Astiagés ce pendant aduertý de la trahison d'Harpagus, prit son fils, commanda qu'on l'égorgeast

gorgeast en sa presence, & le contraignit de le manger, c'est à dire de manger sa chair, & de boire le sang qui estoit autrefois sorty de ses veines. Harpagus, à qui l'horreur de cette actiõ n'auoit point changé le visage en apparence, changea tout à fait d'humeur; du regret il tomba dans la vengeance, & se seruir si bien de l'occasion, qu'il découurit tout le secret à Cyrus, qui pour lors estoit chez les Perses; l'instruisit de la défiance & de la cruauté d'Astiagés, & luy representa la Royauté si belle, si facile, & si glorieuse, que Cyrus resolut enfin de se perdre ou de s'agrandir. Voyant donc que le Thrône n'auoit point tant de degrez qu'il n'y pût aisément monter, il leue vne puissante armée, liure bataille, & la gaigne, prend Astiagés, & le dépouille de son Royaume, & se rend si redoutable & si absolu parmy les Medes, qu'il se rend enfin le maistre du premier Empire du monde. Voilà sans doute vn Tableau où la Fortune fait bien voir que les mesmes degrez qui nous seruent à monter, nous seruent aussi à descendre : Elle chasse du Thrône vn Roy legitime pour y eleuer vn ambitieux; elle defend vn enfant contre

contre vn Prince de q^{ui} la volonté seule semble borner la puissance, & fait enfin confesser que le commandement & la seruitude ne sont pas quelquefois plus esloignez l'un de l'autre, que la douleur & la volupté. C'est icy que finit le regne des Medes par la genereuse ambition d'un seul homme; Mais il faut montrer, que tous les Empires ont cōme les iours leur soir aussi-bien que leur matin, & que les plus beaux commēcemens n'ont pas tousiours les plus beaux succez.

De l'Empire des Perses.

CHAPITRE III.

TAnt que les Empires son fleurissans, & qu'ils subsistent de leurs propres forces, ils affoiblissent ceux qui se sont fais tributaires, ils deuiennent les Maistres de ceux dont ils se fussent contentez d'estre auparauant les alliez, & ne sont pas moins que le feu, qui consume tout ce qui luy a seruy de matiere. Mais si cete mesme vigueur dont ils faisoient leur seureté, commēce

à leur defaillir, on les ruine par la meſme maxime qu'ils ont ruiné les autres; leur foibleſſe eſt le principe de leur confuſion & de leur deſordre, & c'eſt tout ce qu'ils peuuent faire que d'employer à ſe defendre les meſmes armes qu'ils auoient accouſtumé d'employer à s'agrandir. Les accroiſſemens & les vnions des Prouinces ſont les premieres ſemences des guerres, dit Bacon, & ſi toſt qu'un Eſtat deuient trop puiſſant & trop eſtendu, on peut dire qu'il en eſt comme d'un grand fleuue, qui n'eſt iamais ſans quelque debordement remarquables. Les Perſes, qui ſous le regne de Cyrus, de Cambyſes, de Darius & d'Artaxerxes, auoient deſtruit les Royaumes de Lydie, de Babylone, de Syrie, de Iudée, d'Arabie, d'Egypte, de Phrygie, & de Grece, auoient en meſme temps porté chez tous leurs voiſins la terreur ou l'obeyſſance, ils n'auoient plus que des ennemis ſecrets, ou des ennemis puiſſans; mais il reconnurent enfin à leur honte que tous les Empires auoient leurs bornes auſſi bien que leur eſtendue: & que le temps venoit à bout de toutes les choſes. Alexandre fut élu Roy de Macedonie, la



la même année que Darius fils d'Artame quatorzième Roy des Perles auoit esté esleu Empereur d'Asie, & comme si vn seul Royaume n'eût pû suffire à l'ambition de ce jeune Prince, il voulut faire voir d'abord qu'il pouuoit excuter tout ce qu'il pouuoit entreprendre; qu'il deuoit estre le maistre de ceux dont il n'estoit que le riuai, & qu'on n'auroit pas mauuaise grace à compter pour vne même chose, ses entreprises & ses conquestes. En effect après auoir eu quelques aduantages sur les Grecs, il s'en vint à Thebes qu'il desiroit conseruer; mais comme il sceut que les habitans auoient appellé contre luy tous leurs amis & tous leurs Dieux, & qu'ils ne le traittoient que de tyran, sa patience se conuertit en fureur, il la prit d'assaut, il y fit tout perir par le fer & par le feu, & ne fit qu'un grád desert d'une des plus belles Villes du monde. Il signala son ambition par d'autres exploits qui n'estoient pas moins considerables; & pour ce qu'il croyoit que la Terre ne deuoit auoir qu'un Roy, comme le Ciel n'auoit qu'un Soleil, il s'en alla depuis en Asie avec vne armée qui ne voyoit point de dan-

ger où elle voyoit du butin , & qui ne demandoit qu'à combattre, pour ce qu'elle ne demandoit qu'à s'enrichir. Alexandre connoissant l'ardeur de tous ses foldats, se sert d'une si belle occasion, il attaque les Perles , prend sur eux Sardes, Millette, & Tyr, & regardant moins le nombre de ses ennemis que sa propre gloire , liure bataille à Darius, & la gagne. Celuy-cy ne prend pas tant cet accident pour une perte signalée, que pour une simple disgrâce , il tente un second effort pour estouffer la memoire des conquestes d'Alexandre dans la mort & dans celle de tous ses gens ; remontre aux siens qu'ils doiuent s'employer à defendre leur vie & leur liberté, les anime à la vengeance de leurs compagnons, & leur persuade que les Macedoniens combattent moins par generosité que par desespoir, & que leurs terres doiuent moins estre leurs heritages que leurs cymetieres. Ces remonstrances qui ne furent pas sans chaleur , ne laisserent pas d'estre sans fruit, la seconde bataille luy fut aussi funeste que la premiere , & rien ne luy fut resté pour lors , s'il eût perdu le courage ou l'esperance. Il ne changea donc point de

de deſſein pour auoir changé de condition, il regarda ſa deſaite avec le meſme viſage queſ'il eût regardé ſa victoire, il crut deuoir profiter de ſon malheur au lieu de ſ'en affliger, & iamais Roy ne fut plus Philoſophe en ſa mauuiſe Fortune. Ce n'eſt pas qu'il fuſt inſenſible, & qu'il ne vit les chaines qu'on luy forgeoit avec quelque ſorte d'horreur; mais il ſ'attandoit touſiours de les rompre, & ſ'imaginoit qu'il ſeroit encore à redouter, quoy qu'il fut à plaindre. Alexandre pour le vaincre parla cortoiſie auſſi bien que par les armes, le ſollicite de ſe rédre, luy promet ſon amitié pourueu qu'il le traite de maistre & non pas d'égal, & luy fait dire que c'eſt à cette condition ſeule qu'il ceſſera d'eſtre malheureux, & que ſa ſœur & ſes filles doiuent ceſſer d'eſtre Eſclaves, Darius luy refuſe cét aduantage; la miſere luy paroît plus belle que l'obeyſſance, il ayme beaucoup mieux ceder à la neceſſité qu'aux offres d'un uſurpateur, & remet à ſa deſtinée plûtost qu'à ſon ennemy le choix de ſa perte & de ſon ſalut. Alexandre à cette nouuelle ne luy donne ny le temps de ſe reconnoiſtre, ny le temps de ſe defendre, il

remonſtre

remontre à les Soldats, que ceux qu'ils alloient combattre estoient ceux-la mesmes qu'ils auoient n'agueres. vinctus, qu'il ne sont deuenus ny plus forts, ny plus puissans par leur déroute, & que ce n'estoit pas la beauté des armes, mais la vertu qui faisoit toutes les victoires. D'as cette croyance les Macedoniens chargerent les Persés; entre ceux-cy quelques-uns commencerent à fuir, quoy qu'à l'abord ils se proposassent plustost la mort, que la fuite, & les autres n'en firent pas moins à leur exemple. Comme Alexandre les poursuiuoit vn Asiaticque, rencontra Darius dans vne litiere, tout persé de coups, qui l'ayant reconnu à son langage & à son habit, luy commanda de l'ecouter, & de luy rendre pour la derniere fois vne obeïssance. Va, dit-il, trouuer Alexandre, dis-luy de ma part que ie meur son redeuable puis qu'il a donné la liberté à ma mere & à mes enfans, & que mes proches, qui tenoient de moy leur grandeur & leur prouinces, m'ont osté la vie; qu'il ma traitté plustost en Roy qu'en Tyran, & qu'il n'a pas tant esté mon ennemy que mon bié-facteur, la mort ne m'a pas osté le sentiment de

ses bôtez; si ma voix est assez forte pour se faire entendre des Dieux, ie les prie de faire son Empire de toute la terre, de le rendre encor plus grand qu'il n'est genereux; & pour toute grace ie ne luy demande qu'une Sepulture. Ce furent là les dernieres paroles de Darius; & comme Alexandre eut appris cette nouvelle, & qu'il le vit mort, il plura son malheur avec de veritables larmes, il fut triste de sa victoire, & le fit ensevelir avec une pompe plus digne d'un triomphe que de fenerailles. Quelques-uns disent qu'Alexandre le vit mourir, & que Darius eut cette satisfaction d'entendre ces paroles d'Alexandre. O trop magnanime & trop genereux Darius, j'aduouë que celuy-là mesme qui a fait ta mauuaise Fortune commence à la plaindre, & que tu as porté l'amour d'un frere dans le cœur de ton ennemy. J'auray sans doute plus de pitié pour tes filles & pour ta mere, que tes parens n'en ont eu pour toy: elle se loueront de ma clemence si elles se pleignent de mes armes; & comme ie ne puis faire autre chose pour le present, sçache au moins que ie partage ta douleur, puis que ie ne
puis

puis partager tes playes. Quoy qu'il en soit, ce fut par là qu'Alexandre conquist l'Empire des Perses, & pource que le bon-heur n'est iamais dans la défiance, & que ceux qui sont heureux n'apprehendent rien, il poussa plus loin ses conquestes, & s'empara de toute l'Asie. Qui pourroit croire qu'un Roy de Macedoine en eut ruiné si-tost un qui commandoit à vingt-sept Prouinces, sans celles qu'il s'estoit fait tributaires? que cent quatre-vingts-quatre vaisseaux eussent dépeuplé toutes les Mers de Pyrates & des Conquerans; & que trente-six mil cinq cens hommes eussent âcreu tellement un petit Royaume, que ses bornes n'en eussent point d'autres que celles du monde? C'est pourtant vne verité publique, c'est le sentiment de tous les peuples qu'Alexandre fit tout de peu, qu'il s'éleva par vne ambition genereuse iusques où iamais homme ne pût atteindre, & qu'il ne resta presque plus de terres à conquerir que celles qui luy pouuoient estre inconnues. Cependant comme la mesme terre produit les poissons & les alimés, il se trouue que la même Fortune qui auoit fait la gloire des Grecs, fit aussi

leur honte ; que leur Empire dans tous ses priuileges n'en eut point de particulier pour sa durée, & qu'il ne fut pas plus remarquable par son accroissement que par sa ruine.

De l'Empire des Grecs.

CHAPITRE IV.

SI tost qu'Alexandre eut veu qu'il n'auoit plus besoin que d'entrer dans Babylone pour couronner ses exploits & son bon-heur, & que c'estoit dans cette Ville qu'il deuoit se rejouyr de la prise de toutes les autres, il se proposa d'y faire quelque sejour pour y gouster vn parfait repos apres tant de peines, & pour iuger qui des deux estoit le plus doux, ou du calme, ou de la tempeste. Les predictions de certains Mages s'opposerent d'abord à son dessein, ils luy remontrèrent que les Astres auoit là pour luy de mauuais aspects, & qu'ils y acheueroit plustost sa vie que les entreprises. C'est ce qui fut cause qu'il n'eut plus alors de pensée pour Babylone, & qu'il

qu'il regarda Byrsie, qui estoit au delà de l'Euphrate, & dont on auoit fait autre fois vn agreable desert. Dans cette vieille solitude, Alexandre eut quelque conference avec le Philosophe Anaxarcus, & luy demanda si les opinions des Astrologues n'estoient point des effets de leur ignorance ou de leur malice Anaxarcus luy respondit, qu'il y auoit certaines fatalitez contre qui la prudence ne deuoit iamais combattre, que la preuoyance n'emportoit rien sur la destinée, & qu'il n'estoit pas en la puissance de l'humanité de les euitier, ny en celle des iudiciaires de les decouurir. Il luy persuada que cette sciēce estoit aussi peu certaine qu'elle estoit vtile, qu'elle ne deuoit pas occuper l'esprit mais le diuertir: & que c'estoit par son moyen qu'on auoit commencé à mettre en credit l'imposture & le mensonge. Alexandre crust aussi-tost que les plus grandes connoissances des Mages n'estoient que des doutes, il s'imagina que c'estoit chercher la lumiere dans les tenebres que de chercher la verité dans leur bouche ou dans leur escrits, & que c'estoit se trôper soy-mesme que de les croire. Il ne fut pas plustost

preuenu de certe opinion qu'il prit le chemin de Babylone, & quoy qu'il eût perdu la memoire de ses premieres débauches, il en voulut pourtant reprendre l'usage, & s'éprouuer encor contre le vin, c'est à dire contre le plus grand ennemy de sa gloire & de sa raison. Là tous ses repas furent des excez, on n'y beut pas tant pour la soif que pour la fureur, & ce grand Cōquerant y fit sa felicité de la ruine de son repos & de sa vie. Quelques-vns de ceux qui croyoiēt luy estre suspect s trouuerent cette occasion trop belle pour la perdre, & s'en serai-
rent aduantageusement, sans considerer s'il ne leur seroit point honteux de faire leur seureté par vn crime. Antipater entre autres, qui se desfereroit de la puissance d'Alexandre, & qui ne le regardoit iamais sans trembler, n'occupa plus son esprit qu'à luy dresser des embusches, & ménagea son dessein avecque tāt de prudence & avec tant d'industrie, que ceux qui deuoient estre les premiers à secourir Alexandre, furent les premiers à le ruiner. Il n'eût pas plūst auallé la moitié du vin qui luy fut donné par son Eschanson, qu'il fut contraint de sortir de
table,

table, & le mal qu'il ressentit fut si violent; qu'il fut long - temps resolu d'en chercher le remede au bout d'une espée, s'il n'en eût point esté empeché par ceux de sa suite. Ceux qui connoissoient l'humeur d'Alexandre ne s'en mirent pas beaucoup en peine, pource qu'ils s'imaginèrent que son incontinance auoit fait tout ce desordre, qu'il auoit ses foiblesses aussi-bien que les autres hommes, & que sa santé reuiendrait sans doute avecque le iour. En effet on comptoit l'yron-gnerie entre ses vices, & si les histoires sont veritables, il y prenoit vn tel plaisir qu'il ordonnoit vn prix à ceux qui resistoient le plus puissamment au vin; & luy-mesme y passoit des nuits entieres; Quoy qu'il en soit, six iour apres il redit l'ame dans les tourmens: mais il ne montra pas moins de courage contre la mort que contre les Nations qu'il auoit assuietties. Sa constance fut égale à sa douleur, & iamais il ne fit plus d'actions Royales que dans les derniers momens de sa vie. Sa perte fut en mesme temps celle de cette puissante Monarchie, elle fut diuisée en quatre; & si Alexandre employa toutes ses forces à l'agrandir, ses

ſucceſſeurs employèrent toutes leurs armes à la ruiner: Caſſander fils d'Antipater eut la Macedoine, la Grece, & tout ce qui eſtoit en Europe. Ptolemée fit ſon Royaume de l'Egypte; Seleucus eut la Syrie en partage, & Antigonus tout le reſte de l'Asie: Mais comme les Roys ne veulent point de compagnons, & que ceux-cy crurent auoir aſſez de courage & de bon-heur pour ſe faire des ſujets de leur voiſins, ils ſe firent auſſi la guerre, & chacun en particulier recomman-
da ſes deſſeins aux Dieux & à la Fortune: L'ambition de Seleucus fut la plus heureuſe, il vſurpa ce qu'Antigonus pou-
uoit poſſeder alors en Aſie, le déſita avec tous ſes gens, & fit mourir Demetrius ſon fils en priſon, apres s'eſtre fait crain-
dre dans les Indes de tous ceux dont il n'auoit peu ſe faire aimer: Il ne reſta donc plus que trois Principautez, qui furent
en diuers temps affoiblies par quelques Conſuls Romains, & qui furent enfin
deſtruites par le bon-heur de Sylla, par la vaillance de Luculle, & par le coura-
ge de Pompée, Mitridate Roy du Pont, à qui les trois membres de ce grand Em-
pire donnoient de l'admiration & de
l'enuie,

l'envie, ne les regardoit pas autrement qu'un bien dont il pouvoit faire son propre; & cōme il ne pretendoit pas moins que la conquēte de l'Asie, il prit la Bythimie pour s'y faire plus aisément un passage, & n'eut pour raison de cette guerre que sa volonté. La prise de ce Royaume épouuanta presque tous les autres; tout ce qui luy sembla beau luy parut facile, & la terreur de l'Asie luy sceut ouurir le chemin de l'Europe si heureusement, que par le moyen de ses Lieutenans Archelaus & Neoptoleme, il se rendit maistre des Cyclades, de Dele, de Negrepont & d'Athenes. Il fut tellement enflé de tous ces succez qu'il s'en alla presque iusques aux portes de Rome: Mais Lucius Sylla repoussa la violence par la violence, le chassa de l'Italie, prit Athenes d'une mesme suite, fit sortir les garnisons de Mithridate de la Beotie & de Negrepont, le defit près de Cheronée & près d'Orchomene en deux batailles, & ne luy eust pas seulement laissé l'esperance, s'il n'eust mieux aimé precipiter son triomphe que s'asseurer de la victoire. C'est ce qui força Mithridate de traiter avecque luy, & de

rendre l'Asie aux Romains , apres auoir esté contraint de restituer la Cappadoce au Roy Ariobarzane , & la Bithynie à Nicomede. Cependant Mithridate resolut en son ame de commander en Asie ou d'y mourir, y retourne avec de nouvelles troupes, assiege Cyzique , qui estoit aussi belle & aussi riche par ses hautes tours de marbre, quelle estoit forte par son port & par ses remparts : & l'eut prise sans doute si outre les ennemis qu'il auoit à vaincre, il n'eust point deu combattre encor contre la famine & contre la peste. Il n'eust pas plustost leué le siege, que Luculle poursuiuit le reste de son armée, dont il fit vn tel carnage, que le sang des Soldats fit changer quelque temps de couleur aux fleuves de Lazzare & d'Æsope, & lût entièrement ruinée si les gens eussent aussi bien escouté leur gloire que leur auarice. Mithridate trouua moyen de se sauuer avec ceux que les Romains n'auoient pas voulu poursuivre : mais ses Vaisseaux furent si rudement battus des vents & des flots, qu'il mit alors sa vie au nombre de ses autres pertes; & si elle dura plus que la tempeste, il receut cette grace comme vn bien auquel il croyoit

estre necessairement obligé de renoncer. Ce danger, qui eût esbranlé le courage le plus ferme, n'esbranla point sa resolution; il eut le mesme visage dans ses pertes & dans ses desseins, & iamaïs la constance & l'ambition ne l'abandonnerent. Comme s'il eût voulu braver en mesme temps l'orgueil des Romains & la puissance de la Fortune, il engage dans son party les Iberiens, les Caspiens, les Epirotes & ceux la haute & de la basse Armenie; Avec vne puissante armée il releue ses esperances, & se persuade qu'il doit sacrifier à l'avengance ceux qui le voloient sacrifier à leur gloire. Auparauāt que ses forces fussent vnies, Pompée pour le preuenir fit faire vn pont de Nauire sur lequel il passa l'Euphrate, le poursuivit, l'attaqua sans écouter ceux qui luy conseilloyent le contraire, & par vne ruse merueilleuse, ou par vn bon-heur incroyable, acheua de le ruiner dans vne seule bataille. Cette rencontre arriva de nuict, & la Lune fauorisa l'ardeur & le dessein de Pompée, pour ce qu'elle estoit alors derriere ses ennemis, & quelle se mōtroit en face aux Romains; de sorte que ceux de Mithri-

date trompez par leurs ombres qui paroissent extrêmement grandes, les prenoient pour leur aduersaires, & les chargeoient de coups inutiles, cependant que les autres tiroient leur vie & leur sang de leurs entrailles. Ce dernier malheur seruit de nouvelle amorce à sa vertu, il se mit en estat de ressusciter ses esperances; qui sembloient estre desia mortes, & de témoigner que les grands hommes sont quelquefois dignes d'admiration, au point même qu'ils sont dignes de pitié. Pour en rendre vne preuue plus signalée, en fuyant il épouuanta tous ceux des riuages de Sicile, tascha de faire aller le Bosphore iusque à Colchos, à dessein de passer par la Thrace, par la Macedoine, & par la Grece, & de se jeter dedans l'Italie pour y surprendre les Romains: mais la rebellion de ceux du Pont, & l'ingratitude de son fils Pharnace, confondirent tous ses projets, & celuy qui croyoit estre inuincible fut contraint de se rendre au desespoir. Enfin Mithridate, qui auoit supporté plus constamment sa mauuaise destinée que le mauuais naturel de son fils; essaya par le fer ce qu'il auoit essayé vainement par le poison, & s'enfonça

s'enfonça l'espée dans le corps, pour montrer qu'il mouroit malheureux veritablement, mais qu'à tout le moins il mouroit libre. Cét accident, qui fut la honte de Mithridate, fut la perte de tous les vsurpateurs: Pompée fit seruir la ruine des vns & des autres aux derniers fondemens de Rome, & l'enrichit du debris de leur naufrage. En effet, ce grand Capitaine, qui remit l'Espagne en l'obeyssance des Romains, vainquit deux fois Mithridate, & trois fois Tigranes; dompta Herodes Roy d'Albanie, & le Roy des Iberiens Artaxés. Il conquist avec leurs Royaumes la Syrie & la Phœnicie, surmonta les Ituriens, les Arabes, les Iuifs, & six autres Nations voisines; défit iusques au nombre de ving-deux Roys, prit mil six cens trente-huict Villes, & n'employa tous les momens de sa vie qu'à faire des subjets, ou des malheureux, des ennemis de la Republique. Aussi vint-il dans vne saison assez glorieuse pour luy; si Leosthenes a bien rencontré quand il a dit, qu'il estoit de la puissance vacabonde d'Alexandre apres sa mort, ce qui estoit de Polipheme apres son aueuglement, qu'il tastoit de la
main

main sans ſçauoir où il deuoit aller ; & que tous ſes Pais ne furent pas pluſtoſt partagez qu'ils furent perdus. Enfin, il n'eſt rien de ſtable ny de certain dans le Monde; les Thrônes les mieux affermis tombent auſſi-bien que ceux qui ſe renuerſent d'eux meſmes ; les plus grands Empires ſont ſujet à la reuolution des choſes comme les moindres; & la vie des Geans n'eſt pas quelquefois plus longue ny plus aſſeurée que celle des Nains. Quelque effort & quelque induſtrie que nous puiſſionſemployer à nous conſeruer ce qui nous eſt vne fois acquis, nous pouuons dire que la fortune, qui n'eſt pas la maiſtreſſe de nos volôtez, ne laiſſe pas de l'eſtre de nos aduantures, & que Ceſar ne parut iamais plus vain, que quand il volut faire croire qu'il portoit la Fortune avec luy, puis que c'eſt elle qui fait abſolument les changemens de nos conditions & de nos mœurs.

Io ſon d'altro poder che tu non credi,

E ſo far lieti è trifti en un momento;

Piu leggiera che vento

E reggo, e voluo, quanto al mondo vedi,

quod eſt, tot id eſt, quod non eſt, quod non eſt, quod non eſt

De

De

De l'Empire des Romains.

CHAPITRE V.

BAcon, qui considere l'Estat comme vn homme, dit que les Lettres ont son enfance, qu'il employe sa ieunesse aux armes, qu'en vn âge plus auancé les deux ont accoustumé de s'etretenir ensemble, & qu'en sa vieillesse il n'affecte que les mechaniques. Mais puis qu'il m'est permis de n'estre pas de l'opinion de tous les hommes, ie ne me contraindray point à le croire, & ie feray voir en peu de mots que les Lettres n'ont point fait le premier establicement de cét Empire, & qu'il s'est plustost perdu par l'oisuete que par le cōmerce. Cōme les fleuves ne sont bien souuent en leur source que les ruisseaux de quelque fōtaine, ces Peuples, dont tous les autres furent les Sujets ou les Esclaves, n'estoient en leur origine qu'une troupe de Bergers, qui n'en auoient pas pourtant la simplicité pour en auoir les habits, & qui tesmoignerent assez depuis par leur ambitio & par

par leur adresse , qu'il n'estoit point de difficultez que le courage ne surmonte quand il est conduit vne fois par la prudence. Romulus, qui fut le premier fondateur de Rome, trouua moyen d'attirer à son party les Phrygiens, qui s'estoient attachez à la Fortune d'Ænée, & les Arcadiens qui auoient suiuy celle d'Euan-dre : mais pource que les femmes leur manquoient, & qu'en cét estat ils ne pouuoient pas durer fort long-temps, ils regardarent les filles de leurs voisins comme leur maistresses, & n'ayant pû les acquerir par leurs soumissions, ils les possederent par la force & par l'industrie. Numa Pompilius, à qui la Religion & la pieté furent plus agreables que la violence & le carnage, fut successeur de Romulus, & celuy qui vint apres, & qui se mit plus en peine de faire éclater sa generosité que son zele, fit voir aux Romains par experience & par preceptes, qu'on ne combatoit point avec danger, quand on combatoit avec artifice. Ils furent depuis heureux, & dans le choix de leurs guerres & dans celuy de leurs Souuerains : ils firent sous eux de grands projets & de grands exploits; ils eurent

eurent de la hardiesse & du bon-heur tout ensemble, & leur armes leurs rapporterent beaucoup de profit & beaucoup de gloire. Ce Peuple, dans son premier âge, qui fut sous les Roys, & qui dura prés de deux cens cinquante ans, fit beaucoup & promit encore dauantage ; Il se mit en deuoir d'accabler ceux qui croyoient qu'il estoit assez empesché à se soustenir : mais comme sa foiblesse ne luy permettoit pas aussi d'aller bien loin, il sceut proportionner son ambition à sa puissance, & mesurer ses entreprises à ses forces. Dépuis le Consulat de Brutus & de Colatin iusques à celuy d'Appius Claudius, & de Quintus Fuluius, qui fut de deux cens ans, & qu'on peut nommer l'Adolescence de l'Empire, il regula ses frontieres, il assujetit la plupart des ennemis qu'il ne croyoit qu'affoiblir, & se fit de toute l'Italie vn beau Pais de conqueste. Depuis cet âge iusques à celuy de Cesar Auguste il y eut deux cens cinquante ans, & pource que l'Estat parut lors dans sa vigueur, on peut l'appelle fra ieunesse, puis que ses felicitez ne lny laisserent pas de quoy faire le moindre souhait, que toute la Terre fut

fut la matiere & le prix de ses victoires, & qu'il ne luy resta plus à conquerir que les espaces imaginaires. Depuis Cesar Auguste iusques à Seuerus on peut compter près de deux cens ans, & là ce doit estre le cōmencement de sa vieillesse, pource qu'il se sentit foible & languissant, & que la durées de ces deux siecles ne seruit pas tant à sa consideration qu'à sa ruine. Mais outre sa derniere perte, qu'on peut regarder sans estonnement, est-il possible qu'on puisse considerer sans pitié ses premieres playes? Qu'il ait trouué des appas dans ses disgraces, & qu'il ait fait son supplice de son repos & de sa grandeur? La gloire qu'il acquit dans les riches Prouinces des Gaules, dans la Thrace, dans la Cilicie, dans la Cappadoce, dans l'Armenie, & dans l'Angleterre, n'a pas esté si grande que la honte qu'il a eue d'auoir combattu cōtre des alliez, cōtre des Esclaues, cōtre des Gladiateurs, & cōtre luy-mesme. En effet, que ne vit-on point du temps des Grecs? Que ne souffrit-il point dans cette coniuration generale, où les Tosćans luy demandoient le droict de Bourgeoisie, qui leur auoit esté promis

par

par Drusus? Quel affront ne receut-il pas dans les guerres qu'il eut contre des Esclaues & contre des gens d'escrime? Et quelle quantité de sang ne perdit-il point par l'ambition de Marius & de Sylla? C'estoit peu que ce dernier eût fait mourir à Sacriport & à la porte Colline soixante mille hommes durant la guerre; qu'au milieu de la paix il eut fait esgorger dans le Cham de Mars, quatre mille Citoyens, qui auoient rendu les armes, & qu'entre tât de personnes qu'il commanda, il s'en trouuaist deux mille qu'il auoit choisies comme la fleur du Senat & des Cheualiers, si la cruauté n'eut point esté trop ingenieuse, & si on n'eût point estudié avec tant de curiosité l'art de faire languir long-temps les hommes. Il n'y a point d'inhumanité qui ne fut mise alors en vsage, ny de sacrilege qui restast sans recópense. Comme ils auoient diuersement partagé les inclinations des vns & des autres, les amis en leur faueur combattoient contre leurs amis, les freres l'espée à la main disputoient du courage & de l'autorité avec les freres, & le fils n'eut pas esté considéré de ses compagnons, ou de ses chefs, s'il ne se fût signalé par vn par-

ricide. La fin de ce carnage ne fut pas la fin de ses maux: Catilina suscita de nouveaux troubles quelques temps apres, & sans les armes d'Antoine, & l'industrie de Ciceron, qui tous deux empescherēt l'exécrable attentat qu'il auoit medité contre sa patrie, il est certain quil n'eut iamais plus veritablement parlé, que quand il dit qu'il esteindroit l'embrasement de Rome des ruines de la Ville. Mais quels maux n'a point souffert ce pauvre Peuple, & quels dangers n'a-il pas courus dans les liguees de Cesar & de Pompée? Quelles familles on pût se cōseruer entieres dans leur factions? Et quels arrests ont pû estre maintenus dās leurs défiāces? Ne se fit-on pas vne querelle legitime de leurs soupçons, vne iustice de la violence, & vne loy de leur volonté, quoy que ce ne fut ny pour defendre leurs murailles ny leurs Temples: mais seulement pource que Cesar estoit trop riche, & que Pompée estoit trop puissant; que celuy-la ne vouloit point de compagnon, & que l'autre ne pouuoit souffrir de matīre? Ce fut pourtāt par cēte diuision que les Romains achepterēt la liberte de tous les Peuples; tout le mō-

de fut leur pais, & leur puissance qui n'estoit égalé que par leur orgueil fut si grâde, qu'ils ont fait souuent porter des fers à qui auoit autre fois porté le Sceptre & le Diademe. Ce bon-heur ne fut portant pas durable; comme les vices des Princes s'ont d'ordinaire les malheurs de leurs Sujets, il se treuve que la moleste & la cruauté des successeurs d'Auguste les a fait passer pour des fêmes ou pour des monstres, & qu'ils se sont fait haïr ou mépriser par tout où ils se sont faits connoistre. Cette indifférence & cette haine commencerent donc les reuoltes dans les Prouinces éloignées; les Parthes & les Perses, furent les premiers qui secouèrent leur joug en Orient; en Occident les Goulois les imiterēt, & du costé de Septentrion les Gots & les Vandales; ne se contenterent pas seulement de s'estre faits libres, mais ils allerent encore iusque dans Rome pour se faire Souuerains, & montrerent bien que ceux qui dorment sur les Thrones, ne meritoient pas d'y commander. La dernière diuision qui se fit de ce grand Empire fut entre Charlemagne Roy de Frâce, & Hirene Imperatrice de Constantinople;

&

& quoy que Rome eût esté pris en diuers temps par Athalaric Roy des Gots, par Genéric Roy des Vandales, & par Allemans sous la conduite d'Odoacer, cette Ville ne fut pourtant iamais plus proche de sa ruine, que quand Totilla en regardoit les cendres avec le mesme plaisir que Neron en auoit regardé l'embrasement à trauers vne émeraude. Mais qu'elle merueille de voir perir vn Estat où les armes & les lettres sont en mepris, où la paresse & la volupté sont en credit, & dans lequel le vice reçoit les mesmes loüanges & les mesmes récompenses que la vertu? Depuis Auguste, Trajã fut le premier qui remua les bras pour la Republique; il reconquit sur les Parthes la Prouince qu'ils auoient enleuée aux Romains; il osta la Couronne & le Royaume à celuy qui leur auoit vsuré la grande Armenie; il remit ceux de Russie, du Bosphore & de Colchos dans leur deuoir; il enuahit les Cantons des Sarrazins & des Arabes, assujettit les Marcomedes & les Corduenies, & se rendit maistre d'Artemusie, la meilleure & la plus importante Prouince de toute la Perse. Outre les Villes de Seleucie, de
Cthesi

Ctesiphonte , & de Babylone qu'il prit, il fit marcher son armée iusque sur les frontieres des Indes , il équipa vne flote sur la mer rouge, & fit tant par le moyen de plusieurs canaux, que ce qu'il est entre le Tibre & l'Euphrate, fut rendu fertile comme l'Egypte. Ceux qui luy succederent, n'eurent ny son ambition , ny son courage; peur auoir la mesme dignité, ils n'eurent pas tous la mesme gloire, leurs geuuernemens furent aussi differents que leurs humeurs, & tous presque ne se rendirent considerables que par leur lacheté, par leur tyrânie, ou par leur malheur. Ainsi le temps n'eut pas plustost separé leurs force qu'il les rompit , les vns perdirent les Royaumes comme les autres les auoient conquis, & chaque Prince entra dans les Estats dont il auoit esté depouille. Mais pource que le malheur de celuy-cy dépend en quelque façon de celuy de Rome, nous en ferons tantost vn Chapitre particulier, où nous verrons que la Fortune vsurpe aussi bien sur les Empires que sur les Empereurs, & sur les Villes que sur les hommes.

*De l'Empire, ou du Royaume
de Mexique.*

CHAPITRE V.

IL y a des Royaumes bien fondez & bien conduits dans l'Inde Orientale, comme celuy de Sian, celuy de Bisnaga, & quelques autres, comme la Chine, qui peuuent mettre en campagne iusque à deux ou trois cens mille hommes; mais dans l'Inde Occidentale, il ny a que deux Royaumes, ou deux Empires fondez, celuy des Inguas au Peru, & celuy des Mexiquains dedans la nouvelle Espagne. Entre quelques differences qui se rencontrent entre eux, celles-cy ne sont pas les moindres, que les Inguas estoient plus riches & plus anciens que les Mexiquains, & ceux-cy plus magnifiques & plus superbes; que l'Eslection faisoit les Empereurs de Mexique; comme elle les faisoit autrefois chez les Romains, & que l'ordre du sang faisoit les Roys du Peru, cōme en Frāce & en Espagne. Ceux cy auoient pour marque de Royauté

vn Bourlet rouge d'une laine fort deliée & fort fine, qui leur pendoit au milieu du front, & le Diadème des Roys de Mexique, estoit fait à peu près pardeuât comme vne Mitre, coupée par derriere, de sorte que le deuant estoit plus haut, & s'elloit peu à peu en pointe. Les Charges de guerre y estoient tousiours les plus honorables; leurs principaux soldats estoient Nobles, & ceux qui ne l'estoient pas, ne pouuoient achepter la Noblesse que par la Vertu. Ils auoient pour leur armes des rasoirs de caillous pointus & tranchants, qu'ils mettoient aux deux costez d'un baston, des massues fortes & pesantes, des lances faites comme des piques, quelques especes de jaelots qu'ils lançoient avec vne adresse merueilleuse, & combattoient le plus souuent avec des pierres. Ils auoient de petits boucliers pour se defendre, & des habillemens de teste à peu près semblables aux nostres, couuerts de plumes, & s'abilloient de peaux de Lyons, de Tygres, ou de quelque autre animaux sauuages. Matecuma mit la Caualerie à son plus haut point, lors qu'il institua certains Ordres militaires qui ressem-

bloient nos Commandeurs, & qu'il leur establit des marques d'honneur, & de glorieuses enseignes. La plus honorable estoit celle que portoient certains Cheualiers, d'une couronne de leurs cheveux, attachée avec une petite bande rouge, & un riche bouquet de plumes, d'où sortoient d'autres branches, & des bourlets de plumes qui pendoient sur leurs espaules, & chaque Cheualier portoit autant de bourlets, qu'il auoit fait d'actions dignes de l'amour du peuple, & de l'estime de son Prince, qui estoit aussi de cet Ordre. Il y en auoit un second, nommé de Lyons & de Tygres, que portoient les plus hardis & les plus vaillants d'entr'eux & un troisieme appelé Gris, & chaque Ordre auoit son appartement au Palais du Prince.

Pour comprendre la fondation de ce Royaume ou de cet Empire, il est necessaire de sçauoir que les premiers hommes qui habiterent les Prouinces que nous appellons auourd'huy la nouuelle Espagne, furent des hommes Barbares, qui ne cultiuoient point la terre, qui ne s'employent qu'à chasser aux bestes rousces, aux Oyseaux, aux serpens, &
aux

aux Lezard , & aux vers mesmes , dont ils auoient accoustumé de se nourrir avec des racines & des herbes. Ils dor- moient dans les buissons , dans les Ca- uernes, & dans les montagnes; leurs fem- mes chassoient avec eux , & laissoient leurs enfans pendus aux brâches des ar- bres dans des paniers de jonc, cependant qu'elles estoient à cét exercice ; & n'a- uoient point encore, ny Dieux, ny Reli- gion, ny Loix, ny Coustumes. Comme ceux-cy ne labouroient point la terre, ils laisserent l'endroit le plus fertile de cette contrée sans le peupler , & cét endroit là mesme fut occupé par quelques Na- tiōs de dehors, appellés Nauatalcas, qui vinrent des terres les plus éloignées du costé du Nort, où il y a deux Prouinces, dont l'vne est appellé le lieu des He- rons & l'autre, la terre des Diuins-Ance- stres. Ceux-cy sont partagés en sept Na- tions, & pource que chacun a ses terres separées ; les Nauatalcas peignent leur Origine comme vne cauerne , & disent qu'ils sortirent de sept cauernes l'an 902. selon nostre compte , pour venir peu- pler la Mexique : Ces sept Nations ne sortirent pourtant pas toutes en-

semble; les peuples, qui signifient dans nostre langue, des semences de fleurs, habiterent le riuage, du grand Lac vers le Midy, & fonderēt de leur nom vne Ville & plusieurs Villages. Ceux de la seconde race, appelez Gents de Bouches, firent aussi quelque fondation, & partagerent long-temps apres leurs limites avec les autres. Les troisiēsmes, nommez Gents de Pont, peuplerent le riuage du Lac vers l'Occident, & s'accrurent de telle sorte qu'ils fonderent vne Ville qu'ils appellerent Azcāpuzalco, c'est à dire Fourmilliere. Les quatriēsmes, peuplerent Texcūco; & tous environnerent ainsi le Lac, les vns d'un costé de l'Oriēt, & les autres du costé du Nort. Les Thaluicas passerēt de l'autre costé de la Syerre, où ils trouerēt vne terre chaude, vaste & fertile, & les fixiēmes passerēt la Syerre vers l'Orient par la Syerre Menade, où est ce Volcan fameux entre la ville de Mexique, & celles des Anges. Ces derniers trouuerent d'abord quelque difficulté à s'establiir. Les enciens habitans, que l'Histoire fait d'une taille monstrueuse, ne pūrent souffrir ces vsurpateurs, & ne balancerent point à leur declarer la guerre,

guerre. Mais comme les autres reconnurent que la ruse leur seroit plus vtile que la force , ils les conuierent à vn celebre festin , leur firent dérober leurs armes, se jetterent apres sur eux , massacrerent ceux qui n'eurent pas le loisir de prendre la fuite , & se rendirent à la fin les maistres de leurs ennemis & de leurs terres. Ces six Nations conseruerent entre elles vne amitié assez durable. Depuis cét heureux succez elles s'vnirent estroitement les vnes avec les autres par le mariage de leus enfans ; elles se soumirent à vne pollice qu'elles se formerent , & disposerent par ce moyen les premiers fondemens de leur Republique. Trois cens deux ans apres la sortie de ces six peuples , ceux de la septiesme cauerne arriuerent dans la nouvelle Espagne, apres des peines estranges passerent à Mechoüacan, éloigné de Mexique de cinquante lieües, à Malinalco, & à Chapultepec; désirèrent dans la colline qui est au milieu du Lac , vn ennemy qui s'opposoit à leur entreprise , luy attacherent le cœur, & le jetterent dans le Lac , dont s'engendra vnc plante appelée Tunal, à ce qu'ils croyent , où Me-

xique fut depuis fondée du nô de Mexi, qui leur auoit seruy dans leur voyage & dās leur guerre, de guide & de Capitaine.

Ils desirerent depuis les Chalcas, choisir pour leur Reyne la fille du Seigneur de Culhuacan, l'escorcherent par le conseil du Dieu qu'ils adoroient, pour en faire sa compagne; embellirent & fortifierent Mexique comme leur Dieu Vitzliputzli leur auoit dit; commencerent à se partager en Cantons, & remplirent tout le pays du bruit de leurs armes & de leur gloire, Mais comme ils auoient entr'eux quelques rebelles à flatter, & quelques voisins à combattre, & que le successeur du Roy de Culhuacan pouuoit auoir vn iuste ressentiment du meurtre de la fille de celui qui l'auoit precedé, ils furent d'aduis de changer de maniere de gouuernement, d'essire vn Roy qui fut du sang Mexiquain, & d'enuoyer des Ambassadeurs au Roy de Culhuacan pour luy demander vne Reine en faueur d'Acamapixtli, qu'ils eleurent pour leur Roy, d'vne voix commune. Celuy-cy estoit proche parent du Prince de Culhuacan, qui luy choisit vne Dame fort considerable; & les Mexiquains,

apres

apres quelques harangues celebres, le receurent avec des grands tesmoignages de ioye, ornerent sa teste d'une Couronne, & le prierent de consacrer à leur salut toute son industrie & toutes ses veilles. Il n'oublia rien en effet de tout ce qui estoit necessaire pour leur grandeur; il les defendit autant qu'il pût contre le Roy d'Azcapuzalco, & mourut apres auoir regné quarante ans, avec l'experience, qu'on eût pû tirer de la Politique la plus consommée. Il eût cecy de commun avec Alexandre, qu'il voulut laisser son Royaume à celuy qui seroit iugé le plus capable de le gouverner, sans auoir esgard à ses enfans propres, & tesmoigna beaucoup de regret de n'auoir pas eu assez de loisir ou assez de temps, pour rendre ses subjets & plus heureux & plus libres. Ils ne laisserent pourtant pas de sacrer vn de ses enfans, nommé Vitzilouitli, ou pour faire voir leur reconnoissance, ou pour l'obliger par ce beau choix à se rendre digne de la memoire de son pere. Comme celuy-cy n'estoit point marié, ils firent demander par Ambassadeurs la fille du Roy d'Azcapuzalco; dont ils releuoient, & qui

exigeoit d'eux de grands tributs, & des choses mêmes qui leur donnoient beaucoup de peine. Ils furent assez heureux pour l'obtenir, & le bout du manteau du Roy fut bien-tost noüé avec celui du voile de la Princesse, ce qui est entr'eux la ceremonie & la marque du mariage, Vitzilouitli eut vn fils de la Rayne la femme Ayamchigual:& comme ils sont fort superstitieux pour les noms,& qu'ils s'attacherent fort en cecy aux Augures & aux Presages, le fori voulut qu'il fut nommé Chimalpopoca; c'est à dire Bouclier qui jette fumée. Par cette naissance, ils se deliurerent de la pluspart des taxes & des impôts qu'ils auoient accoustumé de payer:mais ce bon-heur ne fut pas durable,& leur ioye n'eut pas vne longue suite. La Reine mourut quelque temps apres: ils perdirent l'année suiuite Vitzilouitli, qui ne regna que traize ans; regretterent comme ils deuoient leur second Roy, qui auoit fait des amis & des alliez de tous ses voisins, & qui auoit commencé à rendre Mexique considerable par ses bastimens, & pas ses richesses. Quoy que Chimalpopoca n'eût que dix ans, ils ne laissa pas
d'arriuer

d'arriver à la Royauté ; mais leur ambition fut telle , qu'il ne se contenterent pas des nouvelles obligations qu'ils auoient aux Tapanecas , ils voulurent mesme les contraindre de travailler au Canal qu'ils vouloient faire de la montagne de Chapultepec à Mexique , pour ce qu'il ne pouuoient boire de l'eau du Lac , & les irritèrent de telle sorte par cette demande, qu'ils entrerent vne nuit dans le Palais de leur Roy , qui dormoit sans garde, & le massacrerent sans aucun obstacle. Iscoalt fils du premier Roy Acamapixtli , fut esleu Roy par tout le peuple, & la mort de Chimalpopoca parut si horrible aux Mexiquains, qu'ils se mirent en estat , ou de la vanger , au de perdre dans vne resolution si iuste toutes leurs esperances , & toutes leurs terres. Ils marcherent deslors en bon ordre contre les Tapanecas , les attaquèrent , les vainquirent sous la conduite de leur Roy Tlacaellec, entrerent dans Ascapulco, pillerent la ville, ne pardonnerent ny aux enfans, ny aux vieillards, ny aux femmes , & n'y laisserent que ce qui ne leur pouuoit seruir , ou ce qui ne leur pouuoit nuire. Ceux qui s'estoient re-

tirez dans les montagnes, se rendirent à discretion à ceux qui les poursuivoient, leur donnerent leurs maisons & leurs heritages pour sauuer leur vie, & ne s'offritent pas d'estre seulement leurs tributaires, mais encore leur esclaves. Ces terres furent partagées, les vns & les autres n'eurent plus qu'un Roy commun, & cette victoire rendit les Mexiquains redoutables à la pluspart des Nations qui ne les auoient regardés iusques-là qu'avec des yeux de mépris ou de pitié. Ils poussèrent plus auant leurs armes, & travaillerēt si heureusement sous l'ordre de Tlacaellec, qu'ils desfirent ceux de Tacuba & de Cuyoacan; qu'ils bruslerent en suite le Temple où ceux-cy croyoient pouuoir se fortifier, & qu'ils eurent vn prodigieux nombre de captifs, d'habits & d'armes, & vne merueilleuse quantité de plumes, de pierrieres, d'or, d'argent & de vases, pour leur dépoüiller. Apres auoir soumis de la sorte les Tapanecas, ils marcherent droit contre les Suchimilcos, qui furent les premiers de ces sept Cauernes qui peuplerent cette terre, les surmonterent, s'assujeterent le Roy de Cuïtlauaca, & choisirent

furent pour le leur Motecumá , premier du nom , apres la mort d'Iscoalt , qui regna douze ans, & qui signala s^{on} regne par toutes les actions qui pouuoient rendre vn Prince illustre. Motecuma, neveu de Tlacaellec , ne fust pas plustost couronné qu'il fit la guerre à la pluspart de ses voisins, qui deuindrent enfin ses subjets ; & dans celle qu'il fit aux Chalcas, il en arriva vne chose assez estrange. Ceux-cy auoient pris vn frere de Motecuma, & voulurent en faire leur Roy , ou pour l'opposer plus fortement aux Mexiquains , ou pour les empescher par ce moyen de venir fonder sur leurs frontieres. Comme ce jeune Prince se vid importuné de ces peuples de prédre la Couronne de leurs mains, & qu'il ne pouuoit plus s'en defendre, ny par ses raisons, ny par ses prieres, il les establi de faire dresser vn grand arbre dans la place de Chalco, & d'eleuer au sommet vt petit theatre où l'on pust monter. Les Chalcas executerent bien-tost cet ordre , dans la creance qu'il eurent que cette ceremonie estoit en v^lage chés les Mexiquains au couronnement de leurs Roy ; & ce Prince avec vn chapeau de fleurs dans la

main , monta sur ce theatre , d'où il se jecta en bas , où il fut écrasé à la veüe de tout le monde, apres auoir dit cecy aux Mexiquains : Ces peuples me demandent pour leur Roy , mais les Dieux ne permettent pas qu'on achette vne Couronne par la moindre trahison ; & c'est de moy que vous deuez au moins apprendre que nos ennemis nous doiuent estre toûjours suspects, & qu'il y a plus de gloire à mourir qu'à les assister. Les Chalcas estonnez de la resolution de ce ieune Prince , & troublez de ce spectacle , se jeterent sur les Mexiquains , & les massacrerent ; mais leur chastiment suiuit de bien près leur crime. Motecuma ne se contéta pas d'enuoyer contr'eux vne armée puissante, il y voulut estre luy-mesme ; & comme il estoit aydé de Tla-caerlec , & qu'il estoit adroit & vaillant , il les défit ; il ruina tout leur Royaume , porta ses conquestes iusques à la mer du Nort , assujettit plusieurs Provinces du costé de la mer du Sud , ordonna des Officiers pour la guerre , & des Magistrats pour la Police ; fit bastir ce merueilleux Temple qu'Acosta décrit au treiziesme Chapitre du cinquiesme Liure de son Histoire des Indes , &

mourut apres auoir regné vint-huict
ans, tousiours craint & tousiours aimé,
tousiours heureux & touîjours sage. Tla-
caellec fut esleu Roy d'un consentement
commun; mais quoy qu'on s'opiniastrât
à luy donner les marque de la Royauté;
il ne se crût pas digne de cét honneur,
encore que l'Estat luy fut redeueble de
sa grandeur, & que ceux qui soustien-
nent si dignement le poids des Couron-
nes, & qui en releuent l'éclat, meritent
de les porter; Il tesmoigna moins d'am-
bition que ces Grecs & ces Romains,
qui assassinoient iusques à leurs amis &
à leurs parens pour regner avec plus de
seureté; & qui ne se soucioient pas de
remplir les cymetieres, pourueu qu'ils
pussent remplir vn Thrône. Il prefera le
bien du Royaume à sa gloire particulie-
re, & condamna par son refus la maxi-
me de ce Tyran, qui soustenoit qu'il n'e-
stoit permis à l'homme de violer la Ju-
stice, & de s'opposer à la raison, que
quand il s'agissoit de regner. Il donna
donc sa voix à Ticocic, fils du dernier
mort: mais comme ce ieune Prince auoit
herité du Royaume de son pere, sans
auoir herité de sa vertu, il ne regna que
quatre

quatre ans , pource que les Mexiquains auancerent sa mort par le poison , & qu'ils ne crurent pas deuoir obeyr, à vn Prince qui n'auoit rien de grand en luy que l'autorité dont il s'estoit mesme rendu indigne. Il auoit vn frere nommé Axayaca, qui luy succeda par les suffrages , & qui recompensa dignement les seruices de Tlacaellec en la personne de son fils aîné, pource qu, vn peu auparauant la mort du pere il le fit Lieutenant General de ses armées , & luy en fit porter les enseignes. Côme les Roys de Mexique estoient obligez auant leur couronnement , de faire quelque action digne d'un si grand honneur ; Axayaca partit avec son armée , la conduisit au Royaume de Tequantebec, esloigné de Mexique de deux cens lieues , chargea ces peuples qui l'attendoient avec vne resolution incroyable , raza leur Ville & leur Temple, reuint riche & glorieux de leurs despoüilles , amena des prisonniers de tous aages & de tout sexe, pour estre sacrifiez à son idole, & ne fit qu'une mesme chose de son couronnement & de son triomphe. Il punit aussi tost quelques rebelles qui s'estoient fait

vn Roy du temps de ses peres, le pour-
suiuit apres l'auoir vaincu en combat
particulier; le precipita du haut d'vn
Temple, blusla la ville qui estoit de-
nuë de leur forteresse, les contraignit
d'implorer sa misericorde; & ce Roy
apres auoir regné onze ans, fut iustement
regretté de tous ses Peuples. Autzol, qui
estoit vn des Electeurs de Mexique, fut
esleu Roy; & cettuy-cy s'en alla d'abord
iusques à Quaxulatlan dans la nensue
Espagne, pour y punir quelques mu-
tins qui empeschoient que le tribut
qu'ils auoient accoustumé de receuoir
de quelques Nations voisines, ne leur fut
porté comme auparauant, & qui vo-
loient mesme ceux qui se mettoient en
estat de le payer. Il fut heureux dans
cette guerre, & dans celles qu'il entre-
prit depuis, & mourut l'onzième année
de son regne, apres auoir estendu les
frontieres du Royaume iusques à Guati-
malla, esloignée de Mexique de trois cës
licües. Il eut pour successeur le gråd Mo-
tecuma, qui fut reuestu d'ornemens Ro-
yaux, & auquel on perça les nartrines
pour y pendre vne esmeraude fort riche,
selon la coustume. Aussi - tost qu'il se
vit

vit Roy; il reforma presque tout l'Estat, il logea les plus Grans dans son Palais; il ne voulut estre seruy que par des gens considerables, ce que les Ancestres; n'auoient iamais osé faire; & commande dés l'heure mesme à ceux qui estoient de son Conseil; d'oster au peuple les Offices & les Charges dont il iouïssoit, & de les donner aux Nobles. Il commença la guerre par la conqueste d'une Prouince fort esloignée du costé de la mer Oceane du Nort; & comme il estoit dans vne haute reputation, & que les ceremonies de son couronnement deuoient estre magnifiques; Il n'y eut pas iusques aux ennemis de l'Estat, qui n'y vinssent deguisez, pour assister aux merueilles d'un si beau spectacle. Il se fit presque des lors respecter comme son Dieu, & ceux du peuple qui l'osoient regarder dans le visage, estoient punis de mort. Iamais il ne mettoit ses pieds à terre; il estoit porté sur les espaules des grands Seigneurs, & quand il en descendoit, il ne marchoit que sur des riches tapis, qui estoient destinez à cet vsage. Il ne portoit iamais deux fois vn mesme habit; On ne luy seruoit iamais deux fois vn vase ou vn plat;

plat; Ce qui estoit pour son vſage estoit
touſiours neuf, & comme il estoit fort
liberal, il vouloit que ceux de ſa maiſon
profitaffent à chaque moment de ſes dé-
poüilles. Il estoit ſeuere ſans eſtre cruel,
& il n'eût pas meſme pardonné à ſon
propre frere, ſ'il eût peché contre les
Loix; & fut ſi heureux, qu'il eſt malaiſé
de lire l'Histoire d'Eſpagne, ſans ſe per-
ſuader en meſme temps que ſa vie a eſté
vne belle fable. L'année 1517. qui fut la
quatorzième du regne de Motecuma,
les Eſpagnols commencerent à paroître
pour la conquête de cét Empire, &
quelques moyens qu'il employaſt pour
s'opposer à leur deſcente, il fut enſin
contraint d'aller au deuant du Marquis
de la Vallé, & de Dom Fernando Cor-
tez, à trois ou quatre lieües de Mexique,
porté ſur les eſpaules de quatre Sei-
gneurs, & couuert d'un riche poiſſe d'or
garny de plumes. De quelque pretext-
tes que les Eſpagnols ſe ſeruent pour au-
thoriſer leur cruauté, ils prirent Mote-
cuma, & luy mirent les fers aux pieds,
ce qui fut vne action épouuantable, dit
Acoſta, quoy qu'Eſpagnol & Ieſuite, auſ-
ſibien que de bruſler les nauires, pour ſe
mieux

mieux preparer à la mort, ou à la victoire. Cortez ne fut pas plustôt party pour quelques affaires qui sembloiēt l'appeller aillēurs, que son Lieutenant fit vn bal dans le Palais, ou les Espagnols massacrerent la plus grande partie des Grands de Mexiques. Les autres estonnés de la barbarie de ces estrangers, qu'ils auoient receus & traittez comme leurs amis, les assiegerent dans le Palais, & les presserent si viuement, qu'il y rendirent toute leur artillerie inutile. Cortez qui estoit esloigné d'eux s'en vint à grandes journées, entre dans le Palais pour secourir ses compagnons, cependant que ces peuples se reposoient (pource qu'ils auoient accoustumé de se reposer de quatre iours en quatre iours alors qu'ils faisoient la guerre) & console les affligés par sa presence. Les autres continuent cependant, resolus de venger la mort des Grands de Mexique, & les pressent en effet avec tant d'opiniastreté, qu'ils les contraignent de sortir la nuit, & de chercher leur salut & leur seureté dans leurs fuitte. Cette nuit là mesme les Expagnols pognarderent Motecuma, lvn de ses enfans, & quelques Seigneurs qu'ils

qu'ils auoient fait pr sonniers; mais leur sortie ne peut estre si secrette que les Mexiquains n'en tuassent plus de trois cens chargez d'or, & de pierreries. Cortez qui ne desespera point de son bon-heur, s'en alla trouuer ceux de Tlascalla qui auoient tousiours esté les ennemis secrets de Mexiquains, & dont il auoient recherché l'amitié, demande leur assistance, met quelques brigantins sur le Lac, assiege Mexique par eau & par terre, & s'en rend enfin le maistre, l'an 1521. le trezième iour du mois d'Aoust, apres plusieurs combats sanglants, & plus de loixante cruelles batailles. Voila là fin d'un Empire qui s'estendoit depuis la mer Oceane du Nort, iusques à la mer du Sud, & dont la langue, pour me seruir des paroles d'Acosta, couroit pres de mille lieües.

Nous parlerons dans la ruine de Ierusalem de quelques signes qui deuancerent la desolation de cette Ville; & comme les Estats son menacez d'ordinaire par des prodiges estranges, dans leur chagement, & que nous lisons même au Liure de la Sapience, qu'on vid des feux épouuâtâbles, lors que Dieu voulut tirer son

for peuple d'Ægypte ; i'acheueray ce Chapitre par quelques merueilles qui pourront confondre toute la sagesse des hommes. L'idole de ceux de Cholcolla nommé Quetzacoalt, parla, selon les Annales des Indes, & predict à Moteucuma que des estrangers s'aduançoient pour posséder son Empire. Le Roy de Texcoco, l'assura qu'il auoit sceu de ses Dieux, qu'il perdrait bien - tost ses Royaumes ; & comme il faisoit des Sacrifices, il sortit vne voix d'vne grâde pierre que Moteucuma faisoit enleuer, & de laquelle il aprit, qu'on ne la transporterait pas loin, ce qui fut trouué veritable, pource que cette pierre tomba dans le Lac, à l'entrée de Mexique, & qu'ils ne la purent trouuer, quelque effort qu'ils fissent pour la tirer avec leur machines ; Vne pyramide de feu parut au Ciel, vne année entiere, & le Temple mesme fut embrasé, quoy qu'il n'y eût personne au dedans ny au dehors, & qu'on ne vist aucun tonnerre. Vne Comete à trois testes parut en plein iour, avec vne queue fort longue ; & le grand Lac qui estoit entre Mexique & Texcoco, commença tout d'vn coup à s'enfler, & à bouillir, sans au-

cu

tun vent, & sans aucun tremblement de terre, & renuersa tous les bastimens qui en estoient proches. On entendit vne voix triste & pitoyable, comme d'une femme mourante, avec ces paroles de desespoir & de plainte. Le temps de nostre desolation est arriuée, mes chers enfans? Où pourray-ie vous cacher pour vous deffendre de vostre derniere perte? On vit diuers monstres à deux testes, qui ne paroissoient plus aussi-tost qu'ils estoient pôrtés au Roy, & les Pescyeurs amenerent deuant luy vn grand Oyseau qui ressembloit à peu près à vne gruë, & qui auoit au haut de la teste quelque chose de transparent comme vn miroir, où Motecuma vit les Estoiles, quoy qu'il n'y en eût point au Ciel pour lors, & quelques peuples armés qui réplissoient de sang leur champ de bataille. On croit qu'un Laboureur fut vn iour porté par vn Aigle, dans vne Cauerne, où il le laissa doucement avec ces paroles, Seigneur puissant, voicy l'homme que tu m'as commandé d'enleuer de son labourage; & que ce Paisant ayant regardé de tous costez aperçeut vn homme endormy, avec vn baston de senteurs & de parfum.

fum ardent , des fleurs dans la main , & les enseignes Royales , & qu'il le reconnut pour Moteçuma Roy de Mexique. Cours promptement pour l'éveiller, luy dit la voix, & pour voir de quelle sorte il est aueuglé dans ces miseres, prends ce baston qu'il tient ardent en sa main , & luy mets contre le visage , & tu verras qu'il est insensible. Le Laboureur obeyt, apres quelque crainte & quelque refus, & fut reporté par le mesme Aigle, pour aller aduertir Moteçuma de cette estrange aduventure. Les Mexiquains, disent, que le Roy se trouua bluslé au visage, & qu'il ne s'en apperceut, que quand le Laboureur l'eut supplié d'y regarder; ce qui le troubla si fort, qu'il perdit à l'heure même toute consolation & toute esperance. Il est croyable que ce fut icy quelque vision; comme l'Escripture nous apprend que des pecheurs & des infidelles, ont eu des reuelations semblables , & que Nabuchodonoser, Balaam, & la Pythonisse de Saül nous en fournissent les exéples. Les Espagnols adjoustent à ces prodiges, plusieurs miracles à leur ordinaire, mais quoy qu'il en soit; on peut dire que leurs cruantez sont plus grâdes que tous ces

ces prodiges & qu'ils ont plus sacrifié d'hommes à leur auarices , que ces peuples n'en ont sacrifié à leurs Idoles.

De la ruine de Carthage.

CHAPITRE VII.

Didon n'eut pas plustost veu Sichée massacré par Pygmalion , qu'elle s'enfuit de Tyr pour éuiter la veüe de ce meurtrier : Cette illustre malheureuse ne pût souffrir plus long - temps la présence du bourreau de sô mary, & ne crût pas que la beauté pût estre en seureté auprès de la tyrannie. Elle s'en vint en Lybie avec quelque Tyriens, qui pour n'estre pas refusez de ceux du Pais, ne leurs demandèrent de terre qu'autant que la peau d'un Bœuf en pourroit enuironner : & pource que ceux de la contrée ne purent se deffendre de luy accorder si peu de chose, elle estendit si bien cette peau, & la sceut couper en tât de pieces, qu'il en enuironneret le lieu où depuis elle fut bastie. Quelques vns veulent qu'elle ait esté fondée cinquante ans au parauant la destruction

destruction de Troye , par les Phœniciens; & d'autres , comme Ignu Rachif Historien Afriquain , soustiennent que ce fut par vn Peuple qui vint de Berça , qui auoit esté chassé de ses terres par vn Roy d'Egypte. La premiere opinion est sans doute la plus commune , & semble la mieux apuyée, pource qu'elle fut nommée Birsa d'abord, & s'il m'est permis d'en dire ce que ie pense, toutes les autres sont plus dignes de nostre curiosité que de nostre foy. Quoy qu'il en soit elle se rendit à la fin si belle, & si redoutable, qu'elle donnoit à toutes les autres Villes de l'admiration & de la crainte; sa puissance égala celle des Grecs, & ses richesses ne furent pas moindres que celles des Perses. Mais il est besoin d'en voir les commencemens & les progresz : il faut en considerer la fin comme on en a veu la naissance, & la regarder dans son cercueil aussi-bien que dans son berceau. Le Peuple Romain ne se fut pas plustot rendu maistre de l'Italie que la Ville de Messine son aliée se vint plaindre à luy de l'insolence des Carthaginois: & comme les Romains & les Afriquains brûloient du mesme desir pour la Sicile, & ceux-là

furent

furent bien aises de treuuer occasion d'y passer, & d'estre les arbitres d'une Nation dont il auoient dessein d'estre les maistres. Sur cette plainte les Romains qui n'auoient encore veu que la terre, ne considerent ny les dangers ny les cōbats de la mer : l'espoir du butin leur rend les tempestes indifferentes, & ne consultent point, dit Florus, si c'est sur des Cheuaux ou sur des Nauires qu'il faut combattre. Ils attaquent d'abord Hieron Roy de Syracuse, & le surmontent; ils se remettent une seconde fois en mer, & reduisent enfin toute la Sicile en Prouince. Comme les ambitieux ne demandent qu'à s'agrandir, & que leur desir n'est iamais plus insatiable que quand il semble deuoir estre plus moderé; ceux-cy continuans leurs guerres avec plus d'ardeur qu'ils ne les auoient commencées, passent incontinent en Sardagne, & apres en l'Isle de Corse, & remplissent les cœurs des Insulaires de crainte & d'horreur par la desolation des Villes d'Olbie & de Valerie. Ce bon-heur leur donna de si grandes esperances, qu'ils ne crurent pas deuoir retarder dauantage la guerre d'Afrique, où les hommes ne s'opposèrent pas seu-

lement à leurs entreprises, ils y treuuerent encore d'horribles serpés à combattre, & toutefois les hommes & les serpés ne les empescherent point d'aller iusques à Carthage. Ils n'y furent pas heureux, pource que les Carthaginois eurent recours aux Lacedemoniens, qui leur enuoyerent vn excellent Capitaine qui les défit, & qui par le supplice du General de l'armée Romaine, repara toutes les pertes de ceux dont il auoit pris la defense. Ce fut de là que les Carthaginois deuenus orgueilleux par la honte de leurs ennemis, ietterent la guerre en Sicile, mais ils y furent défaits en diuerfes occasions: & comme la terre auoit auparauant suscité des Monstres contre les Romains, le Ciel suscita des vents aussi contre les Carthaginois qui venoient fondre sur eux avec vne Armée puissante, à qui la tempeste déroba l'honneur du combat & de la victoire: Ils employerēt toute leur force & tout leur courage à se remettre. Cette défaite ne les épouuanta pas au commencement, mais elle fut enfin leur desespoir: Ils perdirēt tous leurs gens & tous leurs vaisseaux: & pource qu'ils auoiēt leurs meilleur soldats avec eux,

eux, & qu'ils auoient épuisé toutes leurs richesses en cette rencontre : leur perte fut si remarquable & si grande, qu'il sembloit qu'on eust pris Carthage hors de Carthage. Cependant apres quatre année de temps, Hannibal, qui auoit iuré sur l'Autel entre le mains de son pere, de se vanger des Romains, qui tiroiét sur eux les mesmes tributs qu'ils tiroiét auparauant sur les autres, assiegea Sagunte, qui restoit libre par vn accord passé entre les Carthaginois & les Romains, & s'imagina qu'il estoit plus iuste de violer ce traitté que son serment, & qu'il auroit plus de gloire à rendre Carthage triomphante, qu'à souffrir qu'elle fut subiette. Les Saguntains soustinrent le siege neuf mois entiers, il souffrirent long-temps la faim pour ne pas souffrir la seruitude : & comme ils se virent sans secours & sans esperance, ils embrazerent leurs maison, & ne laisserent aux Carthaginois que de la cendre pour tout leur buttin. Hannibal apres quelques autres exploits en Espagne, se fait vn passage au milieu des Alpes: il treuve des chemins que l'excessiue autheur des neiges déroboit à tous les hommes

& descend de ces montagnes dans l'Italie. Entre le Pô & le Tesin, il défit l'armée Romaine, il gagna vne seconde victoire près de la riuere de Treluë, estonna tous les Romains par vne troisiéme proche du Lac de Perouse, & les acheua de perdre à Cannes, par vne autre beaucoup plus sanglante. Quarante mille Romains y demurerent sur la place, vn de leurs Chefs s'y sauua, & l'autre y mourut: Le fleuve d'Ofiente fut quelque téps rouge de leur sang, & Hannibal sur le Torrent de Vergelle fit faire vn Pont des corps de ceux qui furent tuez en cette bataille. Il enuoya deux boisseaux d'anneaux à Carthage, pour faire voir combien de Cheualiers y auoient esté tuez, & pouuoit entrer à cinq iours de là dans le Capitole, s'il n'eût mieux aimé iouyr de la victoire qu'en vser. C'est ce qui fut cause qu'il laissa Rome pour s'en aller à Tarente & à Capouë; & ce fut là que la Cāpanie avec ses chaleurs perdit le courage de ce grand homme, dont les Alpes n'auoient pû vaincre la constance, avec leur neiges; qu'il laissa son ardeur dans les bains de Bayes, & que celuy-là même qui n'auoit pû se rendre au peril, se rendit

à

à la volupté. Cependant les Romains n'ayant point d'autres armes que celles qui estoient pendues dans leurs Temples. commencent à les arracher, ils font des Soldats de leurs Esclaves apres les auoir fait libres, marchent droit cōtre Hennisbal, le combattēt, & luy font leuer le siege de Nole. Comme si leurs Oracles & leurs Destinées leur eussent promis l'Empire de toute la terre. Ils enuoyèrent les deux Scipions en Espagne pour l'oster aux Carthaginois, & ne desespererent point de leur entreprise, quoy que les Afriquains en eussent tué vn lors qu'il campoit son armée, & qu'ils eussent bruslé l'autre dans vne Tour, où il croyoit se pouuoir sauuer. Ils n'eurent pas plustost appris la nouuelle, qu'ils despescherent le ieune Scipion, cōme s'il eût esté le plus propre & le plus interessé de tous à vanger la mort de son pere & de son oncle, & fut en effet si heureux, qu'en quatre ans il reconquit toute l'Espagne, depuis le Mont Pyrenées iusques aux Colonnes d'Hercule, & iusque à la mer Oceane. Hannibal estonné que les Romains au lieu d'vnir leurs forces les diuisassent en tant d'endroits, & ne

pouuât comprendre qu'il peussent faire de si belle conquestes en tant de lieux , & qu'ils ne peussent le chasser de leurs propres terres, void tout d'un coup qu'il luy enleue quantité de Villes, que Tarente s'est remis à leur subiection, & qu'on assiege Capoue dont il auoit fait sa demeure , & s'il faut ainsi dire son second pais. Il retourne droit à Rome en même temps, mais outre qu'une pluye prodigieuse l'en chasse, il entend encore qu'on auoit défait toute l'armée de Syphax & de son frere Asdrubal, qui venoient à son secours ; il sçait que Scipion a conquis toute l'Espagne , qu'il est aux portes de Carthage, & que c'est de son éloignement que cete ville doit tout craindre. Il quitte donc l'Italie avec perte, il passe en Afrique, où il rencôtre Scipion qu'il attaque avec la resolution d'un ambitieux desesperé ; mais son courage se trouua moindre que le bon-heur de ce jeune Conquerant. Il se cōserua tousiours la mesme ardeur, & ne se cōserua pas la mesme Fortune, & ce grand Capitaine fut à plaindre quoy qu'il ne fut pas à blasmer. Cette perte fut si considerable, qu'on ne s'arresta depuis qu'à celle de cette superbe Ville.

Ville, & la pluspart des Romains crurēt, que c'estoit de ses ruines qu'il estoit necessaire de composer leur empire. Cōme ils sçauoient que les Cartaginois auoiēt vne fois armé contre les Numides, & qu'ils couroient sur les terres du Roy Massinissa leur allié, ils prirēt ce pretexte pour leur raison, & rendirent cette guerre d'autant plus cruelle qu'elle sembloit iuste. Les Carthaginois reduits aux dernieres extremitez, sous quelque esperance de paix, mirent leurs Vaisseaux en leur puissance, mais ceux-cy les brûlerent deuant eux, & leurs manderent qu'ils se preparassent à la mort, ou qu'il fortissent pour sauuer leur vie, qu'ils ne pouuoient plus defendre. Ce cōmandement irrita les Carthaginois qui crurent que tous les supplices leurs deuoient estre moins sensibles que cēt outrage; la demande des Romains les estonna plus que leur arriuée, & leur ambition leur sembla plus insupportable que leur cruauté. Quoy qu'il ne leur restast plus d'esperance, ils aymerent mieux que leur Pais fut desolé par la main de leurs ennemis que par la leur, & comme les morsures des bestes qui sōt au bois, sōt d'or-

dinaire les plus dangereuses, il y eut plus à faire contre Carthage à demy ruinée, dit Florus, que contre Carthage encore entiere. Is abbatirent donc leurs propres maisons, afin d'en bastir vne flotte toute nouvelle, ils fondirent l'or & l'argent pour l'employer au lieu du fer & du cuivre ; & pour faire les cordages des machines , les Dames se couperent les cheveux , & crûrent qu'il leur seroit moins honteux de raser leurs testes, que de voir raser leurs murailles. Mais si leur opiniastreté fut si grande, la necessité le fut encore d'avantage; le dessein qu'ils auoient pris de mourir en combattant auoit esté genereusement conceu , mais il ne pût estre heureusement executé; ils manquerent de tout quand ils manquerent de viures; & s'ils se defendirent alors , ce fut seulement pour faire voir à ceux qui les attaquoiét, qu'ils n'estoient plus en estat de se defendre. Dans ce dernier desespoir, quarante mille hommes se rendirent à la discretion des Romains; Asdrubal fut lasche iusque à les imiter, & n'eut point de honte de témoigner qu'il faisoit moins d'estat de sa reputation que de sa vie, & qu'il valloit mieux estre enchainé à Rome

me

me qu'estre enseuely à Carthage. Sa femme fit bien voir qu'elle estoit homme en cette rencontre; elle prit les deux enfans entre ses bras, se precipita volontairement avec eux, de peur de suruiure à l'infamie de son mary, & à le desolation de sa Patrie. Enfin ce fut à ce coup que Carthage fut ruinée par le feu; la flamme n'épargna ny maisons ny Temples, l'embrasemēt fut tel qu'il ne pūt estre esteint en dix-sept iours, & son malheur fut si grand, que Scipion n'en peut voir les cendres sans les arroser de ses larmes. C'est ainsi que cette Ville perit par elle-mesme, & que ses habitans allumerent leur bucher de leurs propres mains: C'est ainsi qu'elle semble nous instruire, qu'il n'est point de iour sans nuit, ny de Printemps sans Hyuer, & qu'il est toujours d'un Estat comme du Soleil, qui n'est iamais plus près de son Occident, que quand il est en son midy.

De la ruine de Corinthe.

CHAPITRE · VIII.

COrinthe, à qui les miseres de la Macedoine & de la Grece faisoient horreur, ne pût s'imaginer que leur malheur luy d'ust estre quelque iour commun & qu'elle pust perdre la liberté dans laquelle sa puiffance & son artifice l'auoient tousiours si heureusement conseruée. C'est ce qui fut cause qu'elle crût que tout ce qu'elle pouuoit faire luy estoit permis, & que tout ce qui luy estoit permis estoit honnesté. D'as cette croyance, elle artaqua les Lacedemoniens, ou dans l'esperance de s'agradir, ou d'as le dessein de leur témoigner qu'elle auoit dequoy leur nuire, quand leur ambition ne s'accorderoit pas avec leur deuoir. Ceux-cy, qui voyent que les Romains estoient le refuge de toutes les Nations, commencerent à leur enuoyer des plaintes, & iugerent qu'il leur seroit aduantageux d'en faire leurs protecteurs, apres en auoir fait leurs Arbitres. Les Romains
qui

qui ne regardoiēt la liberté des Peuples, que comme vn bien qui leur appartenoit legitimement, furent bien aise de treu-
uer vne cause specieuse dans la guerre qu'ils vouloient ietter en Achaye, & d'auoir dequoy les assujettir sous pretexte de les reprendre. Ils y depescherent donc quelques-vns de leurs Ambassadeurs pour iuger de leur differens; mais ils n'y furent pas plustost arrivez, que les autres vinrent au deuant d'eux avec des paroles toutes insolentes; & mesme on croit que Critolaus les chargea de coups apres les auoir chargez d'iniures. Les Romains qui tenoient leurs Ambassadeurs pour les personnes sacrées, ayant sceu le procedé honteux de ceux d'Achaye, firent vn sacrilege de cēt outrage, crurent deuoir employer à la vengeance de ce crime toute leur industrie & toutes leurs armes. Ils consideroient que ce Critolaus auoit esté leur affranchy, qu'il auoit payé d'ingratitude vn biē qui ne se pouuoit payer qu'avecque la vie, & qu'il rencontroiēt leur persecuteur dans celuy-là mesme qui auoit esté leur Esclau. C'est pour cette raison qu'ils s'imaginerent leur deuoir enuoyer vne armée,

& non pas vn Ambassade. Ils virent qu'il estoit plus necessaire de les cōbatre que de parler, qu'ils y deuoient paroistre en Lyons, apres y auoir paru en Renards, & que la force leur reüssiroit mieux que la ruse. Ils furent si puissamment persuadés de cette opinion, que la chose fut presque aussi-tost deliberée que conceüe; ils passerent droit en Achaïe, & la se disposerent à faire voir qu'ils denoient estre sans pitié pour ceux qui auoient esté sans respect, & qu'ils sçauoient vāger vne extreme ingratitude par vne extreme cruauté. Les Achayens au lieu de s'estonner de leur presence & de leurs menaces, témoignèrent vne satisfatiō extraordinaire d'auoir attiré si-tost en leurs terres vne Nation qui s'estoit renduë ennemie de toutes les autres; ils ne considererent les armes des Romains, que comme vn riche butin, & ne regarderent les Soldats que comme des gens qui leur apportoiēt beaucoup de gloire. En effet, ils espèrent tant de leur bon-heur, & de leur milice, qu'ils firent sortir de leurs Villes leurs meres, leurs femmes, & leurs enfans, pour leur donner vn si agreable spectacle; ils les logerent sur le sommet
des

des montagnes, d'où elles pouuoient les voir combattre pour leur liberté, pour leur honneur, & pour leur patrie, & voulurent qu'elles assistassent à la bataille de la mesme sorte que si elles eussent assisté à la Comedie. Les Romains voyans qu'ils en estoient regardez avec mespris, lors qu'ils croyoient en deuoir estre regardez avec effroy, furent picquez si viuement de cét affront, qu'ils iurerent d'un commun accord de les ruiner, & les chargerent alors avec tant d'ardeur, que la mort fut le prix de leur insolence & de leur temerité. Les Achayens chanterent donc la victoire auant le combat: Ils ne furent riches qu'en asperance. Toute leur felicité fut vn songe, qui ne dura pas longtemps, & ce ne fut qu'en idée qu'ils firent celebrer leur triomphe. L'estonnement succeda des l'heure à la curiosité des Dames; cét estōnement fut fuiuy bien-tost apres de tristesse & de desespoir, & toutes se virent sens maris, sans peres, ou sans enfans, en cette déplorable iournée. Apres cette défaite, elles s'allerēt cacher dans les plus proches cauernes: Mais ou leur soupirs, ou la diligence des Romains les decouurirent, leurs fuite ne fit rien

rien pour leur salut; & celles qui ne moururent pas de regret, reçurent les mêmes chaînes, dont elles pensoient charger les bras du vainqueur. Les Romains ne se contenterent pas de cette victoire, qu'ils auoient obtenuë si facilement en Achaye, ils voulurent que leur principale Ville en portast eternellement des marques, afin qu'à l'aduenir tous les autres Peuples, pour n'estre pas malheureux, apprissent à n'estre pas temeraires. C'est ce qui fut cause en partie qu'ils allerent assieger Corinthe; mais ils admirerent la hardiesse des habitans par leur resistance; la mort de leurs compagnons, au lieu de leur oster le courage, ne seruit qu'à leur en donner, & de tout le choix qu'ils eurent, ils ne prirent que celui de la mort, ou de la vengeance. Cependant ils s'opiniasterent tous à ce siege, les vns à le presser, & les autres à le soustenir: Les attaques & les sorties estoient également belles, & l'on ne scauoit qui de ces deux Peuples estoit le plus redoutable, ou des Corinthiës dans leur Ville, ou des Romains dedans leurs tranchées. Mais hélas! que la Fortune les sceut trahir ingenieusement aussi-
bien

bien que leur opiniõ; que ceux-la firent de vœux inutiles, & ceux-cy de pas glorieux ! & qu'ils eurent en mesme temps diuers sujets de se resiouyr & de se plaindre ! Les Corinthiens endurerēt iusques aux dernieres extremitez ; leur courage ne fut pas plus grand que leur patience, & iamaïs on ne vit gens plus capables de faire du mal, ny plus capables d'en souffrir. Mais il falût enfin se rendre, les Romains ne furent lassez ny par leurs veilles, ny par la constance des assiegez, ils ne confiderent que l'accroissement de leur Estat & leur propre gloire, & voulurent traiter en criminele, celle qui ne se vouloit point rendre en repentante. Cette Ville fut donc pillée presque aussitost qu'elle fut prise, elle fut saccagée au son des trompettes, pour animer plus agreablement le soldat à sa derniere ruine; ses deux Ports furent teints du sang de ses Citoyens, & le carnage ne fut pas plus épouuantable par la nouuauté que par la durée. Côme si ce n'eût pas esté assez de massacrer les insolens, ils ne firent qu'un brasier de tout Corinthe, & cõsommerēt d'as vn même feu leurs, murailles, leurs maisons leurs Temples, leurs Dieux

&

& leurs Prestres. Dans cét embrasement toutes les Statuës d'or, d'argent, & d'airain, fonduës ensemble confusémēt, couloient de tous les costez; la flamme ne fit alors qu'un mélange de tous leurs metaux differens, & l'on peut iuger si elles étoient en grand nombre, puisque le cuivre de Corinthe, & dont on s'est seruy depuis en chaque partie du Monde, n'est qu'un beau reste de cette riche & prodigieuse pluye. On ne peut rien rapporter de plus pressant pour preuuer que les Villes les plus fortes ne sont pas les plus assurées, & nous pouuons dire apres ces exemples, qu'il n'est point icy-bas de commencement sans fin; que ces deux opposez, sont les deux faces de la Nature, & que l'industrie de l'Homme n'est pas si puissante en luy que sa destinée. Il s'efforce en vain de se conseruer dans la possession d'un bien que le temps luy doit oster: & les Corinthiës estoient fort peu Philosophes de croire qu'il y eût des ramparts contre les coups de la Fortune; & que le changement ne fut pas de l'essence de toutes les choses.

De la ruine de Numance.

CHAPITRE IX.

NUmance, qui portoit le nom de son Fondatur Numa Pompilius, ne fut iamais si riche que Carthage, que Capouë, ny que Corinthe : Mais si elle n'a point eu d'aduantage sur ces trois Villes, elles ne leur doit point ceder, & s'il en failloit faire quelque iuste comparaison, il se trouueroit que sa resolution n'a pas eu moins d'éclat que leur opulence. Elle estoit bastie sur vn petit terre, près du Fleue de Duere, & fut long-temps appelée l'effroy de tous ses voisins, & l'ornement de toute l'Espagne. Auec quatre mille Celtiberiens, elle soustint quatorze ans entiers l'effort de quarante mille hommes; & comme si ceust esté trop peu pour sa gloire, que de ne pas receuoir des Loix, elle en donna tout autant de fois qu'on luy en voulut imposer, & se rendit absoluë au poinct mesme qu'elle ne songeoit qu'à se rendre libre. Neuf Consuls l'assiégerét de temps en temps, mais

mais il y perdirent tous la vie : Leur opiniastreté ne leur pût estre iamais heureuse ; & l'on peut dire que les Romains ne se mirent iamais mions en estime , que quand ils la voulurent mettre en seruitude. C'est vne chose estrange, que l'ambition des Romains , qui fut presque tousiours immoderé, fut presque tousiours loüable : & qu'en cette rencontre elle ne parut iamais , ny plus grande, ny plus iniuste. Mais quoy, les vsurpateurs ne sont retenus, ny par la crainte , ny par la raison. Pour faire nouvelles conquestes , ils ne laissent pas de faire de nouveaux dessein ; l'Auarice n'est iamais remplie , & la mer n'est pas plus grosse pour receuoir en son sein toutes les riuieres. Les Romains ayans donc sçeu que ceux de Numance auoient retiré leurs parens & leur alliez, qui s'estoient sauuez des prisons de Rome , prirent cette charité pour vne iniure : & faisant vn grand appareil pour punir vne foy qu'ils deuoient loüer, commencerent à leur faire vne guerre qui fut longue , & qui fut horrible, & dans laquelle enfin la violence triompha de la iustice. Les Numantins, qui ne demandoient que le salut de leurs alliez,

se mirent en estat d'implorer leur grace, & firent sçauoir aux Rômains qu'il ne desiroient que la paix, & qu'ils auoient tort de la vouloir escrire avec le sang le plus beau, le plus pur, & le plus innocent de l'Espagne. Mais les Romaines, qui de tous les Conseils n'écoutoient que celui qui fauorisoit leur ambition naturelle, se moquerent des Numantins, & leur commanderent de rendre leurs armes s'ils vouloient rechercher leurs alliances. Cét ordre, qui estoit absolu, fut si fascheux à ceux de Numance, qu'ils esleurent en mesme temps vn Chef, & firent tant qu'ils contraignirent vn Pompée d'accorder tout à leurs volontez, iusques à luy faire promettre qu'ils ne seroit iamais leur ennemy, puisqu'il ne pouuoit pas estre leur Protecteur. Le Peuple Romain irrité de ce serment, & triste de sa défaite, renuoya quelques Consuls: entre les plus remarquables Mancinus y vint pour rendre leur chastimét exemplaire, mais il fut souuent défait, & forcé de signer le mesme traité que les autres, & de songer plustôt aux moyens d'assurer sa liberté, que de s'acquérir de la gloire. Ce fut alors que Rome deuint ialousse

louse de Numance , qu'elle commença bien-toſt à regarder avec enuie la cauſe de ſon deſeſpoir & de ſa honte, & qu'elle ne ſongea plus qu'à perdre cette ſuperbe riualle. Pour teſmoigner qu'elle portoit à regret l'accord de tous ſes Conſuls, elle voulut qu'Hoſtilius Mancinus fut ſouët-té à la veuë de toute l'armée, & qu'il fut traitté de cette ſorte, pour auoir oſé ſigner vne alliance entre l'Eſclau & la ſouueraine, & pour n'auoir pas ſçeu diſtinguer celle qui eſtoit née au commandement, d'auec celle qui eſtoit née à l'obeyſſance. Comme elle auoit beſoin d'un grand Capitaine, elle ne manqua pas de faire choix de Scipion, qui tout glorieux de l'embrazement de Carthage , & des batailles qu'il auoit gagnées ſur Viriacus, qui auoit fait rebeller toute l'Eſpagne, ne demandoit plus qu'à ſ'immortalifer par cette derniere cōqueſte. Les Numantins au lieu de ſe deſeſperer à cette nouuelle , & de l'attendre ſans rien hazarder le preuiennent, le cherchent , le treuent, & le combattent. Deux iours entiers l'ardeur des vns & des autres fut égale ; les deux partis eurent meſme auantage & meſme eſperance , & la vi-
ctoire

Étoire ne se declara point alors, ny pour l'ambition, ny pour la iustice. Dans la troisiéme bataille, les Numantins firent beaucoup, & ne firent pourtant rié pour eux, ils furent vaincus de leur ennemy, qui les suiuit iusques dans leurs Ville, & qui les serra de si prés, qu'il ne leur donna depuis qu'autant de temps qu'il en failloit, pour reconnoistre que le bon droit n'est pas tousiours accompagné de la Fortune. Dans cette extremité, ils arrestèrent encor entr'eux de combattre moins pour vaincre que pour mourir, & se remplirent de viandes, comme si c'eust esté le dernier festin qu'ils eussent deu faire ensemble. Scipion n'en fut pas plutost auerty qu'il les inuestit, & les enferma d'une tranchée reuestuë d'une ceinture de muraille, avec quatre bastions, pour les empescher de mourir libres, & pour leur faire voir que Rome ne scauoit point faire grace à qui ne scauoit point faire hómage. Is prièrent Scipion de leur donner au moins la bataille, de considerer qu'ils n'auoiét plus, ny de viures, ny desperance, & de se ressouuenir qu'il luy seroit beaucoup plus glorieux de les faire mourir par ses armes que par la fa-
mine.

mine. Leur demande fut inutile, & Scipion ne pût estre touché, ny de leur generosité; ny de leur misere. Ils firent d'oc quelques sorties, mais elles leur furent tousiours funestes; leurs forces ne répondoient point à leur courage, & la famine estoit si grande, qu'ils estoient contraincts de manger la chair de leurs compagnons qu'ils trouuoient morts, & de faire leur aliment de la chose meisme qu'ils n'osoient regarder sans horreur & sans desespoir. Dans le ressentimēt de cette estrange aduventure, ils tascherent de fuyr; mais cette entreprise ne fut pas plustost decouuerte par leurs femmes, qu'elle fut rompuë; elles couperent les sangles de leur Cheueaux, & ce fut par vn excez d'amour qu'elles firent paroistre vn excez de cruauté. Enfin, cōme ils n'eurent plus les moyens de se sauuer, ils n'en eurent plus aussi la volonté; ils aimerent mieux se faire mourir eux-mesmes, que laisser l'honneur de leur mort à leur ennemy, & c'est pour cēt effet qu'il employerēt contr'eux le poison, le fer & la flamme. Ce n'est plus icy la saison de craindre, leur dit leur Chef, tenant vn flambeau d'une main, & de l'autre vne
espée

espée nuë, nostre Patrie nous demande des Sacrifices, & c'est en sa faueur que nous deuons estre nos Sacrificateurs & nos Hosties. Allons mes cher amis, allõs nous mesme à nos funeraillies, ne perdons point la liberté qu'auccque la vie, c'est cõtre nous qu'il faut exercer nostre courage, puisqu'il nous est impossible de l'exercer contre Scipion, & c'est aujourd'huy que Numance doit s'immortaliser dedans ses ruiues. Bruflons nos Tours & nos Temples, faisons-nous vne sepulture commune avec nos Dieux; triomphons icy sans aller chercher la victoire dans les tranchées de nos ennemis, & montrons à ce Tyran que les Numantins se sont sauuez dans la perte de leur Ville, & que leur constance ne doit rien à sa cruauté. Chacun à son exemple mit le feu dans sa maison, & tous firent vanité publique de leur desastre. Quelle inhumanité pourtant dans cette execution estrange ! Et quelle fureur, de faire sa felicité d'une mort horrible ! Cependant que Numance s'embrassoit, ils se tuoient tous pour ne pas tomber entre les mains de leurs ennemis; là le plus cruel estoit le plus obligé, & la charité

charité ne consistoit que dans le massacre. Le fils égorgier son pere , à qui la vieillesse n'auoit pas laissé la force d'estre luy - même son meurtrier ; la femme estouffoit son enfant dans le berceau, ou faisoit deux meurtres d'un seul coup en s'ostant la vie, & à celuy qui ne l'auoit pas encore tout à fait receüe dans ses entrailles; le mary assassinoit sa femme en la baisant, l'épée du frere fumoit du sang de la sœur, & l'amant eût crû passer pour l'ennemy de son amante, s'il n'en eût esté le bourreau. Ce nouueau spectacle fut rendu plus horrible par vn second ; la flamme qui deuoroit ceux qui n'estoient qu'à demy morts, gaignoit les autres qui estoient prests de se faire mourir; de sorte que ce brasier espouuantable mesla leurs cédres à celles des pierres, & ne fit qu'un cymetiere de feue de toute la Ville. Enfin, Scipion fut plus estonné de leur derniere resolution, qu'il ne fut glorieux de son triomphe. Numâce luy donna beaucoup de peine, & point de despoüilles , & ce grand Capitaine ne receut que des Eloges , pour reconnoissance de son courage , & n'eut que des cendres pour tout fruct, de sa victoire.

De la ruine de Ierusalem.

CHAPITRE X.

Ierusalem fut fondée, selon quelques-uns, par Melchisedech, qui d'abord luy donna le nom de Salem, & selon quelques autres, par Adonizedech Roy des Iebuseens, qu'Oroze appelle Biseus fils de Canaan. Lors que cette ancienne Cité de Chaldée retenoit encore ce premier nom, elle fut prise par la lignée de Iuda, qui en traitta le Roy sans aucun respect de sa dignité, ny de sa personne, & qui fit perir par le fer & par le feu les habitans & la Ville. Ce malheur ne luy parut pas fort estrange, pource qu'elle auoit esté presque reduite à la mesme extremité auparauant, qu'en voyât sa disgrâce, elle ne voyoit rien qui luy fut nouveau & qu'elle commēçoit à se faire vne habitude de ses pertes. Daud apres la conqueste qu'il en fit depuis sur les Iebuseens, ne se contenta pas de l'accroistre, il voulut l'orner aussi-bien que l'agrandir, & la rendre également forte

& superbe par les bastimens & par les murailles. D'as cét estat elle assujettit plusieurs Villes, & quelques Royaumes sous Salomon & sous Roboan; mais enfin le mauuais conseil de ce dernier luy osta la domination des dix lignées d'Israël, & fut cause de tant de malheurs qu'il n'en est point qu'elle ne ressentit alors, ou du moins, qu'elle n'eût sujet de craindre. Comme les petites riuieres ne laissent pas de faire quelquefois des débordemens épouuantables, & que c'est des moindres changemens, que les plus grands maux tirent bien souuent leur origine; les premiers desordres furent la cause de son entiere ruine, & luy firent sentir tout ce qu'on peut endurer dans la seruitude & dans la misere. Tantost les Roys d'Israël & de Samarie, qui ne sembloient faire qu'un même corps pource qu'ils estoient d'une même nation, dépouilloient ces auares de leurs tresors; tantost les Roys de Syrie les faisoient esclaves ou tributaires; quelquefois ceux d'Egypte n'estoient prodigues ou parez que des richesses de leur Temple. Quoy que ces playes fussent bien grandes & bien dangereuses, les cicatrices n'en durerent pas
toute fois

toutefois long-temps; ce Peuple s'éleva sur ses ruines, & se fit vn bouclier de son desespoir. Mais quelle violence ne souffrit-il point sous Nabuchodonosor? De quelles cruautéz ne fut-il point & l'instrument & l'objet? Et les Poëtes ont-ils caché quelques maux dans le vaisseau de Pandore, qu'ils n'ayent connus par experience? Ce Roy de Babylone n'assiege pas plûtoſt Ierusalem, que les habitans s'arment contre vn ennemy si puissant & si redoutable; ils se mettent en estat de se defendre de sa fureur, & de témoigner que le courage ne leur māquera pas si tost que la vie: mais dans ce dessein qui leur est glorieux & fatal, cependant que Nabuchodonosor les serre estroitement dans leur Ville, la peste les attaque dans leurs maisons, & la faim dans leurs entrailles. Cedernier fleau est si pressant, que tout contente leur ventre, & que rien ne le remplit; ils sont contraints de se massacrer les vns & les autres pour ne pas manquer de nourriture, ou d'attendre leurs compagnons à mourir pour attendre à viure. Dans cette horreur, parmi les femmes desesperées, l'une estouffe son enfant, de peur de luy voir souffrir

vn plus long supplice, & l'autre le poignarde pour en faire vn repas funeste. Quelle amitié plus cruelle? Et quelle faim plus épouuanteable.

La mere, sans espoir qu'autre bien la soustienne.

Cuit, & mange la chair qui sortit de la sienne.

Met dans son estomach ce qu'elle eut dans son flanc.

Se nourrit de soy-mesme, & boit son propre sang.

Quel remede cruel pour soulager ses peines!

Son enfant tout sanglant passe dedans ses veines.

Et par vn sort horrible autant qu'il est nouveau.

La source de sa vie est son viuant tombeau.

Cette consideration n'empescha point que Nabuchodonosor ne cōtinuast toujours le siege, & si heureusement pour luy, que le fer & le feu furent également employez à sa ruine. Là tous les vœux des Assyriens & des Egyptiens furent accomplis, leurs armes n'y furent presque point oyſiues, & leur esprit ne pût estre

estre satisfait qu'apres qu'ils eurent veu que leur rage restoit sans matiere. On n'y entendoit que les hurlemens meslez à des cris de ioye, on y voyoit la femme & le mary massacrez dans leur foyer d'une mesme main & d'un mesme coup; des filles foulées au pieds des cheuaux ou violées au pied de l'Autel; des Palais en eux mesmes abyfinez, toutes les maisons abbatuës ou consommées, & des ruisseaux de sang & de larmes dans toutes les ruës. Ce superbe Temple qui estoit l'admiration de toute la Terre, & l'ornement de l'Asie ne fut pas plus épargné que les autres edifices; on y mit son lambris & ses fondemens ensemble; les vases y furent pillez ou fondus, les mysteres abolis, la saincteté profanée, & pour tout dire, la violence de la flamme ne fit de toute la Ville qu'une masse de terre bluslée. La cruauté des Soldats & des Officiers ne fut pas encore toute assouuie par vn si estrange embrasement, le Roy Ezechias, qui fut le dernier de la race de Dauid, eut les yeux creuez, apres auoir veu égorger ses plus fidèles amis par l'ordre de Nabuchodonosor, & fut emmené captif à Babylone avec son Peu-

ple, dont à peine soixante & dix ans acheuerent la seruitude. Cette desolation peut estre mieux conceüe que représentée ; pour en donner vne entiere connoissance, il faut autre chose que le pinceau & la plume, & les traits del'vne, & les coups de l'autre, sont trop foibles pour en faire la description, ou la peinture. Elle fut pourtant réparée par Esdras & par Zorobabel, à qui Cyrus en accorda le pouuoir, & comme le Phœnix, cette Ville commença sous-eux à renaistre de ses propres cendres. Son Temple fut remis en sa premiere splendeur, ses maisons furent élevées avec le même soin, & avec la même dépense qu'elles auoient esté autrefois basties ; ce Peuple par ses biens presens perdit la memoire de ses disgraces passées, & s'il faut ainsi dire, la resurrection ne deshónora point sa naissance. Toutefois cét éclat fut vif, & ne fut pas de durée, sa beauté donna de l'enuie aux successeurs d'Alexandre ; & sur tous, Antiochus Epiphanes y exerça si bien sa vengeance, que toute la Cité ne fut alors qu'un large & sanglant Autel, où les Soldats furent les Sacrificateurs, & tous les Citoyens des Victimes.

Iudas

Iudas Machabée, les Asmoneans, & le grand Herode, la reparerent avec assez de curiosité; ils encherirent encore sur Zorobabel & sur Esdras, & adiousterent tant de choses à sa perfection, qu'on disoit d'elle alors ce qu'un Ancien a écrit de Galatée, qu'elle estoit la plus belle de son temps. Comme elle ne se reconnut plus grâde elle considéra ses richesses, elle ne regarda pas que la cause de sa ioye pouuoit deuenir celle de son desespoir; que la paix dont elle iouyffoit, estoit menassée d'une guerre iuste ou cruelle, & que son repos eût esté plus solide & plus durable, si par ses premieres calamitez elle se fut fait pour elle vne consequence de celles qui les pouuoient suiure. L'Egypte, la Grece, & l'Italie luy auoient esté autrefois fatales; sa desobeyssance auoit esté son malheur; elle auoit receu des vns & des autres des chastimens & des graces, & fut presque tousiours libre, tant qu'elle ne fut point superbe. Mais enfin sa rebelliõ acheua sa perte, elle ne put souffrir que Rome luy demandast vn tribut qu'elle ne croyoit pas luy deuoir payer; elle ne considéra, ny ses bienfaits, ny sa puissâce, & sans se ressouuenir

qu'elle estoit ſa redeuable, elle luy fit paroistre ſon impieté, en luy faiſant paroistre ſon ingratitude. C'eſt ce qui fut cauſe en partie que Veſpaſian & Titus, qui auoient déſait les Iuiſs en pluſieurs batailles, y firent marcher leurs troupes, & leurs legions, apres auoir pris toute la Iudée, qu'ils firent entrer leurs armes où l'on mépriſoit leur clemence, & qu'ils voulurent témoigner qu'ils eſtoient capables de faire du mal à ceux qui ne vouloient pas endurer qu'on leur fit du bien. En ce meſme temps, les diuiſions ciuiles commencerent à faire de Ieruſalem vne Ville de pillages & de meurtres : Trois hommes eſgalement redoutables, & également pernicioſes firent trois partis différens, & creurent dans l'ambition qui leur eſtoit naturelle, qu'il eſtoit toûjours plus glorieux de commander à leurs Citoyens qu'à leur auarice, & qu'il leur importoit fort peu d'eſtre eſclaves de leurs paſſions, pourueu qu'ils ſe rendiſſent les maiſtres de cet Empire. L'un d'eux, nommé Iean, occupoit toute la ceinture de la muraille de Ieruſalem, & en tenoit les deux bouts ; Simon s'eſtoit fortiſié au milieu ; & le troiſieſme qu'on appelloit

loit Elcazar, s'estoit emparé du Temple, comme de la meilleure place. Iean, qui voyoit que ceux-cy auoient tout l'auantage des lieux, & qui ne demandoit qu'à les ruiner séparément, enuoya quelques-uns de ses gens au Temple, pour y faire des Sacrifices : mais il ne furent pas plus tost à la porte, qu'ils mirent en vſage les armes qu'ils auoient cachées sous leurs robbes, & qu'ils firent vne boucherie de leur Sanctuaire. Lorsque cette ruse n'eût fait que deux factions de trois, la cruauté de ceux qui restoient, s'accrut avecque leurs forces ; ils remplirent du sang des Iuifs le paué des ruës, aussi bien que celuy du Temple ; & comme il est beaucoup plus doux de mourir vne fois, que d'estre tousiours affligé, il n'y en eut point qui ne fit desvœux pour les Romains, & qui ne desirast la mort, ou qui n'aimast mieux au moins endurer la seruitude que leur tyrannie. Cependant Titus les pressoit, & la famine qui les persecutoit encore d'auantage estoit si grande, qu'une mere, comme au temps de Nabuchodonosor, arracha son enfant de sa mammelle pour le faire cuire, & ne trouua point d'autre moyen pour

assouvir sa faim enragée. Titus en eut tant d'horreur, qu'il ne pût s'empescher d'é jetter des larmes; & pource qu'il n'avoit pas dessein de perdre tous ces malheureux, il leur fit dire, quand on luy en eut apporté la nouvelle, qu'il estoit prest de leur pardonner, s'ils estoient prests de se repentir. Mais sa clemence fut mesprisée, ceux qui gouvernoient le Peuple ne trouvoient rien de plus insupportable que le nom Romain: & la bonté de ce Prince ne parut pas si agreable à ces desesperez, que la ruine de leur Ville. Titus fut si estonné de ce refus, qu'il iura de lors, dit l'Histoire, qu'il expieroit l'horreur d'un si brutal repas par la desolation de toute la Palestine, & qu'il ne souffriroit pas que le Soleil vist sur la terre vne Ville où les meres se nourrissoient de la chair de leurs enfans. En effet, apres s'estre rendu maistre du Fort d'Antonien, & des deux premieres murailles de Ierusalem, il commanda qu'on fit vn dernier effort contre la troisieme, qui estoit defendüe du Temple; & quoy qu'il eût dessein d'espargner vn ouufrage si magnifique, la pieté ne pût l'emporter sur la fureur des Soldats, & la perte
des

des Iuifs en cette rencontre, leur fut plus considerable que le commandement de leur General. Ce fut alors qu'il se fit vn massacre estrange, sans distinction de dignité, d'aage, ny de sexe, & que la rage des Romains ne fut appaisée que par vn embrasement qui fut tel, que la parole de Dieu fut accomplie, quand il dit à ses Disciples, qui contemploient ce merueilleux edifice. Qu'il ne demeure, roit pierre sur pierre, & que sa hauteur seroit égalée à ses fondemens. On peut aisémēt iuger que iamais siege ne fut plus cruel, ny plus opiniastre que celui-cy, puisque de trois millions de personnes, qui s'estoient assemblées là de tous les quartiers de Judée pour assister à la Feste de Pasques, il en mourut vnze cent mille, & qu'on en prit quatre-vingts dix-sept mille, dont la moitié fut vedue, & l'autre conduite dans les Villes, pour seruir de diuertissement aux Princees, qui ne trou- uoient point de plus grand plaisir que de les faire déchirer par des bestes. Plusieurs presages les auoient menacez de leur ruine, & les en auoient assez aduertis, si leur orgueil ne les eût point empeschez de la destourner, ou de la craindre. Vn

pauvre hōme durāt sept ans & cinq mois n'auoit cessé de crier diuerses fois d'un accent tragique & lugubre ; Voix de menasse du costé d'Orient ; voix de menasse du costé d'Occident ; voix de menasse des quatre vents ; voix de menasse contre Ierusalem & contre le Temple ; voix de menasse contre les nouueaux mariez & contre les nouuelles mariées ; voix de menasse contre tout ce peuple ; malheur sur Ierusalem, malheur sur la Ville, malheur sur le Temple , malheur sur le Peuple , & malheur sur moy. La porte du Temple qui estoit de bronze, s'ouurit d'elle-mesme, encore qu'elle fut fermée : Lors que les Prestres, selon leur coustume , faisoient la nuit le Seruice, vne voix apres vn grand bruit, se fit entendre par ces paroles ; Sortons d'icy : Et lors que le Soleil n'estoit pas encore couché, on vid en l'air des chariots de combat, & des combatans en si grand nombre, que toute la Ville en estoit couuerte. Quelque temps auparauāt ce siege, vne estoile en forme d'espée , apparut sur Ierusalem, & l'on y vid reuire vne Comete ardāte vn an tout entier ; qui sont les signes dont Dieu se sert d'ordinaire pour declarer

rer son courroux & sa iustice, & que les Sages ont pris pour autant d'eclairs qui annoncent & qui amènent le foudre. Ce malheur n'empescha point que les Iuifs ne se missent en estat de se releuer de leurs pertes : mais l'Empereur Adrian acheua de ruiner ces seditieux, par vne seule bataille, où il leur défit cinquante-huict mille-hommes, & leur rasa plus de neuf cens quatre-vingts Villages. Il leur fut si seueré alors, qu'il defendit à ceux qui restoiént, de regarder seulement leur pays de loin, & ne leur donna pour toute grace que celle de se présenter vne fois l'année deuât leur murailles de Hierusalem au mesme iour qu'elle auoit esté ruinée par Titus ; pour entretenir leur curiosité de leur desespoir, & pour leur faire voir en mesme temps leurs biens possédez, leurs loix violées, leurs mysteres abolis, leur liberté perdue, & leurs ennemis triomphans sur le tombeau de leurs Peres.

De la ruine de Rome.

CHAPITRE XI.

Ceux qui considereront la pompe & tous les malheurs de Rome, y trouveront deux faces bien differentes ; ils verront vn mesme Peuple chargé de fers, & de despoüilles, & ne douteront point que ses defaites n'ayent esté aussi remarquables que ses victoires. Le bannissement de Tarquin, celui de Coriolan, les diuisions de Sylla, de Marius, de Catilina, de Cesar & de Pompée, luy cousterent beaucoup de larmes & beaucoup de sang ; mais les Gots, les Vandales, les Allemans, & les Sarrazins adiouterent sa ruine à toutes ses pertes, & ne firent qu'en faire vn ne boucherie de la plus belle Ville du Monde. Les Gaulois furent les premiers qui prirent les armes contre les Romains, par vn sentiment de vengeance plustot que d'ambition, pource qu'vn de leurs Senateurs auoit frappé d'vn cousteau vn homme de leur Nation,

tion, qui luy auoit seulement touché la barbe; & ce coup leur fut si sensible, qu'ils se mirent deslors en estat de leur témoigner qu'ils ne perdroient iamais la memoire des injures qu'ils auoient receuës, & que le courage & la patience estoient presque tousiours incompatibles. En effet, apres auoir vaincu les Romains, ils entrerent dans Rome, où ils tuerent tous les Senateurs sur leurs sieges, ils pillerent tous leurs tresors, & bruslerent toutes leurs maisons; & sans la generosité de Camille, & le cry des Oyes qui estoient les Gardes de leur Capitole, ils n'auoient plus rien à faire qu'à remercier les Dieux de cette Fortune. Les Gots la prirent pour la seconde fois sous l'Empereur Gratian, & deux de leurs Rois, Athalaric & Altruphe, changerent en diuers temps si bien son gouvernement & la face de toute la Ville, qu'elle eût mesme changé de langue & de nom, si Galla Placida, fille de l'Empereur Honorius, n'eût obligé ces Septentrionnaux par ses raisons & par son adresse à porter leurs armes dans les Espagnes: Quarante-quatre ans apres sous Martinian; Genserik Roy des Vandales

Vandales fut quatorze iours à la piller & à la destruire; & depuis, les Allemans sous la conduite d'Odacer, Prince des Heruliens, adjouèrent tant de nouveauté, que la Maïesté de l'Empyre n'a pû recouvrer, ny ses forces, ny sa gloire, que par la vaillance de Carlemagne. Theodoric de Verone, qui chassa cét Odoacer, & qui regna cinquante-ans à Rome avec les Ostrogots, auoit reduit ce pauvre Peuple à des necessitez toutes estranges & toutes cruelles, & sans Belizaire qui le remit à l'obeyssance de Iustinian, sa vie, & sa seruitude estoient deux choses inseparables. Mais comme les affaires, & les hommes ne demeurent jamais en vn mesme estat, son repos ne fut pas durable, & sa perte estoit encore alors si facile, que pour la faire, il sembloit qu'il ne falloit que la souhaitter. C'est ce qui fut cause que le Roy des Gots Totilla, se mit en campagne pour en acheuer la ruine, & qu'il n'eût pas crû auoir pris Rome, si son ambition ny eût esté saoulée par sa cruauté. Apres en auoir rasé les murailles, & pillé toutes les richesses, il y mit le feu qui dura quarante iours & quarante nuits; l'on peut iuger si ce
brasier

brasier fut prodigieux, puis que l'eau du Tybre s'en ressentit, & qu'en certains endroits on apprehendoit l'embrasement où l'on craignoit auparavant le naufrage. Ainsi Rome en moins de cent trente-six ans fut sept fois prise, & presque tousiours saccagée; les Citoyens se virent accablez sous les mêmes chaines, dont ils auoient accoustumé de punir les mutins & les rebelles; & la liberté, qui estoit le plus ancien de leur heritages, ne fut pas la plus grande de leurs pertes. Ce fleau de Dieu, & ce Monstre de la Nature, la reprit encore trois ans apres; & pource qu'il ne pouuoit souffrir que cette Nation, dont toutes les autres auoient reueré la puissance, se consolast dans sa misere, de la memoire de ses premières conquestes, il exerça sur elle vne si horrible vengeance, qu'il y a mesme quelque espece d'inhumanité à la concevoir ou à la décrire. Comme si c'eût esté trop peu des vsurpateurs pour perdre vne Ville si belle & si grâdre, il a fallu qu'elle ait produit des enfans, c'est à dire des viperes, qui déchirassent ses entrailles à mesure qu'ils en sortoient; que ceux dont elle deuoit craindre l'infortune

ne

ne causassent la sienne, & que les guerres domestiques la ruinassent aussi bien que ies estrangeres. Constans fils de Constantin eut la mesme ambition & la mesme cruauté que les autres; il se fit vn diuertissement de son pillage, & en tira plus de richesse en quinze iours, que deux cents cinquante - huit ans n'en auoient pû fournir aux Barbares. Les Sarrazins ne se contenterent pas seulement de la piller long-temps apres, ils en profanerent les Temples, ils embraserent ses plus superbes edifices, & ne s'en allerent que quand ils eurent veu que leur carnage estoit aussi grand que leur butin. L'Empereur Arnulph, croyant peut estre que la gloire d'un Roy ne pouuoit mieux s'establir qu'aux despens de celle de Rome, ne fut pas aussi le dernier à l'assiéger, il la prit par vn accident extraordinaire, & par vne rencontre qui doit causer de l'estonnement & de la pitié. Lors que ses Soldats travailloient d'un commun accord aux tranchées, ils virent passer vn lièvre dās leur Camp, & ne l'eurent pas plütoſt aperceu, que la plupart abandonnerent leurs travaux, & le suivirent avec vne
confu

confusion de voix si estrange, que jamais curiosité ne fut ny plus ridicule, ny plus heureuse. Les Romains espouuantez à ce bruit, quittent leurs murailles & leurs armes: mesnagent leur salut par leur fuite, ne se defendent plus qu'avec des pleurs, & font si peu de resistance à leurs ennemis, qu'il semble qu'ils se preparent plutôt à les receuoir dans leurs terres, qu'à les en chasser. Là toutes les soumissions des habitans furent moins considerées que leurs trefors, les Imperialistes ny regarderent que leur interest particulier, & leur Prince s'y fit moins remarquer par son bonheur que par sa vengeance. L'Empereur Henry ne pouuant moderer ny cacher la haine qu'il auoit contre Gregoire VIII. se mit en estat de l'assouuir; & quoy que les Normands opposassent leurs forces aux siennes en faueur du Pape, il ne laissa pas d'y faire autant que ceux dont nous venons de parler, & d'y rendre son nom aussi redoutable que sa colere. Pour vn exemple qui n'est pas fort éloigné de nôtre siecle, on peut lire le dernier malheur de Rome; dâs l'Histoire de Charles V. où l'on trouuera que les Soldats apres auoir veu la
mort

mort de Charles de Bourbon, & apres auoir pris la Ville d'assaut, vangerent si bien la perte de ce fameux Capitaine, qu'on parleroit auiourdh'uy de leur sacrileges, aussi bié que de leur fureur, s'ils n'eussent pas plus épargné leurs Temples que les Palais; & si les Autels n'eussent point esté les bornes de leur insolence. On peut voir par là que cette Ville fut treize fois prise, & treize fois ruinée; que les Romains se deuoient ressouvenir qu'ils pouuoient estre sujets aux mesmes malheurs dont ils auoient autrefois persecuté leurs ennemis, ou leurs allies; & qu'en vn iour on pouuoit perdre sans ressource ce qu'on ne peut amasser sans peine en plusieurs années.

De la ruine de Constantinople.

CHAPITRE XII.

Bizante, Capitaine Lacedemonien, fit bastir cette Ville, qui fut prise deux fois par Pausanias, & par Calliades, & qui s'estant rebellée contre l'Empire Romain, ne laissa pas de se conseruer assez

assez long - temps le titre de Souueraine. L'Empereur Seuere, qui se vouloit rendre absolu en Oriët, n'apprit pas plûtost la mort de Pescennius Niger & de faire en Cilicie, qu'il enuoya la teste de ce Prince aux Bizantins, qui s'en estoient rendus les protecteurs, pensant le sestonner par vn si triste spectacle, & crut qu'apres auoir vaincu leur resolution, il n'auroit plus qu'à se defendre de l'insolence des Arabes & des Parthes, Mais les Bixantins, au lieu de considerer la bonne fortune de Seuere, ne regarderent que la mauuaise de Niger; & comme s'ils n'eussent pû honorer la memoire de celuy-cy, que par le mepris de l'autre, ils s'efforcerent de sauuer les reliques de l'armée des Mores, & de s'en seruire encore contre la puissance & l'ambition de cét Empereur. Seuere à cette nouuelle enuoya les legions contre Bizanté, l'assiegea trois ans entiers; sans esperance de la forcer, & batit cette Ville par tant d'endroits, que son opiniastrété luy fut sans doute plus aduantageuse que son couraige. Aples plusieurs combats, & plusieurs assauts soustenus par mer & par terre, ceux - cy voyans leur vaisseaux

seux presque tout brisez , la Mer toute rouge du sang de leur compagnons , les ruës couuertes des corps de leurs plus illustres Citoyens , & la famine qui les incommodoit plus encore que les armes de leurs ennemis, furent enfin contraints de receuoir les conditions qu'ils vouloient leur prescrire, & de leur abandonner ce qu'ils ne pouuoient plus defendre. Les Romains prirent alors leur misere pour vn iuste chastiment des Dieux, au lieu de s'en faire quelque exemple ; & dans le ressouuenir de tant de pertes qu'ils en auoient si souuent receuës , ils massacrerent tous leurs Magistrats , & sacrifierent leurs plus nobles familles à leur vengeance. Seuere, qui durant ce siege aduançoit ses conquestes en Orient , reçut cette agreable nouuelle dans la Mesopotamie, & comme si leur rebellio n'eut pas esté assez punie par tant d'innocentes victimes , il leur osta depuis toutes leurs franchises, ruina leurs belles murailles, & donna leur possessions aux Perinthiens, qui estoient leurs plus anciens ennemis, & qui ne firent qu'un meschant Village de la plus superbe Ville de Thrace. La pitié qu'il en eut

apres

apres l'obligea de la remettre dans sa premiere splendeur, mais la despenſe qu'y fit le grand Constantin, ſurpaſſa de beaucoup celle de Seueres; & quoy qu'il l'appella la nouuelle Rome, le Peuple à qui le nom de ce Prince eſtoit en particuliere veneration, ne put toutefois ſouffrir qu'elle fut autrement nommée que Constantinople. Veritablement elle pouuoit eſtre appellée la ſeconde de Rome, puis que Constantin y auoit eſtably le ſiege, & que durant cinq cens ans, elle fut ſi abſoluë, que toutes les autres luy eſtoient ſujettes: Mais Charlemagne luy oſta l'Empire d'Occident, & ne luy laiffa que celuy d'Orient, qui luy fut enfin vſurpé par les François & par les Flamans, ſous la conduite de Bandoüin Comte de Flandres. De toutes ſes pertes, qui luy furent cauſées en diuers temps par Pauſanias, par Calliade, par Alcibiade, par Seueres, par Galien, & par les Gaulois, il n'y en eut point de plus grande que celle que luy fit ſouffrir ce Mahomet, qui prit plus de deux cents Villes ſur les Chrétiens, & qui en moins de trente-deux ans ſe fit des conqueſtes de douze

Royaumes

Royaumes & de deux Empires. Mahomet, apres auoir esté eleué sur le Throne des Ottomans, ne se ressouuint donc pas plutost que Bajazet & son pere Amurath Second, auoient autrefois employe toutes leurs forces à la perte de Constantinople, qu'il eut le mesme dessein ; Et comme si le bon-heur eût deu accompagner ses entreprises, il creut qu'il luy seroit aussi facile de la reprendre que de l'inuestir. C'est pourcet effet qu'il fit bastir le Fort de Lemocopie, sur le bord de la Propontide, du costé de l'Europe, pour empescher le secours par ce moyé, & pour auoir le passage plus libre en Asie, & qu'il employa vn nombre infiny d'ouuriers à faire plusieurs Vaisseaux, & à fondre de l'Artillerie d'vn calibre si prodigieux, qu'il falloit cent quarante bœufs, & deux mille pionniers pour en tirer vne seule à la campagne. Il y voulut estre luy-mesme pour inspirer par sa presence le courage à ses Ianissaires & à ses soldats ; & pource qu'il n'ignoroit pas que le succez importeroit beaucoup à sa gloire, il l'assiegea du costé de la terre, avec quatre cens mille personnes, & du costé de la Mer avec trente Galeres

& plus de deux cens Nauires. Les murailles de Constantinople estoient foibles du costé de la mer, mais les autres auoient double mur & double rempart; & quoy que le premier mur ne fût pas fort esleué, il estoit toutefois armé d'un double fossé, reuestu de deux costez de pierre de tailles. Cependant que l'Empereur de Grece faisoit teste au premier, comme il auoit fait du temps d'Amurath, le Turc fit approcher deux grosses pieces d'artillerie, qui portoient le boulet du poids de deux cens; & pource qu'elles tiroient en biaisé pour ébranler la muraille on ne laschoit de front vne autre plus grande d'un tiers, qui abbattoit ce qui n'estoit qu'ébranlé. Les Janissaires, couuerts de gabions & de mantelets, tiroient d'ailleurs vne telle quantité de fleches, que ceux de dedans n'ozoient paroistre; & Mahomet d'un autre costé auoit fait faire quatre grosses tours sur des machines de bois, d'où l'on jettoit quantité de lances & de pots à feu, pour fauoriser le trauail de ceux qui renuoient la terre. Il n'y auoit qu'une seule chose qui mit le Turc en desordre; c'est que les Grecs auoient rendu vne chaisne de-

puis Para iusques à la muraille de la Ville, pour assurer leurs Vaisseaux dans leur Port, qui a trois lieues de circuit, & plus de cinq au long de la rade. Mais Mahomet, qui n'estoit empesché que par cét obstacle, remorgua soixante des siens au dessus de Galatie, & les fit monter à force de bras iusques au haut d'une coline avec leurs voiles, & leurs équipages, & les fit descendre apres dans le Port à la faueur du feu & des fleches, Dans cét estat, il attaqua la Ville de telle sorte, que les Grecs persuadez d'Ismaël, fils de Scender Prince de Synope, depescherent vn homme à Mahomet, qui entedit routes ses propositions, & qui pour leuer le siege, ne demâda que cent mille ducats toutes les années. Mais comme il sceut que les Grecs luy refusoient ce tribut, & que leur argent estoit plus cōsiderable que leur liberté, il donna l'assaut, se rendit maistre de la Ville, & n'y fit voir long-temps apres que des torrens de sang & de feu. Là les plus innocens furent massacrez, & les plus vertueuses filles furent violées: La flamme fit vn bucher de la moitié de Constantinople, le cymeterre en fit vne boucherie

boucherie de l'autre Entre les Turcs, ceux qui furent les plus cruels, furent estimez les plus fidelles, le nombre de leur belles actions fut compté par celui des meurtres qu'ils commirent, & ceux qui apportèrent plus de testés à leurs Capitaines crurent aussi meriter le plus de Couronnes. Enfin rien ne resta de Constantinople dans Constantinople, tous y furent égorgés, brûlez ou bannis; & ce fut du tombeau même de Constantin Paleologue, que Mahomet voulut faire le premier degré de son Trône.

De la ruine de plusieurs Villes.

CHAPITRE XIII.

ON peut compter Troye entre les plus celebres Villes de l'antiquité, mais comme rien ne la pouuoit exempter de ce changement vniuersel dont nous parlons, il se trouue qu'elle n'a pas esté plus durable que les autres, que ses pierres n'ont pû résister au feu, & qu'on moissonne aujourdhuy sur la plus-

part de ses edifices. Babylone , dont la force & la beauté pouuoient estouffer l'ambition, a mesure qu'elles la faisoient naistre dans l'esprit des Conquerans, ne pût enfin se defendre contre Cyrus qui diuisa l'Euphrate en trois cens soixante-cinq canaux, pource qu'il sembloit que ce fleuve en rendit toutes les attaques inutiles; & l'affoiblit de telle sorte par ce moyen, que depuis les Perses, les Medes, les Grecs, les Egyptiens, les Arabes, les Sarrazins; & les Turcs, n'ont pas employé plus de temps à la prendre, qu'il leur en falloit à la ruiner. Niniue avec ses cent Tours. Thebes avec ses cent portes, ont esté subiettes à la mesme reuolution; la matiere de leur gloire en a seruy d'une à leur desastre; & l'on peut marcher maintenant sur ces hauts ouvrages, où l'on auoit peine à porter la veüe. Sparte, qui estoit la maistresse de la Grece, en est vn desert; Athenes, qui estoit le refuge des Sçauans & des Curieux, n'est plus que celuy des insectes & des monstres; & la gloire de ces deux belles ennemies est enseuelie avec elles. Sardis, qui fut la plus belle & la plus opulente ville de Lydie, en est la plus ruinée,

ruinée, on voit croistre l'herbe, ou l'on voyoit reluire le iaspe & le marbre.

Et s'il falloit trouuer les plus hants bastimens.

Il faudroit les chercher parmy leurs fondemens.

Sicambrie, que les Troyens firent bastir apres leur deroute, ne subsiste plus que dans les Histoires, Arunte, Aiguillone & Couure, ont esté deuorées par le temps & par le feu; & rien n'est resté d'elles, que leur malheur & leur nom, Visby, situé en l'Isle de Gothland, n'estoit pas seulement redoutable par vn beau Chasteau qui en estoit la forteresse, il estoit encore si opulent, qu'il estoit l'admiration de toute l'Europe. Les Peuples de Suede, de Russie, de Danemarck, de Prussie, d'Angleterre, d'Ecosse, de Flandres, de France, de Saxe & d'Espagne, ny estoient pas plustost entrez qu'ils en faisoient leur seiour & leur pays: Chaque nation auoit sa rue; les Bourgeois naturels & les Estrangers, auoient les mesmes droicts & les mesmes priuileges; & de leurs diuerses humeurs, ils s'en faisoit vn accord aussi iuste alors, qu'il s'en fait d'ordinaire de tous

différens de la Musique. Ils estoient tous riches sans estre auares, tous estoient magnifiques sans estre prodigues; ils bor- noient leurs souhaits & leurs esperances dans leur seureté; le repos & la paix ne faisoient qu'une partie des biens dont ils jouyssoient; & l'ambition ne les ap- prochoit pas de plus près que le dehors de leurs murailles. Ils ne se purent tou- tefois maintenir long - temps dans une vie si éclatante & si glorieuse, les Van- dales les assiegerent & les prirent: & ces voisins insatiables d'as leur avarice, aussi- bien que dans leur cruauté; les depouil- lerent d'une partie de leur richesses, & laisserent au feu le pouuoir de consom- mer l'autre. S'il est vray ce qu'en rap- porte Olaus, il faut croire que iamais ville ne fut égale à celle-cy puisque par- my ses ruines on y a veu encore long- temps apres des fenestres d'argent & de cuivre, plusieurs portes de fer & de brô- ze, quelques colônes & quelques porti- ques de marbe, & d'autres ouurages de jaspe, qui auoient résisté à la violence de la flamme. La Fortune ne s'est pas tou- jours arresté au Septention, comme nous auons desja montré, elle a passé bien
auant

avant dans le Midy, où ses effets ont montré qu'elle fait changer de face à toutes les choses; que c'est par elle que les siècles d'or sont deuenus des siècles de fer, & que nostre repos n'est jamais en plus grand peril, que quand elle se mesle de se conseruer, Tufat, qui fut batty par les Romains au desert de Numidie, sur vne petite riuere qui tire sa source des montagnes, estoit autrefois reuestu de murailles belles & fortes; il estoit encore enrichy de superbes edifices, & l'on chercheroit inutilement aujourd'huy où furent ses Palais, ses fortifications & ses Temples. Damfa, qui estoit dans la mesme Region, & dont les Romains auoient fait vne puissante ville de guerre sur le riuage de l'Ocean, à soixante mille du Mont-Athlas, fut redoutable par le nombre prodigieux de ses habitans; cependant vn Roy de Portugal, avec cinquante voiles les épouuanta de telle sorte, qu'ils l'abandonnerent tous, & laisserēt à ces ennemis secrets, le choix de la conseruer ou de la destruire. L'Admiral, qui ne croyoit pas faire en si peu de temps vn si grand progrez, y fit entrer la pluspart de ses Soldats, & la sacrifia si

bien à leur vengeance, qu'il ne pût s'empescher depuis de pleurer sur elle, comme Scipion auoit pleuré sur Carthage, après auoir considéré qu'il ny auoit eu qu'un iour entre sa desolation & sa grandeur. Quand les Turcs passerent en Afrique, ils dépeuplerent les deux plus grandes Citez de Barbarie, Capie & Tripoly; & ce que nous en voyons mainténât, n'est qu'un beau reste de leur premiere ruine. Septa, que les Romains firent esleuer sur le destroit des Colonnes d'Hercule, fut la Capitale de Mauritanie, & deuint si fleurissante, qu'il ne luy manquoit rien de tout ce qui peut rendre vne Ville recommandable. Son assiette & son opulence n'empescherent pourtant pas qu'elle ne fust premieremēt prise des Gots; qui en furent apres chassés par les Sarrazins, dont le Comte Iulien se seruit pour venger l'iniure qu'il auoit receuë de Roderic, & qu'il ayda si bien dans le ressentiment qu'il en eut, que ce Roy des Gots & de l'Espagne en perdit en vn instant & le Royaume & la vie. Les Mahometans n'y furent pas plustost establis, qu'ils firent tout ce qu'ils purent pour la peupler, & pour l'embellir

l'embellir plus curieusement que les autres n'auoient fait; mais le Pontife Habdul Mumen, apres l'auoir reprise sur eux, fit abattre leurs plus superbes maisôs, & punir de la seruitude ou de l'exil la plus grande partie de la Noblesse. Vn Roy de Grenade, en ayant fait depuis vne assez riche conqueste, en chassa la pluspart des habitans, emporta ce qu'il y trouua de plus precieux & de plus beau, n'y laissa que les choses superflûes, ou les personnes inutiles, & là rendit le mépris de celle dont elle estoit auparauant le support & l'admiration. Enfin, en l'an neuf cens dix - huiet, vn autre Roy de Portugal se l'assujettit; & pource que ceux qui estoient dedans restoient sans esperance, ils abandonnerent volontai-
rement leurs biens & leurs pays à leur ennemy, pour n'auoir pas esté secourus de leur Roy de Fez, qui auoit alors preferé son plaisir à leur salut, & qui de tout temps auoit plus aimé ses diuertissemens que sa propre gloire. Ce que recite Diodore est bié plus estrange, quád il dit, que le Consul Sempronius prit sur les Aculeyens cinquante Citez en cinquante iours, & si nous - nous en raportons à

vn autre, nous trouuerons que Seuere Iulles General de l'Empereur Adrian, raza cinquante - deux Villes, & brûla d'vne mesme suite nonâte Villages dans la Palestine. Je ne traite point icy de Treves, qui fut la premiere Ville bastie apres le deluge, selon quelques - vns, ou du moins treize cens ans auparauant Rome, ny de tant d'autres qu'on ne rencontre plus que dans les Commentaires de Cesar, & dans les Liures de Leon d'Affrique, de Munster, de Strabon, & de Diodore. Je me contenteray seulement de celles dont i'ay parlé, pour montrer qu'on en a veu la misere, lors qu'on en admiroit la puissance; & pour nous faire ressouuenir par là, que c'est dans la bonne Fortune que nostre modestie doit principalement eclater, puisque les plus hautes prosperitez sont toujours à craindre. Mais pour faire voir encore que ce n'est pas la guerre qui contribue le plus à nos pertes, & que les choses perissent d'ordinaire par ce qui les conserue toutes, nous prouerôs par quelques exemples que chaque element est également redoutable pas ses ardeurs, par les vents, par les tremblemens, & par les naufrages,

ges, & que nostre vie & nostre mort
n'ont le plus souuent qu'un mesme prin-
cipe.



DES

MALHEURS DV MONDE
causez par les Elemens.

Des Tremblemens de Terre.

CHAPITRE XIV.

THALES & Democrite qui ont
cherché la nature des plus belles
choses, & qui ont semble faire des loix
de leurs opinions, ont asseuré que l'eau
seule faisoit tous ces tremblemens épou-
vantables, qui ont fait de tout temps no-
stre estonnement & nostre perte. Les Stoï-
ques disent que c'est l'humidité qui est
dans la terre, & qu'elle sort avec for-
ce lors qu'elle viét à se subtiliser en l'air.
Anaxagoras croit que l'air n'est pas plu-

toſt entré deſſous , qu'il fait vn effort pour en ſortir; & qu'en eſtant empesché par le deſſus qu'il trouue trop fort & trop épais, il l'agite avec violence. Ariſtote preuue qu'eſtant enuironné du froid de tous coſtez, le chaud qui eſt leger de ſa nature, demande à monter , & que l'exhalaiſō ſeiche qui ſ'y ſent enfermée, la ſecouë en s'eſſorçant de la fendre. Metrodorus, apuyé ſur le principe, qu'un corps, qui eſt en ſon centre, ne ſe remuë point ſi vn autre ne le pouſſe , ou ne le tire, dit que quelques parties de la terre vont biē aux autres; mais qu'elle ne peut pas ſe remuër, puis qu'elle eſt dans le lieu qui luy eſt propre. Anaximenes , qui la croit platte, ſouſtient qu'elle eſt portée deſſus l'air , & quelques autres ſur l'eau , comme les lames & les aix que nous y voyons quelquefois flotter , & que c'eſt la raiſon de ſes mouuemens & de ſes deſordres. Platon, Parmenides & Democrite, les font tous venir d'ailleurs; mais Epicure en eſt ſans doute le plus ſubtil; & nous pouuons bien dire avec luy; que la terre peut eſtre agitée par le moyen de l'air qui eſt épais au deſſous, & qui tient de la nature de l'eau ; mais
qu'ayant

qu'ayant des cauernes dans ses parties basses; elle peut estre aussi secouée par les vents qui s'enferment dans ses entrailles. Quoy qu'il en soit, nous decrirons quelques malheurs qui nous sont arriuez par ces accidens horribles; & puisque nous trauaillons plus pour l'Histoire que pour la Philosophie, nous vous ferons voir icy des effets, dōt les autres vous pourront faire voir les causes. Le Chancelier d'Angleterre dans ses œuvres Morales & Politiques, au Chapitre de la reuolution des Royaumes, dit que la matiere des choses est dans vn flux perpetuel, qu'elle ne s'arreste iamais, & que les deluges & les tremblemens sont comparables à deux grands draps mortuaires, qui enseuelissent tout dans l'oubly. C'est ce qui n'empesche pas pourtant qu'il ne nous reste assez de memoires, pource que nous auons à decrire, & que nous ne trouuiōs assez chez les Anciens de quoy prouuer, que les tremblemens ne sont pas seulement de nostre Siecle. Il y en eut vn tel en Asie, que trois Ville furent renuersées sous leurs fondemens; & vingt-quatre ans apres, deux en Asie, & deux en Grece, furent englouties

englouties par vn autre, dont la nouuelle épouuanta les Nations les plus esloignées. L'an de grace cent quinze, sous le regne de Trajan, au rapport d'Eusebe, trois Citez perirent de cette sorte en Galice, & comme si la terre eût fait pès efforts elle - mesme pour se renuerser, il arriua qu'en ce mesme temps Antioche, qui estoit la Capitale de Syrie, en fut secouée d'une façon toute particuliere & estrange. Trajan apres auoir obligé les Romains, iusques à leur donner pour subjets ou pour alliez les Roys d'Ibere, des Osroencens, d'Arabie, de Colchos, du Bosphore, d'Edesse & de Marcomede, choisit Antioche pour s'y delasser de ses longs trauaux, & pour y reprendre tout autant de forces qu'il luy en faudroit pour acheuer d'estendre les limites de l'Empire au delà du Tybre, & de pousser ses victoires à la derniere honte des Parthes. L'Empereur vid lors à la Cour vn prodigieux nombre d'Estrangers, & fut enuironné de toutes sortes de personnes, dont les vnes estoient attirées par l'interest du commerce, & les autres par la curiosité des spectacles. Dans ces deux occupations differentes, on entendit

tendit premierement sous terre vn bruit horrible, qui fut suiuy d'une agitation violente; & comme si ce tremblement n'eût pas suffit à faire trembler les plus resolus, on vid en mesme temps vne partie des maisons suspenduës par vn tourbillon, & d'autres ébranlées par ce mugissement effroyable. Cette tempeste alla plus auant; elle dissipales materiaux qu'on auoit destineez à quelques superbes edifices, elle fit leuer vne poussiere si epaisse, qu'on ne pouuoit se reconnoistre au trauers, & en leua les plus robustes avec tant de force, que leur cheute & leur mort ne fut qu'une même chose. Cét orage n'attaqua pas seulement ce qui estoit dans la Ville, il arracha de la campagne quātite d'arbres avec leurs racines, dont il faisoit des forests volantes, & transporta bien loin le bois & la pierre. Le Consul Romain Pedan fut accablé sous les ruines des bastimens, & Trajan, qui en fut déliuré par vn bonheur, dont on peut faire vne espece de miracle, fut contraint de se sauuer par les fenestres du logis où il estoit, & d'attendre dans le Cirque & sous des tentes, la bonne ou mauuaise Fortune. Est-ce pas
aussy

aussi par vne pareille aduventure que Nicomedie & Nicée sont deuënuës inuisibles ? Que les Tours de le vieille Sinyrne, sont aujourh'uy plus basses que leur fondemens ; que treize mille personnes moururent à Constantinople, & que peu s'en fallut qu'il ne se fit vn abyfme de toute la Ville. Venise fut menacé par vn mesme accident qui fut beaucoup plus prodigieux, il dura quinze iours entiers ; & quoy qu'il ne fut pas épouuantable d'abord, il fit pourtant voir qu'il estoit d'ordinaire de ces déreglemens de la Nature, comme de la eolere, qui n'est iamais plus cruelle que quand elle est lente.

Lirain giusto petto

Longamente si cocc

Quanto più tarda fu, tanto più nocce.

L'Histoire nous apprend qu'en Portugal, il y en eut vn autre qui continua huiet iourss; qu'à Lisbonne il y eut plus de mille edifices ruinez, & plus de deux cens ébranlez, que les hommes estoient peste-mesle enseuelisauec les bestes ; & qu'il sembloit que la terre voulut moins souffrir ce Royaume sur sa face, que dans ses entrailles. Vn mesme vent porta

la

la mesme frayeur dans la Pouille, dans la Calable, & dans le Royaume de Naples, & la mesme année la Cité d'Ariano fut engloutie d'une tourmente, avec huit mille personnes. Les Villes de Dascoly, de Canosse, de Trage, d'Agate, & le Chasteau d'Arpy, disparurent par un tourbillon dans la contrée de Molisse: & celles de Paduble, de Campolasse & de Macona, où trente-deux milles habitans moururent, se seruirent elles-mesmes de cymetieres. Lors que l'Empereur estoit à Spolette, il y eut un tremblement si merueilleux en Italie, qu'il abaissa plusieurs montagnes au dessous de leurs vallées: & long-temps auparavant toute la terre vniuerselle fut tellement secouée, qu'on crût alors qu'elle auoit entrepris d'oster pour iamais au feules moyens de luy pouuoir nuire. Quelques-uns ont crû que les tremblemens de terre qui sont assez ordinaires dans les Indes, venoient des Volcans, pour ce que les exhalaisons chaudes qui s'engendrent dans les concavitez de la terre, semblent estre la principale matiere de ce feu, par qui mesme une matiere plus grosse s'allume.

&

& rend cette flamme & cette fumée qu'ils vomissent. Comme ces exhalaisôs ne trouuent point de sortie libre dans la terre, elles la remuent pour en sortir, avec vne violence plus grande; & c'est d'où vient, à leur opinion, le bruit horrible qui s'y fait entendre, & ce mouuement effroyable, lors qu'elle est remuée par cette exhalaison brussante, de la mesme sorte que la poudre qui rompt les rochers & les murailles, quand elle est touchée du feu dans les mines. Les tremblemens arriuent aussi d'ordinaire dans les lieux proches des riuieres, de la mer, des costes, & generally de l'eau. pource qu'elle bouche les conduits & les ouuertures de la terre par où devroient sortir ces exhalaisons qui s'y engendrent; & que l'humidité qui en épaisist la surface, reserre ces exhalaisons chaudes, qui rompent avec plus de force le lieu où elles sont reserrées, quand elles viennent à s'enflammer. Les Curieux & les Sçauans ont remarqué de là, que les tremblemens de terre estoient rares où il y a quantité de puits, & quand ils n'auroient point fait cette remarque, nous aurions tousiours appris
cette

cette verité de l'experience. Ceux de la Ville de Mexique ont tousiours crû que leurs tremblemens de terre venoient du Lac, sur lequel cette Ville est située, & nous ne deuons point aussi nier, que les Prouinces qui sont auant dans les terres, ne soient sujettes à ces tremblemens, & qu'elles n'en recoiuent de grandes pertes, comme la Ville de Chachapoyas dans les Indes, & Ferrare en Italie, quoy que celle-cy, pour estre voisine d'une riuere, pour n'estre pas fort éloignée de la mer Adriatique, doive estre plustost mise au rāg des Villes maritimes. Il y a de si grands tremblemens de terre au Peru, selō Acosta, qu'ils ont couru depuis Chillé iusque à Quitto, c'est à dire, plus de cinq-cens grandes lieuës. Il y en eut vn à Chillé, selon le mesme, qui renuersa les montaignes toutes entieres, qui empescha le cours des fleuves; qui en fit des Lacs, qui tua vn nombre incroyable d'hommes, qui abbattit des Villes, qui fit fortir la mer de son lieu, de sorte qu'elle laissa les Vaisseaux à sec bien loin de la rade ordinaire, qui causa plus de maux qu'on n'en peut cōprendre, & dont le bruit courut plus de
de

de trois cens lieuës de la coste. Quelque temps apres l'année 1582. vn autre tremblement renuersa presque toute la Ville d'Arequipa; & depuis en l'année quatre vingt six, la neuuiesme de Iuillet, la Cité des Roys en fut affligée d'vn autre, qui courut le long de la coste cent soixante & dix lieuës, & cinquante de trauiers, dedans la Syerre. Vn bruit effroyable preceda ce tremblement, qui troubla la mer comme celuy de Chillé, de sorte qu'elle deuint si furieuse, qu'elle sortit de ses riuages, qu'elle entra presque deux lieuës auant dans la terre, & monta plus de quatorze brasses. L'année suiuaute, il y en eut vn autre dans le Royaume & dans la Ville de Quitto; & l'année cinq cens quatre-vingt-vn, il y en eut vn si estrange dans la Ville de Chuguiano au Peru, autrement appellée la Paix, qu'vn Bourg nommée Angoango; remply d'Enchanteurs & d'Idolâtres, tomba subitement en ruine, que la terre qui s'abatit courut & coula sur le pays vne lieuë & demie, comme si c'eust esté de l'eau, ou de la cire fonduë, qu'elle remplit vn Lac, qu'elle boucha par ce moyen, & quelle demeura estenduë dans

dans toute cette contrée. Je ne veux point icy particulariser les mesmes malheurs, où les plus celebres Villes d'Asie, d'Achaye, de Syrie & de Macedonie, ont esté sujettes; Et ie ne parle point des Isles de Cypre & de Paphos, qui en ont reçu des pertes si considerables, puisque ce seroit ennuyer ton esprit plustost que le diuertir, & que le nombre des exemples n'en fait pas d'ordinaire la forte, ny la beauté. Il est temps de te faire voir des Villes flottantes, & d'autres sous l'eau, & de te montrer que telles Prouince fut autrefois bien esloigné de la mer, qui en est maintenant couuverte.

Des Innondations & des Deluges.

CHAPITRE XV.

JE ne traite point icy de ce deluge vniuersel, qui des quatre Elemens n'en fit que trois, & qui ne fit qu'une mer de toute la terre: la memoire en doit durer autant que le Monde. Et ce seroit décrire vne chose que les enfans mesmes n'ignorent pas, & dont la connoissance est
comme

comme naturelle à tous les hommes. Celuy-cy fut vn effect de la Iustice de Dieu : Mais ie rapporteray seulement quelques exemples plus particuliers. Et puis que mon dessein est de traiter simplement de l'inconstance de la Fortune, ie feray voir par ceux où elle a la meilleure part, qu'elle commande à tout, si ce n'est à la vertu; qu'on peut faire naufrage sur plusieurs Villes, & qu'on fait maintenant voguer des Galeres, où l'on cultiuoit autrefois la terre. Du temps que le Patriarche Iacob seruoit en Mesopotamie son beau-pere Laban, Orose dit, que dans la contrée d'Achaye, où regnoit pour lors Ogiges, il y eut vne si grande inondation; que toutes les Isles en furent couuertes; les animaux nageoient où ils auoient coustume de paistre, & les habitans au milieu de leur foyer estoient enseuelis dans les ondes. La Poësie, qui ne peut riē souffrir chez elle sans le déguiser, & qui change les plus belles Histoires en fables, nous a laissé vn tableau de Prometée déchiré par vn Aigle sur le Mont Caucaise, & l'a représenté si malheureux, qu'elle a fait vn martyre de son supplice. Mais il est besoin

Soind'expliquer en peu de mots cet Enig-
me, & d'asseurer avec Diodore Sicilien,
que ce n'est pas tant icy vne moralité
qu'il faut chercher, qu'une verité qu'on
doit croire. Je n'examineray point en ce
Chapitre, si les vents qu'on appelle Ete-
siens grossissent le Nil, s'il s'enfle, &
s'il se remplit de l'Ocean, si c'est par la
neige de l'Ethyopie, ou par celle du
Septentrion, & si les sablons, & les eaux
de la Lybie, ou les grandes pluyes, &
la contrariété des saisons causent ce
miracle qui arrive à l'Egypte toutes les
années. Je ne feray point voir que la
partie de terre qui est deuant l'Ethyopie
interieure, s'elargit en pointe iusques
au Cap de bonne Esperance; ce qui peut
estre la vraye cause des inondations du
Nil, qui sont tousiours en Esté, pource
que la l'Hyuer & les pluyes commencent
au mois d'Avril: quand le Soleil passe
desja le signe du Belier; & comme ces
eaux qui viennent des pluyes & des nei-
ges, s'assemblent & font de grands Lacs
& de grands Estangs, qui composent ce
fleuve; il eslargit de mesme son cours,
& apres vn long chemin, il vient enfin
se d'eborder en Egypte. Cecy ne doit pas
en

en effet sembler fort estrange, ny fort esloigné de la raison, puisque l'Hyuer est à la source du Nil, c'est à dire, dans le Tropique de Capricorne, lors que l'Esté est en Egypte, qui est situé au Tropique de Cancer. Quoy qu'il en soit, Acosta dit, qu'il se fait vne inondation dans l'Amerique semblable à celle du Nil, & que le Paragoy, ou la riuere de la Platta se desborde tous les ans, par l'abondance des eaux qui tombent des montagnes du Peru, & que pour ce débordement épouuantable, les habitans sont contraincts dans ce mois-là, de quitter l'habitation de la terre, & de se tenir dans les barques. Pour reprendre mon discours, ie diray donc avec Diodore, qu'au commencement des iours Caniculaires du téps d'Ositis, fils de Saturne, le Nil se desborda si prodigieusement, que ce fleuve qui auoit tousiours fait la fertilité de l'Egypte, en pensa faire la derniere perte, & tout le pays de Prométhéen fut si bien ruiné, que peu s'en fallut qu'avec tous ses biens, il ne perdit encore la vie. Ce Seigneur s'estant à peine sauué en put considerer sa condition sans la plaindre; il voyoit toutes ses maisons

maison emportées par la violence de l'eau, tous les sujets deuorez par les Crocodiles ou par les poissons, tous les trefors éuanoüis, & toutes les esperances mortes avec ses domestiques. Il n'auoit plus à qui commander, & ne scauoit encore ce qu'il deuoit deuenir: Il ne pouuoit ouurir les yeux sans voir tout ce qu'il auoit sujet de craindre; du sommet de Caucaſe il conſideroit au pied la plus grande partie de ſes richesses flottantes; & ſon malheur eſtoit ſi preſſant, qu'il ſeſbloit que la Fortune en cét eſtat, ne luy eût laiſſé que le choix de mourir de ſa propre main. Comme il reconnut que c'eſtoit le ſeul bien qui luy reſtoit, il crût qu'il eſtoit iuſte de le meſnager, & c'eſt de là que les Poëtes ont voulu nous perſuader qu'il eſtoit déchiré d'un Aigle, pource qu'ils n'ont rien trouué qui pût mieux repréſenter la rapidité de ce fleuve que ſon vol, & qu'en effet le Nil auoit eſté la ſource de ſon deſeſpoir & de ſes pertes. Les Anciens nous ont décrit vn deluge à peu près ſemblable en Theſſalie, ſous le regne de Cecrops, & nous ont fait entendre qu'on y vid long - temps flotter de tous coſtez des foreſts étieres;

que les plus hautes môtagnes y estoïent
autant d'ecueils effroyables, & que de
tant d'habitans qui peuploient ce beau
Royaume, il n'y en eut point de sauuez
que ceux que Deucalion receut dessus le
Parnasse. Qui ne sçait pas que le mesme
malheur a trois fois ébranlé l'Isle de
Rhodes? Et si vn peu apres la mort d'A-
lexandre, la muraille de la Ville n'eut
creué sous les eaux qui la battoient, qui
doute que la fin de cette aduanture
n'eût esté celle de sa puissance & de sa
durée? Les Indiens parlent d'un déluge
qui fut chez eux, & qui fut si grand en
effet, qu'on ne peut iuger, dit Acoſta,
si c'est celuy qu'on trouue dans l'Escri-
ture, ou si ce fut quelque inondation
particuliere des regions qu'ils habitent.
Quelques Sçauans ont crû, même aupara-
uant Acoſta, qu'il est different de celuy
de Noe, & qu'il est à peu près semblable
à celuy qu'on trouue de Deucalião dās les
Poëtes. Les Indiens disent, que tous
les hommes furent noyez dans de de-
luge; qu'il sortit du grand Lac Tiracaca,
vn Viracocha, qui s'arresta à Tiaguana-
co, que de là il vint à Cusco, & que le
genre-humain s'y multiplia sans aucun
obstacle

obstacle. Ils montrent dans ce Lac vne petite Isle, où le Soleil se conserua selon leur creance, & c'est pour cette raison qu'ils luy sacrifioient des animaux & des hommes. Les autres soustiennét, que six hommes sortirent par vne fenestre d'vne certaine cauerne nommée Pacaricambo, & que ceux-cy commencerent à multiplier, & c'est delà qu'ils les nomment Pacariamto. Ils en tirent cete consequence, qu'il n'y a point de race plus ancienne que les Tambos, dont est descendu Mango Capa, Chef & fondateur des Inguas; qu'il en sortit deux familles, l'vne de Hanan-Cusco, & l'autre de Vruny-Cusco, & que les Inguas auoient toujours cette raison dans leurs guerres, que les grands & les petits estoient obligez de les reconnoistre, puisque tout le monde s'estoit renouvelé de leur race, & de leur patrie.

Lors que Chilperic regnoit en France, l'Auuergne fut presque toute ruinée par des pluyes si prodigieuses, qu'il sembloit qu'elles deussent changer toute cette Prouince en vn Lac, qu'elles eussent fait des bras de mer de nos fleuues, & que par elles nos petits ruisseaux fussent de-

uenus de grandes riuieres. Ce pays ne se ressentit pas seul de ce defastre; le Rhône qui se deborda, mesla ses eaux avec celles de la mer sur terre ferme, plusieurs edifices en furent emportez, & les habitans de Bourdeaux, qui virent tomber par vn mesme accident vne partie de leurs murailles, eurent plus de peine à se remettre de la peur qu'ils auoient eüe, que de la perte qu'ils auoient faite. Du temps de l'Empereur Maurice; on vid vn deluge vniuersel; en beaucoup d'endroits la hauteur des eaux égala celle des clochers, le Tybre se fit vn cours par dessus les murailles de Rome, & cette inondation fut suiuite de tant de tonnerres, que l'eau & le feu entreprirent également la ruine de Verone, pource qu'une patrie deuint vn estang, & que l'autre fut consommée par le foudre. Cinq cens ans apres, il y eut encore vn si grand débordement en Italie, qu'il fit courir meisme danger aux Peuples des Villes & de la campagne; les Oyseaux, & les animaux domestiques en furent tellement épouuantés, qu'ils en deuinrent depuis sauuages; & dans ce mal-heur, il n'y a personne qui n'eût pris alors l'Italie entiere

tiere pour vne Isle. Enuiroü deux cens ans après, la mer couurit en vn instant les terres de Frize & de Halderic, lors que cès Peuples ne songcoiét qu'à se diuertir, leurs chants de ioye furent changez en des cris funebres; & comme si Dieu ne se fût pas ressouuenü de la promesse qu'il fit à Noé, de ne plus perir le Monde par eaux, ces malheureux crurent que leur misere deuoit estre commune au reste des hommes. Il est vray qu'elle fut suivie d'une autre qui ne fut pas moins estrange; l'air y deuint tout d'un coup contagieux, les hommes, les bestes, & les Oyseaux beuuoient leur mort à mesure qu'ils respiroient; & tout ce qui avoit esté laissé par le deluge, fut emporté par la peste. Autrefois la Holande soupira long-temps pour vn accident semblable, lors que derriere Dorerech, la mer engloutir cent mille hommes avec quelques Villes & plusieurs Villages; & depuis les inondations y ont causé tant de pertes en certains endroits, qu'on y tremble encore au ressouvenir de cette funeste auanture. Que sont deuenües Helice & Buris, n'ont-elles par seruy de jouët & de proye

aux flots? Et n'a-on pas veu Tyrré flotter long-temps sur les mesmes ondes qui l'enfeuclirent? Si l'on considere les habitans des Indes Occidentales, on trouuera que leurs riuieres s'ont si suiettes aux débordemens, que celles d'Afrique, d'Asie, & d'Europe, ne sont au prix d'elles que des ruisseaux; & si l'on demande comment les habitans ne laissent par s'y subsister, on sçaura que la Nature leur a donné de quoy s'en pouuoir par fois garantir, & qu'ils se peuuent sauuer sur leur montagnes qui sont beaucoup plus hautes que celles du vieux Monde. C'est ce qui me fait croire, avec le grand Chancelier d'Angleterre, que ce qu'un Prestre Egyptien dit à Solon de l'Isle Athlantique, n'est point du tout vray-semblable, & qu'elle disparut moins par vn tremblement de terre que par vn deluge. Si on s'en raporte à Platon, il soustient que cette Isle a esté perdue par cette derniere auanture, qu'elle estoit aussi grande que toute l'Asie & l'Afrique ensemble; qu'il y auoit vn Temple qui auoit mille pas de long, & cinq cens de large, dont les murailles par le dehors estoient toutes couuertes d'argent, tout le lambris d'or, & le dedas d'yuoire cizelé, & entrelassé d'or, d'argent,

& de perles. Si Critias, qui auoit fait ce compte à Platon, n'a point fait vne Hïstoire d'vne fable, de toutes les pertes, celles-cy en a esté plus grande; & quelques vns ont esté assez curieux pour s'entretenir, que cette Isle occupoit alors la plus grande partie de la mer Oceane, appelée Athlantique, & que les autres Isles qui estoient proche de terre, sont celles que nous appellons encore au iourd'huy les Isles de Barlouente, c'est à dire, Cubé, Espagnolle, sainct Iean du Port-Riche, Iamaïque, & les autres Isles de cette contrée, que la terre ferme, dont il parle, est celle que nous appellons aussi terre ferme, sçauoir le Peru, & l'Amerique; que cette mer qu'il appelle vraye, joint cette terre ferme, c'est à dire la mer du Sud, & qu'il la nomme vraye, pource que les autres mers, la Mediterranée, & l'Athlantique, ne sont pas veritablement des mers, s'ils faut en iuger par leur grandeur.

Quoy qu'il en soit les débordemens d'eaux ont esté la source de tant de malheurs, que les embrazemens & les secheresses, ne s'ont rié en cōparaison; Ces deux derniers fleaux de la Nature l'affligent

bien, mais ils ne la destruisent pas ; & chacun sçait que le chariot de Phaëton fut pour vn iour seulement , & que les trois années de secheresse du temps d'Helie furent aussi particulières, mais qu'elles n'empescherent pas le Peuple de viure. Toutefois nous en ferons voir dans les deux Chapitres suivans des effets assez remarquables , & nous reconnoissons par là qu'il n'est rien de stable au Monde , que les objets de nos esperances doiuent l'estre aussi de nos craintes, & que le soustien ordinaire de nostre vie ne laissa pas d'en estre quelquefois le fleau.

De l' Air.

CHAPITRE XVI.

IL y a fort peu de personnes qui ne sçachent que la famine nous vient de la secheresse de l'air , & que sa corruption engendre les plus grandes pestes. Mais comme il y en a de plusieurs especes, il s'en est veu dont la cause ne nous est pas encore connue, & dans la recherche

che de laquelle la Philosophie est le plus souuent esgarée. Il y en eut vne à Athenes qui fut telle , que les Oyseaux de proye fuyoient ceux qui en auoient esté frappez ; & des corps de ceux qui en estoient malades vers la mer rouge , on voyoit sortir des petits serpens qui leur mangeoient les bras & les jambes , & qui rentrans aussi-tost qu'on taschoit de les toucher, s'enueloppoient parmy les muscles , & leur faisoient souffrir des douleurs plus insupportables que toutes celles qu'on a tirées autrefois des instrumens de la tyrannie. Thalés de Candie, fut contraint de s'en aller à Lacedemone pour déliurer ses Citoyens de celles dont ils estoient cruellement affligez ; Et nous lisons dans Homere, qu'il en auoit aussi chez les Grecs, qui n'estoient appaisées que par la Musique. Les Phaleriens ne pouuans plus trouuer de remede ny de consolation contre la peste, allerent consulter l'Oracle pour sçauoir quel en seroit enfin le succez ; & comme il leur fut répondu, que leur mal-heur ne cesseroit point, qu'ils n'immolassent à Iunon vne ieune fille toutes les années, le sort voulut que Valeria Luperca fut destinée.

à ce sacrifice. Au milieu de cette funeste ceremonie, dont ils faisoient vn grand mystere, vn Aigle vint fondre sur elle; qui éporta l'épée du Prestre & qui la mit sur vne genisse, qui seruit depuis de victime; & les Phaleriens avec Valeria furent deliurés de cette misere. Dans le Pays de Lacedemone on vid vne pareille auanture, en faueur d'Helene; & ce prodige qui les estorna, les empescha depuis de conduire leurs filles à l'Autel, puis qu'ils pouuoient contenter l'Oracle avecque des bestes. Lors que les Soldats d'Audi-
dius Crassus; Lieutenant de Marc-Antoine, estoient dans la Ville de Seleucie, ils trouuerent vn coffre dans le Temple d'Apollon, sur lequel ils ietterent aussitost les mains que les yeux; mais iamais auarice ne fut mieux punie, & iamais curiosité ne fut plus fatale que la leur, pource qu'il en sortit vn air si corrompu, qu'apres auoir infecté toute la region de Babylone: il penetra iusques en Grece, passa d'vne mesme suite en Italie; & fit mourir la troisieme partie du monde. Dans ces deserts du Peru, que les Indiens appellent Punas, il se trouue vn air qui penetre de telle sorte, qu'il tren-
che

che les corps & la vie des hōmes. Ceux qui furent contraints d'y passer sous la conduite de Ierosme Costilla, y moururent presque tous, & la qualité de cet air est si estrange, qu'elle conserue mesme les corps qu'elle tuë. Ils y sont exēpts de mauuaise odeur & de pourriture, selon Acosta, qui en rend cette raison, que ce genre de froid est si penetrant qu'il esteint la chaleur naturelle en retranchant son influence, & que ce froid empesche aussi que les corps ne se corrompent, puisque la corruption ne vient que de chaleur & d'humidité.

Après la mort de Pericles Capitaine des Atheniens, sur la fin de l'année de la premiere guerre de Peloponese, Thucydide assure qu'il y eut vne peste si prodigieuse, qu'elle resista touiours aux remedes de la Medecine, & qu'elle fut si generale, qu'elle descendit de l'Ethyopie en Egypte & en Lybie, qu'elle s'epēdit insques en Perse, & ne cessa que par la desolatiō de toute la Grece. Cēt Auteur qui en fut frappé luy-mesme, en fait vne descriptiō merueilleuse, & dit que la chaleur qu'on ressentoit estoit si grāde, que ceux qui n'estoient point retenus se pre-

cipitoient dans les puits pour s'y rafraichir , que d'autres cherchoient les plus prochaines riuieres où ils ne pouuoient esteindre ce feu qu'avec leur vie. Du téps de Gallus, vne peste de cette nature sortit du costé d'Ethyopie , qui consomma tous ceux du Midy , & qui saisit toutes les autres parties du Môde; & quoy que Cardan se persuade que la peste ne puisse durer que deux ou trois ans au plus , à cause de la subtilité de l'air qui la contient, & des vents qui la changent à toute heure par leurs agitations continuelles , il est certain pourtant que celle-cy dura prés de dix années. L'Auteur des Chroniques de la Grande Bretagne , dit que sous le regne de Calualadrus, il y en eut vne si longue en ce Royaume, qu'elle continua vnze ans tous entiers, & la représente si horrible, que les vluans pouuoient à peine fournir à la sepulture des morts. Il y a trois cens trente-vn ans, que trente mille hommes moururét de peste à Cologne, douze mille à Treves , seize mille a Mayence , six mille à Vvorme , neuf mille à Spire , vnze ou douze mille à Strasbourg, quatorze mille à Basle, & vn nombre infiny d'autres dans plusieurs Villages,

Villages. Cét accident estonna les Alle-
mans de telle sorte, que la pluspart son-
gerent plus à quitter leur terres qu'à les
faire cultiuer; & c'est ce qui fut cause
que la moitié du Peuple qui estoit resté
mourut miserablement par la famine, &
que l'autre couroit de la mesme Fortu-
ne, si la Sicile n'eût esté alors le grenier
de l'Allemagne, comme elle l'estoit au-
trefois de Rome. Guy de Choliac, dit
qu'il a veu de son temps vne peste qui
affligea toute la Nature, & qui apres
auoir passé de l'Euphrate iusques à la
Mer Glaciale, ne laissa sur la terre que la
quatriesme partie du monde qu'elle y
auoit trouué. Ce fut alors que l'amour
& la charité furent tout à fait refroidie;
le fils voyoit mourir son pere sàs se met-
tre en peine de le soulager; le frere & la
sœur se fuyoient comme deux ennemis
irreconciliables, la mere abandonnoit
son enfant de peur de porter sa mort en
le portant avec elle, & la femme regret-
toit l'absence de son mary, & n'en crai-
gnoit que la rencontre. Cette peste fut
remarquable, pource qu'entre tant d'hô-
mes, il y en eut fort peu de riches qui
moururent: mais deux ans apres, selon
le

le même Autheur, il y en eut vne autre qui n'attaqua presque point les pauvres, cōme si c'eût esté par là qu'elle leur voulût faire remarquer que la pauvreté leur seruoit à tout le moins à quelque chose. De toutes celles dōt i'ay traitté, il ne s'en est point veu de plus cruelle, ny de plus dangereuse que celle qui dura vn an dans la premiere Ville de Prouence, les vns & les autres mouroient lors qu'ils se pensoient nourrir; ils expiroient tous à table sans auoir seulement le loisir de se mettre au lit; & le nōbre des morts fut tel, qu'on ne les pūt tous enterrer dās les cymetieres. L'effet de cete maladie estoit si prōpre & si certain, que ceux qui en étoient frappez, se couloient eux-mêmes dans vn linceul, & souuent leur vie estoit plūtoſt acheuée que leur entreprise. Je ne parle point icy de celle qui du temps de l'Empereur Maurice changea tellement les hommes qu'ils ressembloient à des mōſtres; ny de tant d'autres qui ont persecuté Rome, Paris, & Constantinople, il est temps de parler des torrens de la flāme, & de tirer pour nostre instruction quelque lumiere du feu qui est estrange & de celuy qui est domestique.

Du

Du Feu.

CHAPITRE XVII.

Heraclite & Hippase de Metaponte soustienent que le feu estoit le principe & la fin de toutes les choses ; mais si elles ne luy doiuent pas leur estre, voicy de quoy preuuer au moins qu'il en a fait perir la plus grande & la plus noble partie. Du temps de Cerops premier Roy d'Athenes, les influences des corps Celestes exciterent vne ardeur en Oriët, qui apres auoir seché d'abord les fontaines, eschauffa si bien la mer, qu'on eût dit qu'elle bouilloit, & ne fit qu'un peu de cendre de plusieurs Villes. Sous le regne d'Achab Aoy d'Israël, l'air fut tellement échauffé, qu'il n'en tomba point d'eaux trois ans entiers dās la Palestine ; & sous l'Empire de Constantin Copronime, selō Zonare, il fut si bruflāt qu'il desseicha iufques aux riuieres. Cardan parle d'une autre ardeur si violente. qu'elle fit mourir é trois iours la plûpart des plantes de la Lombardie. Mais pour-

ce

ce que ce feu semble estre le plus lent & le moins dangereux de tous , celuy qui est le sujet ordinaire de nostre estonnement & de nostre crainte , sera maintenant celuy de nostre entretien. Lors que Cambises Roy de Perse enuoya son armée en Lybie pour s'y faire vn butin des ornemens & des richesses du Temple de Iupiter Hammon , le Ciel qui ne pût voir l'obeyssance criminelle de ses sacrileges ; sans en precipiter la vengeance, s'emeut d'esclairs & de tourbillons ; & côme si ce chastiment eût deu seruir d'exemple à tous les auares ambitieux, il se trouua que cinquante mille hommes furent écrasez de ses foudres. Du temps que les François estoient en garnison à Milan , le foudre tomba sur vne Tour, dont on auoit fait l'Arsenal, & son effet fut si prodigieux, que la moitié du Chasteau fut enseuelie sous l'autre , & qu'il n'y eut presque point d'endroit dans la Ville qui ne se ressentit de cette fatale aduanture. Vn pareil accident estonna bien d'vne autre sorte les habitans de Malines en Brabant six ans apres , & le foudre y fit vn si grand embrasement, qu'ils crurent que ce n'estoit pas plus la

fin

fin de leur Ville, que celle du monde. En vn moment l'eau des foïsez fut tarie, la porte d'Arene disparut avec vn éclair, les murailles qui la joignent furent cachées sous leurs fondemens, & les maisons renuersées les vnes dessus les autres, ne laisserent point de passage à ceux qui croyoient que pour éuiter le peril, il estoit meilleur de s'en esloigner que de l'attendre. Les Relations ordinaires nous apprennent, que les Indes Occidentales s'ont fort sujettes à de sēblables embrasemens, & l'expérience a fait voir, que l'Italie en a plus souffert elle seule que tous les Royaumes ensemble. La Ville de Vvorme, au rapport de Munster, a esté deux fois presque toute consummée par deux accidens differens: c'est sur ses propres cendres qu'elle a esté depuis rebastie. Pour montrer que l'effroy se cache entre les choses les plus paisibles, Lyon fut brulé dans vn temps calme & serain, & lors mesme que ses Citoyens ne songoient qu'à ménager le repos dont il iouissoient; & chacun sçait qu'une seule nuit emporta ce qu'une longue suite de trauaux auoit eleué en plusieurs Siecles. On n'a point veu d'embrasement si cruel, escrit Senecque à son

amy, qu'après celuy là il n'y soit encore resté quelque chose pour vn autre, & le feu ne deuore iamais si bien tout, qu'il n'y laisse quelque partie pour le fer; mais cette Ville, qui estoit admirée, dans la Gaule, y est maintenant cherchée, & elle a moins esté à estre destruite, que ie ne suis à te le conter. Dithmarus Bleskemiuss, dit que l'Islande est deux fois plus grande que la Sicile, qu'elle a cent, mille d'Italie en longueur, & qu'il y a trois montagnes considerables, dont l'une s'appelle, de la Croix; la seconde, Suenielstockel; & la troisieme Hecla, du costé du Septentrion de l'Isle. Il assure que cette-cy a bruslé plusieurs années, mais qu'on ne sçait de quelle matiere, ny de quel feu, qu'elle vomit quelquefois des flammes, quelquefois des cendres noires, avec vne si grande quantité de pierres, que tout l'air en est obscurcy. Lors que le temps est serain, & qu'on y jette quelque pierres, elle les rejette avec vn bruit épouuantable, & l'on ne voit à l'entour que des Spectres qui se promènent. Cét Autheur, qui estoit en Islande, l'an 1563. dit, qu'une flamme parut la nuit en mer pres de la montagne, que

que toute l'Isle en fut éclairée, qu'un horrible tremblement suivit cette lueur extraordinaire, & qu'il fut tel, que mille canons n'eussent pas fait tant de bruit, quand on les eût tirez tous ensemble. La mer se retira de deux mille, & depuis on a toujours marché à pied sec dans ce lieu-là même. Il eut la curiosité d'y aller, ou pour mieux dire, il obeyt au Vice-Roy; qui luy commanda de s'approcher de ce gouffre avec un Danois, & deux habitans de l'Isle. Il fut quatre iours à monter Hecla, & vid qu'autour, la terre estoit couverte de cendre noire & de pierre ponce: mais comme il voulut la voir de plus près, il sortit un si grand bruit, & tant de fumée & de feu des entrailles de la terre, qu'il pensa mourir de l'odeur du soulfre, & quoy qu'il fit pour se remettre, il en fut malade deux mois entiers, que les plus sçavans Medecins iugerent de lors, qu'il n'y avoit que la mort qui le pust guerir de sa maladie.

Sous le regne de Titus, on vid d'abord sur le Mont Vesuve des spectres d'une grandeur monstrueuse; & cette avanture fut suivie d'une extrême secheresse, &
d'horribles

d'horribles trémblemens de terre qui renuerferent iufques au fommet de montagnes. La mer voisine du costé de Naples enfut extraordinairement agitée; les flots en se choquant ne se rompoient les vns contre les autres qu'avec vn mugissement effroyable, & dans les Elemens, & dans le Ciel, on ne voyoit que des prodiges. La montagne qui creua quelque temps apres, commença de lors à jetter des pierres, qui ressembloient à des rochers, & à vomir la flamme avec vne fumée si épaisse; que l'air en fut tout obscurcy; & la lumière du Soleil en fut si bien affoiblie, qu'on la compta parmy les autres eclypses. De cét embrasement épouuantable, il sortit vne telle abondance de cendres, qu'elles ne firent pas seulement mourir les hommes, les bestes, les plantes, les poissons, & les oyseaux; mais elles couurirent encore deux Villes entieres. Ces cendres vole-
rent par dessus les mers, iufques en Afrique, en Syrie, & en Egypte, & repasserent à Rome, avec vne perte si remarquable, qu'on crût qu'elles auoient amené avec elles la peste, dont cette Ville fut quelque temps apres toute desolée.

folée. Outre ce mal-heur, il luy en arriva encore vn autre, le feu se mit en plusieurs endroits, & brusta les Temples de Jupiter Capitolin, d'Isis, de Serapis, & de Neptune. Il consumme les Estuues d'Agrippa, le Pantheon, le lieu de la montre des Soldats, les bastimens & la Librairie d'Auguste, & les Theatres de Balbus & de Pompée. Plusieurs montagnes vomissent se feu aussi-bien que le Vesuve, comme l'Æthna, Strombol, Lipare, & celles qui sont dans l'Isle de Vulcan, & dans les Orcades vers le Nord; & nous en auons mesme la description de quelques autres dans le vingt-quatrième Chapitre de l'Histoire des Indes d'Acosta, au Liure troisieme. Il dit, que ces Volcans sont des rochers qui s'eleuent au dessus des autres montagnes; que le sommet en est plus plat, & qu'il se treuve au milieu vne grande bouche qui penetre tout le rocher, & qui descend iusques au pied. Il y en a qui jettent peu de fumée, & qui ne ressemblent point à ces Volcans, comme celuy d'Arequipa, qui est d'vne hauteur estrange, qu'on ne peut monter en moins de deux iours, & qui est presque tout de sable. Le Volcan
de

de Mexique, qui est proche du Bourg des Anges, est d'une hauteur si effroyable qu'on y monte trente lieues en tournant, & chaque iour presque il en sort vn tourbillon de fumée; avec la mesme vitesse que pourroit estre tiré vn trait d'arbaleste. La fumée en sort le matin quand le Soleil est levé, & le soir quand il se couche; & cette fumée est suivie quelquefois d'une prodigieuse quantité de cendres. Du temps d'Acosta, on n'y avoit point encore veu paroistre de feu; mais on craignoit desja que la terre qui est autour, & qui est la meilleure de tout le Royaume n'en fust à la fin bruslée. On croit mesme que ce Volcan respond à la Syerre de Tlaxcala qui en est fort proche, & qu'il cause par ce moyen les esclairs & les tonnerres épouvantables, qu'on ne voit & qu'on n'entend qu'avec une frayeur qui glace le sang des plus resolus & des plus stupides. Quelques Espagnols qui ont eu la curiosité d'y monter, en ont rapporté de la terre, ou de la mine de soulfre. Les Volcans de Guatimalla, sont bien plus grands & plus hauts, & ceux qui nauigent dans la mer du Sud; les descouvrent de fort loin pour leur hauteur,

teur, & pour la quantité de feux qu'ils vomissent. L'an 1586. toute la Ville de Guatimalla tomba presque par vn tremblement de terre. Six mois auparavant, ce Volcan n'auoit cessé de vomir vn fleuve de feu; la matiere qui en tomboit aux costez, se conuertissoit en terre brulée; & certes, il est malaisé de concevoir comment. il en pouuoit tirer de son centre vne quantité si grande, puis qu'il ne jettoit auparavant que de la fumée, qu'il n'en vomissoit pas même tousiours, & qu'on n'y voyoit paroistre d'ordinaire que de petits filets de flammes. Celuy qui est près de la Cité des Roys en Quitto, vomit tant de cendres, préque dans le mesme temps, qu'il sembloit que ce fust vne pluye du Ciel & qu'on eut même beaucoup de peine à cheminer dās les rues. Il y en a qui ne jettent ny feu, ny fumée, ny cendre, mais qui brûlent au fonds d'vne flamme viue, & qui ne s'esteint iamais depuis qu'elle est allumée. Entre ceux qui ont recherché la cause du feu & de la fumée de ces Volcans, quelques- vns ont crû qu'ils consommoient la matiere qu'ils ont au dedās, & qui leur est naturelle, & qu'ils doiuent finir par
cette

cette raison là meſme , comme on voit que le feu ſ'eſteint quand il manque de matiere. Ils confirment leur opinion par ces rochers & par ces montagnes , d'où l'on tire de pierre brulée , qui eſt fort legere , fort dure , & merueilleuſe à baſtir ; ſouſtiennent que ces montagnes ont eu autrefois vn feu naturel , qui ſ'eſt eſteint apres que la matiere en a eſté conſommée. Cette opinion n'eſt pourtant pas vray-ſemblable , puis que la matiere que ces montagnes vomifſent eſt preſque infinie ; qu'elle ne pourroit tenir dans le lieu d'où elle ſort , ſi elle eſtoit toute enſemble , & qu'il y en a qui ne ceſſent iamais de jeter du feu , de la fumée , & de la cendre. Il y a plus d'apparence de croire qu'il y a des lieux qui ont la vertu d'attirer les exhalaiſons chaudes , & de les conuertir en feu , comme il y en a d'autres qui ont la proprieté d'attirer les vapeurs , & de les conuertir en eau ; ce qui cauſe les fontaines , puis qu'il faut qu'elles coulent de neceſſité tant qu'elles attirent la matiere de l'eau qui les fait & qui les conſerue Il en eſt de meſme de ces Volcans , qui apres auoir conuertty

conuertty en fumée & en feu , les exhalaisons qu'ils ont attirées , vomissent d'autres matieres espaisées qu'ils conuertissent en cendre , en pierre de ponce, ou en quelqu'autre matiere semblable. Pour rendre la chose plus sensible encore , c'est qu'il en sort de la fumée dans vn temps & du feu dans l'autre, selon qu'ils ont pû attirer , cuire & allumer cette matiere ; comme les fontaines ne rendent pas tousiours l'eau esgalement ; puis qu'il est certain qu'en Esté, on ne les treuve pas si abondantes qu'en Hyuer, & qu'elles ne fournissent que selon leur force, & selon la matiere qui se presente.

Après auoir parlé de tant de feux differens , il reste quelque chose à dire des Cometes , non pas pource qu'elles sont simplement les presages de tant de mal-heurs , comme veut Cardan , mais encore pource qu'elles en sont la cause selon quelques autres. Puis qu'elles engendrent la secheresse, & par consequent la famine , que la peste & toutes les autres maladies la suiuent, selon Kepler ; & que mesme les trem-

blemens de terre sont les ouvrages des vents, qui n'y sont excitez que par leurs fumées; peut-on pas asseurer avec raison, que ces monstreux flambeaux, qui ne sont iamais allumez qu'à nostre ruine, n'en sont pas tant les signes que les auteurs; Et qu'ils en ont toujours moins esté les messagers que les ministres? C'est ainsi que les Anciens virent vne Comete qui dura septante - cinq iours vn peu auparavant les guerres de Peloponese; & vne auparavant que les Atheniens fissent tant de pertes en Sicile. Vne horrible preceda la défaire des Lacedemoniens par les Thebains; & l'Herésie d'Arrius fut aussi predite, ou plustost causée par vne autre qui ne fut pas moins effroyable. Quelques autres ont marqué de temps en temps la destruction de Thebes & de Corinthe; celle de Rome par Charles - Quint; les factions de Guelphes & des Gibelins; la descente des Gots en Italie; le changement de l'Empire Romain; & tout ce qui arriua sous Olaudius; la guerre d'Achaye; la venue des Bulgariens en Thrace;

Thrace ; & les guerres ciuiles de Cesar & de Pompée. Mais nous auons assez parlé de ces déreglemens de la Nature il faut passer maintenant des Villes & des Elemens aux Hommes , & montrer que la Fortune se mesle également de la grandeur & de la bassesse, & que sa puissance est aussi souueraine dans les Palais, que dans les ruines.

Fin du premier Liure.



LE
TABLEAU
DE LA
FORTUNE
LIVRE SECONDE

DES MALHEURS
arrivez aux Roys, & aux
Grands par les guerres.

*De Minos Roy de Candie, & de The-
sée Roy d'Athenes.*

CHAPITRE I.

DOVRCE que l'Histoire de The-
sée est enchaînée en quelque
façon avec celle de Minos, il est
neces



nécessaire que celuy-cy nous fasse vn passage pour le premier , & que nous montrions par vne mesme suite de disgraces, que le portrait de l'vn pourroit bié estre le portrait de l'autre. Si la naissance est le plus grand de tous les biens, il est certain que Minos deuoit estre le plus riche de tous les hommes , puis qu'il estoit fils de Iupiter Roy de Crete , & d'Europe fille d'Agenor, Roy de Tyr. La Nature qui auoit secondé merueilleusement ce don de Fortune , l'auoit fait naistre encore si beau , qu'il estoit l'admiration de toute la Terre; & comme si elle eût voulu faire vn chef-d'œuvre de ce jeune Prince, elle luy donna vn esprit si vif, & si penetrant , qu'en luy la beauté du corps n'estoit rien en comparaison de celle de l'ame. Il n'estoit point de iour qu'il ne rendit celebre par quelque vne de ses actions ; ses vertus Militaires esclatoient aussi glorieusement que les Morales; & pour montrer qu'il estoit aussi heureux qu'il estoit vaillant, les Royaumes de Candie & d'Athenes, deuinrent les premieres conquestes de ses armes. Sa felicité ne fut pas bornée dans ses victoires, il espousa Pasiphaë fille du Roy de

Rhodes, dont il eut quelques enfans; & cette alliance qui ne luy laissoit rien souhaitter fut depuis la source de son desespoir & de sa honte. Pour tirer le tribut qu'il se faisoit rendre des Athéniens toutes les années, il leur enuoya son fils Androgeus, quid'abord fut tué par trahisón au pays Attique; & quoy que cette perte semolast estre la plus sensible de toutes celles qui luy pouuoient arriuer, il est certain pourtant que le meurtre de son fils l'affligea moins que les déportemens de sa femme. Cette malheureuse Reine, dont l'Histoire deuoit cacher le crime & le nom, ne se contenta pas de souiller sa couche par quelque adultere, elle choisit vn Taureau pour son Amant, & se fit d'vne beste l'objet de ses desirs & de sa pensée. Vn monstre quelque tēps apres fut le fruit de cette amour; & cōme si la mort l'eut plus troublée que sa conscience, elle crût ne deuoir éuiter la presence de son mary, que pour en éuiter le reproche & le supplice. Ces deux auantures estoient bien capables de persuader à Minos, que les plus grâdes prosperitez ne sont pas tousiours les plus paisibles, & que les plus noires viperes se trouuent dessous.

deffous les plus belles fleurs; mais si elles ont esté la cause de son repentir & de ses plaintes, voicy celle de son desespoir & de sa cheute.

Thesée, à qui la vertu estoit comme vn bien hereditaire ne reconnut pas plustost ses forces, qu'il se mit en estat de les éprouuer; & comme depuis, les exploits de Miltiade ne laisserent point dormir Themistocle, que ceux d'Hector & d'Achille réueillerent le courage d'Alexandre, & que les victoires d'Alexandre exciterent l'ambition de Cesar; ce Prince se fit vn exemple aussi des traux d'Hercule, suiuant de près cet illustre original tascha tant qu'il put d'en estre la copie viuante. Ce beau desir le fit donc sortir de la maison de sa mere, qui estoit pour lors à Trœzene; & quoy que les Pyrates ne le deussent pas tant espouuanter que les voleurs & les tyrans, & que les dangers de la mer fussent moins à craindre que ceux de la terre, ces difficultez fortifierent son premier dessein, & le peril seruit de nouuelle amorce à sa jalousie. C'est pour cette raisõ qu'il quitta sa mere Æthra, fille de Pithée, qu'il prit par terre le chemin d'Athenes pour y

voir son pere , & qu'il s'imagina que l'honneur seroit au moins la recompense de son entreprise.

La gloire à la vertu doit porter les esprits,

Elle en est l'aliment comme elle en est le prix.

En effect, il ne fut pas plüstost en Epidaure qu'il y tua Periphedes, dont il emporta la massüe comme la plus glorieuse de ses despoüilles; il precipita dans la mer Pitocampes, passant par le destroit du Peloponese; punit Phœa la meurtriere à Crommyon; vangea plusieurs innocens malheureux sur Sciron à l'entrée des terres de Megare; fit mourir sous luy Cercyon, dans la Ville d'Euleusine; & défit enfin Danaïstes à Hermouie. Toutes ces actions estoient trop belles pour estre secretes, la renommée auoit ouuert toutes les bouches pour les publier; & si Thesée eût tire de la vanité de ces ouurages, pour ne pas mourir de quelque trāsport d'amour, il auoit besoin de chercher des remedes contre la ioyc. Toutefois comme il n'estoit pas insensible, & que ce bon-heur ne pouuoit eschaper si facilement à sa memoire

re, il entra dans Athenes avec vne satisfaction d'autant plus grande, qu'il scauoit n'y pouuoir estre receu qu'avec vne magnificence extraordinaire, & qu'on reuereroit au moins sa personne par ses victoires. Il y fut receu d'abord comme vn estrangier, & conuié dans vn festin que faisoit *Ægée*: mais il fut tout estonné qu'il y courut risque de la vie, & que son pere y deuoit estre son meurtrier. Pour expliquer cét enigme il est necessaire d'appeller *Plutarque* à nostre secours, & de tirer la verité de son Histoire. *Ægée* ne scachant par quel moyen il pourroit auoir des enfans, consulta l'Oracle de Delphes, où la Religieuse du Temple luy defendit de connoistre aucune femme que dans Athenes; mais il ne laissa pas de voir *Æthra*, à laquelle il commanda de donner vne espée qu'il auoit cachée sous vne pierre, à celuy qui sortiroit de leur couche, & le luy enuoyer avec cette marque secrette. Iusques-là, *Thesée* auoit esté crû fils de Neptune; mais la mere n'ayant pû vaincre l'opiniastreté du fils, auoit esté contrainte de le desabuser de cét erreur, & de luy decouvrir sa naissance. C'est pour cela mes-

me qu'il fut receu comme vn inconnu, & que Medée qui s'y estoit refugiée apres son bannissement de Corinthe, n'apprit pas plustost sa venue, qu'elle fit croire à Egée que celuy-cy couronneroit ses exploits par la conqueste de son Royaume; & qu'elle augmenta les soupçons de ce vieillard par tant de raisons, & par tant de ruses, qu'il consentit qu'on immolast à sa défiance, Mais au commencement du festin, Thesée n'eut pas plustost tiré son espee du fourreau, que son pere qui la reconnut, fit jeter le poison qu'il auoit fait apprestre pour luy. Ses caresses succederent alors à ses troubles, il ne put luy parler de long-temes que par des baisers, & son affection parut plus par son rauissement, que par ses paroles. Le Peuple pour n'estre pas oysif en cette heureuse rencontre, le salua de mille acclamations differentes; on ne le regardoit point sans l'admirer, & chacun en son particulier, appuyoit son repos sur les forces de ce ieune Prince. Pour faire voir que ses exploits passez n'estoient que des coups d'essay, & que ceux à venir, deuoient estre des coups de maistre, & qu'ils auoient raison de l'appeller leur
bouclier

bouclier & leur protecteur, il devint le
fleau des rebelles de son pere, il tua le
Taureau de Maraton, qui desoloit tout
son pays, & fit tant qu'il fut esleu pour
conduire au Roy Minos les sept garçons,
& les sept filles que les Atheniens luy
payoient de tribut toutes les années. Là
vn superbe Capitaine de Minos, autant
redoutable par sa cruauté que par sa For-
tune, ne peut voir Thesee sans s'éprou-
uer contre luy: mais la mort fut bien-tost
le prix de la temerité de ce barbare; & par
elle Thesee fut le liberateur de ceux dont
il ne pensoit qu'estre le guide. En mes-
me temps, il emmena les filles du Roy
Minos, Ariane & Phœdre; & pource
que son vaisseau auoit esté battu de la
tourmente, & que la premiere ne pou-
uoit plus souffrir l'air de la mer, il fut
cōtraint de relâcher dās vne Isle iusques
à ce que la sâté fut reuenüe à cette Prin-
cesse. Si-tost qu'il eut mis pied à terre,
& qu'il eut conduit Ariane, il retourne à
son Nauire, pour y prendre de quoy sou-
lager cette ieune Amante: mais à peine
estoit-il entré, qu'une vague l'esloigna
de l'Isle & qu'une nouvelle tempeste luy
osta les moyens & l'esperance d'y abor-

der. Quels furent alors les iustes regrets de Thesée ; Et quel fut l'estonnement d'Ariane ; Elle iugea d'abord de son infidelité par son absence ; elle appella tous les Dieux à la vengeance de sa trahison, & ne put s'empêcher de faire hautement des vœux pour le naufrage de ce parjure. Après plusieurs plaintes inutiles, elles crût que les Dieux & Thesée n'escoutoient ny ses prières, ny ses reproches, & ce fut dans ce desespoir qu'elle le pendit, pour faire aduoier au moins quelque iour à cet ingrat, qu'elle n'auoit esté malheureuse qu'après qu'il auoit esté infidelle. Thesée, cependant qui sembloit estre l'auteur de la mort, n'en estoit point pourtant le complice, il l'aymoit trop pour l'abandonner, & ce mal-heur ne laissa pas d'estre le commencement de sa mauuaise Fortune. Outre cette disgrâce, qui luy cousta beaucoup de souspirs & beaucoup de larmes, les Matelots s'estans oubliez de tendre la voile blanche pour vne marque assurée de son bon-heur, y laisserent la noire, que mettoient d'ordinaire ceux qui retournoient de Candie, en signe de dueil ; de sorte qu'Ægée ne doutant plus de la

triste

triste condition de son fils, s'alla precipiter de regret, pour ne pas suruiure à la plus remarquable de toutes ses pertes. Quand il eut appris cette nouvelle, avec quelle chaleur ne maudit-il point l'imprudence de son Pilote? Avec quels termes ne demanda-t'il point aux Dieux iustice de leur injustice? Et de quelle horreur ne se trouua-t'il point faisi, quand il considéra qu'il venoit d'abandonner son Amante, & qu'il auoit fait mourir son pere? Ce n'est pas à bien examiner s'il mal-heur, qu'il eût esté infidelle, quoy qu'il ne l'eût pas reueuë; il estoit parricide sans estre coupable, & l'on pouuoit dire qu'il estoit la cause innocente de la mort de l'un & de l'autre. Après que ses amis l'eurent conseillé de perdre la mémoire de cette aduanture, il rassembla tout le Peuple d'Attique en vn corps, il alla droit au Royaume des Amazones, y fit sa femme d'Antiope, dont il auoit fait sa prisonniere, ayda Iason à conquerir la Toison d'or, défit les Centaures, signala sa force & son courage contre les Thebains, & contre le sanglier de Calydoine, & ne porta presque point ses armes en aucun lieu, qu'il n'y portast en mesme temps la terreur &

l'obeyſſance. N'ayant plus rien à faire pour luy, il voulut faire quelque choſe pour ſon amy Pirithous, & pour le ſervir plus vtilement dans le deſſein qu'il auoit de rauer Proſerpine, fille d'Ædonée Roy des Moloffiens, il l'accompagna dans ſon voyage. Mais d'abord que celui-cy fut inſtruit de leur entrepriſe, il fit deuorer Pirithous par ſon chien nommée Cerbere, & fit mettre, Theſée dans vne Priſon ſi obſcure, & ſi eſtroite, qu'on la pouuoit appeller le ſepulchre des viuâs, & l'enfer de tous les coupables. Quoy qu'il ne crût en pouuoir ſortir que par la mort, Hercule touteſois obtint ſa grace, & luy ſauua par ce moyen ſon Eſtat avec la vie. Theſée n'eut pas pluſtoſt veu le iour qu'il regarda du coſté d'Athenes, il ſ'imagina que cette iniure feroit place à vne meilleure Fortune, que le repos ſuccederoit à ſes ſouffrances, & qu'il denoit eſperer ſa gloire de ſa propre honte.

Nos chants ſe font entendre apres nos cris funebres,

Chacun ſçait que le iour eſt ſorty des tenebres,

Que le plus grand orage eſt ſuivy du beau ſemps,

Et

*Et que tous les Hyuers amènent leurs
Printemps.*

Mais il épreuve le contraire, pource
qu'il vid que Menesteus auoit corrompu
les Atheniens par ses flatteries, qu'il
trouuoit des rebelles où il auoit laissé
des subjets; & qu'ayant employé toute
son adresse & tous ses soins à leur faire
manier les armes, il leur auoit appris en
même tēps les moyēs de les tourner cō-
tre son autorité legitime. Ils apprehen-
doient son inconstance par les amours
differentes qu'il auoit euēs avec Ariane,
Æglé, Antiope, Phœdre & Anaxo: Ils se
representoient, & Sinnis & Cercyō, & se
ressouuenoiēt qu'il auoit violé les filles,
après auoir égorgé les peres. Ils scauoient
qu'il auoit espoulé la mere d'Aiax, Phæ-
rebea, Ioppe fille d'Iphicles, & quelques
autres: mais sur tout, ils ne luy pouuoient
pardonner le rauissement de la belle He-
leine, dont les freres Castor & Pollux,
auoient pris sur eux si cruellemēt la vé-
geance. Enfin comme Thesée se vid en
danger parmy ceux qui luy auoiēt esleué
tāt de Statuēs, il se voulut retirer à Scyre,
mais Licomede Roy de l'Isle l'ayant
conduit sur vn haut rocher le precipita
pour

pour plaire à Menestheus, ou pour estre plus assuré par la perte d'un homme si redoutable ; & rendit sa mort aussi pitoyable que sa vie sembloit avoir esté glorieuse.

*De Cræsus Roy de Lydie, & d'Oeta
Roy de Colcos.*

CHAPITRE II.

Quelques-uns ont crû qu'il étoit autant impossible aux gens de bien de se passer de la Fortune, qu'aux gens de guerre de se passer de leur équipage ; & c'est à ce propos, que le Chancelier Bacon dit, que les richesses sont à la vertu, ce que le bagage est à vne armée. Pour accommoder ces paroles à mon dessein, & pour me servir de la même comparaison ; comme le bagage empêche quelquefois l'armée de marcher, & que le soin qu'on en a, est souvent la perte de la victoire ; Je dis aussi, que les richesses ne laissent pas à la vertu toute la liberté de ses actions, & qu'en ce cas son malheur vient d'ordinaire de sa preuoyance.

Salomon,

Salomon, pour montrer qu'elles ne sont pas en la chose, dit simplement, qu'elles sont comme vne forteresse dans l'imagination du riche; & si nous les examinons de près, nous trouuerons qu'elles ont remply de mal-heurs les personnes, dont elles ne pouuoient remplir les desirs, & qu'elles en ont beaucoup plus vendu, qu'elles n'en ont iamais racheté. Si Crœsus eût esté plus pauvre, il eût esté plus heureux sans doute, & l'on n'eût pas esté en peine de le plaindre dans son ambition & dans sa misere. Ce Roy de Lydie, considerant les mines d'or, dont toutes ses terres estoient pleines, s'imagina que ne manquant pas du premier nerf de la guerre, il ne manqueroit pas aussi des moyens de l'entretenir, & qu'il la deuoit cōmencer par la défaite de Cyrus, Monarque des Medes, des Assyriens, & des Perfes. Mais toute la Noblesse de Lydie fut taillée en pieces dès la premiere rencontre: Crœsus fut contraint de s'enfuyr dans la Ville de Sardis, & de confesser, à sa honte, que les deliberations dépendent de nous, & les euemens de la Fortune. Cyrus se ressouuenant que ce Roy auoit secouru contre
luy

luy Balthazar Roy de Babylone, & qu'il luy auoit le premier déclaré la guerre, fçeut vser heureusement de cette victoire, & l'ayant assiégué dans Sardis le pressa si bié, que celuy-cy se vid presque aussi tost son esclaue que son ennemy. Il le fait traifner d'abord dans vne obscure prison, chargé de chaines avec son fils, le traite comme vn tyran, & le depouille de ses dignitez, & de son Royaume. Sa vengeance passa plus auant, pource qu'il apprehendoit que les Lydiens, dont il auoit fait de nouueaux subiets, ne fissent seruir de pretexte à leur rebellion l'emprisonnement de leur Roy, & c'est pour cette raison qu'il enuoya vn de ses Soldats, selon Herodote, pour asseurer par la mort, ses possessions & ses esperances. Le Soldat n'eut pas plustôt leuë l'espee pour frapper Crœsus, que son fils qui estoit muet, commença deslors à s'écrier, ô Perse, ne tuë pas mon pere, car c'est le Roy de Lydie, & ce soldat arresta son bras, tout estonné de voir que l'horreur de son action luy auoit deslié la lague, & que l'amour auoit fait en luy ce que la Nature n'auoit pû faire. Cyrus se faisoit vn mauuais presage de ce prodige,

fit

fit incontinent allumer vn feu pour y voir consumer luy - mesme cét vsurpateur, & commanda qu'on le jetast dás ce bucher pour n'auoir plus au moins de quoy soupçonner son ambition quád il en auroit veu les cendres. Mais par vne merueille, qui n'estoit pas moindre que la premiere, vne pluye esteignit ce grand brazier, & Cræsus marcha dessus les charbons, avec aussi peu de mal que s'il eût marché sur des fleurs. Carion raconta tout autrement cette Histoire. Il dit que Cræsus s'escria, Solon, Solon, aussi-tost qu'il eut veu ce supplice espouuantable, & que Cyrus l'ayant entendu, luy demanda pourquoy il n'inuoquoit pas tant les Dieux à sa defense, qu'un Philosophe. Vn iour ie monstrois tous mes tresors & toutes mes terres à cét Athenien, dit Cræsus, & ie voulois scauoir si la Morale, qui luy apprenoit en quoy cōsistoit sa felicité, pouuoit é trouuer quelqu'une qui fut plus grande & plus visible que la mienne. Mais il me respōdit, qu'on ne pouuoit iuger du bonheur de l'homme qu'après sa mort; & ie me ressouuiés de luy, pource que ie reconnois maintenāt que ce qui m'a flatté m'a perdu,

perdu, que ce qui m'asseuroit me deuoit faire trembler, & qu'enfin, j'ay fait mon souuerain bien de ma perte. Cyrus fut touché si sensiblement de ces paroles, qu'il eut peur qu'une semblable disgrâce ne suiuit ses prosperitez, & dans cette crainte il ne voulut pas qu'il expirast dans vn supplice, dont vn autre le pouuoit aussi punir. Quoy qu'il en soit, s'il ne perdit pas la vie, il ne laissa pas de perdre ses biens, ses regrets ne luy rendirent ny ses Tresors, ny sa Couronne, il ne fut accompagné presque depuis, que de son repentir & de son ombre; & la Fortune qui l'auoit sauué du glaue & du feu, ne le sauua point de la seruitude.

Oetha Roy, de Colcos, fut aussi-bien que Crœsus, le plus riche de son temps, & c'est delà que les Poëtes on dit que la Toison d'or estoit dans son Isle; & que nous allons voir qu'elle fut la matiere de son desespoir aussi-bien que de son orgueil, Paul Orose dit, que Peleus Roy de Peloponese, ou de Theffalie, selon Bocace; n'ayant point d'enfans, regarda son neuen Iason, comme son plus digne & son plus legitime successeur, & luy donna toutes ses inclinations, pource qu'il

qu'il voyoit que celuy-cy donnoit toutes les siennes à la vertu. Mais comme les soupçons, selon Bacon, disposent les Roys à la cruauté, les marys à la jalousie, & les plus sages à l'inconstance, ceux de Pelée, changerent son naturel avec le temps, & luy firent interpreter si mal les plus belles actions de Iason, qu'il ne luy fut pas mal-aisé de croire que c'estoit par elles qu'il vouloit aspirer à la tyrannie. C'eust esté peu s'il eût esté seul à se traualler, il pouuoit défaire ces chimeres dont il auoit esté l'Artisant, & n'eût pas eu beaucoup de peine à faire mourir ses ennemis inuisibles, à mesure qu'il les faisoit naistre. Mais ses desiances furent aidées de l'artifice de ses flatteurs; & pour ce que celles que l'esprit se donne à soy-mesme; sont comme certains frelons qui ne piquent point, & que les autres qui sont nourries par les faux rapports, ont tousiours leur aiguillon, il se trouua dans vne inquietude si estrange, qu'il ne regardoit plus son neveu que comme l'ennemy de son repos & de sa vie.

Comme on voit bien souvent que les brouillars nous font.

Toutes

*Toutes sortes d'objets bien plus grands
qu'ils ne sont,*

*De mesme le soupçon déguise chaque
chose.*

*Et représente à faux tout ce qu'on nous
oppose,*

*D'une ombre fait un corps, d'un rien un
attentat,*

*Et de la moindre iniure un grand crime
d'Estat.*

Toutefois, pour ne luy pas tesmoigner sa crainte, il luy propose d'abord d'aller à Colchos, l'assure qu'il n'y a point de difficultez qu'il ne surmonte par son courage, & luy représente si peu de peril sur la mer, qu'il semble qu'il ait plus de sujet d'en apprehender le calme que les tempestes. Iason, de qui l'ambition aveugle ne pouvoit estre moderée, ny par le danger; ny par le conseil, escoute son oncle avec ioye, se fait vn tableau de la Toison d'or, ne la considere que cōme vn butin qui ne luy pouvoit plus échapper, & se persuade qu'il a desia vaincu tout ce qu'il alloit encore combattre. Pelée se sert de l'esprit credule de ce ieune Prince, dōne ordre à son équipage, luy fais vn armement digne de son ardeur & de

de sa naissance, & l'enuoye deslors avec toute la Noblesse de Grece. Quoy qu'il desesperast de cette entreprise, & qu'il crût en le quittant, luy dire le dernier adieu, Iason toutefois ne fut point trompé dans ses esperances, il surmonta tous les obstacles qui s'opposerent à sa resolution, & à ses forces, & sa gloire & ses vaisseaux, trouuerent par tout de libres passages. Quand il fut à Colchos, Medée, fille d'Oëta n'eut pas plustost considéré la beauté de ce Conquerant, qu'elle en fut touchée; son cœur se rendit à la premiere veüe de cet ennemy secret, & sa raison ne fut pas assez forte pour resister à toutes ses Graces. Ses caresses succederent depuis à la passion; tant qu'il se vid obligé de la Cajoler, elle tascha tousiours de luy plaire, & de le seruir, & n'oublia rien de tout ce qui luy pouuoit persuader qu'il luy estoit beaucoup plus cher que sō pere, & qu'en elle l'amour estoit plus puissant que la Nature. Iason pour n'en plus douter, la pria de luy fournir dequoy tromper les Gardes du Tresor du Roy, l'assurea qu'ils partageroiēt à l'aduenir la mesme Fortune, & la trouua si disposée à ses volonte, qu'elle oublia toute crainte,

te , & tout respect pour luy tesmoigner qu'elle se ressouuenoit de sa promesse. Aussi ne trahit-elle point l'esperance de Iason:mais elle fut cruelle iusques à tuer son petit-fils Egralius, dont elle sema les membres dans le chemin qu'Oeta pouuoit prendre pour les suiure, afin de l'arrester pas le soin qu'il auroit de recueillir toutes les parties de cette innocente victime, cependant qu'elle euteroit son chastiment par sa fuite. En effect , la pitié qu'il eut du fils , arresta la vengeance qu'il preparoit à la mere ; il recueillit avec horreur ses reliques toutes sanglantes, & crût que la iustice des Dieux estoit trop interessée en ce meurtre horrible , pour n'en pas punir exemplairement les auteurs & les complices. Il est certain que le ressentiment d'Oeta fut extreme, & que la Philosophie ne luy laissa point de consolations pour sa douleur:mais s'il fut mal-heureux en ses enfans , il ne le fut pas moins en sa personne ; & iamais Roy en diuers temps ne fut plus à redouter, ny plus à plaindre. Ses voisins le trouuant plus empesché à se maintenir qu'à les poursuiure, executerent sans peine , ce qu'ils n'eussent entrepris auparavant

parauant qu'avec honte luy osterét tout ce qui luy restoit d'esperance, le dépouillerent de son Royaume, & le contrainquirent de mener vne vie qu'on ne pouuoit mieux appeller qu'une l'ogme mort. Ce n'est donc pas sans raison que Pausanias parle dans Philostrate d'une Fortane qui tenoit Platon le Dieu des richesses entre ses bras; pour nous montrer que ceux qui les possèdent luy sôt subiects, & pour nous faire ressouuenir qu'il n'en faut pas vser autrement que ce Rabirius Posthumus, que Cicéron loue si dignement pour ne les auoir pas cherchées comme vne proye à l'auarice, mais comme vn instrument à sa bonté.

De quelques autres Roys qui ont esté despoüillez de leurs Royaumes.

CHAPITRE III.

LES Anciens nous ont donné pour Emblemes de la beauté, la roze, à cause que son teint n'est que la durée d'un iour; la Lune, pour son croissant & pour son decours; le verre, pource qu'il

n'y a rien de plus admirable, ny de plus fragile, & quantité d'autres choses; pour montrer que celles qui touchent le plus nos yeux ne doiuent pas le plus toucher nostre esprit, & que les plus belles font naistre nostre estonnement & nostre pitié, au point mesme qu'elles font naistre nostre admiration & nostre enuie. Vne vieille artificieuse, à qui l'âge & l'experience n'auoient rien laissé à decouurir, se planta assez bien dans la Comedie de cette necessité fatale, en ces termes. *Ley es de Fortuna que ninguna cosa en vn ser mucho tiempo permanece sin orden es mudanças. Prouerbio es antiguo que quanto en el mundo es, crece ó decrece, todo siene sus limites, todo tiene sus grados. Pero bien se, que subi para decender, floreçi para facarme goze, para entristecerme, naci para biuir, bixi para crecer, creçi para enuejecir, enuejezi para morirme.* Ceux qui voudrôt examiner de prés nos cōditions, trouuerôt que la Nature à toûjours esté vne en tous les hōmes, qu'ils ne font distinguez que par leurs qualitez, & par leurs titres, que la mort les rend tous égaux, & que ce qui fait paroître la grandeur, amene le plus souuent la misere. *Quanto mayor es la*

la Fortuna, tanto es menos segura. El mal, y el bien, la prosperidad y aduersidad, la gloria y pena, todo pierde con el tiempo la fuerza de su acelerado principio. En effect, nous voyons que la Fortune traite les Roys si diuerſement, que celuy-là n'eut pas mauuaife grace de s'écrier en trouuât vn diadème : O beaucoup plus illustre que tu n'es heureux, si ô ſçauoit à quels malheurs tu peux assujettir ceux dont ton éclat excite l'ambition & le courage, il n'y en a point ſans doute; qui daignast te leuer de terre. Qui eût iamais crû voyant Euagoras & Theſée, l'vn Roy de Cypre, & l'autre d'Egypte, que le malheur les eût reduits au triste estat de souffrir leur ennemy commun ſur leurs Trônes? Et de faire encore des vœux inutiles pour leur liberté? Cependant Artaxerxes Roy de Perſe, ſachant qu'ils auoient ſecouru ceux de Lacedemone contre luy, leur fit la guerre avec tant de bon-heur, & avec tant d'opiniaſtreté, qu'il contrainit celuy-là de viure côme le moindre de ſes domestiques, & força l'autre de s'enfuyr chez les Arabes, où son exil & ſa pauureté durerent auſſi long-temps que ſa vie. Quoy qu'Ariba fut proche

parent de la Reyne Olympias, & qu'il fut Roy des Epirotes, Philippe toutefois luy osta tout iusques à l'esperance, qui est le dernier bien que les mal-heureux ont à perdre, & luy fit assez connoistre que l'ame parmy les prosperitez de la Fortune, se deuoit tousiours munir cōtre ses iniures, Persée ayant achepté la Couronne de Macedoine par vn homicide, eut toutes les forces Romaines sur les bras: mais comme il auoit desja vaincu deux de leurs Consuls, outre l'auantage des lieux qu'il auoit, il crut qu'il triompheroit encore de Paul Æmile, & qu'il soustien-droit avec gloire, ce qu'il n'auoit eu que par vn crime. Toutefois, ses affaires succederent tout autrement, il fut obligé de s'enfuyr de la Ville de Pydné ne celle de Pella, & depuis en Samothrace, où Cnejus Octauius, Lieutenant de Paul Æmile, le pressa si bien, qu'il fut enfin contraint de se rendre, & d'aduouër deuant tous, que le mal-heur n'estoit pas tant la peine que la condition des hommes. Paul Æmile ne put pas s'empescher de le receuoir avec des larmes: mais quand il vid qu'il se prosternoit à ses pieds, avec la bassesse d'un subyet, il en
eur

eut horreur ; & changea son amour en haine ; & sa miséricorde en vengeance. Tu montes bien par cette soumission honteuse, luy dit-il, que ta disgrâce vient plustost de ta foiblesse que de ta mauuaise Fortune. En quelque ennemy que la magnanimité se rencontre elle est toujours reuerée des Romains ; mais quoy que la lascheté soit heureuse, elle est méprisée de tous, & tu me fais douter qui des deux a le plus contribué à ma victoire, ou mon courage, ou ta lascheté. Va, puisque tu n'es pas digne du titre de Roy, tu n'es pas digne de l'amitié d'un Consul: Qui n'a point de cœur, ne doit point auoir d'esperance, & qui fait l'esclau, merite de l'estre, Cette croyance fut si forte en Paul Æmile, qu'il luy fit suivre son Char de triomphe comme vn captif; les mesmes mains qui auoient porté le Sceptre porterent les chaines par son ordre; & ce malheureux fut exilé en Albanie, comme si les Romains n'eussent point voulu souffrir dans leur Ville vn Prince qu'ils auoient défait sans gloire, pource qu'ils l'auoiēt défait sans danger. Ce qui semble le plus déplorable, c'est que deux enfans, qui n'auoient pas eu le

vice du pere, ne laisserent pas de se res-
sentyr de sa confusion, & de sa cheute ;
l'un exerça le mestier d'Orfeure à Rome,
l'autre celuy de Mareschal en Sicile,
pour auoir au moins dequoy asseurer
leur vie. En ce mesme temps, Gentius
Roy des Illyriens, qui auoit pris son
party, eut la mesme moleste, & le mesme
desaduantage, il se mit à genoux deuant
le Preteur Anitius; pensant plus obtenir
de son abbaisement que de son orgueil:
mais ce Preteur ne pouuant souffrir la
timidité d'une femme dans vne person-
ne si releuée, le fit aussi-tost emprison-
ner, & ne luy laissa pour tout bien, que
le souuenir d'auoir esté quelquefois heu-
reux. Demetrius, qui par le moyen des
vieux Soldats de son pere, auoit conquis
le Royaume de Macedoine, tascha tant
qu'il put de se defendre contre les forces
de Lisimachus; mais pource qu'il auoit
fait tuer par trahison Alexandre fils de
Cassander, & que ce sang iniustement
respandu demandoit vengeance con-
tre ce meschant Politique, il reconnut
trop tard que son ambition auoit esté
la cause de sa grandeur, & de sa perte,
& que son crime, qui auoit esté le sujet
de

de son rauissement, estoit celuy de plain-
tes.

*Le mal-heur suit le bien par vne mesme
voye,*

*La tristesse est souvent l'ouurage de la
ioye :*

*Et le mesme degré qui nous sert à mon-
ter,*

*Sert aussi quelque - fois à nous preci-
piter.*

N'ayant pû vaincre son ennemy par son
courage, il s'efforça de la gagner par sa
misere apres la défaite, & s'humilia de-
uant luy comme s'il eût voulu luy faire
comprétre qu'il pouuoit courir la me-
me Fortune, & qu'il n'y auoit souvent
qu'un degré pour descendre du comman-
dement à l'obeyssance. Mais Lisimachus
au lieu d'estre touché de son repentir &
de ses prieres, le fit lier de grosses chaines
de fer, & voulut qu'une prison eternelle
fut son Palais, & son chastiment. Pe-
nestes & Amyntas, qui de Gardes du
Grand Alexandre, estoient deuenus ses
successeurs dans les côtrés de Babylone
& de Bactrie, ne conseruerent pas long-
temps les conquestes de leur maistre, &
n'eurent presque pas le loisir de goustier

leur felicité , parce que Seleucus leur fit yne guerre qui ne cessa que par la prise de leurs deux prouinces. Les Lacedemoniens apres auoir souffert sans murmure la tyrannie d'Alchimeus , firent tout ce qu'ils purent pour appriuoiser ce monstre; qu'ils sembloiét n'auoir esleué qu'à leur ruines; ils le respecterent autāt que s'il eût esté leur Roy legitime, & luy tesmoignerēt que riē n'égaloit sa cruauté que leur patience. Ne voulant pas employer le poison contre sa personne , ils se seruirent de leurs anciens priuileges contre ses maximes, mais comme ils reconnurent qu'il n'estoit arresté , ny par la crainte des Dieux, ny par la consideration des Loix, ils furent contraints de le chasser, & d'eslire Agesipolis pour l'arbitre de leurs biens & de leur vies. Alchimeus ne perdit point le courage, quoy qu'il eût perdu ce Royaume; ce nouveau desordre luy donna nouvelles esperāces, & luy fit croire qu'il ne seroit pas plus empesché à faire cesser sō mal-heur qu'à le souffrir. Apres les violēces qu'il auoit exercées sur tout le peuple , il se met en estat de s'asseurer de la Noblesse, l'égage par les flatteries, retourne à Sparte, se fait des

des tributaires de tous les persecuteurs, & leur monstre que son esloignement & la presence estoient également doutables. Par ce moyen il remonta sur le Thrône, chassa le malheureux Agesipolis, sollicita son exil, & le contraignit de viure dans vne pauvreté si grande; qu'il auoit presque autant de peine à contenter quelquefois sa faim, qu'il en auoit eu auparauant à contenter sa délicatesse. Lors que les Romains acheuoient d'assujettir la multitude des Asiatiques, Origagotes Roy des Caboleniens, & Gaudates Roy des Toloscobagins en Bithynie, s'opposerent genereusement à l'entreprise de Manlius, & se mirent en campagne d'un commun accord, pour luy tesmoigner qu'ils estoient plutôt resolu de vendre leur liberté, que de la donner. Iamais vertu ne fut plus éclatante que la leur, & iamais resolution ne leur sembla ny plus glorieuse, ny plus iuste. Ils confideroient que la subjection estoit le plus cruel de tous les maux, & que l'indépendance estoit le plus grand de tous les biens: Ils se persuadoient que les sujets, & les esclaves n'estoient qu'une mesme chose, & la mort enfin ne leur

faisoit pas tant de peur que l'obeyssance. Quoy qu'ils eussent signalé leur generosité dans cette bataille, la victoire se declara pourtât en faueur de ce Consul; ces deux Roys furent faits ses prisonniers, & moururent miserablement dans les chaines. Apres la mort d'Antiochus, les Ducs d'Achaye & de Messanie, qui disputoiét dés long-temps entr'eux la souveraineté, se virent contraints de vider leurs differens par les armes, & d'abandonner leur cause aux caprices de la Fortune. Le Duc des Achayens, Philophemenus y parut sans doute le plus vaillant, mais non pas le plus heureux, parce qu'estant tombé de cheual, il n'eut ny la force de se releuer, ny le loisir de rassurer les Soldats à qui cette cheute sembloit deuoir estre le signe & la cause de leur défaite. Les Messaniens coururent aussitost sur luy pour le tuer: mais la maiesté de son visage retint leur bras, & suspêdit à l'abord leur ressentimét & leur végeance. Ceux dont la fureur n'estoit pas encore assouuie par le carnage, ne laisserent pas de le prendre, & de le traiter sans aucun respect; il le promenerent dans leur Ville avec mille indignitez, & le firent

firent servir long-temps de spectacle dans vne place publique, afin que le Peuple vid en luy la rebellion enchaînée, & que chacun regardast avec mépris, ce qu'au parauant il n'eût osé regarder sans crainte. De là, il fut conduit dans vne prison obscure, & comme s'il eût esté capable de les effrayer, tout accablé de fers qu'il estoit, ils luy enuoyerent du poison pour s'en défaire, & trouuoient encore apres sa mort, que sa vaillance estoit vivante sur son visage. Deux Princes des Equois, Graccus & Cinelius, souffrirēt la même peiue & la même honte sous deux Consuls; celuy-là mourut en prison, & l'autre persuadé que la vie, quelque miserable qu'elle pût estre, estoit tousiours plus à souhaiter qu'une belle mort, se redit le valet de celuy qui l'auoit fait servir d'ornement à son triomphe, & fut lâché iusques à faire sa crainte de son repos & de sa gloire. A-t'on pas veu Syphax vaincu de même par les Romains à la faueur de Massinissa? Sa femme emprisonnée? Et ce Roy de Numidie captif, & si cōfus d'un changement si peu attendu, qu'il eût esté miserable plus long-temps, si la tristesse qui le fit mourir, n'eût plustost acheué

sa captiuité que ses ennemis, & si la peur qu'il auoit d'vser ses chaines, ne les eut rompuës; Apres que les Romains n'eurent plus à faire ny de desseins ny de conquestes, & que leur Empire fut deuenu celuy de toute la terre; ils crurent qu'il n'y auoit pas tant de gloire à conseruer les choses qu'à les acquerir, & que le repos deuoit estre au moins le fruct de leurs peines. Cette opinion qui engendra la mollesse en eux, réueilla la plupart des Nations esloignées, & fut si aduantageuse à quelques-vnes, qu'elle leur donna la hardiesse & le loisir d'entreprendre tout pour leur liberté. Les Gots sous Alaric, furent les premiers qui desolerent toute l'Italie du temps de l'Empereur Zenon Yzaurique, & qui duriche Seuerin firent vn captif, qui dans son mal-heur ne put iamaistrouer, ny de consolation, ny de resource. Didier, qui sembloit estre entre les Roys de la Chrestienté, ce que le Soleil est entre les Astres, & qui par sa magnificence s'estoit fait autant d'amis qu'il auoit de voisins & d'allies, ne croyoit pas que la Fortune pust apporter quelque changement dans ses Estats, & que sa puissance, qui ne reuersoit

renuerſoit d'ordinaire que les choſes preſque ruinées, fut capable d'abbattre celles qui apparoiſſoient les mieux affermies. Cependant Charlemagne n'eut pas pluſtoſt fait marcher ſes troupes en Lombardie, en faueur de l'Egliſe Romaine, qu'apres l'auoir défait, il le contraignit de s'enfuir, & de ſe retirer à Pauiue avec ſa femme & ſes enfans, & d'attendre là, ce que le Ciel ordonneroit de leur vie & de la ſienne. Charlemagne l'afſiegea ſans luy donner le temps de ſe reconnoiſtre, le prit par famine, & le fit ſerrer dans vne priſon qui fut longue, & dont on ne le tira que pour le mettre dans le Tombeau. Peu de temps auparauant Chilperic troiſième du nom, fut réduit par Pepin à mourir dans vn Monaſtere; & comme ſon oiſiueté auoir fait toute ſa diſgrace, le meſme défaut, joint à la trahiſon d'Anſelme Eueſque de Laon; fut la cauſe du mal-heur de Charles Duc de Lorraine, que Hugues Capet fit charger de fers lors qu'il eſtoit preſt de prendre l'inueſtiture du Royaume, qui luy appartenoit apres la mort de ſon frere, & de ſon neuen Louys Cinquième. Salomon Roy de Hongrie, que la

molleſſe

moelle à fait passer pour vne femme, & qui semble en effet, n'auoir esté Prince que par le titre qu'il en a porté, s'enfuit en Istrie, n'ayant pas eu assez de courage pour attendre la bataille que luy vouloit liurer son neveu Ladislas, & mourut mal-heureux, par l'opinió qu'il auoit eüe qu'on ne pouuoit pas máquer de perdre ce qu'on hazardoit, & qu'il estoit toujours meilleur d'attendre la victoire que de la chercher. Guy de Lusignan, dernier Roy Chrestien de Ierusalem, ne fut-il pas chassé par les armes de Saladin de ce beau Royaume, qui auoit esté conquis sous la conduite de Godefroy de Bouilló, & réduit à la mal-heureuse condition de se retirer en l'isle de Cypre, à la faueur de Richard Roy d'Angleterre, pour s'y plaindre iusques à la mort, d'une perte, apres laquelle il ne croyoit plus deuoit songer à la vie; Louys Roy de Ierusalé chassa vn autre Roy de Sicile du mesme nó, & le poursuuiuit encore avec tant d'outrage, que celuy-cy fut contraint de luy demander vn coin dans son Ile, comme si son malheur eût esté tel qu'il eût esté necessairement obligé de receuoir des Loix où il auoit accoustumé d'en

d'en imposer, & estre le vassal de ceux dont il s'estoit veu le Souuerain. Dauid Roy d'Ecosse, demeura ynze ans en prison; & si Philippe de Valois n'eût pris les armes pour sa liberté contre le Roy d'Angleterre, il ne faut pas douter qu'il ne fut mort en esclau, & que sa honte & ses iours n'eussent eu la mesme durée. Mais c'est trop parler de seruitude, il faut maintenât passer de la tristesse à la mort; & puis que nous auons conduit tant de personnes en prison, nous en pouuons bien conduire d'autre au tombeau, & montrer que la Fortune n'est pas moins ingenieuse à faire des meurtres, qu'à forger des chaines.

*De Charles premier Roy
d'Angleterre.*

CHAPITRE VI.

LE Parlement d'Angleterre, pour au-
thoriser vn attentat, sans exemple,
a soustenu par vne Declaration publi-
que, que la Royauté n'estoit qu'un Offi-
ce; & pour mieulx faire le procez au Roy
Charles

Charles il a fait le procès à la memoire, de tous les autres. Il a supposé des Impôts leuez, des Droits establis, des emprisonnemens injustes, des brigues secretes, des partis suspects, des amities interessées, des priuileges violez, des guerres cruelles, & les derniers effects de la tyrannie. Mais ie n'entreprends pas icy de respondre à toutes les choses qu'il suppose, & qu'il ne scauroit prouuer; ie me contente de le renuoyer à Salomon, qui ne croit point dōner de plus heureux conseil à son fils que de craindre Dieu, & le Roy; & à l'Apostre S. Paul, qui veut que toute personne soit sujette aux Principautez, & aux Puissances, & qui dit encore, qu'il n'est point de puissance dans l'Estat qui ne soit establie de Dieu, que ceux qui resistent à la Principauté, resistent à l'Ordonnance de Dieu, qu'ils attirent leur condamnation sur eux-mesmes. Lors que Dauid eut vne si belle occasion de se deffaire de Saül, qui s'estoit retiré dans vne Cauerne, & que ses soldats luy remontroient, qu'il pouroit disposer de son ennemy sans rien hazarder; Il ne m'arriuera pas, leur respondit-il, de commettre vn si grand crime contre

tre mon Seigneur, l'Oinct de l'Eternel, ny de mettre la main sur luy. David en rendit la raison quelque temps après, quand il trouua Saül endormy dans les tranchées, & qu'Abiscay le pria de luy permettre qu'il le frappast de sa halberde; & qu'il luy dit aussi-tost, qu'il s'empeschast bien de le tuer, parce qu'on ne pouuoit estre innocent, & porter la main sur l'Oinct du Seigneur. Il n'est pas necessaire de prendre si haut la chose pour condamner ces parricides; il suffit de voir l'Ordonnance de la Chambre Basse du 13. de Ianuier 1641. quand elle eut aduis que le Roy se vouloit saisir de quelques-vns de cette Chambre, En voycy les termes : *Si quelqu'un de quelque qualité qu'il puisse estre, se met en estat d'arrester aucun des Membres de cette Chambre, sans l'ordre de cette Chambre, ou sans luy en donner aduis, il est permis à la personne arrestée de se deffendre, de resister, par le serment qu'elle a fait de conseruer les Prinuileges du Parlement, & à tous les autres de l'assister, & de luy prester main - forte.* La Declaration du 17. Ianuier de la mesme année, n'est pas moins formelle, puisqu'elle porte que, *C'est s'opposer*

Opposer à la liberté des subjets, violer les Privileges du Parlement, & se declarer ennemy de l'Estat, que d'arrester quelqu'un des Membres du Parlement, de quelque lieu que cét ordre vienne, & sans la permission de la Chambre dont il est Membre.

Pourmaintenir ces Privileges, le Parlement prit des Gardes, leua depuis vne armée, s'en seruit contre le Roy, & la guerre s'embraza de telle forte, quelle partagea les interests de toutes les familles de cette Isle. Il y eut des sieges, des combats, & des batailles sanglantes, où le Roy fit lacharge de Soldat & de Capitaine, & iamais on ne vid ny d'autorité plus persecutée, ny de rebellion plus opiniastre. Mais puisque ce n'est pas icy qu'on doit chercher, ny la suite de cette guerre, ny l'Apologie du Roy Charles, ie me contenteray d'y marquer le plus funeste, & le plus estrange coup qu'il pouuoit receuoir de la fortune. Après vne prison assez longue, il fut conduit à Londres par Fairfax, General de l'armée du Parlement, & forcé de se iustifier deuant ses ennemis, & ses subiets, des crimes dont on le chargeoit. Le Roy voulut scauoir d'abord d'ou leur ve-

noit

noit l'autorité dont il se seruoient; pour contraindre leur Roy legitime de respondre en criminel de toute sa vie deuant son Peuple; leur dit qu'il estoit au dessus des Loix, qu'il n'estoit point soumis à la Iurisdiction Temporelle, & que ce n'estoit que deuant Dieu, qu'il deuoit respondre de ses actions, & de ses pensées. Il demeura ferme dans cette verité, qu'on ne luy pouuoit contester, leur remontra que l'assemblée du Parlement estoit imparfaite, que la Chambre des Communes estoit tyrannique, que le Clergé n'y auoit point esté receu, & que la Noblesse en auoit esté bannie. Quoy qu'il pust faire pour ouurir leur yeux, & pour éclairer leur esprits, on luy representa les crimes dont on le trouuoit coupable, & cet Arrest de mort luy fut prononcé d'une mesme fuité; *Charles Stuart, cy-deuant Roy d'Angleterre, aura la teste separée de son corps, cōme un ennemy public, cōme un meurtrier, cōme un tyran, & comme un traistre.* Après quelques demandes inutiles, que fit le Roy pour estre entendu, il obtint la liberté de voir ses deux efās, le Duc de Glocester, & la Princesse Elizabeth; & de conferer en particulier

riculier avec l'Euesque de Londres, pour le soulagement de son ame, & pour le repos de sa conscience; Il eut le Dimanche & le Lundy pour se preparer, & fut conduit le Mardy, de Saint Iames à trauers le Parc qui viét gagner Vythehall, où toute l'Infanterie estoit en bataille. De la gallerie de Vwhitehall il passa dans la Chambre, où il auoit accoustumé de coucher lors que l'Angleterre estoit en paix; de la Chambre dans la cour; où tout le monde estoit en armes, & de là sur vn eschaffaut tendu de noir, où il y auoit quatre anneaux de fer aux quatre coins, vne hache d'vn costé, & vn billot de bois de l'autre. On se mit en estar d'attacher le Roy à ces anneaux: mais il ne le pût souffrir; & dit, qu'il n'estoit pas besoin de lier vn Roy qui mouroit sans resistance, Il vid en mesme temps deux Bourreaux masquez, comme si l'horreur de cette action leur eût imposé la necessité de se déguiser pour la commettre, & qu'ils n'eussent pas deu porter le visage d'hommes dans vn attentat, qui les rendoit indignes d'en porter le nom. Apres quelque courte remontrance, il tourna la teste du costé de ces deux Bourreaux,

avec

avec ces parolez : Tenez traistres & rebelles, assouffissez - vous de mon sang , & forcez le Ciel par ce dernier crime , de vous punir de tous les autres. Ils s'approcherent pour luy couper les cheveux, mais il tira vne coëffe de nuit qu'il auoit prise sur luy, & les mit dessous ; Apres auoir prié le Colonel Haker, d'auoir soin qu'on ne le fit point languir, il osta le collier de l'Ordre, qu'il remit entre les mains de l'Euesque de Londres, & tira du doigt vne bague pour estre enuoyée, à ce qu'on croit, au Prince de Galles. Il accommoda son col sur le billot de bois, apres s'estre mis à genoux, & n'eut pas plustost estendu le bras pour aduertir le Bourreau, que sa teste fut separée de son corps, que les Bourreaux disparurent, qu'un Soldat mit cette teste au bout d'une pertuisane, que le peuple cria liberté de tous costez, & qu'ils firent de ce iour de dueil, vne feste de resiouissance. Si tu ne fremis, Lecteur, tu n'es pas homme, & si tu ne pleures vne Fortune si estrange, tu ne merites pas qu'on t'en souhaitte vne bonne.

*Des Roys & des Princes qui ont esté
tuez dans les batailles, & de ceux
qui ont esté traittez de leurs en-
nemis avec beaucoup d'insolence
& de cruauté.*

CHAPITRE V.

EN ce qui regarde le conseil, il est bon d'examiner le peril : mais en ce qui regarde l'exécution, il est bon de ne le pas voir, dit le Chancelier Anglois, appuyé peut-estre sur ceste maxime, que la prudence estoit peinte avec vn miroir, pour y considerer toutes choses, & que la hardiesse estoit aueugle. C'est à ce mesme propos qu'Euripide escrit, que le conseil d'un seul homme peut vaincre vne grande armée; & nous pouuons dire en suite, qu'on est beaucoup plus estimé de preuoir le mal, que de s'y precipiter, & que c'est le meriter en quelque façon que le chercher, ou de l'attendre. Sans cette confiance temeraire, qui eut iamais cru que Cyrus eût esté défait par Thomiris? Que Fabius, aux despens d'Hannibal;

d'Hannibal, eût fait le salut de la Republique? Et que Crassus eût esté ruiné par Surena Roy des Parthes; Que la victoire se fust tournée du costé de ceux qui sembloient en desesperer? Et que les autres, qui auoient raison de demander la bataillle, l'eussent perduë? De quelque adresse pourtant, & de quelque courage que les plus grands hommes se soient seruis à la conduite de leurs entreprises, le succez en a bien souuent confondu les iugemens & les esperances, & leurs artifices n'ont esté iamais heureux cõtre les coups de la Fortune. La prudence & la temerité, ont esgalement droit de s'en louer, & de s'en plaindre: Elle en a fait des ennemis, apres en auoit fait des reueuables, & leur a donné de la confusion, aussi-bien que de la gloire. Leonatus, qui fut du nõbre des trente-six Gouverneurs, qui firent tant de pieces de l'Empire d'Alexandre apres sa mort, auoit réduit de tous costez des marques de son adresse & de sa vaillâce: Chacun s'estõnoit dans la Phrygie de son cœur, & de son esprit, & l'on remarquoit en luy tous les traits d'un Capitaine & d'un Philosophe. Il estoit d'une humeur bouillante,

te, & comme il ſçauoit que chaque vertu auoit ſon temps, il ne pouuoit ſ'imaginer que la ſageſſe, & le courage peuſſent demeurer enſemble, & qu'il fallut eſtre iudicieux, où il eſtoit neceſſaire d'eſtre hardy.

Qui craint trop le peril a peine à ſ'en de- fendre,

Et qui veut tout preuoir, ne veut rien entreprendre.

Toutefois après ſes premiers mouemés, il eſcoutoit ſa raiſon, & ſembloit n'entreprendre que ce qu'il pouuoit exécuter. Cependant, eſtant allé au ſecours d'Antipater, il liura la bataille à ſon enemy, & ne laiſſa paſ d'y perdre la réputation avec la vie, Neoptolemus & Polycrate eurent le meſme deſauantage lors qu'il combattirent contre Eumenes; Liſimachus ne fut paſ plus heureux contre Seleucus, qui le fit demeurer ſur la place, avec la pluſpart de ſes Soldats; & celui-cy quelque temps après, receut la meſme diſgrace par les armes de Ptolomée. Le dernier Roy des Viſigots Alaric, reſſentit vn mal-heur ſemblable, lors qu'il oſa ſouſtenir la furieuſe attaque de nos François en Aquitaine; toutes ſes eſperances

esperances y furent ruinées avec les forces, & Clouis y fit mourir ce barbare de sa propre main. Encore que Totila se fust signalé par ses conquestes, qu'il eût deux fois pris Rome, qu'il eût deux fois saccagée, & qu'il eût esté par tout redoutable, & par tout heureux; vn Eunuque pourtant, nommé Narses, qui sembloit estre plus propre à garder des femmes qu'à cōduire des gens de guerre, le tua dans la bataille, défit toute son armée, & seruit si bien l'Empereur Iustinian, qu'il ne failloit que remuer les tombeaux, pour faire croire qu'il n'estoit plus resté de Gots en Italie. Nicephore, qui fit mettre l'Imperatrice Yrene dās vn Cloistre pour paruenir à l'Empire de Constantinople, fut tué de cette sorte par les Bulgariens; & Baudouin Comte de Flandres, apres auoir repris en vne année, hormis la Ville d'Andrinople, toutes celles que cét Empire auoit perduës, fut traité de mesme dans son pays, où sa valeur luy promettoit tout l'aduantage, & tout l'honneur qu'il pouoit d'ailleurs esperer de sa naissance. Mais il ne faut pas trouuer estrange de voir mourir dans le danger, ceux que la

gloire, ou la nécessité semble contraindre d'y viure; il fant passer plus auant, & montrer que les plus grands hommes ont leurs mal-heurs côme les moindres, qu'ô adressé des échaffauts sur des Thrônes, & qu'il y a eu des Bourreaux pour les Roys, aussi-bien que pour les subjets.

Nous courons tous mesme danger,

Nous auons mesmes destinées;

Et le mesme mal-heur qui poursuit le Berger,

Peut attaquer aussi les testes couronnées :

Nos iours sont filez d'un fuseau

Ceux des moindres subjets & des plus grands Monarques

Sont entrepris de mesmes parques;

Et coupez d'un mesme ciseau.

Iustinian Second, dernier Empereur de la maison d'Heraclius, ayant declaré la guerre aux Bulgariens, & aux Arabes, contre les traittez de paix qui auoiët esté passez entr'eux, fut mal-heureux dâs l'une & dans l'autre; & comme ses irresolutions & sa perfidie l'auoient rendu par tout odieux, il fut chassé de l'Empire par les brigues du Patriarche Callinicus, & du Patrice Leonce, qui luy firent couper le nez auparauant que le releguer au Chersonese.

Chetsonese. Celuy-cy qui portoit dans son visage les marques de sa ruine, aussi-bien que de ces vices, fit son Protecteur du Roy des Bulgariens, & sceut manier adroitement son humeur, que par son moyen, il fit sortir de son siege le successeur de Leonce, qu'il creua les yeux à Callinicus, & qu'il reprit la mesme pourpre qu'il auoit teinte dès l'og-temps dans le plus beau sang de son Peuple. Il fut si cruel, qu'il ne se mouchoit iamais qu'il ne commandast aussi-tost qu'on entraînast au supplice quelqu'un de ceux qui auoiét fauorisé Leonce, & se fit tant haïr de ceux dont il s'estoit desja fait craindre, qu'on ne detestoit pas moins sa personne, que sa tyrannie. Enfin ce barbare s'estant fait autant d'ennemis que de sujets, fut chassé pour la seconde fois par Philicus Bardanes, dans la seiziesme année de son regne, qui ne fut remarquable que par vne longue suite de cruautéz inouïes; & sa memoire fut si horrible apres sa mort, qu'il sembloit viure encore dans les plus illustres familles, par ses meurtres, & dans les Temples, par ses sacrileges. Aussi n'a-t'on iamais veu Prince qui ait moins reçu de graces de la Na-

ture que ce Bardanes, & jamais homme n'eut moins de Religion, ny moins d'esprit. Il ne se fut pas plustost saisi de la souveraine Puissance, qu'il s'efforça d'abolir les decrets du sixième Concile general, pour contenter vn Moine, dont les opinions estoient autant d'heresies, & pour le recompenser des esperances qu'il lui auoit tousiours données, qu'il paruiendrait à l'Empire de Constantinople. Mais comme il promettoit beaucoup, & qu'il donnoit encore dauantage, qu'il épuisoit toutes les finâces en des choses fort peu necessaires, ou tout à fait inutiles, & qu'il souffroit avec beaucoup de patience & de lascheté, que les Bulgariens s'éparassent des frontieres de Thrace, il eut les yeux creuez, & mourut dans vn bannissement qu'il deuoit auancer de sa folie, & de sa paretie. Diogene apres auoir réporté vne victoire signalée sur les Barbares, gagna si bien le cœur de l'Imperatrice Eudoxe, qu'il fut iugé digne de partager la moitié de son liect & de son Thrône, & de soutenir des affaires domestiques, troubles de tous costez par des guerres estrangeres. Mais ce Romain, à qui l'obeyssance estoit naturelle,

talement, & qui n'auoit rien de grand que l'ambition & le courage, deuiant tellement insupportable qu'on reconnut, mais trop tard, combien il importoit de faire porter vn Sceptre par des mains serviles, & d'obeyr à des personnes qui faisoient seruir leur autorité de cause & d'excuse à leur insolence. Les premiers succez qu'il eut contre ceux qui rauageoient les Prouinces de l'Asie, furent diuers: mais la seconde guerre fut malheureuse; toute son armée fut taillée en piece, ou mise en fuite; & ce qui ne s'estoit point veu par l'exemple d'aucun Empereur, ses ennemis le prirent viuant, & l'emmenèrent avec vne ioye d'autant plus grāde, qu'ils voyoient bien qu'il ne leur restoit plus rien à faire, qu'à se reposer de leurs lōgs trauaux apres cette prise. Asan Prince des Turks eut peine à moderer le ressentiment qu'il eut d'vn si grand bon-heur; il fallut qu'il vid Diogene pour croire cette nouuelle, & si tost qu'il l'eut reconnu, il le traitta deuant ses Soldats, avec tant de magnificence, & avec tant de ciuilité, que Diogene fut contraint de dire, qu'on ne pouuoit perdre de bataille plus heureusement que luy, & que

les plus grandes aduersitez n'estoient pas quelquefois à craindre. Outre cette courtoisie, qui ne tenoit rié du barbare, il le combla de presens & de bien-faits; il fit la paix avec luy, & le renuoya, mais Diogene fut estonné que sa défaite auoit fait chasser l'Imperatrice, & qu'elle auoit esleué Michel, fils de Constantin, au gouuernement des affaires. La colere & le desespoir exciterent sa vengeance, & le firent courir aux armes: mais à peine auoit-il commencé cette entreprise, qu'il fut contraint de se rendre à composition, & de souffrir qu'on luy creuast les yeux comme aux autres, dont il mourut quelque temps apres; de sorte qu'il perdit presque tout d'un coup, la victoire, la veuë, l'Empire; & la vie, Alexis Second, qui n'estoit encore qu'un enfant quand il se chargea du Sceptre apres la mort de son pere, trouua tant qu'il put à estouffer les seditions ciuiles, & fut enfin contraint, s'il faut ainsi dire, de diminuer sa puissance pour la mieux vnir, & d'y faire participer Andronic, fils d'Isaac Comnene, le plus artificieux, & le plus redoutable des rebelles qu'il auoit à vaincre. Ce traistre, qui fit connoistre sa perfidie

perfidie à Constantinople aussi-tost que la personne, commença deslors à reueiller son ambition, tâcha de gagner les plus grands par les dons, & par les promesses, n'eut plus d'autre objet que le Thrône deuant les yeux, & ne considéra point si le moyen le plus assuré pour y monter, estoit le plus iuste, ou le plus horrible.

Alors qu'on vent porter vne illustre Couronne,

Qu'importe si le crime ou la vertu la donne?

Va Thrône est tousiours beau quand on y peut monter;

C'est pour luy qu'un grand cœur doit tout executer.

Qu'il ne regarde point si pour sa renommée.

Il est rougy de sang, ou noircy de fumée;

Si mille assassinats ou mille embrasemens

En seront les degrez, ou bien les fondemens;

Si ses iours y serōt & gloriens & calmes.

Et s'il doit estre fait de cyprez, ou de palmes.

C'est dans ce sentiment que de tuteur du ieune Prince, il en deuint le meurtrier;

il luy fit trancher la teste, & commanda qu'on jectat le reste de son corps dans la mer, comme si sa felicité l'eût rendu indigne de la sepulture. Ce crime ne fut par long-temps impuny- comme chacun le regardoit avec horreur, & qu'il estoit en peine de résister aux forces de Guillaume Roy de Sicile, Isaac luy ravit l'Empire, luy fit couper vne main, & arracher vn œil; & le faisant promener sur vn vieux Chameau par toute la Ville, l'exposa de cette sorte au mépris & à la rage de son Peuple. La Grece n'a pas veu toute seule ces indignitez. Beranger, apres auoir vaincu Louys fils de l'Empereur Arnoul, luy fit arracher les yeux, & Charlemagne les ayant fait creuer à Pierre Roy de Hongrie; le fit encore mourir pour contenter sa défiance ou sa haine. Du temps de Claude Quatrième Empereur de Rome, Gotarzes n'eut pas plustost pris Melindate Prince des Parthes, qu'il luy fit couper les oreilles; Et si l'on regardel'Histoire, la dignité de Robert Surantin, Prince de Tarente, & de Guillaume fils de Tancrede, Roy de Sicile, ne rendit point leur Fortune ny plus glorieuse, ny plus belle.

Quoy

Quoy que parmy beaucoup d'eloges qu'on a donné au grand Constantin, on lise encore qu'il n'a pas tant puny les coupables qu'il a vengé les malheureux; qu'il semble qu'au lieu de combattre les meschans, il n'ait fait que les chastier, & que sa pieté n'ait rien deu à ses vertus militaires; il a souillé pourtant son regne par la mort des deux Roys, Astaris, & Rhegache, qu'il fit deuorer par des bestes sauuages en plein Theatre. Long-temps auparauant Farnus Roy des Medes fut crucifié par Ninus; Plancus Proconsul fit trancher la teste à Victurbius Duc des Priueniens, voisins des Samnites; & Cossus fit mourir de la même mort Laërtes Roy de Cologne, pour auoir osé tesmoigner qu'il estoit assez genereux pour defendre sa liberté contre leur puissance. Dās la guerre des Carthaginois & des Romains, Attilius Regulus fus iugé digne du triomphe, apres qu'il eut tué vn serpent de vingt-cinq pieds de longueur, qu'il eut ruiné toutes les forces d'Afrique, qui estoient dans les armées d'Asdrubal & d'Amilcar: mais l'ors qu'il s'y preparoit avec plus de ioye, & que le repos & la gloire deuoient estre

le fruit de sa vaillance, & de ses veilles, il fut contraint de recevoir des fers à Carthage, de la même main qu'il s'attendoit de prendre la Couronne de laurier, & la robe qu'on luy avoit préparée à Rome. Sa prison dura cinq ans, & les Carthaginois pour obtenir vne paix par son moyen, le renvoyerent sur sa foy, afin de faire servir ses prieres, & son autorité à ce que la nécessité de leurs affaires les obligeoit de rechercher. Celuy-cy s'en alla bien-tost à Rome, où les plus grands de Carthage estoient prisonniers; mais ce ne fut pas tant pour solliciter leur liberté, que pour faire durer leur servitude, & son eloquence & son zele, eurent vn si grand pouvoir sur tout le Peuple, qu'on ayma mieux le renvoyer, que cette illustre Noblesse, dont le courage estoit même à craindre dans les chaines. Si-tost qu'Attilius fut de retour, & que les Carthaginois sceurent qu'il avoit plus estimé le bien de son pais que sa propre vie, ils le mirent dans vn tonneau remply de pointes de fer pour luy percer la chair & les os, & necessiter de le rouler iusques à sa mort, quoy qu'ils fussent encore plus estonnez de sa constance,

stance, qu'il ne l'estoit de leur cruauté. Marc-Antoine fit trancher la teste à Antigone Roy des Iuifs, dans la Ville d'Antioche; & Conradin Roy de Suede, & fils d'un Empereur d'Allemagne, ayant esté cōduit à Charles Duc d'Ajou, souffrit le mesme supplice à Naples. Mahomet Second fit escorcher tout vif le neveu de Scandeberg; & Dauid Comnene Empereur de Trebisonde & sa fille, laisserent leurs testes sur un eschaffaut, par le commandement de ce Tyran, dont la vie est remplie d'impietez & de crimes, & dont les plus hautes actions furent des embrasemens & des meurtres. Les Espagnols ordonnerent qu'on estrāglast publiquemēt vn Roy Indien, apres auoir tiré plus de trois millions d'or pour sa rançon, & firent pendre & brusler celui de Mexico, pource qu'il estoit trop long-temps à leur descourir ses richesses. Deux Princes d'Afrique Fetez & Benaduxe, pour n'auoir pas voulu faire vne lascheté, furent decapitez par le commandement du Roy de Fez; & François Pizare Capitaine Portugais, fit mourir à vn poteau Atabalipa Roy de Peru, pour se defēdre de sa perfidie. Sous

le regne de Soliman, vn Bassa fit pendre aux cordages de son Nauire le Roy de la Ville d'Adam, situé sur la coste de l'Arabie Heureuse, & l'inhumanité des Turcs, fit seruir vn gibet de liêt d'honneur au Roy de Zibith. Il n'y a pas longtemps qu'Ischia Roy de Triambat, fit honteusement mourir celuy de Gubert, & Leon d'Afrique dit, qu'un Roy de Telesin, fut traité si indignement d'Abulhezin Quatriesme Roy de Fez, qu'apres auoir rendu l'ame sous le glaue d'un Bourreau, on ne voulut point souffrir que son corps eût vne autre sepulture que celle des bestes. Qui ne sçait pas que Iosué a fait pendre cinq Roys de suite, selon l'ancienne custume; Que le tyran des Agrigentins Phalaris, fut brülé dans son Taureau d'airain? Qu'Edouard Deuxième du nom, Roy d'Angleterre, fut empalé; Que Michel Zilage, Prince de Hongrie, fut decapité à Constantinople, pour auoir esté trop vaillant? Et qu'Adelberg Comte Palatin fut traité de mesme, pour auoir esté trop credule? Puis que nous ne disposons pas tousiours nos exemples dans l'ordre des temps, nous pouuons acheuer ce Chapitre par la fin de

de Policrate, & montrer que la Fortune ne demeure iamais en vn mesme estat, & que celuy qui se resiouyroit de se voir échapper de quelque danger, seroit aussi peu raisonnable, que celuy qui croiroit auoir gaigné sa cause, pour auoir obtenu quelque remise. Ce Roy des Samiens ne connoissant les aduersitez que de nom, pource qu'il n'en auoit iamais resenty aucune, & voulant moderer par vne inuention particuliere, la ioye qu'il auoit d'vne felicité si grande, ietta dans la mer vne bague d'un prix inestimable, pour se faire au moins luy mesme quelque sujet de tristesse. Il arriua par vne merueille inouye, que cette mesme bague fut trouuée dans le ventre d'un poisson qui fut seruy sur sa table, qu'il ne douta plus que les Dieux n'eussent entrepris de le rendre le plus heureux de tous les hommes. Mais vn Roy de Perse ne luy eut pas plustost fait la guerre qu'il le dépouilla de son Royaume, & le fit expirer dans vne Croix, comme s'il eût voulu luy faire connoistre qu'on ne deuoit estimer nostre vie que par nostre mort; qu'un iour iugeoit l'autre, & qu'en fin il estoient tous iugez par le dernier.

*Des Princes qui ont esté employez
par leurs ennemis à des offices
honteux, & d'autres qui en ont
esté traittez indignement.*

CHAPITRE VI.

CEN'est pas sans raison que Senec-
que assure que les biens de la pro-
sperité sont desiderables, & que ceux de
l'aduersité sont miraculeux, comme s'il
eût voulu dire, que les miracles qui com-
mandent à la Nature, ne paroissent ja-
mais mieux que dans nos disgraces. Si la
bonne Fortune descouvre le vice, la mau-
uaise descouvre encore mieux la vertu; &
quoy qu'on fasse, la moderatiõ n'a point
tant d'éclat dans l'une, que la force n'en
ait beaucoup plus dans l'autre. C'est
ainsi que dans les tapisseries de haute-li-
ce, les ouvrages rehaussez d'or & de
foye, sont sans doute les plus agreables,
quand le chap'en est obscur; & que nous
pouons acheuer de conclurre avec Ba-
con, qu'il est de la vertu, comme des par-
fums, qui n'ont jamais plus d'odeur que
quand

quand on les pile, ou quand on les brûle. Si iamais homme a deu meriter vne loüange legitime; Carganus a mon aduis, a deu l'attendre de sa patience. Sesostris, le plus grand Roy d'Egypte, apres auoir soumis plusieurs Peuples, auoit accoustumé de se faire traîner dans vn chariot par quatre Roys qu'il auoit vaincus, & cét orgueilleux se promenoit rarement, sans donner cette honteuse marque de sa puissance & de ses victoires. Côme il en faisoit son plus noble diuertissemēt, il prit garde vn iour que Carganus tournoit la teste du costé des rouës, qu'il consideroit avec vne curiosité qui ne luy estoit pas ordinaire, & ne put s'empescher de luy demander, quels objets pouuoient arrester ses pensées, lors qu'il n'en deuoit auoir que pour sa misere. I'y songeois, dit celuy-cy, avec beaucoup de hardiesse; & quoy que le changement de ma condition m'ait estonné iusques icy, ie trouue pourtant qu'il ne doit pas même te sembler estrange. M'arrestant à cette rouë, ie voyois que le rayon le plus éléuë, deuenoit le plus bas en moins d'un rien par son tour, & ie voyois en mesme temps qu'il en estoit de mesme de celle
de

de la Fortune ; que la Prosperité deuoit
trainer apres elle l'inquietude & la crain-
te; & que l'aduersité ne deuoit pas estre
sans consolation, & sans esperance, N'a-
gueres i'estois au plus haut degré, main-
tenāt ie suis au plus bas; & puis que tout
change en la Nature, ie trouue que ceux
qui t'admirent aujourd'huy seront peut-
estre obligez demain de te plaindre. Se-
sostris s'estant ressouuenu que son pro-
pre frere Peleusines auoit desja manqué
de le faire brusler avec toute sa famille,
& craignant en effect qu'un malheur
semblable ne luy arriuaft, ne traita plus
ces Roys avec tant d'insolence, au con-
traire, il les honora tous depuis, & se
seruit de Carganus comme du plus grād
Ministre de son Estat. On dit qu'une pa-
reille responce sauua la vie au Soldan
de Babylone, qui fut pris par vn Roy de
France dans les guerres de Basile Empe-
reur de Constantinople, & que l'ayant
fait sortir de prison, ou il auoit demeuré
deux ans entiers, il fut estonné de le voir
rire d'abord en considerant vne rouë,
quoy qu'il eût tousiours esté aussi triste
dans cette captiuité, que si on l'eût trai-
ue au supplice. Le Roy ne pouuant com-
prendre

prendre la raison d'un changement si soudain, l'interrogea comme Sesostris auoit interrogé Carganis, & tesmoigna qu'il eût esté bien-aise d'estre éclaircy de ses doutes. Je ris, luy dit ce Soldan, de ce que la premiere chose que ie rencontre, me montre la vicissitude de toutes les autres. Tout ce qui est icy bas tourne sans doute comme cette rouë, on peut descendre comme on peut monter, & ie me voy prisonnier d'un Roy dont peut-estre quelqu'autre fera son esclaue. Le mal-heur de Psemmenite Roy d Egypte, n'est pas commun, & l'Histoire seroit en peine de faire voir quelque chose de plus grand que sa constance, si son ambition ne l'eût égalée. Il fut fils & successeur d'Amasis, & n'eut pas plustost pris le gouvernement des affaires; que Cábises fit marcher en Egypte vne grosse armée pour ioindre ce beau Royaume à son Empire. Psemmenite à la premiere nouuelle qu'il en eut, assemblea toutes les forces, fit marcher ses troupes contre ce Monarque, & iugea qu'il estoit plus seur d'attaquer les Perles que de les attendre. Cette bataille fut sanglante, la campagne fut couuverte des morts de
l'un

l'un & de l'autre party; & les deux Chefs desespererent long-temps de la victoire, à mesure qu'ils la cherchoient. Toutefois les Égyptiens furent enfin contraints de s'enfuir, & de se retirer à Memphis : mais Cambyses prit heureusement cette Ville & Psammenite, & l'ayant logé par mespris dans un Faux-bourg, voulut voir s'il auroit assez de vertu pour supporter cette iniure. Il ne se contenta pas de l'avoir esprouvée en cette rencontre, il envoya sa fille en habit d'esclave avec les plus grandes Dames d'Égypte, pour puiser de l'eau sur une montagne, dont elles ne pouvoient descendre sans estre veuës de Psammenite, afin de luy faire ressentir plus vivement sa misere. Sa fille ne passoit jamais devant luy qu'elle ne fit esclater ses gémissemens & son desespoir; & quoyque ses plaintes ne parussent jamais plus grandes que quand elle estoit en sa presence, on voyoit bien pourtant, qu'elle pouissoit plus de sôûpirs en particulier pour le malheur de son pere, que pour le sien propre, & qu'ils venoient plustost de son amitié, que de sa foiblesse. Cependant Psammenite ne consideroit point cette aventure

re

re d'un œil humide, il sembloit regarder sans estonnement la captiuité de sa fille, & la perte de son Royaume, & se conseruoit dans les chaines, le mesme visage qu'il auoit tousiours eu dessus le Thrône. Son fils suiuit bien - tost sa fille accompagnée de deux mille Egyptiens de son âge, chargé comme luy de fers & de cordes; & quoy qu'il sceût qu'ô les alloit tous faire mourir, il vit ce second triomphe avec aussi peu de trouble, que s'il eût esté du pays des fables, où les hommes estoient metamorphosez quelquefois en pierres. Ayant veu de loin le plus grand de ses fauoris contraint de demander l'aumosne pour cette guerre, il commença de lors à se battre rudement la teste à la façon des barbares, & à resmoigner son ressentiment & sa tristesse. Commēt, luy dit Cambises, quand il eut appris cette nouuelle; dont il fut surpris, ie m'estonne que l'affliction de ton amy, t'ait trouué sensible iusques à t'arracher des pleurs, & que tu n'ayes pas donné vn soupir à ceux à qui tu as donné la vie. Ah! Cambises, luy répondit Psēmenite, les malheurs domestiques ne demandent pas des larmes; les grandes douleurs.

douleurs ne se plaignent point, pource qu'elles ne scauroient parler; & le cœur seigne plustost qu'il ne sospire, quand on le perce. Mais lors que i'ay veu dans ce miserable estat ce confident de mes secrets & de ma Fortune, i'ay reconnu que la pitié pouuoit pleurer plus aisément que la Nature; & que nous estions plus propres à ressentir nos maux qu'à les plaindre. Ces paroles plurent tant à Cambises, que depuis il approcha tant qu'il put Psemmenite de sa personne, & commanda que son fils fut sauué de ceux qui auoient esté destinez à la mort; mais on luy rapporta qu'il n'estoit plus temps, & que c'estoit par luy qu'on auoit commencé le sacrifice. Psemmenite eut encore le cœur assez bon pour ne pas desesperer de la Couronne, & sans mentir il n'eût pas esté trompé dans son esperance, si ses brigues n'eussent point esté decouuertes par Cambises, qui ne pouuant souffrir qu'un reste d'ambition, eût fait son riuale de celuy dont il auoit fait son captif, le força de boire du sang de Taureau, dont il mourut à l'heure même.

E quanto fu presta à venir, cotanto

Sollecita à partir sara Fortuna.

Seren

Scien di corte in vn momento imbruna;

E chi ride il mattin , la sera è in pianto

Quoy que l'Empercur Valerian eût assemblé les plus vaillâs hommes de l'Occident, du Septentrion, & du Midy, & qu'il eût employé les trois parties du monde à conquerir l'autre; Sapor Roy de Perse, ne laissa pourtant pas de rompre ses forces, & de le traiter avec tant d'indignité, que s'il eût voulu punir vn subjet rebelle. D'abord qu'il l'eut pris, il ne considéra ny sa condition, ny sa vieillesse; il se seruoit de son dos comme d'un estrier, lors qu'il vouloit monter à cheual, & prenoit tant de plaisir à exercer sa patience, qu'il semble qu'il eût eu moins de bon-heur, s'il eût eu moins de cruauté. Galien fils de Valerian, tenoit cependant l'Empire, & cet ingrat, qui pouoit mettre vn million d'hommes en campagne pour la liberté de son pere, eut si peu de ressentiment, qu'il ne fit pas le moindre effort pour le sauuer: de sorte, que ce malheureux vieillard fut le diuertissement de ce barbare iusques au dernier soupir de sa vie. Louys Douziesme Roy de France, n'eut pas plustost entre ses mains Louys Sforce Duc de Milan
selon

ſelon Paul Ioue, qu'il le fit mourir dans vne cage de fer ; & le Pape Alexandre Troiſieme , voyant à ſes pieds Federic Barbe rouſſe , qui luy demandoit ſon fils qui auoit eſté pris par l'armée des Venitiens, marcha ſur le col de cét Empereur, avec des paroles ſacrées, dont il ſe ſeruit pour authoriſer l'excez de cette insolence. Tombejus Soldan d'Egypte, ayant eſté treuué apres ſa déſaite caché dans l'eau d'un marets iuſques aux eſpaulles , entre des joncs & des roſeaux , fut emmené iuſques au grand Caire à Selim, qui le fit mettre à la gehenne , pour le contraindre de diſcouurir les treſors de ſon predeceſſeur Campſon, & qui l'ayant fait long-temps promener par toutes les rues , les mains liées derriere le dos ſur un vieux Chameau, commanda qu'on l'eſtranglaſt, & qu'on le pendit à un crochet , pour le faire ſeruir de mépris aux Turcs, & d'exemple à toute l'Egypte.

Bajazeth, preinier du nom, cinquieſme Empereur des Turcs , eſtant aduertý que Tamerlan faiſoit marcher toutes ſes forces contre luy, fut contraint de leuer le ſiege de Conſtantinople , & de luy preſenter la bataille ſur les frontieres d'Armenie,

d'Armenie, au mesme lieu que Mithridate fut autre fois vaincu par Pompée, Bajazeth y perdit deux cens mille hommes, & fut pris avec sa femme, & ses enfans, par Tamerlan qui le fit enfermer dans vne cage de fer, lié de chaines; & qui pour le punir de son orgueil, & de ses crimes, voulut qu'on le monstrast en cét estat par toute l'Asie. Pour augmenter encore son infortune, il le fit mettre avec ses chiens, & le forçoit de manger comme eux, semblable à ces soixante & dix Roys, dont Adonibezeth, auoit fait anciennemēt couper les pieds & les mains, & qui ne viuoient que du pain qu'on leur iettoit sous la table; & ne cessoit à chaque moment qu'il le regardoit, de le changer de maledictions, & de reproches. Il tascha plusieurs fois de finir ses regrets avec sa vie: mais il nen put iamais trouuer les moyens; & ce fut à ses despens qu'il esprouua qu'il n'y auoit point de plus grand mal-heur au monde, que de ne pouuoir mourir, quand on en auoit la volonté. Toutefois vn esclau, luy ayant iette par mespris vn os de poisson, il l'aiguila de telle sorte avec les dets, qu'il s'en perça le gosier, & fit si biē, qu'enfin

qu'enfin il s'écraza la teste contre les barres de sa cage, apres auoir demeuré plus de vingt ans en cette posture. Qui eut iamaïs crû qu'un Empereur si redoutable eût esté si mal-heureux, & que la gloire des Ottomans en eût esté si long-temps la honte? Il auoit dompté les Triballiens, il auoit pris l'Armenie, rauagé l'Albanie, & la Macedoine; desolé toute la Phœlide, & contraint l'Empereur de Grece de venir mandier du secours iusques en France. Tous ses sieges auoient presque esté autant de prises de Villes, ses combats autant de victoires, & ses desseins autant de cōquestes. Cependant vn Berger en fit son captif, & la Fortune de ce Monarque, qu'on appelloit Hildrin; c'est à dire, foudre, pout la prompte execution de ses entreprises, disparut comme en esclair; pour nous montrer que les belles choses n'ont iamaïs vne mesme suite, que les apparences sont trompeuses, & que ce qui a le plus d'esclat, n'a pas tousiours le plus de durée.

Questa vita mortale
Che par sì bella, è quasi piuma al vento
Che la porta, è la perde in un momento.

*Des grands Hommes qui ont mieux
aymé se donner la mort, que souffrir
la cruauté de leurs ennemis,
ou le regret de leur infortune.*

CHAPITRE VII.

NOUS pouuós dire apres vn Authieur
celebre , que la pompe de la mort
est plus effroyable que la mort mesme, &
qu'elle n'est iamais plus horrible que
dans les Plaintes de nos amis, dans les
habits de dueil, dans les funerailles &
dans les autres accidens qui ont accou-
stumé de la suiure. A n'en point mentir,
il ne faut pas qu'elle soit ce qu'on la fait
puisque le courage la prefere au moin-
dre affront, que la douleur l'appelle à
son aide, que l'amour s'en mocque, que
l'honneur y aspire, que la crainte la pre-
uiuent, & que le desespoir la cherche.
Cen'est plus viure que d'apprehender de
mourir; la pensée que nous auons de la
mort en est infailliblement le plus grand
mal; & nous sommes aussi peu raisonna-

bles de nous estonner de portraits terribles que les lasches nous en ont laissez, que les enfans qu'on epouuâte quelque-fois de contes, & de bestes imaginaires.

A chil morir e graue

Agni momento e morte:

Altro ma non ha morte

Che'l pensar a morire.

E chi morir pux deue,

Quanto piu tosto more

Tanto piu tosto al suo morir s'inuola.

La mort est proprement à la vie, ce que les tenebres sont à la lumiere : On n'en doit pas auoir plus de peur que de la nuit; & comme elle nous est aussi naturelle que la naissance, & que nous pourrions sortir du monde, avec moins de peine que nous y entrons; il semble que ceux qu'elle a fait trembler n'ont sans doute regardé que son équipage, ou comme dit l'Espagnol, *Con ojos de alinde, con que lo poco parece mucho, y lo pequeno grande.* L'histoire nous apprend que les dernieres paroles d'Auguste, furent vn compliment à Liuius, que Galba receut la mort en taillant; & que Septimus Seuerus l'attendit avec vne resolution digne de son esprit, & de son courage. Amileon voulant
reparer

reparer toutes les pertes que son prede-
cesseur Maleas auoit caulée à l'Afrique,
fit équiper vne grosse flotte pour s'é al-
ler en Sicile, & pour y rendre le nom des
Carthaginois aussi redoutable que leurs
armes. Aussi-tost qu'ils eurent mis pied
à terre, vne furieuse peste qui les attaquā,
les contraignit de se remettre sur mer,
& de retourner à Carthage, avec aussi
peu de fruct, que s'ils n'eussent eu que
le dessein d'admirer la Sicile au lieu de la
conquerir. D'abord qu'Amileon fut de-
uant les portes, & qu'il sceut le nombre
de tant d'illustres hommes qui estoient
morts de cette maladie estrange, il se pre-
senta deuant le Peuple, vestu d'un mes-
chant habit, le visage triste, la teste nuë,
& dans vn estāt si pitoyable, qu'il sem-
bloit n'auoir rapporté de sō voyage, que
des soupirs & des larmes. Apres qu'on
l'eut conduit en son Palais, & qu'il se
vid sans compagnie, il prit son espée, &
l'ayant enfoncée dans son corps, voulut
tesmoigner par cette action qu'il estoit
digne de mort, puisque les Dieux ne l'a-
uoient pas iugé digne d'une si belle con-
queste. Demosthene, qui passa des exerci-
ces des Lettres aux exercices des armes,

ne parut pas moins resolu qu'Amileon, & son courage ne dût rien à son eloquence. Ayant esté pourfuiuy d'Archias, qui auoit esté Comedien, & qui pour lors estoit vn des Capitaines d'Antipater, il fut contraint de s'enfuir en l'Isle de Calaurie, & d'attendre dans le Temple de Neptune, si ses ennemis auroient la hardiesse de le profaner par vn sacrilege, Archias tascha lors de le rassurer, & fit tout ce qu'il put pour luy faire croire qu'il auoit le credit d'obtenir sa grace, côme il en auoit la volonté; mais Demosthene, sans abandonner la place qu'il auoit prise, luy respondit, qu'il n'auoit iamais esté persuadé pas ses tragedies, & qu'il l'estoit encore moins par les promesses. Il luy demanda seulement la liberté de disposer de quelques affaires; & côme il fut seul, il prit la canne dont il auoit coustume d'escrire, sucça le poison qui estoit cacheé dedans dont il mourut, & ne voulut pas souffrir qu'on luy reprochast d'auoir receu des mains estrange-res, vn bien qu'il pouuoit obtenir des siennes. Quintus Catullus, pour eüiter la cruauté de Marius son enemy, commanda qu'on apportast de la chaux viue dans

dans sa chambre ; & s'y étant enfoncé, quelque temps apres y auoit fait mettre du feu , expira dans vn tourment beaucoup plus cruel que celuy qu'on luy preparoit. Herminius le Sicilien, estant mené en prison pour auoir soustenu le party de Gracchus contre le Senat, aimamieux s'écraser luy-mesme la teste, que de la donner à vn Bourreau ; & Cornelius Consul, pour preuenir l'insolence de ceux qui le poursuiuoient, se fit ouurer les veines dans le Temple de Iupiter, dont il estoit Prestre. Aussi-tost que Paul Æmile eut vaincu Demetrius, qui auoit secouru les Macedoniens contre les Romains , il l'enuoya captif à Rome, & le mauuais traitement qu'il y receut , luy fut si sensible , qu'il crût ne pouuoir mieux exercer sa generosité que contre luy-mesme, ny faire action plus glorieuse que celle d'empescher par sa mort, que les Romains ne disposassent de la Fortune. Abraham, fils de Haly Troisieme Roy de Maroc , se trouua dans vne inquietude bien estrange , au rapport de Leon d'Afrique, & son desespoir ne fut pas moins remarquable que son aduventure. Vn Docteur nommé Elmahely ,

apres auoir resuë long - temps aux moyens de paruenir à la Couronne, persuade Habdul Mumen, son disciple, de courir avec luy le mesme danger, luy montre que leur entreprise peut estre heureuse, comme elle est belle, que tous les Lires ensemble valoient beaucoup moins qu'un Sceptre, & qu'un Royaume est le prix de leur ambition, & de leurs armes. Ce ieune homme l'escoute, & luy promet toute sorte d'assistance; ils disposent de si tous deux du gouvernement des Villes, & ménagent si bien les Soldats, qu'il leur font tout esperer de leur obeissance, & de leur adresse. En cet estat ils attaquent Abraham en pleine campagne, desfont toute sa Cavalerie l'obligent de prendre la fuite, & l'assiègent si rudement dans Maroc, que les habitans luy font entendre que tout le menasse, & que tout le presse, & qu'il leur est plus aduantageux d'abandonner la Ville, que de la defendre. Le Roy tout surpris monte la nuict à cheval avec sa femme, & se precipite d'un rocher, pour faire voir plus de hardiesse que ses subiets; & pour leur apprendre qu'un Roy ne deuoit pas autrement,

ment tomber, quand la nécessité le faisoit descendre du Trône. Par ce moyen Habdul Mumen fut couronné; pour ce qu'Elnahely mourut en ce même tēps; de sorte, que Maroc eut trois Roys en moins de huit iours, ce qu'il ne me souvient pas d'auoir leu en quelqu'autre Histoire. Brutus dans les guerres qu'il eut apres la mort de Cēsar, se defendit longtemps de ceux qui en poursuioient la vengeance: mais restant sans consolation apres la mort de ses meilleurs Capitaines, il se tua de l'espée de Straton, pour n'auoir pas la honte d'espreuier, ou la colere, ou la clēmentie d'Octaue & d'Antoine. Cassius, qui estoit de son armée, pensant auoir en partie causé la perte de cette bataille, donna sa tēte à couper à l'un de ses affranchis; nommé Pindare, & crut qu'il seroit plus honteux de recevoir la mort de ses ennemis, que de l'attendre d'un homme qui auoit esté son esclaue. Caton, de peur de tomber en la puissance de Cēsar, s'ouurit l'estomach de son espée, & pour ce que la playe n'estoit pas mortelle en apparence, & que son Medecin s'efforçoit de le soulager, il déchira luy-mesme ses

apres auoir refuë long - temps aux moyens de paruenir à la Couronne, persuade Habelul Mumen, son disciple, de courir avec luy le mesme danger, luy montre que leur entreprise peut estre heureuse, comme elle est belle, que tous les Liures ensemble valoiẽt beaucoup moins qu'vn Sceptre, & qu'vn Royaume est le prix de leur ambition, & de leurs armes. Ce ieune homme l'escoute, & luy promet toute sorte d'assistance; ils disposent de sia tous deux du gouuernement des Villes, & ménagent si bien les Soldats, qu'il leur font tout esperer de leur obeissance, & de leur adresse. En cet estat ils attaquent Abraham en pleine campagne, desfont toute sa Cavalerie l'obligent de prendre la fuite, & l'assiẽgent si rudement dans Maroc, que les habitans luy font entendre que tout le menasse, & que tout le presse, & qu'il leur est plus aduantageux d'abandonner la Ville, que de la defendre. Le Roy tout surpris monte la nuict à cheual avec sa femme, & se precipite d'vn rocher, pour faire voir plus de hardiesse que ses subiets; & pour leur apprendre qu'vn Roy ne deuoit pas autrement,

ment tomber, quand la nécessité le faisoit descendre du Trône. Par ce moyen Habdul Mumen fut couronné, pour ce qu'Elmahely mourut en ce même temps; de sorte, que Maroc eut trois Roys en moins de huit iours, ce qu'il ne me souvient pas d'auoir leu en quelq' autre Histoire. Brutus dans les guerres qu'il eut apres la mort de Cesar, se defendit longtemps de ceux qui en poulsuiuoient la vengeance: mais restant sans consolation apres la mort de ses meilleurs Capitaines, il se tua de l'espée de Straton, pour n'auoir pas la honte d'esprouner, ou la colere, ou la clémence d'Octaue & d'Antoine. Cassius, qui estoit de son armée, pensant auoir en partie causé la perte de cette bataille, donna sa teste à couper à l'un de ses affranchis; nommé Pindare, & crut qu'il seroit plus honteux de recevoir la mort de ses ennemis, que de l'attendre d'un homme qui auoit esté son esclaue. Caton, de peur de tomber en la puissance de Cesar, s'ouurit l'estomach de son espée, & pour ce que la playe n'estoit pas mortelle en apparence, & que son Medecin s'efforçoit de le soulager, il déchira luy-mesme ses

entrailles qui sortoient, avec tant de resolution, que Cesar ne pût s'empescher de dire apres, qu'il portoit enuie à sa mort, puis qu'il luy auoit osté la gloire de luy conseruer la vie. Mithridate, ne pouuant plus resister aux forces Romaines, & voyant encore son propre fils contre luy, chercha dans son espée ce qu'il n'auoit pas rencontré dans le poison, & montra bien qu'on ne manquoit point d'inuentions de se faire mourir, quand on ne manquoit point de cœur. Sait-il, Scipion; beau-pere de Pompée, & plusieurs autres n'en ont pas moins fait; mais cette vertu des Payens est maintenant vn de nos crimes, & si l'on examine de prés cette action, on trouuera qu'elle a moins témoigné leur generosité que leur desespoir, qu'ils s'y sont portez, quand ils ont crû ne pouuoir plus viure, & que n'est pas meriter vn grand honneur, que de s'en aller quand on est chassé. C'est principalement en cecy qu'il ne faut pas écouter Seneque; quand il dit, que le Sage vit autant qu'il doit, & non pas autant qu'il peut: Que la Fortune peut prendre ce que la Nature laisse aller: Que la mort qui plaist est la meilleure,

leure. Qu'il n'importe pas qu'elle vienne à nous, ou que nous allions à elle; Et qu'il est aussi honteux de la demander à quelqu'un, que de luy demander la vie, Il est bié plus iuste de croire que l'ignorance la craint, que la timidité la fuit, que la folie la cherche, que la sagesse l'attend, & que la fureur se la donne.

*Des grandes armées qui ont esté dé-
faites par les petites.*

CHAPITRE VIII.

Xerxes Roy de Perse, fils de Darius, premier du nom, & d'Arthossa fille de Cyrus, n'eut pas plütoft considéré la puissance, qu'il voulut s'en servir à la conquête de toute la terre. Il songea d'abord qu'il deuoit commencer son entreprise par la desolation de la Grece; & quoy qu'elle eût alors d'assez fameux Capitaines, il ne put croire toutefois que le prodigieux nombre de ses combattans, qui pouuoit couvrir ce beau Royaume, ne püst aussi l'vsurper, & qu'enfin la vertu ne fut contrainte de se

sousmettre à la force. Il auoit dans son armée de terre dix-sept cens mille hommes de pied, & quatre-vingt mille hommes de cheval; ce qui l'estonna luy-mesme de telle sorte, que l'ayant regardée du sommet d'une montagne, il ne put s'empescher de répandre beaucoup de larmes iugeant bien que cent ans au plus acheueroient la vie de tant de personnes. Quoy que tant de Soldats fussent capables d'espouuanter les plus resolu's, Leonidas avec quatre cens Lacédemoniens ne laissa pourtant pas de s'opposer au dessein qu'ils auoient d'entrer en Grece, par le destroit de Thermopiles, & rendit de si belles marques de sa vaillance, & de son adresse, qu'il y fit demeurer pour lors près de vingt mille de ses ennemis sur la place. Son armée Nauale, estoit de mille deux cens sept voiles, sans compter les autres petits Vaisseaux, qui joints ensemble, en faisoient trois mille, & qui portoient tous plus de cinq cens dix-sept mille six cens hommes; & celle des Grecs estoit si petite, qu'il falloit de necessity qu'un de leurs Vaisseaux resistast contre cent des autres. Ils eurent toute fois en cette occasion plus de

de courage que de force; & plus de bonheur, que d'esperance. Leur hardiesse fut esgalée par leur conduite, & c'est là qu'on peut nommer vne genereuse resolution, ce qui par tout ailleurs n'eust esté appelé qu'une honteuse temerité. Ils ne se contenterent pas de se defendre de leurs ennemis, ils les attaquèrent encore avec vne constance si admirable, qu'ils mirent toute la mer en sang & en feu, & contraignirent Xerxès de s'enfuir honteusement en Asie, comme si leur liberté n'eust esté que le moindre prix de cet espouuantable combat. Les Lacedemoniens depuis, par la diligence de Pausanias, acheuerent de defaire l'armée de terre à la iournée de Platée, près du Temple de Cerès: Mardonius, qui la commandoit, y fut tué sur le champ, avec deux cens quatre-vingts mille hommes; & de cinquante mille Grecs, quatre-vingts vize Lacedemoniens, cinquante deux Atheniens; & vize Tegeates, y furent seulement trouuez à dire. Le mesme iour ils gaignerent vne autre bataille contre les Perles, tuerent Mardontes & Tigranes, prirent la Ville de Micare sur eux bruslerēt au pillerent tous leurs Na-

uires , & taillerent en Pièces l'élite des plus redoutables Nations du monde.

Alexandre fut si heureux dans la guerre qu'il eut contre Darius, qu'avec trente-six mille Macedoniens, il luy défit six cens mille Perles dans la premiere bataille; & ce qui semble incroyable , soixante mille hommes de pied, & dix mille hommes de cheual , qui furent tuez par si peu de Grecs dans la seconde , avec quarante mille prisonniers , acheuerent de le rendre maistre de toutes ses terres. Lorsque le Roy Radagase fut attiré en Italie par l'infidelité de Rufin , les Italiens le taillerent en pieces auprès de Fizzules, avec deux cens mille Gots , par la conduite de ce mesme Stilicon , qui les fauorisa depuis, & qui fut cause, s'il faut ainsi parler, que l'Empire souffrit en tous ses membres , & que toutes ses parties furent marquées de quelque coup, ou de quelque playe. Eudon Duc d'Aquitaine se sentant trop foible pour resister à ce Charles , qui fut depuis appellé Martel, pratiqua les Sarrazins , qui par la conquête de l'Espagne , & par les cruantez qu'ils exerçoiet par tout indifferément, estoient fait craindre de toutes les Nations

tions estrangeres, & fut estonné d'en voir iusques à quatre cens mille avec leurs femmes, leurs enfans, & leurs seruiteurs, comme s'ils ne fussent pas tant venus en France pour le secourir, que pour y faire des Colonies. Endon n'eut pas plustost entëdu dire que ces gens icy ne laissoiët derriere-eux que des deserts, & qu'ils ne sortoient iamais des Villes qu'apres les auoir pillées, qu'il fit paix avec Charles Martel; & quoy qu'il les eût tous appelez à son secours, la mesme peur qui l'auoit obligé de les mander, l'obligea de leur empescher le passage, & de s'opposer depuis à leurs armes, avec plus d'ardeur qu'il ne s'estoit proposé de s'ëseruir. Cët obstacle n'empescha point qu'ils ne trauerfassent toute l'Aquitaine; & Tours n'eut pas manqué d'estre pris, & d'estre destruit comme Bourdeaux & Poictiers, si Charles Martel eût manqué de leur liurer la bataille. Là quinze cens de nos François y furent seulement tuez, & trois cens quatre-vingts cinq mille du costé des ennemis y demeurerent sur la place; La mort de leur Roy Abdiram honora nôtre triomphe, & nos mal-heurs furent l'og-temps

cachez

cachez dans les tombeaux de ces Infidèles. La France à veu chez elle des défaites aussi-bien que des victoires; elle à eu des cimetières pour elle aussi-bien que pour les vsurpateurs, & n'a pas toujours esté si heureuse qu'elle n'ait quelquefois porté le dueil de ses pertes. Lors que le Prince de Galles, qui estoit pour lors deuant Poictiers, se fut soumis inutilement à toutes sortes de conditions honnestes, pour s'en retourner en Angleterre avec la paix, & qu'il eut enfin iugé qu'il falloit s'enfuir avec danger, ou mourir avec honneur; il se fit vne fureur de sa patience, & combattit si vaillamment, qu'avec deux mille hommes d'armes, & six milles Archers, il défit tous les François; se vid deux fois plus de prisonniers qu'il n'auoit de Soldats dans son armée; prit le Roy Jean avec le Dauphin Philippes son fils, & les plus considérables de ce Royaume; & tira par vne merueille, qui semble nous estre encore inconnue, son salut & sa reputation de son desespoir. Si l'on s'arreste à ce qu'on nous rapporte des Indes, on trouuera que l'ambition des Portugais, n'a presque iamais eu que de bons succez;

succèz ; qu'ils ont assujetty la puissance par la ruse ; qu'avec deux ou trois mille hommes, ils ont défait un monde de combattans ; & qu'ils ont trouvé des moyens d'enchaîner des Peuples lors qu'ils en cherchoient eux mêmes pour s'en deliurer. Humiade & Mathias Coruin , ne se sont-ils pas rendus plus redoutables aux Turcs par leurs seules personnes, que par le nombre de leurs Soldats ; Et Scandeberg , avec dix mille Albanois, n'a-t'il pas souvent défait des armées de deux cens mille hommes , & contraint les deux plus grands Empereurs de la race des Ottemans, d'admirer en luy ce qu'ils ne pouvoient pas comprendre ? Nous avons quantité d'autres exemples sur ce sujet : mais nous les ferons servir à quelqu'autre fin , & ce seroit se mettre en peine de persuader vne verité publique. Chaoun sçait que les plus grands partis ne sont pas tousiours les plus heureux ; que le hazard preside à la guerre, & que c'est sur cette opinion que quelques anciens , avant la bataille, avoient accoustumé de sacrifier à la Fortune. Il faut maintenant s'entretenir du malheur des Conquerans , & faire voir qu'il

qu'il y a des felicittez horribles; & des victoires funestes; que le repos est l'image de la confusion & du trouble; & qu'on peut perir par le calme, aussi bien que par la tempeste.

*De ceux qui ont esté vaincus, & tuez
de leurs ennemis, apres en auoir
eu la victoire.*

CHAPITRE IX.

COmme Crœsus montrait vn iour ses richesses à Solon, & qu'il luy demandoit, s'il estoit possible que quelqu'un osast l'attaquer, sans renoncer auparavant à son honneur? Seigneur, luy dit Solon, quelques précieuses que soient les choses que vous m'estalez, ne doutez pas qu'un autre ne se rende maistre de tout cét or, si son fer se trouue meilleur que le vostre. Il vouloit luy faire connoistre par là, que l'argent, qu'on appelle ordinairement le nerf de la guerre, pouuoit sans doute l'entretenir: mais que les plus riches ne deuoient pas esperer le plus de bon-heur; & que les victoires

Estroies naissoient le plus souuent de la resolution, du courage, de la ruse, & de la conduite. Cyrus auoit esté si heureux en toutes ses entreprises, qu'il auoit reculé les frontieres de son Empire iusques à celles d'Ionie; il auoit pris Babylone qui pouuoit resister à tout vn monde, & iamais homme auparauant luy n'auoit conquis ny tant de prouinces, ny tant de Royaumes. Il estoit comme ce Roy de Lydie, qui ne croyoit pas qu'on pust tomber par ses propres forces, il regardoit ses conquestes, comme des biens qui n'estoient point perissables; & ne pouuoit s'imaginer que celuy qui commandoit à tant de Peuples, pust dépendre de la Fortune. Pour le faire voir avec de plus fortes preuues, il tourna ses armes du costé des Scythes, & fit marcher ses gens contre la Reyne Thomiris, qui enuoya son fils au deuant de luy, qui fut bien-aise que ce ieune homme signallast son apprentissage, de l'entiere défaite de ce Monarque. Mais Cyrus, ayant desespéré de la victoire en apparence, auoit plus feint d'ardeur pour la retraite, que pour le combat; & comme il tesmoignoît que sa fuite estoit la meilleure

de

de ses esperances, il auoit laissé vne partie de ses viures dans les tentes pour arrêter les ennemis par vne ruse qui leur estoit d'autant plus fatale, qu'elle leur estoit inconnüe. Là ce ieune imprudent, ayant trouué de quoy contenter la soif, & l'appetit de ses Soldats, ne leur defendit pas l'usage du vin, ils en prirent iusques à ne pouuoit plus se reconnoistre; & Cyrus les rencontrant en cét estat, eut si peu de peine à les desfaire, que la plupart furent égorgés dans le sommeil, & le Prince ne fust pas si tost réuëillé qu'il massacrè avec les autres. Thomiris, au lieu de soupirer pour la perte de son fils, & de ses subjets à cette nouvelle, a plutôt recours à la vengeance qu'aux larmes, elle cache sa douleur & son artifice, & faisant croire à Cyrus que la grandeur de cette playe, ne luy auoit laissé ny la force, ny les moyens de s'en ressentir; elle s'enfuit parmy des montagnes, pour y faire par la finesse, ce qu'elle n'osoit essayer par le courage; & pour voir si les embusches luy réussiroient mieux que les batailles rangées. Comme elle eut attiré son ennemy entre ces deserts, & qu'elle eut estonné cette grande armée
par

par la difficulté des passages ; & par le desespoir d'en sortir ; elle attaque Cyrus avec vne resolution admirable , luy tuë deux cens mille Perses , & luy ayant fait trancher la teste la fait ietter d'as vn tonneau plein de sang , avec ces paroles de reproche : Boy, boy à loisir, cruel, d'une liqueur dôt ton ame ne püst estre iamaïs saoulée , & puisque rien n'a pû contenter ta soif que le sang , saoulle-toy pour le moins après ta mort , de ce qui n'a pû te desalterer durant ta vie. C'est ainsi qu'une femme acheua ce que tant de Roys n'auoient entrepris qu'à leur perte, ou à leur honte , que la colere perdit ce qui s'estoit sauué tant de fois des conspirations & des batailles ; & que la patience d'une Reyne desesperée, triôphe du grãd Cyrus au milieu de ses victoires. Dans les guerres qu'eurent les Romains contre les Parthes , on peut voir vne histoire presque semblable : mais pource qu'elle est digne de nostre sujet , il est iuste de la décrire en peu de mots, & d'en considérer le commencement & l'issue.

Après que les Gaules furent escheuës à Cesar, l'Espagne à Pompée , & la Syrie à Crassus ; celui-cy mesnagea si bien
ses

ses affaires , qu'enfin il se rendit avec toute son armée en Mesopotamie, par le moyen d'un pont qu'il fit bastir sur l'Euphrate, & ce fut là qu'il crut qu'il estendrait du moins ses conquestes iusqu'à la Bactriene, iusques aux indes, & iusques à la grande mer Oceane , du coste du Soleil Leuant ; & que les victoires de Luculle contre Tygranes, & de Pompée contre Mithidate , seroient beaucoup moindres que celles qui flattoient son ambition & son esperance. Hyrodes Roy des Parthes, n'eut pas plustost sceu son arriuée , qu'il luy dépesche vn Ambassadeur, pour luy dire, qu'il refusoit la paix, & l'amitié des Romains, si quelque guerre secreete estoit le seul but de son voyage; mais comme s'il luy eût esté aussi aisé de les vaincre, que de leur parler, & qu'il eût esté aussi heureux Capitaine, qu'il estoit fameux Orateur, il se contenta de leur dire, en se mocquant, qu'il leur donneroit audience dans la Ville de Seleucie. Artabazes, pour favoriser l'entreprise de Crassus, le vint trouver d'abord avec six mille Cheuaux de sa garde, luy en promit dix mille autres, avec les trente mille hommes d'Infanterie

fanterie, qui estoient ordinairement à sa solde, & luy offrit vn passage libre par son Royaume; mais Crassus aima mieux prendre son chemin par la Mesopotamie, & trouua plus à propos d'y reprēdre les Romains, & d'y combattre avec la fidelité domestique, qu'avec cette force estrangere. D'abord qu'il fit passer ses gens sur le pōt qu'il auoit basti sur l'Euphrate, on entendit d'horribles tonnerres, & d'vne nuée noire, il sortit vn tourbillon de vent, avec deux coups de foudres, qui renuerferent la moitié de son ouurage. Ce prodige fut accompagné de beaucoup d'autres, qui ne purent moderer sō ambition, & qui ne furent point capables de refroidir son courage. Vn de ses cheuaux; qui estoit superbement paré, se jetta dans la riuiera avec celuy qui estoit dessus, & la premiere Aigle qu'on voulut enleuer pour faire marcher le Camp; se retourna d'elle mesme en arriere, à la veüe de toute l'armée. Comme le Prestre eut acheué le sacrifice, & qu'il luy eut donné les entrailles de l'Hostie, elles luy tomberent des mains, & quoy qu'en distribuant les viures à ses Soldats, on leur eût donné du sel & des lentilles par hazard,

hazard, ce qui estoit pris parmy eux pour vn presage de dueil & de mort, que son fils fut tombé sur luy en voulant sortir du Temple de la Deesse de Hierapolis, & que d'autres signes luy eussent annoncé son malheur; son experience le persuada plus puissamment que tous ces Augures; & sa superstition ne fut pas si grâde que sa vanité. En ce mesme temps, vn Capitaine d'Arabes, nommé Ariamnes, qui auoit autrefois receu de grandes faueurs de Pompée, s'offrit pour guide à Crassus; & pour l'attirer en pleine campagne, luy remontre qu'Hyrodes ne viendra iamais en personne, qu'il n'aura que son Lieutenant Surena en teste, que les Scythes auoient desja pris leurs meubles pour s'enfuir dans les deserts, & non pas les armes pour leur resister; & qu'enfin, il ne pouuoit plus differer la victoire si long-temps, sans la perdre ou la hazarder. Ariamnes, qui estoit gagné par les Parthes, & qui ne fut point suspect à Crassus, l'esloigne aisement de la riuere, le conduit dans vne pleine de sable, & l'abandonne apres dans vn lieu, où la Nature a tousiours esté sterile, & dans vn pays si ardent, que ceux qui sont
contraints

contraints de le trauerser , sont esgale-
ment bruslez du Soleil & de la Terre.
Crassus en cette confusion , ayant des-
couuert les ennemis , mit son armée en
bataille, esclaireit d'abord tous les rangs
pour occuper plus de terrain; & pour em-
pecher les Parthes de l'enuelopper, & mit
la Cavalerie sur les aisles: Mais estant re-
uenu à soy, il chagea bien-tost d'opiniõ,
pource qu'il fit serrer son Infanterie, de
sorte qu'elle faisoit front de tous costés,
& en donna vne pointe à conduire à Cas-
sius Sur-intendant des Finances, & l'au-
tre à son fils , apres leur auoir remontré
que c'estoit de cette victoire que dépen-
doit la Fortune d'un amy , le salut d'un
pere , & l'honneur de la Republique.
Crassus n'eut pas plustost commandé de
donner sur ces Barbares, que son fils
avec mille Cheuaux , & huiët cens Fan-
tassins les mit en déroute : Les Gaulois
qu'il auoit amenez luy-mesme à son
pere , par le moyen de Cesar, ne furent
point espouuantez, ny du poids de leurs
grandes armes , ny du nombre de leurs
tambours chargez de sonnettes, dont le
bruit soud , pour meseruir des propres
termes de Plutarque, imite celuy du ton-
nerre,

nerre, & semble estre meſlé du rugiffe-
ment de quelque beſte ſauuage. Ce fut
à ce coup que les Parthes furent eſtônez,
& que les Romains ſ'imaginèrent que
leur general auoit eu raiſon d'attendre
de leurs ſoins, & de leur generoſité, ce
qu'il n'auoit pû tirer des preſages, ny des
victimes. Publius Craſſus, n'ayant plus
rien à faire, qu'à chaſſer ceux qui ſ'en-
fuyoient d'eux-mêmes, voulut pouſſer
plus auant; mais ceux-cy, ou par leur
deſeſpoir, ou par leur ruse eſcartèrent
vn partie de leurs Cheuaux en deſordre,
qui par ce moyen remuerent quantité
de monceaux de ſable iuſques au fond,
dont illſ firent ſortir vne pouſſiere ſi eſ-
poïſſe, que les Romains ne pouuoient
ny ſe parler, ny ſe reconnoiſtre. C'eſt
ce qui obligea ceux - cy de ſe ſerrer, da-
uantage; mais les Parthes vſerent ſi bien
de cette nouuelle inuention, qu'ils dé-
cocherent preſque toutes leurs fleſches
ſur eux, & ne leur laiſſerent ny le coura-
ge de les attaquer, ny les moyens de ſe
deſendre: Cependant Publius Craſſus ne
manquoit point d'exciter les ſiens par
ſes actions, & par ſes paroles: mais ceux
qui eſtoient bleſſez en ſe remuant ſur le
ſable,

sable, rompoïent leurs flesches dans leurs playes, & les agrandissoient encore pensans en arracher de force les pointes, qui penetroient bien auant dans leurs corps à trauers les nerfs & les veines; & les autres luy montroient leurs bras comme cousus à leurs boucliers avec des traits, & leurs pieds attachez de mesme à la terre, pour luy faire voir qu'il n'estoit plus en leurs puissance de s'enfuir, ny de combattre. Publius Crassus, qui auoit esté desia blesé, fut alors sollicité de se retirer en vne Ville nommée Ischnes; mais il respondit, qu'il deuoit plustost courir à la mort, que s'esloigner de tant de personnes qui la receuoient pour luy; & pour en rendre vne veritable preuue, il commanda dés l'heure à son Escuyer de le tuer de son espée, pource que le coup qu'il auoit ne luy permettoit pas de s'en seruir. Les plus considerables de son armée eurent assez de generosité pour ne pas suruiure à son infortune, ils se tuerent, ou se firent mourir à son exemple, & firent connoistre à Surenna, qu'entre tous les Peuples de la terre, les Romains seuls n'entroient iamais dans le Tombeau, sansy laisser quelque epitaphe pour

leur gloire. La teste de ce grand homme fut porté par tout le Camp, & c'est ce qui estonna de telle sorte ceux qui restoiēt, que la frayeur glaça leur sãg aussitost qu'ils eurent veu celui de ce Capitaine. Ne vous troublez point de cette aventure, mes amis leur disoit Crassus, ne voyant ce triste spectacle; & pensant les rassurer par ces paroles, cēt accident me doit estre plus sensible qu'à tous vous autres; mais il faut benir les maux, quand ils sont les presages, & les causes de nostre bon-heur; & ne sçavez-vous pas, que ceux qui aspirent aux grandes choses, doiuent se resoudre aux grandes pertes? Je n'ay pas engendré mon fils pour moy, mais pour le bien de la Republique; il est mort en combattant genereusement pour elle, & vous pouuez imiter ce que vous venez d'admirer en luy. Vangez-vous avec moy, de ceux qui vous ont osté vn Capitaine en m'ostant vn fils, & ressouenez-vous qu'il a cousté du sang à Luculle & à Scipion, pour défaire Tigranes & Antiochus; que nos ayeuls ont perdu mille Nauires à diuerses fois, pour asseurer la conqueste de la Sicile, que les nouuelles playes que nous auons
receuës

receûes en Italie, nous en ont guery de vieilles qui estoient plus dangereuses : & que la Fortune enfin ne nous a pas tant seruy que nostre constance. Ce discours fut sans effect, & quoy que Crassus se mit en estat de se deffendre des Parthes, & qu'il voulut sauuer ce qui restoit des Romains, par vne fuite honteuse ; Surena luy tailla vingt-mille hommes en pièces en fit dix mille prisonniers, enuoya la main & la teste de Crassus à Hyrodes, qui pour lors faisoit la guerre au Roy d'Armenie, pour se vanger du secours & du passage qu'il auoit offert ; & fit enfin connoistre qu'on pouuoit gaigner la victoire en la fuyant, & que la peur s'armoît quelque-fois aussi heureusement que la hardiesse.

On arrive à son but par des routes contraires,

Quelques coups dans les corps ont guery de vlcères,

Nos plus fermes plaisirs naissent de nos douleurs,

Et tel moissonne en ris, qui n'a semé qu'en pleurs.

C'est ainsi qu'on en void, si l'on-en croit l'Histoire,

Qui par leur desespoir ont rehaussé leur gloire,

Vaincu des ennemis qui les auoient chassés,

Et relené par-fois des Thrônes renuersés.

Procopé recite dans son Histoire, que Mondus ayant esté commandé de s'en aller en Italie, pour en chasser tous les Gots, apprit presque en mesme temps que son fils Maurice, qui estoit alors à Salones, les auoit défaits, & qu'il deuoit plus se mettre en peine de publier la victoire, que de la chercher. Mais il sceut aussi, que comme son fils estoit allé au deuant deux, pour les reconnoistre plutost que pour les combattre, il s'estoit si bien eschauffé apres quelques legeres escarmouches, qu'il n'auoit pû s'empescher de hazarder la bataille qu'il auoit gagnée: mais que c'estoit au prix de son sang, & qu'il n'estoit mort, qu'apres auoir asseuré la liberté de l'Empire. Mondus à cette nouuelle, pour vanger la mort de son fils, court comme vn furieux apres les troupes qui s'enfuyoient, les charge, & les taille en pieces: mais vn Soldat en se retournant, le tua du premier

mier coup, & cette aduanture fut en quelque façon miraculeuse, pource que les Romains qui se ressouuenoient de certains vers de la Sybille, qui rendoient ce sens, Que l'Afrique seroit assujettie quand le Monde periroit avec sa semence, trouuerent en effect cette Prophetie veritable. Vn Predicateur nommé Bejezid, ayant attiré quarante mille hommes par la force de son eloquence; attaqua si viuement Mahdy, Seigneur de Numidie, & premier Pontife, qu'il le contraignit de se retirer dans vne Ville qu'il auoit fait bastir sur la mer Mediterranée, pource qu'il n'en trouuoit point d'autre, dont il pust faire son azile. Mais ayant receu trente Nauires d'un Mahometan, il marcha contre ceux qui l'auoient vaincu, tua Bejezid avec son fils, s'en retourna depuis en Cairarem; s'y rendit plus absolu, mais moins tyran qu'auparauant, & sceut se maintenir avec tant de bonheur, que ses subjets se firent enfin vne habitude de l'aymer, & de le craindre. Lors que Iacques Quatriéme, Roy d'Ecosse, rauageoit l'Angleterre avec vne armée de soixante mille hommes, & qu'il ne trouuoit rien qui s'opposast à son en-

reprise, il voulut charger quelques Anglois, que la nécessité sembloit obliger de se defendre, & pour les auoir méprisez, pource qu'ils n'estoient point considerables par leur nombre, il fut tué sur le champ, en poursuiuant les reliques de sa victoire. Gaston de L'x Duc de Nemours, eut vne pareille aduanture à la journée de Rauenne, pour ne s'estre pas contété d'auoir défait ses ennemis, comme il souhaittoit; Ce grand Prince, qui auoir assujetty toute l'Italie en moins de trois mois, & qui s'estoit rendu redoutable dans vn aage, où les autres commencent à se faire connoistre, mourut d'un coup de pique, qui luy fut donné par quelques mal-heureux, qui faisoient tout leur effort pour se sauuer, & qui songeoient plus à mesnager leur vie par leur fuite, qu'à la defendre par leurs armes. L'Histoire moderne est plus remplie de ces exemples que l'ancienne; mais mon dessein n'est pas de descrire ce que nous voyons tous les iours, c'est assez d'auoir monstre qu'il ne nous arriue rien que ce qui est arriué d'as les Siecles qui ont precedé le nostre; que plusieurs choses n'ont esté iamais plus haut esleuées qu'après leur

leur cheute; que les vaincus ont triomphé bien souuent par leur défaite; & que ce n'est pas d'aujourd'huy que leur bonheur a commencé par leur desespoir.

*De ceux qui ont esté tuez par leurs
Alliez, par leurs Sujets, par
leurs Gendarmes, & par leurs
Parens.*

CHAPITRE X.

A Pres auoir monstté iusques icy que les richesses, les Royaumes, les Villes, & les Armées, n'ont rien pû contre la Fortune, & de quelle sorte elle fait naistre des enuieux à ceux qui sembloient ne les deuoir pas redouter, il faut maintenant faire voir qu'elle est de tous les partis, qu'elle est du pays des alliez, & des ennemis, qu'elle se mesle de l'amitié aussi bien que de l'âbition, & de la haine.

Agatocles Roy de Sicile, apres auoir vaincu les Carthaginois à Zaphones en Numidie, se resolut d'assieger Carthage, mais scachant bien que ses forces seules

ne suffiroient pas à l'exécution d'une si haute entreprise, il supplia Ophelas, Seigneur de Cyrene, d'entrer avec luy en cette guerre, & de faciliter la prise d'une Ville si celebre par son assistance. Pour l'obliger plus estroitement de se secourir en cette occasion, il l'assura qu'il ne poursuivoit les Carthaginois, que pour assseurer son Royaume, & luy promit de luy laisser tout ce qu'ils pourroient conquerir ensemble dans la Lybie. Ophelas, rayuy de ses demandes, & de ses offres, le vint trouver avec dix mille hommes de pied, & six cens Chevaux, & fit tant que les Atheniens luy enuoyerent encore quelque secours, dans l'esperance qu'ils eurent de marcher sur leurs terres iusques en Afrique. Agathocles le receut d'abord avec ioye, & luy tesmoigna beaucoup de ressentiment de la peine qu'il auoit prise, & de la resolution qu'il auoit de l'ayder contre des Barbares, qui ne pouuoient souffrir la paix, n'y chez eux, ny chez leurs voisins, & qui troubloient le repos de tous les Peuples, par leurs artifices, ou par leurs armes. Mais cette alliance ne fut pas de longue durée, & cet esprit dissimulé, ne fut pas

pas long-temps à faire esclater la perfidie. Comme Ophelas auoit enuoyé vne partie de ses Caualliers au fourage, qu'il se fioit plus en la puissance de son amy qu'en la sienne; & qu'il ne songeoit qu'aux moyens de le satisfaire, Agathocles assambla ses gens, leur remonstra qu'Ophelas auoit dessein de les trahir & de les perdre, & leur persuada cette imposture, par tant de feintes, que ceux-cy se ietterent en fureur dans le Camp des Cyreniens, pillerent ce qu'ils y trouuerent de plus riche, & de plus beau, & massacrerent Ophelas, avec tous ceux qui se mirent en posture de se defendre. Ce Seigneur fut donc malheureux pour auoir esté credule, & ce traistre, qui ne l'auoit attiré dans son armée, que pour trouver le moyen de le tuer, se seruit du plus horrible, pource qu'il manquoit de tout autre pour s'en défaire.

Lors que les Carthaginois eurent veu qu'Attilius Regulus, General de l'armée Romaine auoit pris Clypea, qui est la premiere Ville qu'il auoit trouuée sur le riuage d'Affrique, qu'il auoit rasé plus de trois cens de leurs forteresses, & qu'il

auoit enuoyé à Rome vne flotte de Vais-
seaux chargez de dépouilles, & de l'appa-
reil d'un triomphe, ils dépeschèrent des
Ambassadeurs aux Lacedemoniens, pour
les supplier de ne pas permettre que leur
liberté fut plus long-temps combattue
par des tyrans, qui d'abord n'auoient pas
tant regardé la grandeur de leur Répu-
blique, que la ruine des autres ; & qui
témoignoient moins d'ardeur pour aug-
menter leur reputation , que pour exer-
cer leur cruauté. Les Lacedemoniens
leur donnerent , avec secours qu'ils leur
demandoient , vn Capitaine nommé
Xantique, & celuy-cy trouua si bien au
salut des Carthaginois, qu'il défit les
Romains dans la première bataille , prit
Attilius Regulus, & laissa sa vie au choix
de ceux dont il en pensoit estre l'arbitre.
Les Lybiens témoignèrent en apparen-
ce qu'ils auoient autant de bon-heur
qu'ils en desiroient, reçurent alors Xan-
tipe , avec mille acclamations , & mille
louanges, l'appellerent plusieurs fois leur
Protecteur & leur Pere; donnerent après
des larmes à son départ , & le renuoye-
rent avec des presens plus dignes enco-
re de leur magnificence , que de son
courage,

courage. Quelle satisfaction ne receut-il pas, de porter luy-mesme en son pays, les nouvelles de sa victoire ? Mais de quelle horreur ne fut-il pas saisi, lors que les Carthaginois l'ayans conduit assez loin, payerent sa generosité d'une horrible ingratitude ? Ces cruels, luy pensans oster la gloire quil pretendoit, creurent luy deuoir oster la vie, & l'assassinerent en effect, pour faire croire à leurs ennemis, & à leurs voisins, qu'ils n'eussent pas laissé d'estre heureux, quand Sparte n'eût pas esté si puissante ; & comme s'il eût esté indigne de sepulture, aussi bien que de leur pitié, ils le ietterent dans la mer par jalousie, & ne donnerent pas mesme vn Tombeau, à qui meritoit vne Statuë. Mais par quel art eust-il pû se defendre de leur caprice, & de leur rage ? Estoit-il vray-semblable, qu'il deût estre la victime de ceux qu'il auoit tirez du sacrifice ? Qu'il eût trouué ses Bourreaux dans ses creatures ? Et qu'il eût fait de mauuais iugemens de ceux dont il venoit de faire la bonne Fortune ?

*On peut parer les coups du sort par la
raison*

Mais on ne peut parer ceux de la trahison.

La tempeste menace, & tous ces grands orages,

Que nous craignons si fort, precedent les naufrages;

L'eau n'est pas tout d'un coup dans son débordement;

La fumée à l'abord predit l'embrasement;

*Vn edifice creue avant qu'il soit à terre ;
Et l'éclair pour le moins denance le tonnerre.*

Mais un traistre tousiours nous prend à l'impourueu;

Il frappe à son desir plustost qu'on ne la veu,

Il execute tout avant qu'on le soupçonne,

Et sçait donner la mort du premier coup qu'il donne.

Cen'est pas vne chose estrange que les coupables reçoient le chastiment de leurs crimes, & que la iustice leur fasse souffrir ce que leur cruauté fait souffrir aux autres; mais ç'en est vne insupportable, que la vertu soit traitée comme le vice que l'innocence soit en crainte
où

où elle doit estre en repos, & que l'insolence des Peuples monte iusques sur le Thrône de leurs Princes. Cependant il se trouue, que les Roys ne sont pas plus en seureté parmy leurs subjets, que parmy leurs ennemis ; les Rebelles les font trembler comme les mutius ; & l'ambition des vns n'est pas tant à redouter bien souuent que la reuolte des autres, Diodore , dans son premier Liure des Antiquitez, nous le fait assez connoistre par l'exemple d'un Roy d'Egypte, nommé Aprius, qui apres auoir fait la guerre heureusement par terre & par mer , à ceux de Cypre & de Phœnice , força la Ville de Sodome, & s'en retourna si glorieux, qu'il sembloit que tous ses souhaits fussent accomplis , & que son bonheur eût esté même au de là de ses esperances. Toutefois, comme il eut enuoyé depuis son armée contre ceux de Barces & de Cyrene, & qu'elle eut esté presque toute défaite, ceux qui resterent dirent hautement qu'ils ne respecteroient , ny sa dignité , ny sa personne , & qu'ils n'estoyent point obligez de seruir celuy qui auoit sacrifié tant d'hommes à son ambition , ou à sa querelle. Pour les appaiser,

païser, il leur enuoya le plus renommé d'Egypte, qu'on appelloit Amasis, & ne douta point que son éloquence, & son autorité ne fussent encore plus fortes que leur résolution & leur haine, Amasis, bien loing d'imprimer l'amour & l'obeissance dans leurs cœurs, embraze en eux vn feu qui ne commençoit qu'à s'allumer, fait soufleuer les plus fideles, parle d'Aprius comme d'un tyran, & les gagne si bien par ses flateries, qu'ils luy offrent le Sceptre, plustost qu'il ne leur demande. Il se sert de cet aduantage, & de leurs armes contre Aprius, luy liure la bataille, le fait prisonnier, & pour monter plus seuremēt sur le Thrône, voulut qu'il fut l'horreur de ses Peuples, apres en auoir esté l'admiration. Hugo, Duc des Pauerniens, pour n'auoir pû resister à son ennemy, fut puny par les gens du mesme supplice; Et nous lisons qu'Hannibal premier du nom, pour n'auoir pas reüssi en quelques combats de mer, fut crucifié des Carthaginois, & qu'il ne trouua point de grace chez eux, pource qu'il auoit cherché la victoire ailleurs sans la rencontrer. Le dernier Roy des Lacedemoniens Agis, fut

fut reduit au meſme eſtat, par la Sentence des Ephores; & comme celuy qui le conduiſoit au ſupplice ſouſpiroit pour ſon malheur, il le conſola conſtamment par ces paroles; Mon amy, ne pleure point mon infortune; puis que ie ſuis meilleur que ceux qui m'ont condamné, ie ſuis plus heureux ſans doute; pleure plutoſt pour tous ceux qui me ſuruiuent, par où les Roys meurent innocens, tout le Peuple a ſujet de craindre. Miltiades, qui fut eſleu Capitaine des Atheniens, par la reſponſe de l'Oracle, comme ils eſtoient en peine d'en choiſir quelqu'un pour s'en aller dans la Chersonèſe, ne fut pas mieux recompensé de ſes travaux, & voicy comment il fut le prifonnier de ceux dont il auoit aſſeuré la liberté. Lors que Darius repaſſoit d'Europe en Aſie, il fut conſeillé de s'emparer de la Grece, pource qu'à la faueur des Atheniens, ceux d'Ionie auoient forcé la Ville de Sardis, & tué les Garniſons; & c'eſt dans ce reſſentiment qu'il arma vne flotte de cinq cens Galeres. Ses Lieutenans, Artaphernes & Datis, deſcouvrirent en peu de temps l'Euboée, ſe rendirent maîtres d'Eretrie, entrerent apres
en

en Attique , & camperent dans la plaine de Marathon à cinq lieuës d'Athenes. Les Atheniens estonnez d'auoir contre eux dix mille Cheuaux , & deux cens mille hommes de pied , demanderent promptement secours à ceux de Lacedemone, & choisirent cependant dix Capitaines pour commandor ce qu'ils pouuoient auoir de troupes , dont Miltiades sembloit estre le plus iudicieux, & le plus considerable. Celuy-cy se campa dans vn lieu fort aduantageux , rangea son armée au pied d'une montagne qu'il auoit en flanc, fit couper quantité d'arbres dont il remplit le chemin pour empescher la Caualerie ennemie de l'enfermer, & les attaqua si heureusement , qu'avec dix mille Grecs, il desfit selon quelques vns, plus de trois cens mille Perles, qui furent trouuez sur la place. Les Atheniens , apres cette victoire importante, se contenterent de faire peindre son portrait au Portique nommé Pœcile, quoy qu'ils ayent esleué depuis trois cens Statuës à Demetrius, quand ils se furent rendus plus puissans, & qu'ils se laisserent corrompre par les profusions de ceux qui briguoient les charges ; & creurent que c'estoit assez dignement

dignement reconnoistre cette obligation, que de luy montrer, que le Peuple en conserueroit la memoire, ils luy donnerent soizante & dix Galeres, pour ne laisser pas son experience inutile; & pour se ressentir des outrages qu'ils auoiēt receus des Isles qui auoient secouru les Perses; & son voyage fut tel, qu'il sceut les reduire à leur obeïssance premiere, ou par de simples sommations, ou par la force de ses armes. Mais quand il fut à Pare, & qu'il y eut trouué de la resistance, il fit descendre ses gens, enferma la Ville de tranchées, pour oster aux assiegez l'esperance de recouurer des munitions & des viures, & par le moyen de ses gabions, & de ses mantelets, approcha des murailles le plus près qu'il luy fut possible. Lors qu'il estoit prest d'emporter la place, par vn estrange mal-heur, la nuit le feu prit dans vn bocage qu'on pouuoit aisément descouuir de l'isle; & pource que ceux de dedans, & de dehors creurent que c'estoit le signal du secours des Perses, Miltiades ce sentant trop foible, fit voile incontinent vers Athenes, & trouua plus à propos de leuer le siege sans perte, que de hazarder sans raison
le

le salut , & la gloire de toute la Grece. Pource que les playes qu'il auoit receuës l'empeschoient de se rendre dans la Ville, il ne put se iustifier en personne: mais son frere Stefagoras s'efforça de plaider sa cause, ce qui n'empescha pourtant pas que les Atheniens ne le condamnassent à trente mille escus d'amande , & qu'ils ne le fissent mourir dans les prisons publiques, avec aussi peu de pitié, que s'il eust employé à la desolation de sa patrie, les armes qu'il auoit employées à sa defense. Ce n'est pas qu'il fust coupable de la trahison dont on l'accusoit, qu'il eust esté gagné par argent , comme on luy vouloit faire croire , qu'il n'eust conserué en cette guerre la fidelité qu'il auoit tesmoignée dans toutes les autres; mais pource que Pisistratus auoit remué toutes leurs affaires quelque temps auparavant , qu'ils se défioint de tous ceux qui estoient le plus en credit, & que Miltiades estoit de ce nombre, ils creurent qu'il estoit meilleur de le perdre , que de le craindre , & ne iugerent du mal qu'il leur pouuoit faire, que par le bien qu'il leur auoit fait. Athleta Roy d'Epire, ayant esté remis en son Royaume par la

la paix qu'il fit avec Cassander, fut tué par ses subjets, avec deux de ses enfans; Et comme Hieronime, Roy de Syracuse, apres la mort de Hiero son pere, s'attendoit de luy succeder, il fut massacré par ceux qui ne luy vouloient point obeir, & par vne cruauté inouïe, sa fille Demaratha fut mise en pieces dans vn Temple, où l'on ne respecta, ny sa ieunesse, ny sa beauté, ny les Dieux, ny son innocence. Le Roy de la Poüille, Menfroy, ne fut pas plus heureux que tous ceux-cy, quoy qu'il ne fust ny plus artificieux, ny plus meschant, & que son peuple luy eut rendu iusques - là toutes sortes de marques d'amour & d'obeïssance; Et le dernier Roy d'Arles, par la sedition du sien, laissa sa teste sur vn eschaffaut, pour auoir donné seulemēt vn soufflet à vn Euesque.

De tant d'exemples, qui nous apprennent par quel moyen les Princes ont esté tuez par leurs Gensdarmes, ie n'en trouue point de plus remarquable, ny de plus estrange que celuy que recite Leon d'Affrique. Ioseph, Roy de Fez, dit-il, de la race de Mansor, leua vne puissante armée, à dessein d'assiéger la Ville de Teleusin, & s'opiniastra deuant, de telle

telle sorte, qu'il fut contraint d'y demeurer sept ans entiers, de quelque inuention qu'il se fust seruy pour la forcer, ou pour la surprendre. Comme les assiegés se virent enfin réduits à toutes sortes d'extremitez; ils supplierent leur Roy Abuteffim, qui estoit dans cette Ville, de considerer qu'ils auoient tout fait, & tout enduré, pour luy tesmoigner leur obeissance, & que leur vertu estoit encore toute entiere dans leur mal-heur; mais que la famine aussi dont ils estoient persecutez, leur ostoit les moyens de le seruir dauantage, & que leur fidelité n'estoit plus qu'une loüable impuissance. Abuteffim leur ayant fait voir qu'il auoit souffert autant qu'eux sans murmurer, protesta qu'il leur exposeroit son propre corps; s'il pouuoit contenter la faim du moindre de ses citoyens, & les pria si ardemment de combattre pour leur liberté, qu'ils se resolurent de mourir sous sa conduite. Comme ils deliberoient de faire le lendemain une sortie, ils entendirent en mesme temps, que Ioseph auoit esté tué par un de ses domestiques, pour n'auoir pû prédre plustost Abuteffim; & ces nouvelles leur donnerent tant de courage,

rage, qu'ils se ietterent à la mesme heure sur leurs ennemis, dont ils remporterent la victoire.

Amilcar, Capitaine des Carthaginois, fut assassiné la nuict par vn Gaulois, quoy que Plutarque l'ait fait mourir en combattant, contre les Vetheons en Espagne. Aurelian fut traité de mesme dans la guerre des Olleriens; Gallerius & Valerian, furent massacrez par leurs Capitaines, Galba, Heliogabale, Macrin, & Severe, par leurs Soldats; & Pertinax par ses Gardes. Onoclus, Roy des Ænianiens, fut lapidé par son peuple, L. Siccius fut tué dans la guerre des Sabins par ses Soldats; Amon, fils de Manassez, & Ioas Roys de Iuda, perirent par la rage de leurs subjets; & le grand Timothée, qui dompta les Olinthiens, & les Bizantins, & Domitian, par celle de leurs domestiques, Viriacns Roy des Lusitaniens, fut empoisonné par vn de ses subjets; Iules Maximin vingt-sixiesme, Empereur des Romains, fut tué par ses Gensdarmes, avec son fils, qui estoit encore enfant; leurs corps furent iettez dans la riuere; & la ieunesse de l'un, & la vieillesse de l'autre, ne purent les garantir

garantir de l'insolence de ces traistres. Plusieurs autres, qui ont esté traitez de la sorte chez les Grecs, & chez les Romains, montrent assez que les dangers que courent les Grands, sont cachez bien souuent dans leurs propres forces; & que Seneque a eu raison de dire, que qui méprisoit sa vie, estoit toujourns maître de celle d'un Prince. Mais comme si c'eust esté trop peu à la Fortune, que d'auoir fait soussleuer les subjets contre les Roys, les seruiteurs contre les Maistres, & les Soldats contre leurs Chefs, elle s'est encore seruie des freres contre les freres, & des peres contre les enfans: si bien que la vie semble aussi bien menassée de ceux, dont on l'a receüe, que des autres qui sont obligez de la defendre. Lors que Iasius, fils de Camboblascon, & d'Electa, fille d'Athlas, fut fait Patriarche de la Toscane, & qu'il eut succedé à Belgius quatorziesme Roy de Gaule, comme son plus proche parent, il espousa Iphitis, & ses nopces, selon Diodore, furent les premieres qu'on celebra sur la terre. Apres la mort de son pere, il deuint Roy d'Italie, & se rendit si puissant, que c'estoit assez pour le deuenir,

nir, que d'en estre considéré. Sa gloire
toutefois luy suscita des ennemis dans
ses propres terres, son frere Dardanus
troubla son repos par des guerres ciui-
les, longues & cruelles; & pource qu'il
ne put le deposséder par les armes, il tas-
cha de le perdre par la trahison. Apres l'a-
voir long-temps espié, il le rencôtra dans
le bain auprès de Viterbe, & le tua, sans
considerer s'il estoit, & son parent & son
Roy, & se retira promptement dans ses
Nauires tout sanglant encore; & tout
interdit de son crime, Chacun sçait que
Romulus en fit autant à Remus; que Ti-
phon rougit son bras du sang d'Osiris; &
que les Ottomans ne regnent dés long-
temps, que sur les tombeaux de leur frere.
Vn Roy de Perse fut empoisonné
par sa propre sœur; & le grand Admiral
de Sicile Maion, fut assassiné par son
beau-pere. Euridice, mere d'Alexandre
frere de Philippe de Macedoine, fit em-
prisonner son fils & s'en déliura par
vne mort si secrette, & si cachée, qu'il
n'a pas esté au pouuoir des plus cu-
rieux de la descouurir. Herode fit
égorger ses enfans: Manlius Torquatus
ayant [defendu à son fils de combattre
contre

contre les Latins , dont il ne laissa pas d'estre le vainqueur, voulut absolument qu'il mourust pour auoir preferé la victoire à l'obeissance. Brutus ayant sommé trois fois ses deux fils, Tite & Valere , de se defendre de ceux qui les accusoient d'estre du party de Tarquin, & n'en pouuant tirer aucune réponse, commanda au Bourreau d'arracher leurs robes, de les foüetter iusques au sang , & de leur trancher la teste en sa presence, en quoy il est difficile de le trop blasmer, dit Plutarque ou de le louer assez, pource qu'il failloit agir alors, par vn excez de cruauté, ou par vn excez de vertu. Neron fit empoisonner Britannicus, tua sa femme Popea d'un coup de pied, fit poignarder Agrippine, qui d'abord auoit preferé sa grâdeur à sa propre vie, & sans estre touché de l'horreur de cette action, se contenta de dire en la maniant, qu'il ne croyoit pas auoir vne mere qui fut si belle. Anthonia fut empoisonnée par Caligula son petit fils ; vn des Horaces enfonça son espée dans l'estomach de sa sœur, pour n'auoir pas eu des sentimens assez genereux pour sa patrie ; & Commode, fit mourir la sienne apres l'auoir exilée,

Medée

Medée couppa son fils en pieces; Antonin tua son frere Geta entre les bras de sa mere; Liuia fut soupçonnée, avec raison, d'auoir fait empoisonner l'Empereur Auguste son mary; & Claudius trouua quelque consolation dans sa honte à faire poignarder sa femme, Aufidius ayant rencontré son fils, soupçonné de la conjuration de Catilina, luy passa l'espée à trauers le corps, avec ces paroles de reproche: Je ne t'ay pas engendré pour Catilina, meschant, mais pour ta Ville: Et l'Histoire veut que Philippes Second, Roy d'Espagne, ait plûtoſt fait eſtrangler son fils, pour aſſeurer ſes ſoupçons, que pour exercer ſa iuſtice. Ninus tua ſa mere Semiramis; & le jaloux Antipater maſſacra la ſienne, pour auoir moins teſmoigné d'amour pour luy que pour Alexandre. Horodes, Roy des Parthes, fut tué par ſon fils Phraartes; Timophanes, Capitaine Corinthien par ſon frere Timoleon; Xantius, Prince des Li-ciens, par ſon fils Leucipe; Iſmaël, Roy de Perſe, par ſa femme; Eurilès, par ſon pere Vliffe; & Monime, Reynede Pont par le commandement de ſon mary Mithridate. Si nous regardôs l'Eſcriture Sainte, nous

y trouuerôs Caïn qui tuë Abel, Adramelech, & Sarracher, qui coupent la gorge à leur pere Sennacherib, Monarque des Assyriens. Absalon, qui fait rendre la vie à son frere Ammon sous le glaïue de ses domestiques, pour vanger l'inceste de sa sœur Thamar ; Atalie , qui par vne ambition de regner , poignarde son fils Ochosias ; Abimelech , qui egorge ses soixante & dix-sept freres ; & plusieurs autres, qui se sont fait connoistre seulement par leurs parricides. Mais c'est trop long-temps porter les mains sur des playes aussi honteuses qu'elles sont horribles , nous verrons les larmes que les Princes ont versées avec moins d'effroy, que le sang qu'ils ont respandu ; & nous aurons plus de satisfaction à descrire leurs mal-heurs, qu'à nous entretenir de leurs crimes.

Fin du second Livre.



L E

TABLEAU

D E L A

FORTVNE ,

LIVRE TROISIEME.

Des mal-heurs arriuez aux Prin-
ces , aux Courtisans, aux Sça-
uans, & aux Dames, & à toutes
sortes de personnes, par diuer-
ses aduantures.

*Des Princes qui ont esté reduits à
vne pauvreté honteuse.*

CHAPITRE I.



ELVY qui disoit, qu'il estoit aussi
facile de souffrir long - temps la
pauvreté, que de l'essayer vne seule fois,

preschoit ce qu'il eust este fasché de pratiquer, & les richesses qu'il acquit sous son Empereur, dont il fut le maistre, tesmoignent bien qu'il auoit seulement la connoissance d'une vertu dont il apprehendoit l'usage. Ceux qui sont nays dans la misere, semblent estre contraincts d'y viure en quelque façon : Ils ne l'endurent pas tant par resolution que par habitude; & quoy qu'ils semblent paroistre avec vn vilage tousiours égal, il est certain que leur constance n'est qu'une vertu de superficie, & qu'ils font chez eux des imprecations contre le malheur qu'ils estiment sur les Theatres. Mais de voir des Princes reduits à la derniere necessité : D'entendre à nos portes, ceux qui ne se faisoient entendre que sur le Thrône; & de donner l'aumosne à des personnes dont on a receu la loy; c'est sans doute ce qui est aussi estrange, qu'il est incroyable, & ce qui est aussi difficile à comprendre, qu'à supporter. Si nous n'auions une espece de foy pour les Histories, qui croiroit, qu'en si peu de temps, la Fortune eust fait changer à Denys de profession & d'humeur; Que de Roy de Syracuse, il fut deuenu maistre d'Escole;

Que

Que de Pedant , il se fut rendu Vielleur;
Et que pour obtenir vn morceau de pain,
il eust esté contraint de faire rire , ceux
qu'il auoit fait pleurer sous sa tyrannie;
Avec quelle honte Louys, Duc d'Anjou,
fils adoptif de Ieanne Reyne de Hongrie,
ne se vid-il point chassé de Naples; Mais
avec quelle patience pût-il s'accommo-
der à son malheur, qui fut si grand, qu'il
se vid forcé de vendre tout ce qu'il auoit,
pour acheter seulement sa vie? Et s'il eust
esté sans cotte d'arme de toile peinte ,
quand il mourut dans la Poüille, il n'eût
rien laissé au monde que la memoire de
sa pauureté. L'Empercur Charles le
Gros fut si malheureux, qu'il n'auoit pas
bien souuent de quoy assouvir sa faim;
& quoy qu'il eust demandé à l'Empercur
Arnulpe, quelque reuenue tous les ans,
qui fut au moins capable de la contenter,
il se vid presque tousiours au mesme
estat, & fut enfin enseuely avec aussi peu
de suite, & de pompe , que s'il eust esté
le moindre Bourgeois de Constance.
Nous auons monstté au troisieme Cha-
pitre du second Liure, comment la neces-
sité cōtraignit Cinelius, Duc des Equois
d'estre le valet d'un Consul qui l'auoit

fait prisonnier, & là meſme, nous auons veu l'un des enfans de Perſée dans vne boutique d'Orfevre, & l'autre dans la boutique d'un Mareſchal, où ces ieunes Princes croyoient qu'il leur eſtoit moins honteux de gagner leur vie, que de la chercher. Ferdinãd, fils de Iean le Baſtard dixieſme Roy de Portugal, ayant eſté pris par les Mores, dans vne bataille que ſon pere auoit perduë, fut reduit à tourner vne meule à moudre à force de bras, pour auoir de quoy ſe nourrir; & c'eſt de là, que les Portugais l'ont en ſi grande veneration, qu'ils l'ont tenu pour un Saint, & qu'ils ont fait un martyre de ſon exercice.

Maſée rapporte vne choſe eſtrange de Manuel de Souſe, ſurnommé Sepuluede Gouverneur de la Citadelle de Dieu pour le Roy de Portugal. Apres auoir eſté fort long-temps heureux dans les Indes Orientales, il vient à Cochin, qui n'eſt gueres eſloigné de Calicut, où il ſ'embarqua l'an mil cinq cens cinquante-trois au mois de Ianuier, dans un grand vaiſſeau, chargé de ſix cens perſonnes, & de toutes les richesses qui pouuoient rendre l'auarice meſme contente.

Son

Son deſſein n'eut pas tout le ſuccez qu'il ſ'en promettoit : Sa femme, ſes enfans, ſes ſeruiteurs, & ſes eſclaues, coururent la meſme Fortune, ſon Nauire ſ'échoüa ſur les coſtes d'Ethiopie, & la mer ne pardonna qu'aux perſonnes qui ſe ietterent dans l'eau à demy nuës, & qui furent aſſez hardies pour eſpreuuer iuſques où le mauuais ſort les pouuoit conduire. Eleonor, femme de Manuel, & fille du Vice - Roy de Portugal dans les Indes, reſiſta le mieux qu'elle pût, aux Barbares qui la voulurent dépouïller, apres auoir veu faire la meſme choſe à ſes enfans, & à ſon mary; mais ſa reſiſtance fut vaine, & ſa foibleſſe ne luy permit pas de faire vn dernier effort pour dérober la veuë des richèſſes qu'elle auoit apportées au monde. Pour ſe cacher à elle - meſme, elle ſe couurit de ſable, & fit vn voile de ſes longs cheueux en cét eſtat, pour ſe regarder au moins quelque temps ſans honte. Elle coniura ſes domeſtiques deſſors, de ſe ſauuer le mieux qu'ils pourroient; & ne ſ'employa depuis qu'à pleurer ſes chers enfans qu'elle auoit deuant ſes yeux, & à qui la faim n'auoit pas laiſſé la

force mesme de se plaindre. Manuel fut long-temps entre l'estonnement, & l'horreur de cette aduanture, & n'en reuint pas autrement, que s'il eût esté frappé d'une esclat de foudre. Apres auoir repris ses sens, moins esgarez en apparence, que perdus, & qu'il eut veu sa femme & ses enfans de plus près dans ce pitoyable estat, il voulut s'eslancer dans vne forest prochaine, pour y chercher quelque nourriture; mais il ne fit que s'y traîner, & ses forces ne respondirent point à son courage. Il ne fut pas plustost de retour qu'il trouua le plus petit de ses enfans mort, & sa femme dans vne foiblesse extrême, pour auoir esté trois iours entiers sans manger. Il enterre luy-mesme son fils, & si le Lecteur en a quelqu'un, il peut s'imaginer avec quels vifs ressentimens, on en peut enseuelir de la sorte. Il retourne dans la forest le lendemain: mais cōme il reuint pour voir sa femme, & son autre enfant, il les trouue morts au pieds de quelques seruantes, qui s'arrachotent les cheueux, & qui n'eussent pas pleuré dauantage, quand elles eussent creu les pouuoir resusciter par leur larmes. Il rend les derniers deuoirs à l'un & l'autre, il
cache

cache sa femme & son enfant dans le sable; & retourne dans la forest, pour soulager sa faim enragée: mais il y assouvit celle des bestes sauvages, & n'eut que leur ventre pour le lieu de sa sepulture.

Nonomus, Roy des Parthes, estant chassé de son Royaume par ses sujets; prit avec luy ce qu'il auoit de plus riche & de plus beau pour rascher d'en viure parmy ses ennemis, que s'õ malheur obligeoit de rechercher; comme Dauid s'estoit autrefois refugié chez Agis; Alcibiade & Themistocle chez les Perses, & Coriolan chez les Volsques; mais l'Empereur Tybere luy raut quelque temps apres tout son tresor par son auarice; de sorte qu'il se vid contraint de mandier fort long-temps, dans la Ville d'Antioche, & de receuoir des charitez de la même main, qu'il auoit accoustumé de porter le Sceptre. Belizaire, Lieutenant General des armées de Iustinian, ayant perdu avec la faueur de son maistre, l'esperance de la recouurer, ne trouuoit point de meilleurs amis, que ceux qui luy donnoient du pain pour viure; & ce grand Capitaine, qui triompha deux fois des

Perſes & des Vandales, ſelon l'ancienne couſtume des Romains, eſtoit bien aïſe de receuoir l'aumofne de ceux dont il auoit eſté le refuge & le ſouſtien. Chreſtierne, Roy de Dannemarc, mourut à la ſuite de l'Empereur Charles Cinquieme, en qualité de ſimple Gentil-homme, ſelon Munſter, & ſelon vn autre, il ſ'enfuit en Zelande avec ſa femme, de peur d'eſtre puny de ſes cruautéz, & finit là ſes iours ſi honteuſement, qu'il n'eut plus à combâtre que cōtre la faim, dont il fut perſecuté iuſques au dernier ſouſpir de ſa vie. Encore qu'Epaminondas, ſans regarder l'argent que le Philoſophe Theanor luy apportoit de la part des Pythagoriciens ſes compagnōs, pour auoir fait celebrer les funeraillles de Lyſis avec beaucoup de ceremonie, luy reſpondit, qu'il y auoit des hommes à Thebes, qui ſçauoient bien vſer de la pauvreté, comme ſes freres vſoient bien de leurs richelles, & qu'il fit vne vertu de ſon indigence, auſſi bien que ſes ayeuls; l'Histoire n'a pas laiſſé de le plaindre, pource qu'après la bataille de Mantinée, les Thebains le firent enterrer aux deſpens du peuple, & qu'ō ne treuua pas chez luy de
quoy

quoy fournir aux moindres frais de la sepulture. Vn Euesque d'Vpsalle en Gothie mourut à l'Hospital, sous le Pontificat de Paul Troiesime; & Menenius Agrippa fut enseuely par aumosnes. Philippe de Comines, dit qu'il a veu vn Duc de Lancastre, qui auoit espousé la sœur d'Edouïard Roy d'Angleterre, qui couroit nuds pieds apres le train du Duc de Bourgogne, quoy que sept ou huict grandes batailles eussent esté données entre sa maison, & celle d'Yorch, où moururent soixante ou quatre-vingts Princes. Plusieurs grands hommes comme Aristides, Manius Curius, & Caius Fabricius, n'ont pas esté plus heureux; ou n'ont pas esté plus riches pour mieux parler, mais ce ne fut pas tant par leur paresse, que par leur vertu; & leur pauvreté ne fut pas forcée, mais volontaire. Ils crurent qu'il estoit meilleur de la choisir que de la craindre; que les sages n'auoient point affaire de richesses, cōme ceux qui se portent bien; n'ont point affaire de medecines; & qu'il n'y auoit point de difference entre posseder beaucoup de choses, & n'en desirer aucune. C'est ce qui fit que Crates ietta son argent dans la mer par le

conseil de Diogene ; que Xenocrate refusa les trente talens d'or qu'Alexandre luy enuoyoit; & que Democrite, qui fut depuis imité par le Philosophe Romain Sextus, fut presque d'une mesme humeur, pource qu'à leur aduis la moderation estoit plus belle que l'opulence, & qu'il estoit plus glorieux de mépriser les biens de la Fortune, que de s'en servir.

De ceux qui ont esté heureux.

CHAPITRE II.

IL n'y a point de gloire qui puisse égaler celle d'Alexandre. S'il fut grand en ses entreprises, il ne le fut pas moins en ses conquestes ; & s'il tira quelque avantage de sa Fortune, il n'en deut pas moins tirer de sa naissance. Du costé de Philippes de Macedoine, son pere, il descendoit de la race d'Hercule par Caranus, & du costé de sa mere, il sortoit du sang des *Æacides*, par Neoptoleme. Divers presages annoncerent ses victoires, & sa grandeur fut predite auparauant mesme qu'il fut au monde. Olympias n'auoit

n'auoit pas encore couché avec Philip-
pes de Macedoine, quand elle songea
que la foudre estoit tombé dans son
ventre, & que du coup il s'estoit allumé
vn feu, qui venant à se diuifer en plu-
sieurs flammes, s'estoit épandu par tou-
te la terre; & depuis, Philippes creut en
dormant sceler le ventre d'Olympias,
avec vn cachet, où la figure d'un Lyon
estoit grauée. Ceux qui se mesloient de
deuiner l'auertirent, qu'il deuoit auoir
vn soin particulier de sa femme; mais
Aristander fondé sur cette coustume, qui
ne veut point qu'on scelle vn vaisseau
quand il est vuide, luy dit, que sa fem-
me estoit grosse d'un fils, qui auroit le
cœur d'un Lyon, & fit bien voir en ef-
fect que de toutes les opinions, dont
on auoit taché de le preuenir, la sienne
estoit la plus vray semblable. Le iour
mesme qu'il nasquit, le Temple de Dia-
ne en Ephese fut bruslé; ce qui fit croire
à tous les Prestres, que cet embrasement
estoit vn signe assésuré d'un grand mal-
heur; mais Hegesias s'en mocqua depuis
assez froidement, & dit qu'il ne falloit
pas s'estonner de cette auanture, puis que
Diane estoit alors assez empeschée à l'é-
fantement

fantement d'Alexandre, comme Sage-femme, sans s'arrester à la conseruation de cét edifice. Quoy qu'on luy conseil-last d'abord qu'il eut pris le gouuernement des affaires, apres la mort de son pere, d'appaiser plustost les Rebelles que de les combattre; il ayma mieux les reduire à l'obeyssance par la crainte, que par la douceur. En effect, ayant vaincu le Roy des Triballiens Sirmus, & sçachant que les Thebains auoient quelque intelligence avec les Atheniens, il fit marcher son armée vers le destroit de Thermopiles, pour faire voir, disoit-il à Demosthene, qui l'appelloit enfant en ses Harangues, lors qu'il estoit au pays des Triballiens, qu'il estoit devenu adolescent, en passant par la Thes-salie, & qu'il le trouueroit homme deuant les murailles d'Athenes. Il prit Thebes, & pour faire seruir cette Ville d'exemple à toutes les autres, il la fit razer, & voulut que ceux qui restoiert de cette ruine, fussent vendus iusques au nombre de trente mille. Estant esleu depuis Capitaine General de la Grece contre les Perses, il entra en Asie, combattit Darius, & le surmonta, vid ses filles & sa femme

au

au nombre de ses prisonnières, & passa viste comme vn foudre iusqu'à Babylo-
ne. Il ne se cōtenta pas des victoires qu'il
auoit eues contre les Roys qui ne vou-
loient point recenoir son obeïssance, il
voulut encore en obtenir contre le Roy
des animaux, comme s'il eust esté seul
digne d'un titre si glorieux, & combattit
vn Lyon, pour rendre à tous ceux qui
l'accōpagnoient, des marques de sa force,
& de son adresse. Il défit les Scythes, &
les Amazones, porta ses armes iusques
dans les Indes, força tout ce qui luy fit
de la resistance, triompha par tout où il
fut obligé de combattre, & pour tout
dire, des plus grands Princes du monde il
en fit des subjets de Macedoine. Cepen-
dant, lors qu'il goustoit en repos les deli-
ces de la vie, il fut empoisonné avec de
l'eau froide comme glace, qui distilloit
d'un rocher, près de la Ville de Nonacris,
& comme on croit par le moyen d'Ari-
stote, qui n'executa pas en personne cēt
attentat; mais qui voulut y prester le
bras, & qui semble en auoir esté la seule
cause, pource qu'en effet il en donna le
premier conseil.

Demetrius le Phalerien, receut tant
d'honneur

d'honneur des Atheniens , qu'ils luy firent esleuer iusques à trois cens Statuës, qui leur estoient en aussi grande veneration , que celles de tous leurs Dieux: mais ceux-cy , qui ne jugeoient du merite des grands hommes , que par leur bon-heur, le trouuerent enfin indigne de leur magnificence & de leur amour ; les renuerferent , & le firent mourir en exil à Thebes; où pour se consoler de leur iniustice, & de leur rage il eut besoin d'exercer toute sa vertu. Sylla ne fut pas moins respecté dās Rome, que Demetrius auoit esté dans Athenes; & quoy qu'un de ses ancestres, nommé Rufinus, eût esté marqué d'infamie ; pour auoir gardé contre les Ordonnances publiques plus de dix mars d'argent dans sa maison , & que cette tâche eust reduit ses descendans à vne extrême bassesse ; ce mesme Sylla pourtant ne laissa pas de se faire eslire Consul , & d'espouser Cécilia, fille de Metellus , qui pour lors estoit grand Pontife. Il se rendit si puissant apres , qu'il se seruit contre Marius , son ennemy , de l'armée dont on se vouloit seruir contre Mithridate, & s'estant emparé de Rome , il fit depuis marcher ses troupes

troupes contre Aristion le tyran d'Athenes, emporta la Ville d'assaut, brusta tout ce qui estoit de plus riche au port de Pyrée, gaigna deux batailles cōtre Mithridate, & le contraignit de payer deux mille talens, & d'équiper soixante & dix Galeres en sa faueur, pour auoir fait mourir en vn seul iour cent cinquante mille citoyés Romains, qui s'estoient trouuez en Asie. Apres auoir corrompu la pluspart des Soldats de Scipion, il se mit en estat de se defendre contre le ieune Marius : tua vingt mille de ses gens ; en fit huiēt mille prisonniers, & ne perdit que vingt-trois des siens en cette bataille ; força Carbon, le plus redoutable de ses ennemis de s'enfuyr en Affrique ; & par le moyen de Crassus, de Metellus, de Seruilius, & de Pompée, ses Lieutenans, il acheua la pluspart de ses entreprises. Il entra dans Rome en triomphe, il s'y declara Dictateur luy mesme, il y fit mourir ceux qui luy furent suspects, ou qui ne luy furent pas agreables, & remplit cette Ville de tant de meurtres, & de tant d'horreur, qu'il n'y eut de la seureté pour lors que pour les sacrileges, & les paricides. Quand la cruauté fut lassée, il
voulut

voulut se divertir avec ceux qui auoient auprès de luy le plus de credit & de liberté; mais les debauches luy causerent vne maladie honteuse, qui corrompit toute sa chair; & qui luy engendra vne si grande quantité de poux; qu'il ne put estre guery, ny par le changement des habits, ny par celuy des estuues. Enfin, recherchant inutilement des remedes de tous costez, & s'estant mis en colere cōtres Granius, qui refusoit de paier ce qu'il deuoit à la republique, il se fit creuer vne apostume qu'il auoit dans le corps, apres auoir esté le Bourreau de ceux, dōt il s'estoit fait appeller le Pere. Entre les plus belles remarques qu'on a faites de la vie d'Auguste, on treuve qu'il laissa l'Empire du monde, le mesme iour qu'il le prit; qu'il mourut où son pere Octaue auoit rendu le dernier soupir; qu'il fut treize fois Consul; qu'il exerça la charge de Tribun trente sept ans d'vne suite, qu'il acquit vingt & vne fois la qualité d'Empereur, & qu'apres la mort de Lepidus, il fut Souuerain Pontife. Mais quoy qu'il ait esté l'admiration des estrangers, & l'effroy de tous les rebelles, il a fait souvent des vœux pour sa vie, quand il en faisoit

faisoit pour sa gloire , & n'a pas esté moins empesché quelquefois à se conseruer, qu'à s'agrandir. Lors que Iules Cesar viuoit encore , il fut refusé de la charge de General de la Caualerie , que Lepidus emporta sur luy; & depuis qu'il fut massacré , le Sénat trauersâ ses plus grands desseins; ses amis l'abandonerent; Anthoine le trahit ; & son malheur fut tel, qu'il fut obligé d'être le complice des crimes d'autrui , & de faire seruir cette lascheté au premier degré de sa Fortune. A combien de dangers ne fut-il pas exposé auparauant que se vanger de Cassius, & de Brutus, qui auoient massacré son oncle, & son pere; Et de quel estonnement se vid-il surpris depuis, de l'audace de Fulvia , des brigues de Lucius Antonius, de la ruine de Perouse, où peu s'en fallut que les Gladiateurs ne le tuassent; & des naufrages, & des pertes qu'il fit en Sicile ? Ne fut-il pas contraint de se cacher dans vne cauerne , pour éuiter la fureur de ceux qui le poursuuiuoient ; Et là mesme , ne pria - t'il pas Proculius de le tuer , pour finir d'un seul coup ses craintes, son desespoir, sa honte, & sa vie ; A quelle disgrâce n'est - il pas

pas esté soumis en Epire, au Golfe d'Actium, sans la perfidie de Cleopatre? De quelle peur ne parut-il point troublé, quand il tomba presque sous les ruines d'un pont en Pannonie; Et combien a-t'il veu de ses Legions contre luy durant la paix & durant la guerre? Outre ses maladies ordinaires, les soupçons que luy donna l'esprit du ieune Marcellus, le bannissement d'Agripa, la mort de ses enfans, dont il ne pouvoit decouvrir la cause sans decouvrir l'infamie de son mariage, la conjuration de Cinna, les adulteres de Iulie, la honteuse retraite de Tybere, l'impudicité de sa petite fille, la reuolte d'Illyrie, la necessité de leuer des esclaves, la peste qui desola Rome, la famine qui persecuta toute l'Italie, la perte de ses Legions, & de Varus, le regret de laisser le fils de son ennemy, pour son successeur, & la trahison de sa femme, tesmoignent bien que sa vie fut vne misere perpetuelle. On peut dire, que Lucius Metellus fut plus heureux, pource qu'il fut grand Pontife, & deux fois Consul; qu'il fut depuis Dictateur; qu'il mena le premier des Elephans à la guerre de Sicile,

contre

contre les Carthaginois ; & qu'il prit les armes pour la defence de son pays, avec plus d'opiniaftreté, que ceux-cy ne les auoient prises pour leur grandeur. Il vefcut dans la réputation d'eftre fage, d'eftre iufte , & d'eftre vaillant ; dans fa vieilleffe , lors qu'il fe pensoit repofer de fes longs traux , il fut aveuglé. pour auoir voulu raurir l'image de Pallas , qui estoit au Temple de la Deesse Vesta , de forte qu'il fouspira beaucoup plus pour la perte de fa veüe, qu'il n'auoit eu fujet de se refioür pour ses biens , & pour ses victoires. La fille de Policrate , ayant songé que Iupiter baignoit son pere, & qu'Apollon le frottoit d'onguens , vid bien - toft apres l'effect de ce songe , pource qu'ayant esté attaché à vne croix, comme nous auons dit ailleurs , le Soleil par la force de ses rayons ; luy fit couler sa sueur du corps , qui fut depuis lauë par la pluye ; si bien que celui qui vefcut dans vn bon-heur , qu'il ne pouuoit pas luy-mefme comprendre , mourut dans vne infamie, dont la memoire passera iufques au dernier de tous les hommes. Quintus Metellus, Marius Lucullus,

Lucullus , Trajan , & plusieurs autres , ont trouué par tout des admirateurs ; leur Fortune a souuent tiré de l'enuie , mesme des loüanges en leur faueur ; & leur merite a tant fait de bruit , qu'il semble d'abord , que toutes les médisances qu'on a pû vomir contre leur reputation , ayent esté autant de blasphemes. Mais leur desespoir , & les dangers qu'ils ont courus , nous montrent enfin que leur plus haute gloire , n'a point esgalé leurs inquietudes ; Et comme Socrate dit dans Xenophon , que les plus belles Nymphes engendrèrent autrefois les Faunes , les Satyres , & les Centaures , nous pouuons conclurre , que les plus grandes prosperitez engendrent les plus grands mal-heurs ; & qu'un Ancien n'a pas eu mauuaise grace , d'appeller la ioye , & la volupté , les meres de la tristesse , & du repentir.

*De plusieurs Princes qui ont esté
massacrez où leur vie deuoit
estre le moins en danger.*

CHAPITRE III.

Comme vn Nain ne laisse pas d'estre petit, quoy qu'il soit sur vne montagne; nous pouuons dire que l'homme porte tousiours avec luy toutes ses disgraces & ses pertes, à quelques dignitez que la Fortune l'esleue. Encore qu'il change de condition, il ne change point pourtant de nature; la Pourpre & le Diadème, qui le rendent maistre de tant de peuples, ne luy donnent pas le pouuoir d'estre l'arbitre de sa propre vie; nous voyons qu'il ne doit iamais plus craindre que quand il est en estat de faire craindre les autres. Si la fureur s'arme contre luy, elle ne respecte, ny ses ornemens, ny sa pompe; elle ne redoute, ny sa puissance, ny sa suite; elle le cherche esgalemment parmy ses ennemis, & parmy ses gardes, & l'attaque dans son Palais aussi bien que dans vn desert.

Vinon

Vinon secol i intier timide cerue,
l'Angue ringiounisce,
l'Orientale Angel morto riuasce,
L'h'nom ch'ad opre maggiori in terra
nasce
Come lampo suanisce,
O come spuma in mar quand ei più
ferue,

Il semble qu'Agamemnon, apres la prise de Troye, n'auoit plus rien à faire qu'à receuoir les loüanges, & les remerciemens de toute la Grece : sa vengeance deuoit estre satisfaite de l'embrasement de cette Ville, dont la force auoit fait trembler auparauant toute l'Asie ; & sa patience, qu'il ne pouuoit mieux signaler, que par vn siege de dix années ; auoit rendu sa gloire aussi chere à ceux-là mesmes, qui ne la pouuoient plus souffrir, qu'à ceux qui n'auoient demandé qu'à l'exercer. Apres tant de perils éuitez sur mer & sur terre, il s'en retourna chargé de dépouilles estrange- res ; & comme s'il n'eût pû se consoler du sacrifice de sa fille Iphigenie qu'avec sa femme, il ne fit plus de vœux, que pour luy rendre cette perte supportable par sa presence, & pour luy faire aduoier

aduouër qu'elle deuoit plus estre en peine de rendre des marques publiques de sa ioye, que de sa tristesse. Clitemnestre le receut d'abord avec des embrassemens incroyables ; il sembloit que toutes ses actions fussent autant de transports d'amour, qu'elle eût acquis vne amitié nouuelle en le receuant, & qu'elle eût borné tous ses desseins à l'honneur de luy pouoir plaire. Agamemnon s'estimoit d'un autre costé plus glorieux de ses caresses, que de ses victoires ; le feu dont il auoit embrazé Troye, n'estoit pas si grand à son aduis, que celuy dont il auoit embrazé le cœur de sa femme ; & ce fut alors qu'il crut qu'en sa faueur la vertu s'estoit reconciliée avec la beauté. Clitemnestre, craignant qu'il ne descouurist enfin de quelle sorte Egiste auoit partagé la moitié de son lit en son absence, se fit bien - tost après vne science de ses doutes, & pour ne pas receuoir le reproche, ou le chastiment de sa luxure, sollicita cet Amant secret, d'adjouster l'assassinat à l'adultere, d'oster la vie à qui il auoit osté l'honneur, & de commettre vn crime, pour tascher d'en couvrir vn autre. Egiste, auéglé de sa passion, ne consi-

derapoint l'horreur de cétattétat, il creut qu'il valloit mieux tout perdre, que les faueurs de Clitemnestre; que sa reputation ne luy deuoit pas estre si considerable que son bon-heur, & qu'il ne deuoit pas tant s'arrester à l'innocence du mary, qu'à l'impudicité de la femme. Clitemnestre preuenüe de cette assurance, en caressant Agamemnon qui se lenoit, luy donna vne robe qui n'auoit point d'ouuerture en haut, & l'ayant enuelopé dedans, comme elle se l'estoit promis de son artifice, le liura au traistre Egiste, qui luy enfonça son espée à trauers le corps, & qui ne le quita point qu'il n'eut assuré toutes ses craintes par autant de playes. Candolus, Roy de Lydie, fut massacré presque pour vn mesme sujet par Gyges son fauory, lors qu'il sembloit estre le moins en danger. Chilperic Neufiesme, Roy de France, par la malice de sa femme Fredegonde, fut tué dans son Palais, des mains de Landry, lors qu'il reuenoit de la Chasse; & ce mesme Xerxes, qui mena, selon quelque-vns, trois millions d'hommes contre la Grece, ne fut point si redoutable qu'Artaban⁹, avec ses sept enfans, n'entreprit de l'assassiner iusques

ques sur le Thrône. Les Israélites, ne pouuant plus supporter la persecution d'Eglon, Roy de Moab, firent si bien avec Ahud, fils de Gera, qu'il se resolut de hazarder tout pour leur liberté, quoy que le peril le deust vray-semblablement destourner de son entreprise, & que la generosité pust passer alors pour vne folie, plustost que pour vne vertu. Toutefois, comme ceux qui n'apprehendent rien, trouuēt tout facile, & que la Fortune suit d'ordinaire la hardiesse, Ahud le cherche iusques dans sa chambre, & feignant de luy donner quelques presēs de la part de ses compagnōs, tire vne espée qu'il auoit cachée sous sa robe, & l'en perce avec tāt de force, qu'il ne fut pas en sa puissance de la retirer. Il sort incontinent apres, avec aussi peu de trouble, que s'il eūt acquis l'amitié d'Eglon, il s'en retourne, & recite cette auanture, sollicite ses gens de faire vn dernier effort pour leur gloire, & pour leur salut, & les persuade si heureusement, qu'avec eux il charge les Moabites, qui estoient plus occupez à regretter la mort de leur Roy, qu'à s'en vanger, en taille dix mille en pieces; & se rend maistre absolu de leurs biens, de leurs

volontez , & de leurs vies. Seleucus goustoit à loisir le fruit de ses peines, apres auoir conquis Babylone, & le pays de Bactrie , sur Pennites , & sur Amin-tas , apres auoir vaincu Demetrius , & défait enfin Lisimachus dans vne batail-le, qui fut la dernière des Capitaines d'A-lexandre : Lors que Ptolomée , enuieux de tant de prosperitez, examinoit en son esprit, les moyens dont il se pourroit ser-uir pour sa ruine. Il apprehendoit de l'at-taquer , pource qu'il desespéroit de le pouuoir vaincre: Il cōsideroit qu'il estoit trop foible, & que l'autre estoit trop heu-reux, qu'il luy falloit autant de force que de courage , & qu'il perdrait son Estat, s'il perdrait la moindre victoire. Entre la crainte & l'esperance , qui suspendoient sa resolution, il se ressouint, que la tra-hison luy reüssiroit mieux que le com-bat, & dans ce sentiment , il trauailla si bien à la perte de son ennemy, qu'il le fit tuer par des personnes qui n'eussent pas esté suspectes à la mesme défiance. Le Tribun Genitius, selon Tite - Liue , fut trouué tout percé de coups dans son liēt, lors qu'on le demandoit pour assister à la Sentence des deux Consuls ; dont il
auoit

auoit auparauant rabattu l'audace; quoy qu'il fust en si grand credit à Rome, que c'estoit assez pour estre coupable, que de n'estre pas de son opinion. Laomedon Quatriéme Roy des Troyens, & le plus grand Prince d'Asie, fut poignardé dans son Palais, sans pouuoir estre secouru de ses domestiques : Et Leon Cinquiéme, Empereur de Constantinople, fut assassiné dans vne Eglise, par les pratiques de Michelle Begue, qu'il retenoit en prison: de sorte, que ce dernier fut auteur de la mort de celuy qui l'estoit de sa Fortune. Iacques Roy d'Escoffe, le premier de la lignée des Stuards, fut traité de mesme dans sa Maison Royale, par des gens masquez: Asella son successeur, fut emporté par vne piece d'Artillerie dont on faisoit l'essay : Le troisiéme, fut tué par son propre fils, dans vne bataille à Sarlin, & ce parricide, par les Anglois : Et le cinquiéme enfin, fut empoisonné, comme si toute cette race eût deu heriter de la misere de Iacques, aussi bien que de sa Couronne. Pompée, s'estant rangé dans le party de Sylla, durant la guerre ciuile, n'acquit pas seulement l'amitié de son General, il acquit encore

celle des Soldats , & ne fut pas moins respecté des estrangers, que des Legions Romaines. Il reprit la Sicile , il remit Massinissa dans la Numidie , qui auoit esté vsurpée d'Hyarbe; il fut honoré par trois fois de la pompe du triomphe , & contraignit Lepidus de se retirer d'Italie, lors qu'il n'estoit encore cōsiderable, ny par son authorité, ny par ses charges. Il défit Domitius en Affrique, il vainquit Sertorius en Espagne , il conquit toute l'Asie en quarante iours, il soumit Tigranes à sa puissance, & força Mithridate de se tuer; parce qu'il ne se vouloit pas soumettre. Il passa du costé du Septentrion à trauers les Heniochiens, les Iberiens, les Albanois, & les Colches; & du costé d'Orient, contre les Arabes , contre les Iuifs, & contre les Parthes. Il fut le premier des Romains, qui porta ses armes iusques sur les riuages des mers Hircane, Caspic, Rouge, & Arabique; & fut si absolu, qu'apres la mort de Crassus, il commanda même à César de licentier ses troupes. Mais ayant esté vaincu quelque temps apres par Cesar, dans la plaine de Pharsale, il fut cōtraint de se retirer chez Ptolomée en Egypte, & d'y asseurer au moins

moins sa vie, pource q; par tout ailleurs, il ne pouuoit affermer sa liberté. Comme il se preparoit à voir Ptolomée, qui estoit alors dans la Ville de Pelusium, où il faisoit la guerre à sa sœur, & qu'il lisoit la harangue qu'il auoit escrite, pour remercier ce ieune Roy, de la grace qu'il luy faisoit; des Soldats en le saluant, se ietterent aussi-tost sur luy, le percerent de plusieurs coups, luy couperent apres la teste, & ietterent le reste de son corps dans la mer, en la presence de son fils & de sa femme. Tatiüs, dans la cinquième année de son regne, pour auoir esté trop lent à punir quelques-vns de ses amis, qui auoient tué des Ambassadeurs, qui de Laurétum s'en venoient à Rome, fut massacré dans Lauinium, lors qu'il y sacrifioit: Et Romul⁹, qui auoit touïours manié les affaires avec luy fut mis é pieces par les Senateurs dans le Temple de Vulcan, pour auoir rendu les ostages aux Vejens sans leur en parler, & pour auoir distribué à ses Soldats, les terres qu'il auoit conquises. Ce grand Cesar, de qui l'esprit n'éclata pas moins que le courage, & de qui les Harâgues furent trouuées aussi belles que les combats; apres auoir

signalé son bras , & son nom dans les Gaules, en Espagne, en Angleterre , en Allemagne, en Affrique, & en Asie, fut assassiné par ses amis en plein Senat , pour auoir voulu faire vne Monarchie de la Republique. Enfin, nous voyons qu'un malade , pour estre mis dans un liét de bois , ou dans un liét d'or porte toujours sa maladie avec luy ; que les hommes ne changent point de destinée pour changer de place ; que la mort se trouue par tout, & qu'elle entre dans les Palais, & dans les Temples , aussi bien que dans les batailles.

De ceux qui ont esté traitez avec beaucoup d'injustice des Republiques, qu'ils auoient seruiés avec beaucoup de fidelité.

CHAPITRE IV.

THomistocle, disoit assez bien , que les Aetheniens qui se rebutoient souuēt des seruices de leurs plus grands Capitaines, estoient semblables aux passans, qui

qui se retiroient sous les arbres quand ils estoient surpris de la pluye, & qui dans le beau temps auoient accoustumé d'arracher leur branches. Si nous entrons dans la pluspart des anciennes Républiques, nous trouuerons que ceux qui en ont ietté les fondemens, ou qui en ont estendu bien loing les frontieres, n'ont pas esté traittez d'autre sorte que les traistres, & qu'ils ont esté punis pour auoir voulu maintenir les Loix, aussi bien que s'ils se fussent mis en estat de les violer, ou de les corrompre. En faisant des bien-heureux, nous faisons des ingrats sans y penser; il est peu d'hommes qui n'ayent eu droit de se plaindre de leur Patrie, & qui ayent pû mesme se venter d'y auoir trouué l'estime dont-ils estoient dignes. Nous receuons d'ordinaire chez les Estrangers ce qu'on nous oste chez nous; & c'est en changeant de Ciel, que nous changeõs ordinairement de Fortune.

*Spesso cangiando Ciel, si cangia sorte,
——e più cortese.*

Troua si la stranier chel' natio clima:

Dal to valor' orme leggiadre imprima

Alma cui sempre accese

*Nobil disio di soggiogar la morte,
Gloria mai non haura nel Patrio lido:*

Ham poca fama, e grido

Ibalsami in Arabia, in India glori,

Ma se passano il mar, son grand tesori.

Licurgus, apres auoir discipliné tout le peuple de Lacedemone, eut vn œil creué d'un coup de baston, que luy donna le ieune Alcandre, dans vne sedition qui s'esleua contre luy, & fut si malheureux, qu'il se vid contraint de s'enfuir de Sparte, & d'acheuer ses iours en Elide, ou selon quelques autres Historiens, en Candie. Comme les Spartiates eurent tiré beaucoup de profit des preceptes de ce fameux Legislatteur, ils en tirerent aussi beaucoup de gloire, & s'estans rendus redoutables à tous leurs voisins, ils inuestirent les Messeniens quelque temps apres: Mais pource que cette guerre dura long-temps, & qu'ils auoient passé dix ans entiers sans reuoir leurs femmes, ils leur enuoyerent les plus ieunes Soldats de leurs troupes, avec priuilege d'ë iouir, de peur que leur Ville ne demeurast enfin depeuplée. Les enfans qui sortirent de ces adulteres, rendirent de grandes preuues de leur force & de leur courage

rage en plusieurs rencontres , & firent bien paroistre qu'ils n'estoient pas plus la honte, que l'esperance & le soustien de leurs proches. Mais pource qu'ils n'estoient pas legitimes , & qu'ils ne pouuoient heriter des biens de ceux qui leur auoient donné la vie , ils esleurent vn Chef, nommé Polencus, pour se faire des heritages par leurs conquestes , & pour tirer de leur industrie ce qu'ils ne pouuoient pas obtenir de leur naissance. Ils furent assez heureux pour arriuer dans la Pouille, où ils prirent la Ville de Tarente, dont ils chasserent tous les habitans , & vescurent là dans vn si grand repos, par la conduite de leur Capitaine , que leur bon-heur eût esgalé leur premiere ambition , s'ils ne fussent point deuenus ingrats , pour deuenir libres. Comme ils virent donc que Polencus estoit accablé de vieillesse , ils l'accablerent de misere, ils le bannirent de Tarente , comme vne personne inutile , & sans se ressouuenir des seruices qu'ils en auoient autres-fois receus, ils considererent seulement, qu'il n'estoit plus en estat de leur en rendre. Solon & Aristide , apres auoir rendu celebre la Ville d'Athenes , par leur

police, & par leurs victoires, en furent iniustement exilez, & ce mesme Themistocle, qui défit tant de Perses à Salamine, en faueur des Atheniens, en fut persecuté avec tant d'outrage, qu'il se vid contraint d'auancer sa mort par le poison à Magnesie, lors que Xerxes luy offroit alors de quoy rendre sa végeance horrible à toute la Grece. Quoy qu'Alcibiade, qui descendoit du costé de son pere du sang d'Aiax, & qui estoit vn des plus eloquens hommes de son siecle, selon Demosthene, & Theophraste, eût emporté le premier, le second, & le quatrième prix aux jeux Olympiques, & qu'il ne se fût pas fait moins aymer par son adresse que par sa beauté, il ne laissa pas d'estre banny par ses citoyens, & son mal-heur fut si grand que s'estant retiré chez Pharnabaze en Phrygie, l'oncle & le frere de ce Roy mirent le feu dans sa maison, dont il ne fut pas plûtoſt fortý, que les barbares le tuerent à coups de fiesches. Durant la guerre, les Carthaginois employoient toute leur eloquence, & toutes leurs soumissions à persuader à leurs Capitaines, qu'ils deuoient preferer l'interest de leur patrie à leur salut;

salut; & durant la paix, selon Diodore, il oublioient leur service, de peur d'estre obligez de les reconnoistre, & ne tenans point pour innocens ceux qui leur pouvoient estre suspects, s'imaginoient que le crime & l'autorité n'estoient iamais inseparables. C'est ce qui fut cause en quelque sorte, qu'Annibal, apres auoir esté défait par Scipion, fit aussi-tost voile en Bithinie: mais Flaminius, qui auoit esté député des Romains pour accorder Eumenes Roy de Pergame, avec le Roy Prussias, fit si bien sa commission, que celuy-cy se resolut de luy liurer Annibal, qui pour ne pas tomber entre les mains de ses ennemis, se fit estrangler, selon quelques Historiens, par vn de ses domestiques. Plantule, Cheualier Romain, mourut en exil, apres auoir combattu long-temps pour la liberte de Rome, contre le plus ieune des Gracches, & Seruicius fut puny de la même honte, apres auoir tué Spurius Melius, qui aspiroit à la tyrannie. Scipion, apres auoir défait Annibal, dompté l'Espagne, bruslé le Camp de Syphaz & d'Asdrubal, & vaincu les Carthaginois, se ressentit comme les autres, de l'ingratitude

tude de son pays ; ce grand homme, que les Romains auoient respecté iusques à l'eslire Prince du Senat, fut contraint par eux-mêmes, de se bānir à Lintérne, & de renoncer à la reconnoissance publique, qu'il deuoit attendre de ses victoires. Le petit Affriquain ne fut pas plus heureux que luy, quoy qu'il eût acheué de ruiner Carthage, & Numance, il fut estouffé dans sō liēt; Et le troisième nommé Nasica, qui estoit Souuerain Pontife, mourut en exil vers la Ville de Pergame, pour auoir ensanglanté ses mains du meurtre de Tyberius Graccus, qui pour lors estoit estimé par tout l'ennemy de la Republique. Les Venitiens mirent en pieces leur Duc Orse d'Heraclee; ils creuerent les yeux à Theodat, à Galla, son successeur, & à Dominique Mongarie. Ils tuerent Obelerie, avec sa femme & ses enfans, & contraignirent Memmo de se rendre Moine. Ils n'eurent pas plus de respect pour Othon, fils de Pierre Verfeol, & sans considerer qu'il auoit ruiné glorieusement pour eux la ville d'Adrie, & qu'il leur auoit soumis toute la coste de la mer Adriatique, ils le chasserent en Grece, & souffrirent que

Dominique

Dominique Flabonic fit sortir tous ses parens, & qu'il les priuast par leur loy, de la dignité Ducale. François Foscaire, qui en trois ans acquit plusieurs terres à leur Estat, en fut banny sans aucune raison apparente, & n'en purent trouuer aucune en effect sinó qu'il estoit desia trop aagé, comme si la viellieffe, qui est par tout ailleurs en veneration, eût esté chez eux au nombre des crimes, Les moindres fautes des Roys d'Escoffe, ont esté si cruellement punies par leurs peuples, qu'ils en ont tué plus de quarante, sans regarder, ny leur puissance, ny leur caractère; & si nous examinions les Histoires anciennes, & les modernes, nous verrions par vn nombre infiny d'autres exemples, que les plus grands hommes n'ôt iamais esté plus proches de leur ruine, que quand ils ont voulu empescher celle de leurs Republicques, ou de leurs Estats; que les plus grandes debtes font les plus grands ennemis; & que la Clemence a fait souuent des malheureux, aussi bien que la Cruauté.

*De ceux qui sont morts par des
aduantures estranges.*

CHAPITRE V.

LA Fortune sommeille avec nous dans nôtre liêt, elle s'embarque avec nous sur la mer ; elle nous accompagne dans nos voyages, elle nous suit en quelque lieu que nos affaires où nostre curiosité nous appellent , & cette ennemie inuisible fait souffrir aux hommes, autant de maux qu'ils en peuuent craindre. Elle n'a point d'yeux pour la grandeur non plus que pour la bassesse : Elle persecute ceux qui sont dans la pourpre, aussi bien que ceux qui sont dâs la fange, & ne traite pas autrement les peuples qui luy ont donné des maledictions, que ceux qui luy ont dedié des Temples. C'est principalement icy , que par ses diuers effets, nous remarquerons les diuers caprices , & que nous allons voir par vne suite d'Histoires differents les vnes des autres, que les plus puissans ont esté les plus malheureux, & qu'il y a des accidés
contre

contre qui le courage & la prudence ne peuuent faire que des efforts inutiles, Zoroastes, Roy des Bactriens; Campanus à la guerre de Thebes; Claudius le Preteur à Terracine; Asterus, Roy des Eleuthiens en Etheone, Tullus Hostilius, Roy des Romains; Pompeius Strabo Proconsul; le pere de Cesar Auguste, Octaue; les Empereurs Athanase & Carus; Phlegias, Roy des Orchomeniens; & Salmonée, Roy d'Elide, furent esclafez de la foudre. L'Empereur Iouinian fut estouffé de la fumée du charbon, & le fleau de Dieu Attila, du sang qui luy tomba du nez, dans la gorge. Milon, Duc de Calabre, fut mangé des bestes sauvages. Basile, trente-cinquième Empereur de Constantinople, fut tué d'un Cerf. Ferdinand, Roy d'Ecosse, mourut de la morsure d'un Loup; & le Roy des Lombards Arstulphe, & Facilla fils de Pelague, Roy de Portugal, par un Sanglier. Comme Fulgo, Roy de Hierusalem, poursuivoit un Lieure, il tomba si rudement de cheval, qu'il se rompit le col à la même heure; Et Philippes, fils des de Louys le Gros, un Guillaume Roy d'Ecosse, & Capius Roy de Pologne, moururent d'une

d.vne mesme cheute. Du temps de Charles Sixième, Roy de France, Charles Roy de Nauarre, expira dans vn tourment effroyable , & l'on peut douter avec raison , si la rage des tyrans eut autrefois quelque chose de plus estrange que son aduanture. Comme il estoit desia vieux, les Medecins ordonnerent qu'il fust enseuely dans vn drap mouillé d'eau de vie, afin de reparer en quelque façon la chaleur naturelle qui luy manquoit ; mais comme celuy qui le cousoit dás ce drap, voulut mettre le fil à la chandelle, pour ce que cecy arriua de nuict ; vne estincelle tomba sur le linge , dont il fut incontinent embrazé. Quelque remede qu'on tâchast d'y apporter, il ne put estre secouru de ses Officiers , la force du feu fut plus grande que leur diligence & leur industrie ; & ce Prince apres des gemissemens incroyables , qui durerent trois iours entier , rendit l'ame en ce martyre. Senechere, Roy des Gots, fut frappé si rudement de la bride d'un cheual , par vn valet d'escuerie, qu'il tomba roide mort aux pieds de ce meurtrier: Et Charles, fils de Charles le Chauue, voulant s'eprouuer à la luitte cõtre Aubin qui ne le connoissoit

connoissoit pas , & qu'on a fait passer pour le plus robuste de son siecle, fut rã-
uersé mort sur la place. Romain Argyp-
pile, Empereur de Constantinople , fut
estouffé dans vn bain , par la malice de
Zoé sa femme , & de Michel Paphlago-
nien son adultere. Clodomire, Roy d'A-
quitaine, fit mourir sa sœur, & s'õ nepueu
dans vn puits. Iugo, Roy de Normandie,
mourut sous la glace: Et Sforce Attendul-
le, se noya, pensant sauuer vn de ses plus
fidelles domestiques. Anthenor, Roy des
François, tomba mal-heureusemēt pour
luy sous vn pont, chargé des dépoüilles
des Gaulois; qu'il auoit vaincus; Et le fre-
re de Pompée Asclepio, qui auoit fait le
mestier de Pirate vingt-ans entiers , se
noya lors qu'il vouloit tirer de l'eau
d'vn puits. Les enfans d'vn Roy d'An-
gleterre , Guillaume , Henry , & Sy-
bille , furent engloutis dans les ondes,
aussi bien que ce Clodius Marcellus, qui
fut fait trois fois Consul; & nous lisons
que le Roy Erietra, se noya dans la mer
Rouge; Tirenus, Roy de Lybie , dans la
Mediterranée ; & que la mort de l'Em-
pereur Decius , de l'Empereur Frede-
ric , de Mexence , de Louys Second ;
Roy

Roy de Hongrie, & de quantité d'autres, aussi considerables par leur naissance, que par leur Fortune, ne fut ny plus douce, ny plus glorieuse. Constantin Copronyme, Empereur de Constantinople, & Baudouin Roy de Hierusalem, moururent de laderie. Herode, l'Empereur Arnoul, fils naturel de Charlemagne; Acastus, fils de Pelias; Calistenes l'Olinthien; Sylla, Clement Septieme, & Philippes Second Roy d'Espagne, furent mangez des poux; Hatton, Duc de Franconie, Vvilcerolf, ou Vvilderad, Euesque de Strasbourg, & Popiel, Roy de Pologne, furent deuorez par des rats; Manpritiuis, Roy d'Angleterre, par des loups, selon Polydore Virgile, & le chasseur Acteon, par des chiens, si ce n'est point mesler la fable avec l'Histoire. Hercule, fut empoisonné par vne chemise; Ladislas, Roy de Boheme, par vne pomme; Guido Duc d'Vrbin, par vn œillet; & l'Empereur Othon Troisieme, par des gands, que luy donna la femme de son eunemy, Cresceance. Spurius Sanseuius, fut estouffé par vu œuf, qu'il vouloit aualer sortant du bain, le Pape Adrian Quatrieme,

trième, par vn moucheron qui se trouua
daus la fontaine où il beuoit, en Alle-
magne; le Preteur Fabius par vn poil, en
prenant du lait; le ieune Drusus, fils de
l'Empereur Claude Cesar, par vne pom-
me qu'il auoit iettée en haut pour la re-
cevoir dans la bouche; & le Roy d'An-
gleterre Andebout, par sa gourmandise.
Pausanias, Capitaine des Lacedemo-
niens; Mitrius de Verone; Iugurtha Roy
de Numidie; & Benoist Sixième, mou-
rurent de faim, & Promuchus de trop
boire. Drusus, du temps de Fibere, man-
gea iusques à la bourre de son liêt; Cas-
mir Second, Roy de Pologne, expira dans
vn festin en beuant; & George, frere
d'Edouard Quatrième, Roy d'Angleter-
re, se voyant contraint de recevoir la
mort necessairement, voulut l'attendre
dans vn vaisseau de maluoisie. Eupolis,
fils de Niceas, Capitaine des Atheniens,
fut accablé des ruines d'une maison, la
premiere nuit de ses nopces; le Pape
Iean Vingt- & unième fut enseuely dans
celles d'une chambre à Viterbe; Bruno,
Euesque de Vvisbourg, & Alemanus,
Gouuerneur d'Ibesperg, ~~monnerent~~ de
la cheute d'un plancher; & Pyrrhus, Roy
des

des Epirotes, & le bon Drusus, furent assommez d'un coup de thuille, qui tomba sur leur testes par hazard, lors qu'ils y pensoient le moins, celui-là deuât Argines, & l'autre dans Rome, comme il y entroit en triomphe. Oza, Roy d'Israël, fut escrazé de la rouë d'un chariot, au milieu d'une grâde ceremonie; Abimelech, d'un quartier de meule de moulin, qu'une vieille luy ietta; lors qu'il pensoit prendre la Ville de Thebes par escalade; & P Alexandre, de la statuë de ce Nicon, qui gaigna tant de victoires, qu'il en remporta iusques à cent quatorze Couronnes. Un Duc de Bretagne, & Constantin Paleologue, furent estouffez de la foule du peuple, l'un en Auignon, estant à l'entrée du Pape Clement Sixième, & celui-cy en fortant de Constantinople: Jean Vnxième, le fut par un oreiller. Naïam, nepueu de Cublay, Empereur des Tartares, dans une piece de drap; & Tybere, à force de couuertures. Mais voyés maintenât, si la plus innocente de nos passions, n'en est point quelquefois la plus cruelle; si notre bonne Fortune ne nous doit point faire trembler; & si la mort n'entre point souvent chez nous avec la ioye.

*De ceux qui sont morts de ioye, où de
mort subite.*

CHAPITRE VI.

MARCUS Iuuentius Talua Consul, si-
sant dás l'Isle de Corse, qu'il auoit
assujettie, les lettres que le Senat luy en-
uoyoit, fut si rauy d'y voir qu'on auoit
ordonné des Processions generales pour
sa victoire, qu'il tomba mort en voulant
remercier les Dieux de son bon-heur, &
de sa conqueste. Apres la perte des Ro-
mains à Trásimene, toutes les Dames s'é-
allèrent aux portes de leur Ville, pour y
receuoir ceux qui estoient restez de cer-
te défaite, & pour se resioüir, ou pour
se plaindre de leur salut, ou de leurs bles-
seures. Vne entr'autres y parut avec vn
visage de desesperée; elle s'arrachoit
les cheueux, elle remplissoit l'air de ses
cris, & tesmoignoit par toutes ses actions
la tristesse de son cœur, & la foiblesse de
son sexe. On l'auoit assuré que son fils
auoit fait en cette guerre, tout ce qu'un
homme genereux pouuoit faire pour la
gloire,

gloire , & pour sa patrie : mais que son mal-heur auoit esté inéuitable, & qu'en fin , il estoit mort sur vn monceau d'en-nemis qu'il auoit tuez de sa propre main. Ces nouuelles n'estoufferent point la tendresse qu'elle auoit pour luy, sa playe estoit trop sensible, & trop grande, pour étre fermée par des paroles, & sa douleur n'estoit point plus violente que dans les remedes, dont on se vouloit seruir pour la consoler. Dans ses gemissemens effroyables, elle s'en retourne, & le rencôtre quelque temps apres: elle court pour le saluer, & comme elle l'embrasse , elle expire insensiblement entre ses bras, & trouue dans la ioye la mort, qu'elle n'auoit pû trouuer dans la tristesse. Tullia, sçachant que son fils , qui commandoit en cette mesme guerre vne Legion, s'en reuenoit avec les autres, tomba par terre en pensant le receuoir : de sorte que ses caresses ne furent pas si tost acheuées, que sa vie : Lors que Diogene , chef des Eriteens, assiegeoit rudement la Ville de Naxe, Polichrite le charma si bien par son eloquence, & par sa beauté , qu'il fut contraint de leuer le siege, & d'accorder aux prieres de cette fille admirable, ce qu'il

qu'il estoit resolu de refuser à la pitié, & à la iustice. Ce bon-heur qui estonna tous les habitans de Naxe, les obligea de suiure bien-tost après Policrite, avec mille remerciemens, & mille loüanges, comme la mere du peuple; & cette Dame fut si rauie de cét honneur, qu'elle mourut pasmée au milieu de cette pompe. Sophocle, de sia vieux, disputant avec quelques Poëtes, qui de la perte de sa reputation pretendoient commencer la leur, fut si transporté de voir que ses Iuges, apres auoir examiné sa Tragedie, luy donnassent le prix qu'il n'osoit attendre, qu'il ne luy fut pas possible de suruiure plus long-temps à cette gloire; & Chilon ayant eu le mesme aduantage sur ses compagnons, tomba mort aux pieds de ceux qui luy en apporterent la nouuelle. Sprensiippus Philosophe Platonicien; Cornellus Gallus Preteur; Titus Atherius Cheualier Romain; deux autres du temps de Pline, & Louys de Gonzague, moururent de plaisir entre les bras de leurs amans, & de leurs maistresses. Ce Zeuxis, qui sceut tromper si agreablement des oyseaux, par des raisins qui estoient sortis de son pinceau, & qui

s'estoit fait admirer par les portraicts de Venus, & de Penelope, apres auoir peint vne vieille, la trouua naïue iusque à s'enprendre à rire, avec tant de force, que son ris ne cessa qu'avec sa vie. Le Poëte Philemon, voyant vn asne qui s'approchoit d'une table pour manger des figues, mourut de la mesme sorte; & Philistion, pour s'estre trop laissé chatoüiller aux pointes d'une Satyre, qu'il auoit faite contre quelqu'un de ses ennemis, expira par vne oppression de ratte. Leon Dixième, tomba dans vne fièvre si violente, sçachant le desordre de François Premier qu'il haïssoit, qu'il ne vécut que trois iours apres qu'on luy eut appris; & Diagoras de Rhodes, Athlette Crotomente, Clio, Telon, & Denys le Tyran moururent comme luy de ioye, Armonius rendit l'esprit dans la flûte dont il ioüoit, si nous en croyons Lucian; Et nous trouuons vne Isabelle, Reyne de France, morte de plaisir, dans les Chroniques de Sretagne. Deux Césars moururent subitement, l'un à Rome, & l'autre à Pise; & Fabius Maximus Caius Vulcanus Turges Senateur, Bebius Pampilius, Æmilius Lepidus, & Seruilius

Pensa,

Pensatomberent morts, sans estre menas-
sez d'aucune maladie apparente. Ce mes-
me mal-heur est arriué à Terétius Corax,
lors qu'il escriuoit au Senat, au Poëte
Pindare, lors qu'il se reposoit aux jeux
publics; & à vn Cheualier Romain du
temps de Pline, lors qu'il discouroit se-
crettement avec vn Consul, denant la
Statuë d'yuoire d'Apollon. On vid ex-
pirer de la sorte, Caius Iulius Medecin,
en frottant son œil; Appius Sanfeius,
en prenant vn œuf; Lucius Durius Val-
la, en pensant aualer du vin melleé avec
du miel; & Manlius Torquatus, en s'ef-
forçant de prendre vn gasteau. Publius
Quintus Scapula; Ofilius Hilarius le
ioueur de Farces; & Decimus Sanfeius,
pâsmerent si doucement dans le festin
entre leurs amis, qu'il sembloit que le
sommeil leur eust plütoſt fermé les yeux
que la mort, & qu'il fust plus nécessaire
de les mettre sur vn liët, que dans vn tó-
beau. La viemâqua presque aussi tost que
le cœur, au ieune Comte de Foix, quand
on luy donnoit à lauer; & Philippide, qui
r'asseura le premier les Atheniens qui
trembloient du succez de la bataille
de Marathon, tomba par terre en

leur apportant les nouvelles de leur victoire. C'est assez pour nous faire conclurre, que Seneque n'a pas repris Virgile si iudicieusement qu'on se persuade, pour auoir appellé les voluptez les mauuaises ioyes de l'ame, puis qu'il y en a de si fatales, & que c'est peut estre pour cette raison que les Stoïques ne vouloient point que le sage fut sujet aux passions, afin que ne deuenant point leur esclaue, il ne le deuint point de la Fortune.

De ceux qui ont peu regné.

CHAPITRE VII.

Ceux qui sont persuadez que l'obeissance est par tout honteuse, disent hautement que la vraye felicité, semble estre enfermée dans les Couronnes, & que qui n'a personne à qui commander, à tousiours raison de se plaindre. Mais s'il est vray, que qui n'est pas absolu, n'est pas heureux, & si l'independance en effect est le plus grand de tous les biens, il faut aduoüer qu'il est quelquefois peu durable, & qu'il est presque
aussi-

aussi-tost rany que donné. A leur opinion, Galba n'eut que sept mois de bonheur dans toute sa vie , pource qu'il ne regna pas d'auantage , & que la Fortune s'en vengea , pour auoir osté du col de sa Statue , vne chaisne d'or dont elle sembloit tirer sa plus grande gloire. Vitellius fut indignement massacré quelque temps après estre paruenü à l'Empire ; & Pertinax , apres en auoir ioüy six mois, fut assassiné par les Soldats, & selon quelques autres par ses propres Gardes. L'Empereur Tacite, ne goustâ pas sa felicité si long-temps, & Constantin fils d'Heraclius n'eut pas occupé le Throne vn an , qu'il fut empoisonné par sa belle-mere Martine. Cette ambitieuse criminelle, qui pour asseurer la souueraine puissance à son fils Heracleonas, n'auoit regardé, ny sa reputation , ny son crime, fut bien moins heureuse, pource qu'elle n'eut pas gouuerné la Republique durant deux mois que le Senat, lors qu'on eut couppé la langue à la mere, & le nez à l'enfant, les arracha tous deux honteusement de leur Thrône. Othon, le troisiéme mois de son regne, se vid contraint de s'armer contre luy-mesme, de renon-

cer tout d'un coup au plaisir de viure, & à la gloire de commander, & de preferer à son ambition le repos de tout son peuple. Emilian, qui tua Gallus, & Valentin ne tint pas plus long-temps le siege; Et Decius Iulianus, & Florin, deux mois apres auoir esté couronnez, perdirent miserablement la vie. Syluanus ne porta qu'un mois le tiltre d'Empereur; Quintilius frere de Claude, selon Bocace; ne regna que dix-sept iours; Marius, qui se fit eslire Empereur dans les Gaules, apres la mort de Posthumius, le fut deux iours seulement; & le petit Edoüard V. Roy d'Angleterre, par la perfidie de Richard son oncle, n'eut pas mesme le loisir de considerer sa Couronne. Entre les Papes. Jean Cinquième, Jean Dix-huictième, Agapit, Constantin Second, Adrian Troisième, & quantité d'autres, n'ont pas occupé le siege plus d'une année. Benoist Dixième, expira neuvième mois de son Pontificat: Leon Sixième, mourut au septième; Romain, au troisième; Estienne Neufième au sixième; Benoist Cinquième, n'en regna que deux; & Sylvestre Troisième, n'y fut pas si long-temps, que

que ce dernier Gregoire Huiſtième, n'y fut que cinquante-ſept iours : Valentin Deuxième, & Leon Cinquième, n'y durerent que quarante : Damafe Second n'y parut que yingt-trois ; Theodore Deuxième , rendit l'ame le vingtième de ſon eſlection , & Soſinus , & Celeſtin Quatrième, n'y veſcurent que dix-huiſt. Je n'ay point parlé icy deuant de Leon le Jeune, de Philippicus Bardanes, d'Artemius Anaſtaſe, de Leon Porphyrogenite , d'Alexandre fils de Baſile , de Michel Calaphat , de Zoé , de Theodore, d'Eudoxe , ny de quelques autres, dont les Hiſtoriens Grecs & Latins, ont particulariſé les regnes. Ces exemples ſuffiront à faire comprendre au Lecteur , qu'on ne reſoſe pas mieux dans le Thronne que par tout ailleurs , où qu'en tout cas , nous n'y ſommes pas plus aſſez contre les Coups de la mort , & de la Fortune.

Des mal-heurs des flatteurs, ou des fauoris.

CHAPITRE VIII.

Blas interrogé laquelle estoit la plus meschante de toutes les bestes ; Des sauuages, dit-il, ç'en est le tyran, & des priuées ç'en est le flatteur *El adulador* (dit vn Espagnol moderne) *es de la condicion de la sombra, sigue al hombre (y si anochece la felicidad falsa) quiere parecerse ad mismo cuerpo, imita al lobo que semeja al can- que es geroglifico de leatald ; muestra se semejante, y es contrario : Aplaua el vicio como si fuera virtud ; es como el coriente del agua, corre lison era, toma la color segun la luz del sol, y en ella los arboles parecen bueltos de baxo arriba, haze las cosas al reues de lo que son.* En effect, si nous examinós de prés ces dissimulez, nous trouuerons que ce sont des cameleons à toutes couleurs, des giroüettes à tous vents, des Protées à tous visages, des matières à toutes formes, & des toiles à toutes sortes de postures. Ils sont comme l'E-
cho

cho qui chante quand nous chantons, & qui se plaint au mesme moment qu'on soupire. Si le Prince, sous qui vivent ces malheureux, est sanguinaire, ils l'engraissent de sang humain, comme les lampoyes de Vedius Pollion: S'il ayme la vengeance, ils le rendront encore plus cruel que l'Empereur Commode, qui commanda au Preuost de Rome, de faire égorger tous les spectateurs d'un theatre, qui n'estoit pas moins de soixante mille, pour auoir osé rire de ce qu'il faisoit si bien le Gladiateur; & s'il est superstitieux & timide, ils luy proposeront aussi tost l'exemple de l'Empereur Claudius, qui fit mourir deux Cheualiers Romains freres; pour vn songe qui luy sembloit estre de mauuais augure. Chez eux le stupide est sage, l'vsurpateur conquérant, l'hypocrite deuot, l'auaricieux ménager, le colere vaillant, & le prodigue liberal. Comme les superficies, & les lignes qui ne peuent d'elles-mesmes se courber, ny se mouuoir, ny s'estendre se remuent aisément avec les corps dont elles sont les extremitez; les flatteurs, dit Plutarque, n'agissent point aussi de leur propre mouuement, mais ils suiuent

toufiours celuy d'un autre. L'exercice des Princes, à qui l'intereſt les attache, deuient leur inclination; ſi ceux-cy n'ont point de paſſion pour la vertu, les autres l'abhorrent; & ſi leurs maiſtres ſont laſches & voluptueux, on les trouue toujours preſts de couronner le vice, en quelque eſtat qu'on les puiſſe prendre. Ils ſont leur diuertiffement, & leur gloire d'embrocher des mouſches avec Domitian, de prendre de poiſſons avec Arſacidas Roy des Baſtriens, & des taupes avec Hartabam Roy d'Hircanie; d'enfiler des grenoüilles avec Bianté Roy des Lydiens, & de faire des lâpes avec Éropus Roy de Macédoine. Ils deuiennent cochers avec Neron; ils eſtrillent des cheuaux avec Areas, Roy des Tartares, contrefont le cochon avec Parmenio, & le bruit des roües des puits avec Theodore. S'ils fuiuent Agathon, ils ſortent en public, conuerts de la peau d'un Renard; & ſ'habillent de celle d'un Lyon, ſi Dion le Pruſſien les meine en ſa compagnie. S'ils ſe rencontrent avec Venceſlaus Roy de Boëme, ils ſeront plus raiſis de marcher nuds pieds dans la neige, que parmy les roſes, & ſ'enruineront, à deſſein

à deſſein de chanter deuant le Roy Archelaus, qui ſ'imaginoit que les voix enrouées cōpoſoiēt la plus agreable Muſique. Ils ſe feront eux-mêmes des playes pour les porter à Mithridate, qui ſe piquoit d'eſtre Medecin; & ſe rendront Peintres, ſous l'Empire d'Adrian, qui ſe vouloit rendre recommandable à bien peindre des citrouilles. Ils ſe choqueront dans le Palais de Denys pour faire voir qu'ils ont tous la veuë courte comme luy, ou rempliront ſes chambres de ſable, pour y tracer à ſon exemple, des figures de Geometrie; & ſ'il ſe trouue encore aujourd'huy des Sâſons, des Achilles, & des Hercules, vous verrez qu'ils deviendront comme eux chez Dalila, qu'ils coudront chez Briſeis, & qu'ils fileront chez Dejanire. Ce n'eſt pas ſeulement chez les Grâds que ſe gliffent ces peſtes publiques, elles ſe font par tout des paſſages, & n'ont pas eu plus d'entrée dans les Cours, que dans les Academies. Côme les Courtiſans d'Alexandre prenoiēt peine à ſe plier vn peu le col, pour luy reſſembler en quelque ſorte, les diſciples de Platon contrefaiſoient ſes hautes eſpaules, ceux d'Ariſtote ſon-

begayement, & ceux de Porcius Latro l'Orateur pour auoir comme luy les pafles-couleurs, beuuoient ordinairement du comin, quoy que la pafleur auffi bien que celle de Zenon, ne vint pas tant de fa mauuaife difpofition que de fon eſtude. Si la complaiſance eſtoit le plus grand crime des flateurs, il en feroit pour le moins le plus excuſable; mais leur laſcheté va bien plus auant, & leur humeur eſt bien plus encore à craindre que leur entretien. Ils nous adorent dans noſtre bonne Fortune, pource qu'ils ſçauent qu'ils en profitēt, & nous abandonnent dans la mauuaife, comme les poux qui fuyent les morts, quand ils n'y trouvent plus le ſang dont ils auoient accouſtumé de ſe nourrir. Quoy qu'ils ſçachent qu'autrefois on eſtima le naturel, & la reconnoiſſance des chiens de Iob, qui leſchoient au moins ſes playes, qu'ils ne pouuoient pas guerir; ils s'imagineroyent eſtre ſans doute plus beſtes qu'eux, s'ils s'efforçoient de ſoulager la miſere de celuy dont ils ont reueré le bon-heur auparauant, & ne ſçauroient pas comprendre qu'il y ait plus de gloire à conſoler les mal-heureux, qu'à s'en eſloigner.

esloigner. Il semble qu'ils soient descendus de ces peuples, qui adorent le Soleil quand il se lève, & qui luy tirent des fleches quand il se couche, ou que comme les Alcions, ils ne paroissent que dans la bonace; En effect, ce ne sont que des hyrondelles qui ne cherchent que le Prin-temps, & comme les oyseaux de proye, ces ames dissimulées suivent la curée, & non pas l'homme. Mais il faut maintenant descendre de leur naturel à qui leur infortune, & voir si ceux ont eu le plus de credit, n'ont point eu plus de disgraces,

Herodian recite, que Cleander de Phrygie, ayant esté introduit dās la maison de Commode, par le moyen de Marc-Aurelle, devint d'esclaue, Capitaine des Gardes de l'Empereur, depuis Chambellā, Colonel des armées, & quelque tēps apres le plus puissant, & le plus redoutable de l'Empire. Mais comme l'ambition est presque toujōurs semblable à la colere, qui dans ce qu'elle entreprēd, ne considere ny la raison qui la conseille, ny les obstacles qui la peuvent arrester, Cleander, n'ayāt plus l'humeur d'esclaue, quād il n'en eut plus la condition, ne songea qu'aux

qu'aux moyens de s'asseurer de la Couronne, & de se rendre maistre de celuy dont il estoit la creature. Pour executer plus facilement son dessein, il fit faire vn grand parc pour les exercices, & des estuues où tout le monde indifferemment s'alloit lauer; donna beaucoup au menu peuple, promit encore dauantage à la Noblesse, & fit tout ce qu'il put, pour faire croire qu'il estoit le plus courtois, le plus liberal de tous les hommes, & qu'il eust eu toutes les qualitez d'un Roy, tel qu'on le peut desirer, s'il en eust eu la naissance. Mais les Romains n'eurent pas plüost découuert s^{on} ambition, qu'ils s'assemblerent au theatre en foule, l'assiégerent dans son palais, & contraignirent l'Empereur de luy faire trancher la teste. Commode fit auparavant tuer Perennis qui auoit eu le pouuoir de faire créer ses enfans, chefs des armées, qui estoient en Illyrie, & qui de la mort de Paterne, auoient tellement accru son credit & sa fortune, qu'il manioit toutes les affaires, cependant que cét infame Empereur se reposoit entre les bras de trois censiennes garçons, & d'autant de femmes, les plus belles & les

les plus voluptueuses qu'il auoit pû trou-
uer à Rome. Ce mesme Prince, qui
n'eut rien de plus grand en luy, que
l'honneur d'estre fils de Marc- Aurelle,
vid mourir à regret son fauory Sacete-
rus, qui fut assassiné dans ses jardins,
par les Colonels des Gardes, lors qu'ils
seignoient de le conduire par honneur
au sacrifice. Prexasés, que Cambises
aymoit avec beaucoup de raison, estant
deuenu hardy, iusques à luy dire, que
le vin qu'il beuuoit le deshonoroit, &
que ses ennemis secrets estoient ravis
de trouuer en luy ce defect, pour en au-
thoriser leurs plus hautes insolences, es-
preuua bien- tost apres combien il est
dangereux d'entretenir les Roys de leurs
imperfections, & combien il importe de
n'affecter pas trop de vertu auprès de la
tyrannie. Afin que tu sçaches, luy dit
Cambises, que l'excez du vin ne me trou-
ble point, & que le vice dont tu me par-
les, ne m'a iamais aueuglé, ie t'en veux
rendre vn fidelle tésmoignage, & te faire
auoïer que ceux qui regarderont mes
actions, ferôt tousiours mieux de les ad-
mirer que de les reprendre. Cambises
commence aussi tost à boire avec excez,
commande

commande au fils de Prexases d'aller iufques à la porte d'une falle, & de fe tenir là debout avec la main gauche fur la tefte. L'enfant obeït au commandement de fon Prince ; qui bande vn arc, & qui luy perce le cœur du premier coup de flefche qu'il luy tire. Il luy fait fendre l'eftomach, préd luy même le fer de la flefche ; & montrant au pere comment le fils auoit esté bleffé droit au cœur, Regarde, dit il, fi j'ay la main feure, fi ie voy clair, & fi mon iugement fe trouble apres la desbauche ? Alexandre, ne fit il pas mourir Philotas, & Parmenion qu'il auoit tendrement aymez ? Et ne tua t'il pas de fa propte main Clitus, qui l'auoit feruy fi glorieufement dans toutes fes entreprifes, & qui luy auoit même faué la vie, lors qu'ayant paffé la riuere du Granique il combattit avec Rœfaces, & Spithridate, les deux principaux Capitaines de Perse ? Tibere fit perir de mort violente Quintilius, Varus, Pifon, Germanicus, & Drufus, qui furent tous fes Collegues au Consulat ; & le corps de Sejan, apres auoir esté abandonné à la rage des Bourreaux, fut traîné trois iours par les ruës, & ietté dans le Tybre par le

le commandement de cét Empereur, qui l'auoit tellement esleué, que les plus considérables de Rome, durant seize ans, auoient esté contraincts de faire la cour aux affranchis qui gardoient sa porte, Adrian fit mourir Nepos, Septicius Clarus, Eudemon, Bollenus, Marcellus, Numidius, Quadratus, Catilius, Seuerus, & Turbon, quoy qu'il eût tesmoigné par amour ou par adresse, qu'ils luy estoient tous fort considerables; & Vespasian n'auoit pas plustost honoré ses Courtisans de grâdes charges, qu'il les faisoit empoisonner lors qu'ils s'estoient enrichis; de sorte qu'ils estoient appelez les sponges de l'Empereur, qui les pressoit aussitost qu'il les sentoient pleines. Artaxerxes, poussé par les mauuais conseils de sa mere, fit frotter le visage de Mithridatis de miel detrempé avec du lait, & l'ayant opposé directement aux rayons du Soleil, prit tant de peine à le faire accommoder, qu'il le fit manger par les mouches & par les vers, qui s'engendrerent de la pourriture de son corps, quoyque ce Courtisan fameux ne fust coupable que de n'auoir pû faire agréer à la Reyne ses seruices, & son innocence. Caligula, qui

aymoit

âymoit passionnément Ptolemée , ne
laissa pas de le faire mourir, pource que
ce ieune Prince l'accompagnant sur le
theatre, auoit attiré les yeux des specta-
teurs trop curieusement sur luy , par le
grand esclat de sa robe; & Neron, ce fleau
de Rome , & ce monstre de la nature ,
obligea Corbulon de se passer l'espée au
trauers du corps, quoy qu'il eust accou-
stumé de l'appeller son pere, & son bien-
facteur ; & qu'il fust le plus vaillant &
le plus moderé Capitaine de son siecle.
La Fortune d'Hibrahim Bassa fut si gran-
de , qu'elle estonna mesme celuy qui en
auoit esté l'autheur: Soliman eut peur de
son propre ouurage; & voyant ce fauory
si craint & si absolu, il fut obligé de vio-
ler la promesse qu'il luy auoit faite de ne
le faire iamais mourir, & de luy faire cou-
per la gorge en dormant par vn Eunu-
que, pour asseurer par ce parjure la du-
rée de son regne, & le repos de son esprit.
Dauid Rix de Sauoye, fut poignardé par
George du Glas en Escosse, selon Bucan-
nan, quoy qu'il y fust le plus considéré,
que de Chantre il fust deuenu fauory de
la Reyne , & que par la beauté de sa
voix , il se fut rendu maistre des volon-
tez

tez de cette Princesse. Comme ie ne doute pas, que les honnestes gens n'entendent bien nostre Histoire, ie ne leur parleray point icy des malheurs de Pierre de la Bresche, grand Chambellan de France, sous Philippes fils de Saint Louys; d'Anguerrant de Marigny, qui fit bastir le Palais de Paris, dont il estoit Maire; de Iacques de Beaune sous François Premier, & de quelques autres que nos peres ont pû voir, ou dont nous auons esté les tesmoins. Nous pourrions mesme parler de la mort de Messieurs de Montmorancy, de S. Preüit, & de S. Mars, & de quelques autres; si nous estions encore à croire que toutes les grandeurs du monde sont perissables, que leur esclat est dangereux & funeste, & que ceux qui se fient dans la faveur des Souuerains, établissent bien souuent leur felicité sur vn beau songe.

*Nenti fidar di calma. In vn sol giorno
Scherza ne l'aque, e vi s'affonda il Pino;
Et tal ricco di merci è sul mattino
Che nudo erra la Sera a i lidi intorno.*

*Crazia di regio cor grand luce splande,
Mà la luce ch'apporta è poco lieta;*

E con

*E come raggio di mortal Cometa
 Tanto minaccia più quanto è più grande,
 Compagno è'l precipizio a la Salita
 Et van quasi del par, ruina e volo,
 Mortigl' Icarì son; mà chi d'un solo
 Dedalos vanni in questo Ciel m'addita ?*

*Des mal-heurs des aduanturiers
 dans le Tournois.*

CHAPITRE IX.

LEs Grecs auoient autrefois leurs jeux Gymniques , pour tenir leur gens en haleine , & ceux qui s'y estoient signalez, estoient d'autant plus considerables , qu'il y auoit pour eux des Eloges & des recompenses. La course des cheuaux, & des chariots estoit en vsage chez les Romains , pour exercer leur ieunesse , & pour la rendre plus aguerrie dans les combats qui demandoient toute leur adresse & toute leur force, pour le salut de leur Republique. Les premiers auoiẽt encore leurs jeux Pyrriques , où les ieunes gens dançoient armez , & se combattoient diuersement, pour rendre illustres

stres les nopces des personnes les plus releuées, & les seconds auoient leurs Angaries, ou leurs escoles Militaires, selon Vegece, où leurs enfans estoient instruis de bonne heure, à tout ce qui pouuoit auancer leur gloire. Ils auoient des Clafses, ou des Basiliques, c'est à dire, de grâds auditoires, & de grandes salles, où il aprenoient à combattre à pied & à cheual, à nager, à se seruir de leurs boucliers, à lancer le jaelot, à tirer de l'arc, à ietter des pierres, & à faire des fossez, & des pallissades. Ils n'estoient pas plustost reconnûs adroits qu'ils estoient enrollez dans les Legions Romaines, qu'on leur faisoit prester le serment de fidelité, qu'on leur marquoit les bras droit avec vn fer chaud de ces deux lettres, M.R. qui signifioient, Milice Romaine, & qu'ils estoient confirmez par cette marque qu'ils appelloient le Sacrement Militaire.

Mais comme toutes les Nations changerent de maniere de combattre avec le temps, elles inuenterent de nouueaux jeux, & les accommoderent aussi à la maniere qu'elles auoient de faire la guerre. Les Tournois furent inuentez alors,
&

& Vvolsius nous à voulu faire croire, que l'Empereur Henry I. surnommé l'Oiseleur, eut le premier cet aduantage, & qu'il les mit en credit l'an 930. par le conseil de Philippes son Secretaire, & de quinze Seigneurs & Cheualiers qui en firent les desseins, & qui furent mesmes d'aduis d'en bannir par des loix publiques, les Gentilshommes qui estoient alliez avec des femmes qui n'estoient pas nobles, & d'en defendre l'entrée aux blasphemateurs, aux yurongnes, aux lasches, aux larrons, & aux adulteres. Cependant il est certain, que l'usage en est vn peu plus ancien chez nous; & que l'an 870. Charles, & Louys fils de Louys Debonnaire, dresserēt vn tournoy superbe, apres s'estre accordez pour leur partage, comme le remarque Nithard, en parlant de la reconciliation de ces deux Princes, & que les Cheualiers François, les Allemands, les Saxons, les Lombards, & les Anglois, rendirent ce spectacle magnifique, par leurs habits, par leur ialousie, & par leur adresse.

Si nous croyons l'Empereur Cantacuzene au premier Liure del'Histoire d'Andronique, les Cheualiers de Sauoye, & de

de Dauphiné, en apprirent l'usage aux Grecs, lors qu'ils accôpagnerent à Constantinople l'imperatrice Anne, fille du grand Amedée; & ces tournois faisoient la plus grande pompe des mariages, des couronnemens, & des baptêmes, en France, en Angleterre, en Espagne, & dans tous les Royaumes de l'Europe; lors que les Princes & les Roys estoient obligez de tenir table ouverte à tous venans; & comme parle nostre vieux Gaulois, *Cour pleniére, & Tinel ouvert*. Là les vns & les autres combattoient avec des lances *mornées*, & des espées *rabatuës*: Celuy-là estoit le plus adroit & le plus fort qui demouroit le plus long-temps dans *l'estour*, & dans le *Behourdis*, & tous n'auoient pour leur but, que leur gloire particuliere, le plaisir des Dames, l'honneur de leur nation, ou le diuertissement de leur Souuerain.

Le Roy Philippe de Valois fit plusieurs Ordonnâces pour ces tournois, & voulut que l'entrée en fut absolument defenduë à ceux qui auoient fait ou dit quelque chose cõtre la Foy Catholique, de quelque haute condition qu'ils eussent droit de se preualoir; & à ceux qui

qui du moins ne preuueroyent pas leur noblesse de trois races de pere, & de mere. Il n'y receuoit, ny ceux qui auoient violé leur serment, ny ceux de qui les paroles ou les actions auoient choqué l'honneur de leur Prince Souuerain, ny celuy qui auoit trahy son Seigneur, ou qui l'auoit laissé dans le combat; qui auoit pris laschement la fuite; qui auoit causé quelque desordre, & quelque trouble dās l'armée, ou qui auoit frappé ceux de son party, par quelque malice, ou par quelque hayne. Il en esloignoit ceux qui auoient fait quelque outrage aux Dames; qui auoient falsifié leur seau, ou celuy d'un autre, qui auoient vsé de quelque tyrannie sur les pauvres, sur les orphelins; & sur les vefues, qui s'estoient vangez de leurs ennemis par quelques moyens extraordinaires; qui auoiēt estably de nouueaux Imposts sur leurs terres; sans la permission de leur Seigneur; qui estoient conuaincus d'adultere, de pechez cōtre nature, ou d'yurognerie, & ne vouloit pas même qu'on y receust les Gens ilshommes qui viuoient de leur trafic, & de leur commerce, ny ceux qui s'estoient aliez à quelque race roturierē, ou qui ne s'estoient

s'estoient point trouuez en cette assemblée, apres en auoir esté aduertis. Si quelqu'un s'y rencontroit, & qu'il fust conuaincu de l'un de ses crimes, il estoit puny selon la rigueur des loix ; & la honte seule n'estoit pas le chastiment qu'on luy reseruoit. On mesuroit sa punition à sa faute, & selon qu'il estoit coupable, on renuersoit son escu, son casque, & son cimier, on les rompoit mesme quelquefois ; on le battoit à coups de plats d'espée & à coups de verges ; on coupoit les fangles de la selle de son cheual, & on luy faisoit cheuaucher la barriere du camp, & crier *mercy* à haute voix aux Dames & aux Damoiselles. Les pariures, les traistres, les assassinateurs, & les laches estoient degradez honteusement de Noblesse & de Cheualerie : On coupoit sur vn fumier la queue de leur cheual, on brisoit avec vn marteau l'escu de leurs armes & leur casq; on deschiroit leur cote d'armes & leur volet en lambeaux ; on rompoit leur espée & leur lance, la pointe en bas, on attachoit avec violence leur baudrier & leurs esperôs ; & pour voir de quelle sorte il estoient declarez infames, on n'a qu'à lire le *Theatre d'honneur* de

nostre amy Monsieur de la Colombiere, qui peut satisfaire pleinement toutes les personnes qui auront de la curiosité pour ces anciennes ceremonies.

Ces diuertissemens estoient sans doute agreables; ils estoient reimplis de pompe & de majesté; il y auoit de la galanterie & de l'adresse, & le sang ne souilloit iamais de si beaux spectacles. Mais depuis qu'on voulut combattre à *outrance, à fer emoulu, & à espées tranchans & poignans, avec des fracs d'acier bien aiguisez*. pour me seruir des vieux termes, on éfit des sacrifices horribles, la mort se mit dans les deux partis, & l'on n'y vid plus que des funerailles: Il fallut que les Papes Innocent & Eugene en defendissent l'vsage; que le Concile de Latran, sous le Pontificat d'Alexandre Troisième l'an 1180. prononçast des anathemes contre ces desesperez; qu'Innocent Troisième les cōdamnast, & qu'en l'an 1313. le Pape Clement, sous le regne de Philippes le Bel, excommuniast par vne Bulle, tous ces meurtriers opiniastres. Mais les Loix, les Anathemes & les Bulles furent sans effect; la defense en autorisa l'vsage, & l'on ne vid presque plus dans
toute

toute l'Europe, que des Formulaires & des Ordonnances, pour s'esgorger sans auantage & sans tromperie. Mais il en faut voir quelques exemples; & puis que nous n'auons pas iugé fort necessaire de suiure tousiours l'ordre des temps & des personnes, il n'importe pas de commencer par le Comte Geoffroy, surnommé Plantagenest, mary de la Princesse Mahauld, fille du Roy d'Angleterre, Duc de Normandie, premier du nom, & fils aisné de Foulques Comte d'Anjou, de Touraine, & du Maine, qui fut depuis Roy de Ierusalem, à cause de la fille du Roy Baudouin II. qu'il auoit eüe en mariage. Quelque temps apres que Foulques fut party pour Ierusalem, ce Geoffroy fit faire vn Tournoy sur la greue du Mont S. Michel en Normandie, entre les Anglois & les Normans, où se trouuerēt les Comtes de Flandres, Thibaut Comte de Blois, & Estienne Comte de Mortaing, tous neueux du Roy d'Angleterre Henry I. qui se mirent du costé des Normans: mais comme Geoffroy eut reconnu que le nombre des Anglois estoit moindre que celuy des autres, il s'engagea dans le party le plus foible avec tous ceux

de la fuite. Le premier choc fut terrible , les lances de fresne volerent d'abord en esclats, les vns & les autres mirent la main à leurs espées qu'ils rompirent, ou qu'ils emousserent sur les Escus & sur les Armes de leurs ennemis ; & leurs chevaux effarouches des cris de guerre , du son des trompettes , & du bruit des armes, s'enfuirent, apres auoir rompu toutes leurs resnes. Geoffroy employe ce qu'il a de force & d'adresse contre les Normans ; il perce les vns d'une lance, il en fait vuidier les arçons aux autres , il esclaireit d'une même suite les rangs avec son espée , & comme il void que ceux de son party ne sont pas les plus heureux, il les rallieure par ses actions & par sa parole & ne donne point de coup qui ne soit vn meurtre. Les Normans prennent la fuite à cét horrible spectacle, abandonnent le champ, de peur d'y faire leur cimetiere ; & sur l'esperance qu'ils ont dans les forces, & dans la taille effroyable d'un Geant, qui estoit venu d'outre mer , au bruit de tous ces Tournois, ils les défient, & les obligent de combattre. La veüe de ce monstre pour sa grandeur, estonne tous les Anglois, qui s'ima-

ginent

ginent que la nature à ramassé la force de plusieurs hommes en vn seul, & qu'il n'y a point de moyen plus prompt ny plus assésuré pour mourir, que de le combatre. Geoffroy, qui sçauoit bien que la vail-
lance n'estoit point mesurée par la taille, monte à cheual, prend sa lance, soustient l'effort du Geant, qui fausse sa cuirasse & s'escu du premier coup qu'il luy donne, & qui le frappe si rudement, que son sang en coule mesme iusques à terre. Le Comte ne laisse pas de se tenir ferme dans les arçons, & dans vn ressentiment si iuste, il renuerse le Geant d'une seule atteinte; descend de cheual, & se iette avec tant d'impetuosité sur son ennemy, qu'il luy tranche la teste, apres luy auoir osté le casque, auparauant mesme qu'il fut re-
uenü de son estourdissement, & de sa cheute.

Guillaume de Nangis, Moine de S. Denys en France, dit que le Roy Philippe le Hardy, fils & successeur du Roy S. Louys, voulut faire esclater par vn Tournoy, la ioye qu'il eut de la venuë de Charles d'Anjou, Prince de Salerne, l'an 1279. & qu'il s'y trouua vn des premiers Princes du Sang, de qui les armes estoient si

pesantes, & qui receut tant de coup, que tout le monde s'estonna comment il n'y auoit point laissé la vie. Mathieu Paris, dit qu'il se fit vn cruel Tournoy entre les François & les Anglois l'an 1270. lors que Philippe Auguste Roy de France, & Richard Roy d'Angleterre, se repositoient en Sicile, & que ce fut de là que leurs inclinations furent diuisées; & qu'ils disputerent entr'eux, du pouuoir d'establiir Vn Roy de Ierusalem; pource que Philippes Auguste fauorisoit le Marquis de Monferrat, & que Richard portoit les interests de Guy de Lusignan, à qui il auoit vendu l'Isle de Cypre. Le même auteur parle du Tournoy, que les François firent à Londres, auparauant que nostre Louys de France, fils du Roy Philippe Auguste y eût esté receu, & couronné Roy d'Angleterre, l'an 1216. & dit que beaucoup de Cheualiers Anglois y moururent, & que le Comte Geoffroy de Mandenille, expira quelque temps apres du coup d'ôt il auoit esté percé à la iouste. A Herfort, l'an 1241. le Comte Marechal Gilbert mourut sous son cheual, qui se renuersa sur luy dans vn Tournoy, & plusieurs Cheualiers y furent bleisez &

ruez

tuez à coups de massüë & d'espée. Vn Duc d'Albanie fut tué en Frâce dans vne pareille ceremonie, selon Octauien de S. Gelais, qui en parle däs son Iardin d'honneur; Et sous le regne de Charles VI. il y eut vn Tournoy dans la Ville d'Arras, en presence du Duc de Bourgogne; entre cinq Cheualiers François, & cinq Bourguignons, pour la seule gloire des nations, & des armes. Theode de Valperge, Pothon de Saintrailles, Philibert d'Abrecy, Guillaume de Bez, & l'Estendard de Nully, tenoient le party de France, & Simon de l'Allain, Pierre de Bauffremôt, sieur de Charny, Jean de Vaudray, Nicolas, & Philibert de Menthon tenoient le party du Duc de Bourgogne. Les lances estoient seruies aux François, par vn Cheualier nommé Alardin de la Mousfay, & aux Bourguignons, par Messire Jean de Luxembourg; & le combat se fit à fer émoulu dans vn Parc, qui fut dressé sur le gräd marché, & qui estoit tout couuert de sable, au milieu duquel on auoit fait vne lice garnie, & double, de peur que les cheuaux ne se rencontraient en courant diuersément d'vn costé & d'autre. Les ioustes durerent cinq iours,

& la Fortune voulut pour ce coup, qu'il n'y eut que Philibert d'Abrecy, & l'Estandard de Nully bleffez eu visage. On lit dans l'Histoire d'Espagne que Don Iean de Pimentel, Comte de Majorga, se trouua dans plusieurs Tournois, dont il remporta la gloire; qu'il apprit depuis ces exercices avec vn soin incroyable, & sur tout celuy de la Hache pour s'éprouuer cruellemēt contre les Nations estrangeres; qu'il fit armer de toutes pieces, Lopes de la Torre son Escuyer, pour s'éprouuer par aduance contre luy, & qu'il en receut vn si grand coup au visage, qu'il en mourut quelque temps apres: de sorte que l'Escuyer espargna deslors à son maistre; la peine de venir en France.

Il y eut vn Tournoy à outrance l'an 1500. entre sept Gentils-hommes de la Reyne Anne, & sept autres du Roy Louys XII. son mary, le vingt-deuxième iour de May, quand la Reine fut de retour de Bourgogne, où elle estoit allée tenir vn fils du Prince d'Orange. Le Seigneur Infant de Nauarre, frere du Comte de Foix, & les Seigneurs d'Auennes, de Bonneual, de la Rochepot, des Barres, de Verdufant, & de Ruel nommé Poquedenare furent

rent du party du Roy ; & les Seigneurs de la Roche de Bretagne , de Chastillon, de Fremente , de Saint Amadour, François Cours , Maugeron, & le ieune Camicant, furent du party de la Reyne. Le Roy estoit sur son eschaffaut, accompagné du Comte de Foix , du Prince d'Orange, du Comte de Dunoy, du Duc d'Albanie , des Mareschaux de Rieux , & de Gié, & de quelques autres personnes remarquables; & la Reyne estoit sur le sié, accompagnée de la Princesse de Tarente, de la Comtesse de Gayace , de Mademoiselle de Candale, & de quelques autres Dames & Demoiselles, qui contribuerent beaucoup à la beauté de ce grand spectacle. L'Infant de Nauarre y fut blessé au visage; le Seigneur de Chastillon y courut avec tant de force & de vitesse, qu'il laissa le tronçon de sa lance dans le bras droit de Pocquedenare, & ce fut presque vn miracle, qu'il n'y eut point dans ce combat de cruautéz heureuses , ny de playes mortelles.

Il y eut à Milan vn autre Tournoy à fer émoulu l'an 1507. deuant le Roy Louys Douzième. On y combattit en lice, à ject de lance, à la picque de Suisse , & à l'espée

d'estoc & de taille , & sans barriere à la picque , à l'espée de taille , & à la hache. Messire Galeas de S. Seuerin , grand Escuyer de France , tenoit le pas d'armes dans la place du Chasteau de Milan, avec sept autres Lombards , & des François qui s'y espreuuerent ; les plus signalez furent Gaston Comte de Foix, nepueu du Roy, Guy Seigneur de Laual , le ieune Candale, François de Maugiron, Iean de Chandion, Guillaume de la Hire , & Loys l'Hermite. Les Lombards n'y eurent pas l'aduantage, ils en remporterent de grâdes bleffeures. leurs harnois furent percez à iour en beaucoup d'endroits; tout le champ y fuma de sang: & si le Roy n'eût arresté par vn cry le bras de Chandion , il y eût fait mourir Galeas , qu'il auoit chargé d'un coup si pesât, qu'il l'auoit cōtraint de porter les mains à terre.

L'An 1549. Henry II. fit ouurir au mois de Iuin vn beau Tournoy à Paris, pour honorer l'entrée qu'il y faisoit avec Catherine de Medicis son espouse, & ce spectacle fut d'autant plus beau qu'il fut heureux , & que le Roy mesme , & les Princes de Vendosme en eurent la plus grande gloire. Mais celuy qu'il fit depuis
pour

pour la resioüissance des nopces de Madame Elizabeth de France sa fille, mariée au Roy d'Espagne ; & de Madame Marguerite de France sa sœur, mariée au Duc de Sauoye , fut bien plus estrange , & bien plus funeste. Il voulut estre le chef des Tenants , avec François de Lorraine Duc de Guyse , & le Prince de Ferrare, & se resolut de soustenir le pas avec luy trois iours durant , à la lance à la pique , & à l'espée. Le Roy fut heureux le premier iour : mais le second mit toute la France en dueil. Quelque prieres que luy fit la Reine par la bouche du Duc de Sauioye , & par celle du Seigneur de Montmorancy, sa resolution fut plus forte que tous les conseils qu'on luy donna, & quand il se vid pressé il enuoya dire à la Reyne , qu'il ne courroit plus apres auoir couru pour elle vne lance. Pour s'acquiter de sa promesse , & pour faire voir qu'il estoit deuin sans y penser, il contrainit le Comte de Montgomery de courir, quelque excuse qu'il apportast, ou par crainte, ou par preuoyâce, ou par respect ; & comme Montgomery l'attaignit de droit fil sur son corps de cuirasse: la lance vola en esclats: vn tronçon en

donna dans la visiere du Roy qui receut le coup dans l'œil, & qui en mourut vnzze iours apres, le 10. de Iuillet 1559. apres auoir vescu quarante & deux ans, & apres en auoir regné treize.

Ces Tournois finirent presque tous par la mort de Henry II. mais nous auons plusieurs autres entreprises de mesme nature. Oliuier de la Marche au premier Liure de ses Memoires, parle de cette coustume, & de toutes les ceremonies qu'on y obseruoit; traite d'un pas d'armes à tous venans, tenu par treize Gentils hommes de la maison de Bourgogne, dās vne place nommée l'Arbre de Charlemagne, Il en marque deux autres, dont le premier fut gardé, & defendu par le Seigneur de Haubourdin, bastard de S. Paul, près de S. Omer; & le second, tenu en Bourgogne, par Messire Iacques de Lalain, vne année entiere. Il est peu de personnes qui n'ayent entendu parler du Pas qui fut dressé à Lyon, par Messire Glaude de Vaudre, Gentilhomme du Duc de Bourgogne, où le Cheualier Bayard s'acquit tant de gloire au sortir de Page, à la veuë du Roy Charles VIII. Nous auons l'entreprise de treize Cheualiers
qui

qui portoient en leur deuise, l'Escu verd à la Dame Blanche, où estoient Charles d'Albret, & le Marechal de Bouciquaut, l'ã 1400. & l'Histoire en parle d'une autre d'Anthoine d'Arces de Dauphiné, suiuy de trois autres Cheualiers, pour courir à fers émoulus, trempés & acerez iusques à ce qu'il y eut atteinte, rupture, ou perte de lances; & les courses passées, chacun d'eux deuoit mettre la main à l'estoc, ou à l'espée tranchant & poignant, d'estoc & de taille, pour s'en ayder quand besoin seroit, desquels estocs, & espées ils denoient combattre tant & si auant, que l'un d'eux fut mis outre, & remdu iusques au bout. Il est vray que ces derniers Tournois, ne furent pas tous sanglâts, & que la Fortune s'y fit voir du costé qu'elle est la plus belle. Il y a des victoires qui sont faites comme les furies & d'autres qui sont faites cōme l'amour; & la nature n'auroit pû fournir assez d'hommes aux hommes mêmes, si tous les jeux estoient cruels, & si la rage & les meurtres faisoient les premiers, & les plus nobles preparatifs du triōphe. Ceux qui suivent n'ont pas esté d'assez bonne humeur, pour deferer aux Philosophes, qui ont fait une vertu de la clemence; ils ont cru

crû que c'estoit faillir que de pardonner, & qu'il n'y auoit point de difference entre les indulgens, & les ladres. Ils ont fait des vertus pour des cœurs effeminez, & des vices pour les grâdes ames, ils ont estably la vertu la plus haute dâs le massacre; & ont pris des bouchers pour des Heros. Nous verrons que la Fortune s'est interessée dans leurs querelles & dans leurs combats, & qu'elle s'est trouuée bien souuent plus ingenieuse que l'adresse & plus puissante que la iustice.

Des mal-heurs des Duelistes.

CHAPITRE X.

IL se void peu de combats comme celui de Radislas, contre S. Venceslas Roy de Boheme; & comme celui de Ruy Paez de Viedma, contre Rodrique d'Aquila, qui se battirent trois iours de suite sans aduantage; La nature n'est pas toujours capable de ces grands efforts, ou le Ciel, pour mieux dire, ne fait pas ces miracles toutes les années. De toutes les coustumes des peuples, ie n'en
trouue

trouue point de plus iniuste que celle-
cy, ny de plus cruelle; & ie m'estonne
qu'on l'ait fait passer autrefois en loy, du
temps de nos peres. Crantz, au second
Liure de l'Histoire de Saxe, dit que le pre-
mier vsage des dueils est venu des Da-
nois, chez qui tous les differens, & ci-
uils, & criminels estoient vuidez par ce
moyë; qu'il fut depuis introduit chez les
Saxons; qu'il passa de Saxe en Lombardie,
& de Lombardie dans les Gaules. Le Roy
des Bourguignons Gondebaut ayda mer-
ueilleusement à cette coustume, & s'op-
piniastra de telle sorte à l'autoriser, selõ
Agobard Euesque de Lyon, dans le Trai-
té qu'il a fait du dueil, que les defenses
Ecclesiastiques ne furent pas mesme ca-
pables de l'endiuertir. Il n'y eut pas ius-
ques aux gens d'Eglise, qui ne se messas-
sent de cette rage, dit vn Autheur, en
parlant des mirales de S. Benoist Chap.
xi. & cette coustume fut generalement
receuë dans nos derniers siecles, si nous
en croyons Mathieu Paris, dans la vie
de Henry III. Roy d'Angleterre. Go-
desfroy Euesque, trouua si mauuais que
Pierre Euesque de Xainte, eût accor-
dé le dueil aux Moines, Guillaume &
Raymond,

Raymond , qu'il s'en plaignit par lettres publiques; & nous trouuons que l'Empereur Frideric, fut excômunie au Concile de Lyon, sous Innocent. IV. pour auoir contraint des gens d'Eglise d'en venir à cette extremité déplorable. Les Abbez , & les Religieux employoient ce moyen horrible, quand les tiltres qu'ils apportoiẽt pour se faire payer de ce qui leur estoit deu, n'estoiẽt pas assez authentiques; & quand ils auoient à faire à des personnes de condition , qui leurs refusoient le combat; à *outrance*, ils auoient des hommes prests & choisis, qu'ils appelloient *Abbez*, ou *Vicaires Cheualiers*, qui combatoient pour eux en cette rencontre, L'Empereur Orbon, voulut que les controuetises de l'Eglise se vuidassent par les duels; & Turquet remarque dans son Histoire d'Espagne, qu'au Concile de Basle, les Peres assemblez regarderent vn combat à *outrance*, de Jean de Merle, Portugais de race, mais nay Castillan, contre Henry de Ramestan Bourguignon; ce Jean de Merle, fut le mesme qui s'estoit battu en camp, clos, avec autant de bon-heur, cõtre le Seigneur de Char-ny, dans la Ville d'Arras, en presence du
Duc

Duc Philippes Roderic de Toledé, dans son Histoire d'Espagne, parle d'un combat qui ne fut pas moins estrange. Il dit que le Roy Alphonse, voulut introduire la Liturgie Françoisé en Espagne, par le conseil de sa femme Constance, & de Richard Abbé de S. Victor à Marseille, que le Pape Gregoire VII. y auoit enuoyé pource qu'il vouloit reformer les Eglises. Le Clergé de Toledé s'y opposa formellement avec le peuple ; & le Roy, & le Clergé tomberent d'accord que ce différent seroit vuidé par un combat. Le Cheualier du Roy fut vaincu par celuy que le Clergé auoit choisi ; mais l'autorité d'Alphonse fut telle , qu'il ne laissa pas de venir à bout de ce qu'il voulut , & qu'on dit deslors , que la volonté des Roys rendoit toute la force des loix inutile. Si nous voulons remonter aux premiers siècles, nous trouuerons de dueils de vieille datte , & nous verrons peu d'Autheurs qui n'en confirment l'usage par quelque exemple.

Comme l'auarice n'auoit point encore foüille dans la terre, & qu'elle n'auoit point raffiné dans l'art d'aiguïser le fer pour la ruine de la Nature ; les hommes
se

se seruoient des armes qu'ils auoient apportées au mode, & se battoient à coups de poing, qu'ils entortilloient de nerfs & de cordes, & dont ils s'affommoient les vns & les autres. Cette arme estoit nommée Ceste des Anciens; & c'est ainsi qu'on doit entendre qu'Iccus fut tué par Cleomede & Amicus, Roy des Bebriciens par Pollux, pource qu'il ne vouloit point donner Passage, qu'après s'estre espreuue à coups de Ceste, contre quelqu'un des Argonantes. Entellus & Dares se battent de mesme dans Virgile, & le dernier y fait pitié par le mauuais traitement qu'il y reçoit. Les Retiaires & les Mirmillons iettoient à Rome des cordes, ou des filets sur la teste, sur le col, ou sur le bras de leurs ennemis, pour les estrangler par ces cordes dont les enuelopoiét; & ce fut ainsi que Pittacus, l'un des sages de Grece trompa Phrion, & qu'il le vainquit avec un rets, dont il luy enueloppa le visage, & que ce Sage dit qu'il auoit ietté son filet, pour prendre un poisson; pource qu'il portoit pour cimier un poisson sur son habillemēt de teste. L'Ecriture Sainte nous fait voir Dauid contre Goliath, & contre Hobach; Neptan,

Neptan, cōtre le plus fort des Philistins; & Ionathas, fils de Samma, cōtre vn Geāt, haut de six coudées. Eteocle & Polinice, se tuerent d'vn coup fourré, comme chacun sçait; & la haine de ces deux freres, s'entretint au de là mesme de la vie, iusques là que quand on les voulut brusler apres leur mort, selon la ceremonie des Anciens, la flamme, comme ie le remarque dans mon *Philosophe Moral*, comença deslors à se partager pour les consumer separément, comme s'ils n'eussent pû vuire ny mourir ensemble, & que leurs cendres n'eussent pû estre renfermées dans vne mesme vrue.

Le different d'Oxilius, & de Dius, pour le Sceptre des Eleens, fut vuidé par deux hommes choisis pour le terminer, & Degmenus fut vaincu par Piregmes en cette renconire. Arius fut tué par Pergamus, & Hillus le Dorien, par Echemus Roy d'Arcadie. Le Roy des Messeniens Melanthus, vainquit de mesme, Xanthus de Thebe, qui auoit deffié le Roy d'Athenes, Thimates; & quoy qu'il y eût eu plus de ruse que de courage dans sa victoire, les Atheniens ne laisserent pas de le couronner, & de chasser Thimates,

Thimates, qui auoit esté assez lasche pour refuser le combat. Alexandre tua Spitrobates Satrape d'Ionie, & gendre de Darius, au passage de Granique; & sous le regne d'Artaxerxes, Darius vint à bout d'un Cadusien, & le vainquit avec tant de gloire & de bon-heur, que ce combat luy valut l'Empire de Perse. Sitibarzanes, chef des Arriens rebelles fut tué par Erigius, à cause qu'il auoit esté assez hardy pour défier le plus vaillant de la Macedoine. Saxo Germanicus, remarque vn dueil au v. Liure de son Histoire, & dit qu'Hithinus & Hoginus se battirent en dueil, que celui-là donna la vie à Hoginus; mais qu'ils se tuerent tous deux sept ans apres, pour s'être opiniastrez à se rebatre. Vn Scythe, & deux Persans furent défaits par Scanderberg en presence d'Amurath; & Pyrrhus Roy des Epirotes, défié par vn Cheualier Mammestin, qui estoit vn des plus vaillants de toute l'armée de Sicile, le coupa en deux pieces, selon Plutarque. Guillaume, Comte d'Angoulesme, fit vn coup pareil de son coutelas, sur vn Cheualier Normand armé de toutes pieces, & fut nommé depuis Tranchefer, par ce coup estrange. Acron fut défait
par

par Romulus, & dépoüillé de ses armes, à la teste de leurs armées : Les Curiaces furent vaincus par les Horaces; Viridomare & Briomare par Marcellus; le General de la Caualerie des Fidenates, par Cornelius Cossus; vn Gaulois, par Valerius Coruin, aydé d'un Corbeau, qui par vn prodige estrange, combattoit son ennemy, & le becquetoit au visage. Vn autre Gaulois fut vaincu par Manlius Torquatus; & Quintus Corrus, défit deux Espagnols l'un apres l'autre.

Aradion fut tué par l'Empereur Probus en dueil : Alaric Roy des Gots par Clouis; Amaury Roy des Gots par le Roy Childebert, & Clotaire II. tua Bertier Roy des Saxons, ou des Senes. Il y eut vne chose assez remarquable du tēps de Charlemagne, & d'Ayrolant Roy des Sarrazins. Ce Roy & cet Empereur demeurèrent d'accord; que quelques Cheualiers de leur armée vuideroient leurs differents, & que les vainqueurs imposeroient la Loy aux vaincus dans tout ce qui regardoit leurs interests, sans en excepter mesme la Religion, & ce qu'il y auoit de plus saint entre les hommes.

Les Chrestiens furent les vainqueurs; de sorte qu'Aygotant ; & les Sarrazins embrasserent aussi-tost la Religion Chrestienne. Mais comme ce Roy vit disner vn iour douze pauures au pied de la table de Charlemagne , & qu'il se fut enquis quels estoient ces gens de mauuaise mine, & mal-habillez; & qu'un Aumosnier luy eut respondu , apres vne meditation ridicule, que c'estoient les Messagers de Dieu; il repassa les Pyrenées , reprit son premier culte, & ne voulut point demeurer dans vne Religion, dont il falloir, dit-il, que le Dieu fut bien petit, puis que les Messagers en estoient si misérables.

Estienne Barellas , dans son *Histoire* des Comtes de Barcelone , parle d'un combat qui se fit en camp clos, avec les ceremonies anciennes, entre Zinofre de Arria, Cheualier Chrestien, fils de Dom Bernardo Barcino , Domte de Barcelone, & un Cheualier More nommé Bulzarro, qui fut tué par Zinofre , apres auoir défit tous les Cheualiers Chrestiens dans la creance qu'il eut, que tout le Christianisme ne pouuoit fournir vn homme, qui fust capable de luy resister. Paul, Diacre, n'a pas oublié l'ordéy du Roy Caniberr, pour

pour vuidier par vn combat particulier, le different qu'il auoit avec Alachis, qui l'auoit chassé de son Estat, & qui l'auoit remply de ses cruautéz, & de ses meurtres. Guillaume Duc de Normandie, surnommée le Conquerant, qui commença vne nouuelle lignée des Roys d'Angleterre, n'en fit pas moins contre Harold; & du temps de l'Empereur Othon, le dueil decida la question, que le droit n'auoit pû vuidier; Si à l'aycul, les enfans des enfans decedez, succederoient avec leurs oncles. La Fortune fut pour ceux qui soustenoient la cause des enfans des freres morts; & Tite Liue, & Valere Maxime, parlent d'une succession pareille; qui fut terminée par ce moyen, mesme deuant Scipion, entre Cornubis & Osna freres. Gautier, Gouverneur de Cezarée dans la Terre Sainte, apres uoir accusé de trahison Hugues, Comte de Lasse, s'offrit de preuuer par vn dueil, qu'il auoit esté traistre en effect; & Guillaume, Archeuesque de Tyr, de qui nous apprenons cette particularité, nous dit encore au neuuiesme Liure de son Histoire, que Godeffroy de Bouillon, se battit contre son parét pour

vne

une vente, dont ils ne tomboient pas d'accord, & contre quelques autres à diuerfes fois, & qu'il rendit dans tout ces combats, des marques d'une vaillance extraordinaire. Albert Crantz remarque dans son Histoire, que la Iutie fut unie au Dannemarck, par un duel, dans lequel Roë Roy de Dannemark triompha du Prince des Saxons Hunding; & dit qu'Vffon, fils de Vvermond Roy de Dannemark, eut le mesme aduantage contre le fils du Roy des Saxons, & contre un autre Cheualier; qu'il les combatit tous deux à la fois, & que cet heureux succez attira sur luy les yeux & l'admiration de tout le monde.

André du Chesne nous apprend dans son Histoire d'Angleterre, que Gunhilde, sœur de Canut second du nom Roy d'Angleterre, fut mariée à Henry fils de Conrad le Salique, Empereur, & qu'estant accusée d'adultere. Elle se mit en estat de preuuer son innocence, par un combat de seul à seul, en camp clos: mais comme elle vid que son accusateur estoit d'une taille de Geant, & que cette grandeur effroyable faisoit trembler tous ceux qui estoient obligez de la defendre,

fendre, elle interessa dans la querelle vn petit garçon qu'elle auoit amené d'Angleterre. Celuy-cy, qui ne pouuoit presque pas porter les mains plus haut que les jambes de son ennemy, luy coupa les iarrests adroitement, & preuua par vn si beau coup, que la force est bien souuent inutile, où la ruse est mise en vſage, & que ce n'estoit pas tousiours aux foudres, & aux tempestes à renuerser les Colosses & les Chesnes. L'Imperatrice rauie que sa vertu esclatast par vn moyen qui deuoit acheuer en apparence de la rendre criminelle, quitta l'Empereur dès l'heure mesme, & ne le receut iamais depuis en sa couche, quelques menaces & quelques prieres qu'on luy pust faire; ne voulut plus qu'vn Cloistre pour tout Palais; & fit voir en effect par là, le sentiment de cette Romaine, qui disoit, que ce n'estoit pas assez à la femme de Cesar d'estre chaste, mais qu'il ne faillloit pas mesme qu'elle fut suspecte. Il y eut vn duel entre Geoffroy Baynard accusateur, & Guillaume Comte d'Eu accusé du crime de leze-Majesté, l'an 1096. lors que le ieune Guillaume Roy d'Angleterre, tenoit vne assemblée fort cōsiderable

dans la Ville de Salisbery. Baynard eut l'aduantage du dueil; le Comte d'Eu eut les yeux arrachez, & les parties qu'on ne peut nommer honnestement coupées apres sa défaite; & son Escuyer fut pendu, apres auoir esté fouetté iusques à la cruauté derniere.

Quelque temps apres que le Pape Jean fut retiré du Concile de Constance, il y eut vn dueil fameux entre Frideric Duc d'Austriche & le Comte Herman de Cylin, plus pour la gloire des armes, que pour vne haine particuliere. Le Duc d'Austriche y eut l'aduantage, à la veuë de tous les Prelats, l'an 1418. le vingt-deuxiesme de Mars, & le Comte de Cylin y receut vne blesseure tres-dangereuse.

Lorsque le Roy de France Louys XII. faisoit la guerre en Italie contre le Pape Iules, il y eut deux dueils considerables; l'vn de Dom Peralte Espagnol de l'armée du Pape, contre Dom Aldorane du mesme pays, qui tenoit le party du Roy; & tous deux y furent extrêmement blessez, & y seroient morts, si on ne les eût tirez de leur camp, dont les clostures estoient de neige. Le second dueil fut de deux
Albanois,

Albanois, dont l'un tenoit le party de Iules, & l'autre de Louys XII. Ils estoient armez de toutes pieces, à l'Albanoise, l'Estradiotte à la manche, & le cha peau au poing; & pour vous dire ce qu'ils firent, dit le Marechal de la Mark dans son Histoire, l'Albanois du party du Pape courut sus à l'autre, & luy froissa l'espaule; l'Albanois du costé des François, quand il se vid en cet estat, prit son Estradiotte comme une laneline, & la luy boucha en la gorge, & tousiours le poursuiuit, tellement qu'à la fin à grands coups de masse d'armes, il le tua, & fut grand dommage; car ils estoient estimez tous deux gentils compagnons entre les Albanois. Il ne s'est veu iamais vn coup plus estrange que celui que d'escrit du Villars, en faueur de Montchal de Viualets, qui perça de sa lance d'outre en outre la selle de guerre armée, le brassard, & la cuirasse du Cheualier Caraffe, neveu du Pape Paul IV. Sous le regne de François I. le Cheualier Bayard, après auoit combattu à cheual le Seigneur Hiacinthe Simoneta dans le Milanois, se batit à pied dans le Royaume de Naples, & tua Dom Alonzo de Santo Maiore, de la maison de Cordoue.

Long-temps auparavant il y eut vn combat de Geoffroy, surnommé Grise-gonnelle, contre Berthole frere du Duc de Saxe, sous le regne de Robert, que les curieux trouuerót dans Belle-forest, au troisiéme Liure de son Histoire. Audiguier en son Traité du Dueil, dit que Gontran Roy de Bourgogne, trouua les brisées d'un buffle qu'on auoit tué lors qu'il alloit à la chasse, par les forests des montagnes de Voë. Le Roy en colere, fit prendre le principal Forestier, ordonna qu'on l'appliquast à la torture, & qu'on arrachast par la force des tourmens, la verité qu'on ne pouuoit decouurir, ny par les remonstrances, ny par les menaces. Il accuse enfin Chaudun, Chambellan du Roy, qu'on mena prisonnier à Chaalons : On le condamne à la question, il la souffre sans confesser aucune chose, & demande le combat. Le Roy luy accorde ce qu'il souhaite : mais comme il estoit malade, il presente son nepueu, qui blesse le maistre des forests d'un coup de lance. Il se iette aussi - tost sur luy, & comme il veut luy couper la gorge, avec vne dague qu'il auoit à sa ceinture, il se la fait entrer dans

dans le ventre , à force de se tourmenter & de se debattre avec l'autre. Tous deux rēdirent le dernier souſpir dans le camp; & Chaudun prend la fuite au premier recit de cette aduanture. Le Roy crie qu'on coure apres : On le prend comme il ſe veut ſauuer dans l'Eglise de S. Marcel; il eſt attaché à vn poteau par l'ordre du Roy ; & lapidé par le peuple; & trois hommes aſſez conſiderables meurent de la ſorte pour vn buſſe. Alphonſe Vllōa dans ſon Liure , *Del vero honore militare*, dit qu'un Gentil-homme Alleman , Maistre de la Garderobe de l'Empereur Henry V. deuint amoureux de l'Imperatrice Matilde, ou Metille, femme de ſon maistre, & fille du Roy d'Angleterre, Celui-cy prend ſon temps pour luy parler de ſon amour: Elle le rebute & le menace , & luy conſeille de ſe défaire d'une paſſion qui luy doit couſter la vie. Son amour paſſe en fureur, il accuſe Matilde d'adultere , s'offre de preuuer ſon accusation par vn combat, & ce qui n'eſt pas moins eſtrange, il n'y eut aucun Cheualier qui ſe miſt en eſtar de ſouſtenir l'honneur de l'Imperatrice, quoy qu'on en euſt porté la nouuelle en Allemagne,

en Italie & en Angleterre. Raymond Berenger, Comte de Barcelone, touché du mal-heur de l'Imperatrice, s'en alla quelque temps aptes, inconnu à la Cour de l'Empereur, prit vn habit de Religieux, pour voir Matilde qui estoit prisonniere dans vne Tour; luy parla, sans se faire connoistre ny par son nom, ny par son dessein; & ce iour-là mesme combattit l'Alleman, & le força de reconnoistre l'innocence de l'Imperatrice, & de confesser son crime. Apres cette action glorieuse, il s'en retourna sans vouloir estre connu; & quoy que Henry V. & Metille le fissent par tout chercher, pour reconnoistre sa vertu, il se contenta de la ioye secrete d'auoir fait ce qu'il deuoit faire, & ne voulut point d'autre prix, ny d'autres loüanges. Quelques Historiens escriuent pourtant le contraire, & foustiennent que l'Empereur luy fit vn don de la Comté de Provence, & qu'elle passa par ce moyen dans sa maison.

Quelques siecles auparauât, Archambaud Vicomte de Turenne, fit plusieurs dueils, & se battit mesme pour defendre l'honneur de Marie d'Arragon, femme
de

de l'Empereur Othon III. qui estoit
accusée d'adultere. Il fut heureux dans
ses combats; & la vertu de l'Imperatri-
ce fut infiniment redeuable à celle du
Cheualier qui la protegea contre tous
ceux qui en vouloient faire vne crimi-
nelle. Ce fut la mesme pourtant qui
accusa le Duc de Modene de luy auoir
parlé d'amour, & qui le fit mourir, pour
auoir supposé ce crime. La veufue de ce
Duc, irritée de cette imposture, & de
l'accidēt qui l'auoit fuiuy, en demāda iu-
stice à l'Empereur quelque temps apres,
dans l'assemblée generale qui se faisoit de
toute l'Italie sur le Pau, proche de Plai-
sance. Elle s'offrit de preuuer l'innocen-
ce de son mary, par le feu ardent, selon
l'usage du temps, & la verité ne fut pas
plustost reconnue, que Marie d'Arragon
fut brûlée l'an neufcēs quatre-vingt six;
& que cette illustre veufue fut recompe-
sée de quatre Chasteaux, & loüée de tous
ceux qui croyoient la deuoir plaindre.
Les delicats suspendroient icy leur cré-
ance, si l'Histoire n'en estoit confirmée
par Viterbe dans sa Chronique Vniuer-
selle; par Sigoigne dans son Histoire
du Royaume d'Italie; & par Strada dans

la vie de l'Empereur Othon. III.

Gondeberge, Princeſſe Françoisſe, eſpouſe d'Erriolde Roy des Lombards, auoit à ſa ſuite vn Gentil-homme Lombard nommé Adalulphe qu'elle eſtimoit fort, & qui deuint ſi orgueilleux de cette eſtime, qu'il oſa prier la Reyne d'amour. Gondeberge eſtonnée de ſon diſcours, luy crache au viſage, & menace de mort cét insolent & ce temeraire, qui pour la preuenir aduertit le Roy, que la Reyne en vouloit à ſa liberté, qu'il priſt garde à ſes intelligéces ſecretes, & qu'elle auoit deſſein de l'empoisonner, pour eſpouſer Taſo, Gouverneur de la Toſcane. Le Roy fait mettre Gondeberge dans vn Chasteau, & ſ'asſeure de ſa perſonne, au premier rapport qui luy eſt fait de cette conſpiration par Adalulphe. Le Roy Clotaire dernier, enuoya des Ambaſſadeurs à Erriolde, pour luy remonſtrer qu'il ne deuoit pas auoir emprisonné cette Reyne qui eſtoit ſa parente, pource qu'elle deſcèdoit des Roys d'Auſtraſie, de la Maïſon de France, & qu'elle ne pouuoit eſtre punie d'vn crime d'ôt elle n'eſtoit point conuaincuë. Lance-lot, l'vn des Ambaſſadeurs, obtint du Roy

Roy qu'un des seruiteurs de cette sage & belle Reyne, appelleroit l'accusateur en dueil, & ce fut lors qu'Aribert cousin de la Reyne, offrit son gand pour gage de bataille. Adalulphe leua ce gage, mais il fut vaincu par Aribert, & pendu depuis, & la Reyne apres trois années de prison; fut deliurée de ses craintes & de ses peines. Sous le regne du Roy Louys le Begue, vne Comtesse de Gastinois, femme d'Ingelger, marraine d'Ingelger Comte d'Anjou, fut accusée d'auoir aydé à la mort de son mary, massacré dans son liét, & trouué mort auprès d'elle. Gontran, le plus proche parent du mort; estoit l'accusateur; & quoy que la Comtesse de Gastinois offrit de se iustifier par serment; le Roy trouua cette aduantage si estrange, qu'il ordonna qu'elle chercheroit vn homme pour sa defense. Lors qu'ils ne restoit plus d'esperance à la Comtesse, & qu'elle ne trouuoit personne pour elle. Ingelger, Comte d'Anjou son filleul, qui n'auoit que seize ans, s'offre de combattre Gontran, le plus vaillant & le plus estimé de son siecle, l'attaque en presence du Roy & de la Cour, l'abbat, luy coupe la teste,

deliure la Comtesse de prison, & luy
sauue d'un mesme coup l'honneur &
la vie.

Je ne parle point icy des dueils à ou-
trance, qui se sont faits autrefois à l'hon-
neur des Dames. On n'a qu'à voir He-
rodote, qui dit que Calisthenes Tyran de
Sicione, fit publier aux jeux Olympi-
ques, qu'il donneroit Agaristia sa fille à
celuy qui gagneroit la victoire. Ce cry
public obligea treize Princes de s'y venir
espreuuer; & comme Calisthenes l'auoir
promis, elle fut donnée au plus vail-
lant homme, Idas, & Lynceus, se ba-
trent contre Castor & Pollux, pour les
filles de Leucippus; Hercule se battit
contre Achelous, pour Dejanire; & The-
fée, contre le Minotaure pour Ariadne.
Il y eut dueil entre Menelaus & Paris,
pour la belle Helene; Agamemnon, &
Achille en eurent vn autre pour Briseis;
& Virgile n'oublie pas celuy d'Ænée, &
de Turnus, pour Lauinie.

Vn volume étier pourroit à peine suf-
fire, si ie voulois particulariser les duels
de Dom Jean de Pimentel, de Saintré, de
Tristan de Roye, de Dom Ferdinand de
Gueuare, contre Vourapach Cheualier
Alleman;

Alleman; d'Eurad de Medicis Cheualier
François; cōtre le Geant Mugel; du Che-
ualier Bayard, des Seigneurs de Mondra-
gon, de Torfi, & de Chabanes. Je ne par-
le point de celuy de George Soniberg,
contre Athomarie Rossy, fils du General
de l'armée Venitienne, du temps de l'Em-
pereur Frederic; de celuy du Seigneur de
Vassé, contre Dom Sanche de Leue, l'an
1577. de trois combats de Iean le Main-
gre, surnommé Boucicaut, contre Sicard
de la Barde, contre Pierre de Courtenay,
& contre Thomas de Clifort; de Galior
de Baltazin, contre Ternand; de Iean, de
Boniface, contre Iacques de Lalain; de
Girard de Rouffillon, ny de celuy de
Iacques d'Auanges. Nous pourrions res-
susciter icy Dom Roderic Telles Giron,
Grand Maistre de l'Ordre de Calatra-
ne, contre le vaillant Muce, frere ba-
stard d'Audalle, surnommé Petit Roy
de Grenade; Le Malique Alabez, Gou-
verneur de Velez, contre Dom Manuël
Bonce de Leon Cheualier Chrestien;
Garcilas, Sarxai Veniers; la Perrine &
Vanlay, sous le regne de François Pre-
mier; La Chasteneraye, & Iarnac, d'A-
guerre & Fendilles; Guido Piouena, &

Bellegarde; Monsieur de Nemours, & le Marquis de Pescaire. Nous trouuerions le combat de Caylus, de Maugiron, & Liuarot, cōtre Entraguet, Riberac, & Schomberg sous Henry troisième, qui fut le premier où les seconds commencēt à se battre. Nous verrions le Baron de Biron, depuis Mareschal de France, avec Loignac & Ianiffac, contre Carancy, Estissac, & la Bastide; Marolles, contre l'Isle Meriuaut; Sainct Iust, contre Fossé, sous le regne de Henry le Grand; Breauté, contre Leckerbeetien; Crequy, contre Dom Philippe, bastard de Sauoye; Villemor, contre des Fontaines; le Comte de Saut cōtre Nantoüillet; Bressieux, contre Balagny, Varaines, contre Lartigue; le Cheualier de Guise, contre les Barons de Lux pere & fils; & vne foule horrible de gens de toutes conditions, & de tous aages, que la mort reçoit encore tous les iours par les mains de la Fortune. Mais c'est trop s'entretenir de cette vaillance brutale, & de cette vertu enragée; il faut passer des armes aux lettres, & du champ de bataille, à l'Academie.

D E S

*Des mal-heurs qui sont arrivez
aux Scamans.*

CHAPITRE XI.

LE ne puis comprendre pourquoy les plus grands hommes ont fait si peu de cas des Sciences, quand ils y sont deuenus maistres, & par quel principe ils nous ont voulu faire horreur d'une chose, dont ils ont tiré leur plus grande gloire. Nous lisons chez Philostrate, qu'Euphrates conseilloit sur tout à Vespasian de rejeter toute autre Philosophie que celle qui se mesloit des secrets de la Nature; & Varron disoit qu'il n'y auoit point de songe, de réuerie, ny rien de si sot, qui ne nous eust esté laissé par quelque secte. Tertullien nomme les Philosophes, les patriarches de l'Hereſie; Agrippine persuadoit à Octauian de les euter; & l'Empereur Valentinian, Heraclides Litius, & Philonides les appelloient des pestes publiques. Sylla & Neron, se repentirent de l'apprentissage qu'ils auoient fait dans les lettres : Michel

chael le Behue en défendit l'exercice ; & chacun ſçait qu'un de nos Roys ne voulut pas que ſon fils ſceuſt plus de trois mots de Latin , qui rendoient ce ſens, que, *Qui ne ſçait pas diſſimuler, ne ſçait pas regner.* Il eſt vray que nous auons dans les belles Bibliothèques pluſieurs ſorties des premiers ſiècles ; que ceux-là n'ont pas fait beaucoup pour eux, ny pour no^s ; quand ils ſe ſont trauaillez à nous faire vn Liure du Z, pour nous l'expliquer ; à nous monſtrer ſi l'H, eſtoit vne aſpiratiō ou vne lettre ; ſi Penelope fut impudique ; & que Didymus , qui a eſcrit quatre mille volumes , pouuoit s'employer plus vtilement qu'à taſcher de nous deſcouvrir en quelques-vns , de quel pays eſtoit Homere, qui eſtoit mere d'Ænée, ſi Sapho fat Courtiſane publiq ; & ſi Anacreon, dont il a voulu balancer la luxure & l'yurōgnerie, aymoît mieux le liēt que la table, D'autres en ont fait d'auffi ridicules, mais il faut auffi cōfeſſer que nous auons de beaux reſtes de l'Antiquité, que leurs eſprits ont formé les noſtres, & que nous euſſions ſceu moins de belles choſes ſ'ils en euſſent moins eſcrit. Cependant ils ont tous eſté mal-traittez, ou de l'Enuie,

l'Enuie , ou de la Fortune, On a remarqué de grands vices dans leurs mœurs, & de grands defauts dans leurs Liures, & leur mauuaife reputation n'a esté que la moindre de leurs disgraces. Pythagore estoit allé iusques en Perse; pour apprendre la Magie; & comme Cneus Terentius le Greffier, eut trouué dans son champ, le corps & les liures de Numa escripts sur l'escorce de l'arbre nommé Papyrus, cinq cens trente cinq ans apres le mort, & qu'on eut veu qu'ils ne contenoient que les opinions de ce Philosophe; Petilius le Preteur, les fit brusler par son ordonnance. Socrate, qui par l'Oracle d'Apolon, fut seul estimé sage d'entre tous les hommes, fus toutefois assez innocent pour espouser par pitié la fille d'Aristides nommée Mirtho, pource qu'elle ne treuioit personne à se marier, quoy qu'il en esponsast vne autre en ce mesme temps; & passe chez Ciceron pour vsurier; chez Platon pour inconstant, & pour obscur, chez Zenophō, & chez Athenée pour ignorāt, chez Aristophane pour malicieux, & chez le Magicien Tiramus pour Larrō, pour Barbare, & pour Adultere. Platon, qui est appellé de

Clement

Clement d'Alexandrie; le Moysé d'Athanes, & d'Arnobé, le Philosophe Chrestien, n'est pas estimé sage de S. Hierosme, & quelques-vns apres luy, comme Sealiger, ont crû qu'il y auoit aussi peu de ceruelle dans sa teste, que de methode dans ses Dialogues. Xenophon dit, qu'il eut part aux abominations d'Egypte; Athenée l'accuse d'Enuie: Aristophane d'Impieté: Theopompe de Mensonge: Suidas d'Auarice: Aulugelle de Larcin, & Porphire d'Incontinence. Aristote, qui a escrit selon quelques-vns, quatre cens Volumes, & qui pour le Liure des Animaux qu'il composa, receut d'Alexandre huit cens talens, qui valent quatre cés quatre-vingts mille escus, n'a pas esté en plus grande veneration que les autres; & Laërce, Tertullien au Liure de l'Ame; Albert le Grand, au Miroir de l'Astronomie: Auerroës dans sa Poëtique. Lactance au Liure de la Iustice: Cicéron & Plutarque, ont fait ce qu'ils ont pû pour rendre son ambition, son ignorance & sa vanité publiques. Quelques-vns ont crû qu'Homere n'estoit pas Auteur de l'Iliade: mais vn Poëte nommé Lechez, ou bien Elorine de Samos:

& Theuet, tient qu'il a pris tout ce qu'il a fait, d'Hesiodé, fondé sans doute sur cette raison, que celui-cy a le premier écrit de la nature, & de la Naissance des Dieux; & qu'Aristophane, parlant des plus anciens Poëtes, a commencé par Orphée, par Musée, par Hesiodé, & par Homere. L'Empereur Claudius n'é pou-
uoit souffrir les vers, & comme Platon l'auoit chassé de sa Republique; Adrian fit tout ce qu'il put pour supprimer son ouurage, & pour abolir sa memoire, quoy que Cleomenes en parlast plus sobremment, quand il disoit qu'Homere estoit le Poëte des Lacedemoniens, pource qu'il enseignoit à faire la guerre, & qu'Hesiodé estoit celuy des Ilotes, qui estoient de pauvres esclaves, pour ce qu'il traitoit de l'Agriculture. Sophocle fut appelé en Iustice par ses enfans, pour estre pourueu de curateur comme vn insensé; vne Dame nommée Corinna; qu'Eurigide auoit défiée publiquement à Thebes, à faire des vers, emporta six fois le prix sur luy, & pour les Poëtes Grecs; en vn mot, la pluspart blasment les Comtes d'Hesiodé, l'inégalité de Sophocle, la vanité de Pindare, & le trop de l'agage d'Euripide.

d'Euripide. Eunius a passé pour vn yu-
 tongne ; Horace se mocque de Plaute ;
 Virgile n'a point eu d'invention de scien-
 ce, ny de iugement, s'il faut s'en rappor-
 ter à Carbilius, à Pline, à Seneque, & à
 S. Hierosime. Horace est rempli de tant
 d'obscuritez, & de tant de fables, que
 Sainct Ambroise fit brusler ses œuures ; &
 Quintilien, Martial & Seruius, ont sou-
 tenu qu'on deuoit plustost mettre Lucain
 au nombre des Orateurs, que des Poëtes.
 Tous presque lisent le Liure de Pline,
 comme s'ils lisoient vn Roman : Celuy-
 cy ne peut souffrir Diodore ; & Vopiscus,
 au commencement de son Aurelian, sans
 en excepter mesme Saluste, Tite Liue,
 & Tacite, dit qu'ils ont esté tous men-
 teurs, pour ce qui regarde l'Histoire. He-
 rodote & Plutarque, sont soupçonné de
 flaterie ; & Iosephe vouloit qu'un Histo-
 rien, pour ne point mentir, fut sans pa-
 trie, sans ville, & sans Roy.. Ciceron,
 qui sème bien tard, & qui s'échauffe
 bien taremment, a laissé quantité de fautes
 dans ses ouurages, il est froid en ses ren-
 contres, lent en ses exordes, long en ses
 digressiōs, & n'a pas pratiqué toutes les
 regles de l'art, selon Seneque, selon Lipse,
 selon

ſelon Muret , & ſelon le Bembe. Grac-
chus ne pouuoit rien faire ſans ſon eſcla-
ue. Quintilien vendoit tout ce qu'il ſça-
uoit : Vatron eſtoit pris pour vn pour-
ceau , par Rhemius Palamon : Apulée,
pour vn ignorant par l'Empereur Seue-
re; & ſ'il falloit examiner tous les autres
Orateurs, on ne trouueroit de cete ſorte,
que des productions imparfaites. C'eſt
beaucoup, que pour deſhonnorer les Phi-
loſophes , on crie par tout qu'on doute
trop chez Platon, qu'on raffine trop chez
Ariſtote, qu'on eſt trop ſeuere chez Ze-
non, & trop diſſolu chez Epicure. C'eſt
bien d'auantage, que les Poëtes ſoiēt des
fourbes, & les Orateurs des mercenaires,
& les Hiſtorienſ des aſclauſ. Mais c'eſt
bien plus encore, que la pluſpart de tant
de grands hommes ſoient morts dans la
honte, & dans les tourmens; qu'ils ayent
trouué des tyrans & des bourreaux, où ils
deuoient trouuer des amis & des prote-
cteurs, & que ces merueilles de la Natu-
re, ayent eſté le jouet de la Fortune. Ne-
ron , par les perſuaſions de ſon fauory ,
fit mourir Plaute , petit fils de Druſus,
pour s'eſtre mis du rang des Stoïques;
& le tyran Phalaris commanda qu'on
oſtaſt.

osta la vie à Zenon, qui estoit autheur de leur secte. Anaxagoras, Phocion, & Socrate, furent empoisonnez par l'ingratitude de leur patrie; & le Poëte Pantaleon, fut enfermé dans vne cage de Bellette, & promené par tout iusques à la mort, comme vne beste sauvage; pour auoit osé parler de la vie d'Arsiure, femme de Lisimachus, sous pretexte de l'instruire, & de la reprendre. Anaxarche, par la cruauté de Nicocreontes fut pilé tout vif dans vn mortier; Archimede fut tué par les Soldats de Marcellus dans ses figures; Pythagore assassiné au milieu de soixante de ses disciples & Platon vendu comme vn esclaue, par Denys de Syracuse. Aristote se noya dans l'Eurippe de desespoir; Balde mourut enragé; Seneque se fit couper les veines pour obeyr à Neron, qui vouloit sa mort absolument; & Cicéron eut la teste, la langue, & la main tranchées, par le commandement de Marc-Antoine: Asinius fut mis en pieces, du temps de Tybere: Le Iurisque Papinian perdit miserablement la vie, par l'ordre d'un Empereur; & le grand Hermolaus Barbarus fut banny de Venise, pour auoir accepté trop

trop ſecretement le Patriarchat d'Aquilée. Pierre Leon de Spolette, ſe ietta dans vn puis: Thomas Morus eut la teſte tranchée en Angleterre: Eraſme mourut en exil: Heſiode fut aſſommé au coin d'un bois; & Sauanarola bruſlé à Florence, par l'ordre du Pape Alexandre. Eutipide, apres auoir ſoupé chez le Roy Archelaus, fut mangé par les chiens: Le Poète Alcman, Pherecides le Theologien, & le Iuriſconſulte Mutius, par les poux; & l'on fit creuer Auerroës, d'une grande rouë qui luy paſſa ſur le ventre. Domiſte Caldery fut emporté par la peſte: Anacreon fut eſtranglé d'un grain de raiſin: Anachariſis fut eſtouffé d'une apoplexie; & le bon-hôme *Æſchile* eut la teſte eſcraſée d'une tortuë, qu'un aigle laiſſa tomber au milieu de la campagne. Thales eſt mort de ſoiſ: Iean Tiffier, qui s'eſtoit rendu recommandable, & qui s'eſtoit fait connoiſtre de tous coſtez par ſes œuvres, expira dans vn Hoſpital: & les deux plus grands hommes de noſtre ſiècle, *Lilius Gregorius Giralduſ* en Italie; & *Sebaſtianuſ Caſtaliuſ* en Allemagne ne fuſſent pas ſi toſt morts, ſ'il euſſent eu de quoy ſe nourrir. *Ouide*
acheu a

acheua miserablement ses iours; Archilous, apres auoir esté fouietté publiquement à Lacedemone en fut exilé, pour auoir osé soustenir qu'il estoit plus glorieux de rendre ses armes, & de quitter son bouclier, que de mourir au combat: Empedocle, se brusta dans le Mont - Gibel, & le petit Esope fut précipité, comme vn voleur, du haut d'vn rocher, par les habitans de Delphes. Amphicrates, apres auoir esté banny d'Athenes, de Seleucie, & d'Armenie, se laissa mourir de faim: Democrite se creua les yeux, Asclepiade se rompit le col: Leoninus & Catulle se noyerent dans des puits, & Politian pour acheuer ses malheurs, s'ecrasa la teste contre les murailles. Le poëte Cassie fut massacré dans sa chambre par Quintilius Varrus, par le commandement d'Auguste: Homere & Diodore creuerent de dépit, celui-là pour n'auoir pû expliquer l'Enigme que luy proposoient des pescheurs; & celui-cy, pour n'auoir pû respondre à la demande de Stilbon, Adrian fit executer ce grand Architecte Apollodore; & Denys de Syracuse fit mourir cruellement le Poëte Philoxene, pour auoir repris yne piece qu'il auoit

fait

fait avec plus de science, que de modestie. Heraclite, qui durant ses gouttes & les autres incommoditez, s'estoit fait coudre dans vne peau de bœuf, fut mangé des chiens qui le prirent pour vne bête : Bartholomeus Clocles fut esgorgé par l'ordre d'Hermes, cependant qu'il luy predisoit sa bonne aduantage; & le Philosophe Callisthene rendit l'ame dans les tourmens, pour auoir refusé d'adorer son maistre Alexandre comme les autres. Enfin, si lon s'arreste aux plus grands hommes des siècles passez, on trouuera que leur mort est digne de nostre estonnement & de nos larmes; que les plus hautes sciences ont esté les moins reuerées, & que ceux qui ont enseigné les plus belles choses, en ont souffert les plus iniustes, & les plus cruelles.

Des mal-heurs qui sont arrivez aux Dames, qui estoient considerables par leur Vertu, par leurs Dignitez, ou par leur Naissance.

CHAPITRE DERNIER.

C'Est vne chose estrange; que le plus beau sexe de la Nature, n'ait pas esté le plus respecté de la Fortune, que cet agreable fleau des hommes en ait esté l'amour & l'horreur, & que l'Histoire nous apprenne, que tant d'Illustres & de nobles Dames, soiét deuenües les victimes de la tyrannie, & de la vengeance. Tybere, qui faisoit ses diuertissemens d'adulteres & de reuoltes, ayant esté touché de la beauté de Mallonie Dame Romaine, enuoya quelques-vns de ses Gardés pour la corrompre, ou pour l'enleuer & comme ces infames, apres plusieurs outrages, l'eurent traîsnée en son Palais, il fit tout ce qu'il put pour se l'acquérir par ses flateries, & par ses promesses. Cette belle chaste, qui n'aymoit pas tant son
Empereur,

Empereur, que sa propre reputation refuse tout à ses prieres, & à ses menaces, rebute ses cajoleries & ses efforts, & luy tesmoigne qu'elle ne doit point d'obeissance iusques à trahir pour luy son bonneur & sa vertu. Tybere prenant ses raisons pour autant d'iniures, la fait aussitost violer par ses domestiques; & comme il auoit inutilement cherché toutes sortes de moyens pour en assouvir sa passion, il trouua celuy-là pour en assouvir sa cruauté. Mallonie s'en retourne chez elle dans ce desespoir, où ne pouuant parler par l'excez de la douleur, qui ne luy permettoit pas d'exprimer s^{on} ressentiment, elle se tuë, pour le faire connoistre à tous ceux qui se mettoient en peine de l'apprendre, & triomphe en se perdant, de l'insolence, & de la rage de ce barbare. Iustine, qui passoit pour vne des merueilles de Rome, fut aussi malheureuse, & ne fut pas plus coupable; ses parens commencerent ses disgraces, & son mary deuint son bourreau. Pour n'estre pas desobeissante, elle fut contrainte d'espouser vn homme qui ne pouuoit s'imaginer qu'elle pust estre longtemps si belle, & si vertueuse qu'elle

puſt donner tant d'amour ſans en recevoir; & que par vn priuilege particulier, elle accordaſt ſi hereuſement la galanterie avec la ſageſſe. Comme il la conſidere de près, il prend ſes careſſes pour de belles feintes, la Modestie pour vne trahiſon ſecrete, & la froideur pour vne haine apparente. Si elle l'embrasse, il ſe la figure impudique, & ſi elle ne l'embrasse pas, il la trouue ſon ennemie. Elle luy ſemble trop melancholique à la maiſon, trop gaye, & trop libre dans les compagnies, trop curieuſe dans les Temples, trop ciuile dans les ruës, & par tout où il n'eſt pas, trop credule & trop effrontée. Sa ialouſie va bien plus auant.: Ne pouuant ſe deffaire de cette penſée, il ſe défait de Juſtine, luy paſſe ſon eſpée à trauers le corps, & la renuerſe morte par terre. Trebia mourut pour le meſme ſujet, mais tout autrement ſelon Poliphile. Apres auoir eſpouſé vn Gentil-homme, de qui les actions ne deſhonorioient point la naiſſance, elle trouua tant de ſatisfaction dans ſon mariage; qu'elle ne put ſ'empêcher de croire qu'il partageoit avec d'autres, la moitié de ſon amour, & de

de ses caresses. Elle reproche à son mary son inconstance & sa perfidie, sans en auoir eu des marques, & se tuë deuant luy d'un coup de poignard, avec ces dernieres paroles; Tu ne m'eusses point esté suspect, si mon genie ne m'eust parlé de son mespris ; Adieu, pour tout chastiment, ie souhaite que tu sois aussi heureux que ie t'ay esté fidelle. Verine, Dame de Cypre, qui pour sa beauté auoit esté promise à Selim, par son Lieutenant General Mahumet, apres qu'il eut emporté Nicosie d'assaut, se brûla pour ne pas tomber entre les mains de ce barbare, & Androchie, & Alcide, filles d'Antipene Prince de Thebes, se tuerent genereusement, pour empeschet par ce moyé l'entiere desolation de leur pays, & les dernieres ruynes de leur Ville. Eusebie se rougit ses mains delicates de son propre sang, pour ne pas contenter la passion de l'Empereur Maxence ; Rubellia, fille de Sextus Marius ayma mieux mourir que souffrir les caresses de Tybere ; & la chaste Ostone de Smyrne, fut tuée par vn Soldat, sur le tombeau de son mary, lors qu'elle l'arrosait de ses larmes. Comme Ce-

cinna Pætus fut condamné du Triumvirat, qui ne luy laissa que le choix du supplice pour toute grace; sa femme Aria voyant qu'il ne deuoit plus rien esperer, ny rien craindre, luy conseilla de ceder genereusement à la tyrannie, & d'obeir à la necessité sans cōtrainte, puis qu'il ne s'y pouuoit plus opposer sans honte. Apres luy auoir monstré par raison, que la mort n'estoit pas si horrible qu'il se la representoit; elle voulut luy faire encore voir par exemple, de force qu'ayant pris vn poignard, qu'elle auoit caché sous sa robe, elle se l'enfonça dans l'estomach, & le retirant tout sanglant, luy presenta sans confusion & sans trouble, avec ces dernieres paroles: Cecy ne m'a point fait de mal, mon cher Pætus, mais ce que tu vas faire me tuë. Sejanie, fille de ce mal-heureux fauory de Tybere, qui auoit esté promise à Clodius, eut vne disgrâce plus estrange; L'Empereur, qui ne croyoit perdre la memoire de cet ambitieux, qu'en perdant sa famille, tous ses parens & tous ses amis, ne regarda, ny son aage, ny son sexe, & ne considera point s'il estoit plus iuste de la plaindre, que de la punir.

nir. C'estoit assez qu'elle fust fille de Sejan, pour estre coupable, & que pour meriter la mort, elle regretast celle de son pere. Il la fit mourir, quel que innocente qu'elle pust estre; & comme s'il eust fallu quelque chose de plus grand que cette iniustice, pour tesmoigner son ressentiment, il la fit violer publiquement par le bourreau, au lieu mesme qu'elle fut estranglée. L'Histoire de Sulpice est moins horrible que celle de Sejanie, mais elle est digne pourtant de la suiure. Cette Romaine passionnée s'estoit déguisée en homme, & malgré le conseil de sa mere & de ses parens, s'estoit sauuée pour aller voir son mary Lentulus Crustelion, qui par la persecution du Triumvirat, auoir esté relegué mal-heureusement en Sicile. Elle n'y fut pas plustost reconnüe qu'elle y fut condamnée avec son mary: mais comme elle eut veu qu'on luy auoit donné le premier coup, elle s'eslance sur son corps, par vn excez d'amour incroyable; & s'estant percée le sein d'un coup de poignard, pour mourir avec luy, & pour preuenir la cruauté des bourreaux; Attends moy, luy dit-elle, mon cher espoux, ne me connois-

tu pas, ie suis ta Sulpice ? Ieanne, Reyne d'Espagne, & mere des Empereurs Charles-Quint, & Ferdinand, mourut en prison, pour auoir fait raser la fauorite du Roy Philippes son mary. Harmonie. fille de Gelon Roy de Syracuse, fut massacrée par son peuple; & Lays, cette merueille de Sicile, qui se fit des galands de tous les Philosophes d'Athenes, fut assommée par des femmes, qui ne la hayissoient, que pource qu'elle estoit trop belle. Lucrece se tua pour ne pas suruiure à son honneur; & Porcie, pour ne pas suruiure à son mary, aualla des charbons ardens, & se fit vn breuage de flamme; pource qu'elle ne trouua point autre chose à boire. Lors qu'Acolin, tyran de Padouë, eut pris Basiane, ville d'Italie, il y rencontra Blanche Rubea, qui pour vanger la mort de son cher espoux qui auoit esté tué sur la bresche, defendoit encore ce qui luy restoit de force & de liberté l'espée à la main, & le casque en teste. Cette Amazone moderne, auoit fait souuent l'office de Soldat & de Capitaine, elle auoit combattu pour elle & pour son pays, & n'auoit rien esparagné pour monstrier que la
vaillance

vaillance n'affectoit iamais de sexe, & que la pique n'estoit point des-honorée par la quenouille, Acolin, apres auoir admiré de loing s^{on} courage, admira bien plus encore sa beauté de prés: D'vsurpateur, il se rendit son esclau; & quoy qu'il pust s'en faire obeyr par droit de guerre, il ne chercha pourtant d'abord que les moyens de s'en faire aymer. Il la cajolle, il la presse, il la menasse, mais tous ses transports sont inutiles: Cette genereuse femme accorde en elle comme trois graces inséparables, la vertu, la vaillance, & la beauté & ne se sert plus de sa resolution, que pour l'opposer à la violence de cét amant, qui peut traiter avec elle en maistre. Mais enfin, comme elle reconnut par les apparences qu'elle étoit perdue, si elle ne se perdoit, & qu'elle vid qu'Acolin estoit resolu d'accorder tout à la tyrannie de sa passi^{on}, elle se precipite d'une haute fenestre dans vn jardin, pour s'échapper de ses maius infames, & pour luy monst^{rer} que la mort estoit plus aymable que luy; toutefois elle ne pust mourir pour lors, & la cheu^{re} luy fut desaduantageuse, pource qu'elle ne luy fut pas mortelle. Acolin la fait,
prendre.

prendre incontinent, & la fait lier, obtient de la force, ce qu'il ne pouuoit obtenir de ses demandes, & contente par ce moyen, son amour & sa vengeance. Rubea, qui dissimula son ressentiment, coniuira ses amis quelque temps apres, de luy permettre d'aller voir le sepulchre de son espoux, où elle ne fut pas plûtoſt arriuée, qu'elle commença de leuer la lame; se ietta sur le corps à demy mangé des vers, & tirant l'appuy qui ſouſtenoit la pierre du monument, s'ecraſa la teſte; & fit de cette ſorte elle-meſme ſa foſſe, ſon cercueil, & ſon tombeau. La ſage Agrippine fut contrainte de ſe faire mourir elle meſme par la cruauté de Tybete: Olimpias, mere d'Alexandre, Berſanes & Roxane furent eſgorgées, par l'ambition de Caſſander; Theſſalonice, mere de celui-cy, par l'ordre de ſon propre fils; Octauié & Popée, par le commandement de leur mary: & Lucie, ſœur de ce bon Druſus qui fut victorieux des Parthes mourut par vne aduanture inouïe. Comme elle tenoit ſon enfant entre ſes bras, il luy donna du poing innocemment contre le ſein; & luy fit entrer ſi auant vne eſguille, qu'elle auoit pour lors à ſa robe, qu'il la tua
lors

lors qu'il se pensoit iouïr avec elle. Vne
des filles de René Duc de Lorraine,
& femme d'un Roy d'Angleterre, apres
auoir esté bannie du Royaume, vescu
seulement d'aumosnes : La femme d'un
Chancelier de Bretagne, mandia sa vie
honteusement; & la mal-heureuse Hecubé,
mere de Priam, apres la victoire des
Grecs, fut contrainte, selon Seneque,
d'acheuer ses iours dans la seruitude.
Francilie, femme de Seruius Tullus, &
celle d'Eupolis Athenien, fils de Nicias,
furēt accablées de ruines de leurs cham-
bres, la premiere nuit de leurs nopces.
La femme de Bajazeth, seruit de diuertis-
sement à toute l'armée de Tamerlan: Anne
de Boulan, Reyne d'Angleterre, eut la
teste tranchée par un borreau; & Ma-
rie Stuard Reyne d'Ecosse, laissa la sien-
ne sur un eschaffaut, pour auoir esté soup-
çonnée d'intelligence avec l'Espagne.
Nous pourrions adjouster quantité d'e-
xemples d'une autre nature, comme au-
tant de marques de l'inconstance de tou-
tes les choses; mais nous en auons ap-
porté plus qu'il n'en faut pour réueiller
les plus stupides, & pour confondre les
plus incredules. Cependant, puis que
nous

nous auons veu par la decadence des plus beaux Empires , par la ruine des plus grandes Villes, & par les malheurs de tant d'illustres personnes, que la vail-
lance, la grandeur, les richesses, la science, & la beauté , sont des biens perissables, ou nuisibles; nous pouuons croire sans nous tromper, qu'il n'y a rien icy bas qui soit à l'espreuue des outrages de la Fortune; que nostre bon-heur deuient souuent nostre fleau ; & qu'il n'y a pas quelquefois plus de raison de souhaïter la prosperité, que de la craindre.

Ego Deus & non mutor. Malach. 3.



P E R M I S S I O N.



EV le Liure intitulé *le Tableau de la Fortune* Par Mr. CHEVREAU, cy-deuant Imprimé par le Sr. FRANÇOIS COMBA Marchand Libraire de cette Ville. Je n'empesche pour le Roy qu'il soit permis aux Sieurs GIRIN & COMBA Marchands Libraires en cette ditte Ville de reimprimer le-dit Liure, avec deffenses à tous autres en tel cas requises & accoustumées. Fait à Lyon le 23. Nouembre 1662.

VIDA V D.

C O N S E N T E M E N T.

S Oit fait suiuant les Conclusions du Procureur du Roy, les an & iour susdicts.

D E S E V E.

Accheué de Reimprimer en Ianuier 1665.




PINE

Alta 145 f 3a

~~Alta 145 f 3a~~

12 30 18



LAVORATORI 2 18 20

A. Lombardi

Via Venezia n. 12-14

Tel. 66603

104

